

上海辭書出版社
安徽教育出版社

第一三六冊



上海辭書出版社
安徽教育出版社

第一三六册



目錄

全宋文卷二九二六

慕容彥逢 五

故朝奉郎直龍圖閣游師雄可特贈集賢殿修撰制	一
淮南江浙發運使劉何可集賢殿修撰差遣依舊制	一
朝散郎河東經略司管句機宜文字李成允可陝西轉運判官制	二
宣德郎新除大理寺主簿王萬可京畿轉運判官填創置闕制	二
新湖北路轉運判官劉損可江東路轉運判官相度湖南北路采木初變可湖北路轉運判官制	三
戶部員外郎周紳可淮南轉運判官制	三
通判乾寧軍晏幾道可開封府推官制	四
朝請郎刑曹參軍潘迴可開封府右司錄承議郎開封府參軍王叔堪可土曹參軍宣德郎開封府參	
軍張仲綱可兵曹參軍朝奉郎開封府參軍張總可工曹參軍制	四
潘羅溪除忠州刺史充湟州管界部都巡檢制	五
錫伯中族大首領隆戢補皇城副使帶本族巡檢錫伯上族大首領嘉勒幹補皇城副使帶本族巡檢	

錫默族大首領倫珠卜補左藏庫副使帶本族巡檢制	五
崇儀使何灌可就差提舉河東路保甲兼提點刑獄制	六
崇儀使威州刺史提舉河東路保甲兼提點刑獄何灌可除西上閣門使依舊遙郡刺史差高陽關路	
兵馬鈐轄兼知滄州制	六
朝請郎同管句成都府等路茶事兼提舉陝西等路買馬公事龐寅孫可依前官除直秘閣差遣依舊	
制	七
翰林書藝局藝學李倚可翰林書藝局直長充待詔制	七
翰林書藝局藝學吳端可翰林書藝局硃紙待詔制	七
祇候孟懷父轉猫邊花待詔制	八
從事郎新除太學博士郭敦實可依前試辟雍博士制	八
從事郎權辟雍正陳詢可辟雍博士制	八
將仕郎試辟雍錄陳汝錫可辟雍博士制	九
尚醞奉御馮澤可改差充尚食奉御制	九
儒林郎裴宗元可醫學博士制	九
延福宮使奉國軍節度觀察留後郝隨可依舊知入內內侍省事制	一〇
入內內侍省皇城副使吳德仁可依前入內內侍省皇城副使充殿中尚舍奉御制	一〇

中書省額外守闕主事魏伯誠可西頭供奉官出職制	·····	一一
西頭供奉官錢景振可依前西頭供奉官閣門祇候制	·····	一一
左班殿直黃詒可依前官兼閣門祇候制	·····	一一
西頭供奉官夏大中可特授宣德郎制	·····	一二
通仕郎撰曆所參議官謝中美可宣德郎制	·····	一二
右侍禁徐位可特授西頭供奉官大將杜觀可特授三班奉職制	·····	一二
故三班奉職梁權兄髦可三班奉職制	·····	一三
開封府職級李湍可奉職開封府額內守闕府典事于士明可借職制	·····	一三
三班借職孫杲可三班奉職制	·····	一三
故如京副使石福男堅可三班奉職姪男娃保姪孫成可並特授三班借職制	·····	一四
將仕郎侯叔可左班殿直制	·····	一四
都水監署押官李士定可右班殿直制	·····	一四
奉職楊逢原可右班殿直制	·····	一五
將仕郎趙逵可特授左班殿直制	·····	一五
招箭班姚永寧可補右班殿直制	·····	一五
辰州叙浦縣百姓黃順可特與右班殿直制	·····	一六

涇州廣銳第三十一指揮都虞候李吉秦鳳路嵌補廣銳都虞候齊貴可並特授左侍禁制	一六
王材因殺逆賊王闢郭希賊馬立功授進義校尉制	一六
左班殿直侯舜賢可右侍禁制	一七
三班奉職韓武可侍禁制	一七
左班殿直張琰可右侍禁制	一七
齋勒巴族東頭供奉官本族巡檢阿瓊男倫布與右班殿直制	一八
畫學錄張晞顏可將仕郎依前畫學御批進過花果三十品筆法頗有可取制	一八
內殿崇班張永年可特授內殿承制制	一八
故秦國夫人林氏孫閣門祇候李克忠可內殿承制制	一九
右班殿直梁誼可依前右班殿直閣門祇候制	一九
右班殿直閣門看班祇候同提點承受張士文可閣門祇候制	一九
借職閣門祇候鄭綬鄭絳可並右班借職依前閣門祇候制	二〇
內殿承制郝琳御批故殿前都指揮使郝質孫男琳爲係勳臣之後可特與閣門祇候制	二〇
右侍禁劉閎可閣門祇候制	二〇

全宋文卷二九二七

西頭供奉官焦大祐可除閣門祇候制	二二
右班殿直閣門看班祇候劉敏可依前官閣門祇候制	二一
東頭供奉官汪慈明可閣門祇候令再任制	二二
閣門看班祇候夏大中曹晞賈詵潘臨任尚賢吉希孟可各轉一官並罷閣門看班祇候制	二二
瞎木沁札實錫喇卜策進奉人大首領都軍主奔巴凌阿袞轉軍都指揮使小首領三人節幹存溫伯	
奇君主制	二二
楊承男進果與補右侍禁進穩與補三班奉職制	二三
虎翼左第二軍都指揮使德州刺史楊吉可除左領軍衛將軍致仕制	二三
四方館使康州防禦荆湖北路兵馬鈐轄黃忱可引進使依舊遙郡防禦使致仕制	二四
西蕃大首領皇城使某與轉遙郡團練使制	二四
故左藏庫使趙從義可贈皇城使惠州刺史充本州團練使制	二四
入內皇城使資州刺史王仲千可遙郡團練使制	二五
右武衛大將軍合州刺史蔽之可遙郡團練使制	二五
皇城使合州刺史權發遣高陽關路鈐轄李浦可特授廉州團練使制	二五
入內皇城使通州刺史藍安石可通州團練使依舊入內皇城使制	二六
皇叔右監門衛大將軍康州刺史仲證可特授依前右監門衛大將軍榮州團練使皇叔右武衛大將	

軍昌州刺史仲柔可特授依前右武衛大將軍貴州團練使皇叔右監門衛大將軍昌州刺史仲華	
可特授泰州團練使依前右監門衛大將軍皇叔右監門衛大將軍康州刺史仲瑳可特授海州團	
練使依前右監門衛大將軍制	二六
皇城使開州刺史黃式可恩州團練使依舊皇城使皇城使賈祥可開州刺史依舊皇城使制	二七
莊宅使帶御器械凌文昞可轉皇城使依舊帶御器械制	二七
入內左藏庫副使梁敦可入內皇城副使制	二八
客省使興州防禦使張誠可除正任防禦使制	二八
東上閣門使城州團練使張蘊可依前官遙郡防禦使制	二八
皇城使忠州團練使兼翰林醫官使李師祖可轉防禦使依前皇城使兼翰林醫官使制	二九
皇叔右武衛大將軍榮州團練使仲珙可特授威州防禦使依前右監門衛大將軍制	二九
皇叔右金吾衛大將軍降授通州團練使叔儼可特授依前右金吾衛大將軍成州防禦使皇叔右金	
吾衛大將軍降授真州團練使叔勻可特授依前右金吾衛大將軍虢州防禦使制	三〇
皇伯右金吾衛大將軍蘄州防禦使世闡可正任防禦使制	三〇
皇城副使王務民可西京左藏庫使制	三一
入內左藏庫使張汝弼可左藏庫使制	三一
文思副使董惟正可左藏庫副使制	三一

西京左藏庫副使馮熙可左藏庫副使制	三二
入內內侍省供備庫副使張奭可入內內侍省西京左藏庫副使制	三二
入內文思使劉淵可入內左藏庫使制	三一
入內供備庫副使楊軫可入內內侍省西京左藏庫副使制	三三
供備庫副使陳仲穆陳仲稀可兼閣門通事舍人制	三三
文思副使曹慎可除兼閣門通事舍人制	三三
西京左藏庫副使趙構可文思副使仍除閣門通事舍人制	三四
內殿承制閣門祇候劉安國可閣門通事舍人制	三四
內殿崇班閣門祇候藍安民可閣門通事舍人制	三四
左藏庫副使鄭璋可依前左藏庫副使閣門通事舍人制	三五
右侍禁閣門祇候閻諶可閣門通事舍人制	三五
入內西京右藏庫使邵希直可入內文思使制	三五
入內西京左藏庫使董舜臣可入內文思使制	三六
入內西京左藏庫使陳宥可文思使制	三六
入內西京左藏庫使劉淵可特授文思使制	三六
入內內侍省西京左藏庫副使何沔可文思副使制	三七

入內內侍省文思副使霍肅可入內內侍省左藏庫副使入內內侍省西京左藏庫副使黃彥可入內	
內侍省文思副使制	三七
皇城使成州團練使某人可依前成州團練使充昭宣使制	三七
昭宣使福州管內觀察使同知內侍省事任端可宣政使餘依舊制	三八
皇姪右千牛衛將軍不溢可莊宅副使制	三八
文思副使尹正可內園副使制	三八

全宋文卷二九二八

慕容彥逢 七

軍器庫副使兼翰林醫官副使王處厚可翰林醫官使制	三九
太醫承直翰林醫官局李袞可翰林醫官副使制	三九
醫官杜日遷杜日思可並翰林醫官使制	四〇
左藏庫副使董惟正可授禮賓使制	四〇
河洲岱爾族首領斯多特經特與禮賓副使制	四〇
空名招納諸司使官制	四一
四方館使滎州刺史樞密副都承旨朱孝孫可正任防禦使依前樞密都承旨制	四一
賈德明任承睿可都承旨制	四二

西京左藏庫副使兼閤門通事舍人殿中省尚輦奉御兼句當祇候庫劉景宣可各候今任滿日特令再任制	四二
從事郎試辟龐博士馮師忠可候今任滿日令再任制	四三
樞密直學士朝請大夫知定州管師仁可左朝議大夫依前樞密直學士候今任滿日令再任制	四三
太學博士蘇睿可候今任滿日令再任制	四四
將仕郎試辟龐錄朱承可候今任滿日令再任制	四四
從事郎試太學錄孫疇可候今任滿日令再任制	四四
奉聖旨米芾罷郎官差知淮陽軍制	四五
左朝議大夫試兵部尚書兼侍讀劉拯御批劉拯操蘊姦邪詆沮朝廷已行之命言涉不遜在理豈容可落職差知蘄州制	四五
龍圖閣學士朝散郎知河南府范致虛特降兩官制	四六
張穀特降兩官制	四六
蔡王府都監入內西京左藏庫副使李永言降兩官制	四七
宗室金吾衛大將軍代州防禦使克如降兩官勒住朝參制	四七
淮東提刑章緯降兩官送吏部與遠小處監當制	四七
端明殿學士朝散大夫曾孝寬可差知鄆州制	四八

降授奉議郎趙高可差知徐州制……………四八

趙靖特降一官仍衝替制……………四九

城南廂安濟坊提轄使臣左班殿直蔣迪可降一官衝替制……………四九

承議郎黃彥承制劉亦侍禁王運殿直張大忠各先降一官送大理寺取勘制……………四九

循化城守禦將佐等京東第六副將供備庫副使郭昱特與轉兩官同總領河州蕃將兵內殿承制王

德厚特與轉西上閣門副使知城寨東頭供奉官劉欽特與轉兩資安強寨守禦將佐等秦鳳第三

將左藏庫使呂整大通城知城供奉官楊德管押餘丁使臣供奉官孫元各特與轉一資內楊德特

更與減一年磨勘制……………五〇

使臣安質劉誠時惲可並轉一官大將耿宗言孫吉可並轉一資制……………五〇

西京左藏庫副使兼閣門通事舍人陳仲侑供備庫副使兼閣門通事舍人陳仲俅陳仲偉可各轉兩

官制……………五一

內殿崇班王祥趙暉郝軫各轉一官張吉朱定各轉兩官皇城使劉法轉遙郡刺史供備庫副使石舜

舉轉兩官制……………五一

皇城副使兼閣門通事舍人折可大特與轉西上閣門副使內藏庫使王亢左驥驥副使卓裕勒左藏

庫副使經諾爾各與轉一官西京左藏庫副使鄂特寧與轉兩官制……………五二

從事郎充熙河蘭湟路轉運司勾當公事程固可改合入官差遣如故制……………五二

直龍圖閣權發遣河北路都轉運使梁子美可特落發遣字制	五三
承直郎趙知機可換右職制	五三
京畿轉運副使張杲可升充轉運使仍遷一官制	五三
詳定編修國信條例所點檢文字喬永慶及左班殿直梁善王宗望三班借職是清三班奉職聶通可各轉一官管勾都亭西驛所前行陳公昂可借職制	五四
朝請大夫知鄧州向宗賢可轉一官差遣依舊制	五四
右侍禁充翰林書藝局祇候睿思殿御前文字庫祇應鄧惟賢特與轉一官依舊帶破見請驛料待詔請給制	五五
蕃官皇城使昭州刺史韋順明皇城使岳州刺史劉延壽特與換漢官左藏庫使折可名內殿崇班格札克各與轉一官內折可名換漢官制	五五
全宋文卷二九二九	
慕容彥逢 八	
蕃官羅保與轉一官制	五六
西京左藏庫副使喬伯虎與轉兩官蕃官西京左藏庫副使胡志德與轉一官蕃官文思使羅萬成與轉三官內一官回授與五服內有官親屬蕃官文思副使爾善轉兩官制	五六
策凌博族首領嘉勒幹進補皇城副使奉聖旨特與轉兩官制	五七

文思副使董厚與轉一官制	五七
開封府捉事使臣韓慶朱渙可各轉一官制	五七
左藏庫副使莽丹內庭崇班包喜各轉兩官東頭供奉官隆布盤轉一官制	五八
右驂驥使張晞如京副使兼閤門通事舍人王子曼共特與轉三官內張晞兩官回授與五服內有官	
親屬內庭承制陳懷遜宮苑副使焦用誠供備庫副使郭訥東頭供奉官王志各與轉兩官供備庫	
副使高靖西京左藏庫副使王舜中內庭崇班沈超東頭供奉官王正臣各轉一官制	五八
蕃官內庭崇班牛伊格與轉一官制	五九
左藏庫副使奇多遇內庭崇班李士吉各與轉一官制	五九
如京使趙抃右班殿直王豫可各轉一官制	五九
三班借職鄭貴妃位掌牋奏陳濟可轉一官制	六〇
舊城裏左廂居養院提轄使臣左班殿直楊寧可轉一官制	六〇
將作監李誠提轄兵將官曹滋可各轉一官李誠係右朝議大夫曹滋係朝請郎制	六〇
內庭崇班李紹與轉三官制	六一
保安軍順寧寨蕃弓箭手指揮覺默特族右侍禁阿穆爾與轉五官制	六一
左侍禁充學士院待詔巡訓爲三次書寫汎使國書特與轉一官制	六一
內庭崇班孟逵與轉一官制	六二

宣德郎閤驛宣義郎舒彥舉可各轉一官制	六二
西頭供奉官棟智默特與轉四官制	六二
得功人內殿承制韓庠加四級西京左藏庫副使李介二級西頭供奉官李壽二級每級轉一官制	六三
西頭供奉官睢文約可轉一官制	六三
句當修內司使臣張祐鄧述劉道催促修造使臣李景約晉用宋明可各轉一官制	六四
尚衣奉御李鎮可轉一官制	六四
西頭供奉官折可褒與轉一官制	六四
內殿崇班鄒清與轉兩官梁德與轉一官東頭供奉官楊隆西頭供奉官宋伯威各與轉兩官制	六五
朝散郎家安國可轉一官制	六五
承制武道紀崇班丁克彥皇城副使楊球入內西京左藏庫副使陳思溫供奉官周覺盧贄楊安國王	
曷耿維康陳諤王方徐中立侍禁秦純吳之紀杜卿張敷樂僖趙士旻殿直孫丹方承約張顯郭璫	
母玉王士享奉職陳子淵徐昇借職師孟呂師嚴可各轉一官制	六六
文思使吳元瑜入內供備庫副使張益承制吳永可各轉一官制	六六
入內文思副使胡宗傑入內西京左藏庫使楊茂昌入內文思使何訢入內左藏庫使榮州刺史陳宥	
入內東頭供奉官黃訓入內內庭承制鄧忠臣凌德臣可各轉一官制	六七
入內西京左藏庫使郭禹臣入內供備庫使張奭入內供備庫副使張彥明入內東頭供奉官宋侁可	

各轉一官制……………六七

入內文思使舒州刺史楊日言入內左藏庫使黃諶入內文思使范仔入內文思副使閻祖德入內文

思副使楊端入內西京左藏庫副使鄧繼英入內內殿承制朱輔世入內崇班王允文鄭諶入內東

頭供奉官王褒張令可各轉一官制……………六八

入內內侍省官朱祐之石瑾張補之李雍陳思恭王堯臣張正夫賈蒙江諤張欽若許佃容誼趙贄可

各特轉一官制……………六八

入內內庭承制張佑入內左藏庫使王佑可各轉一官制……………六九

入內左藏庫永州團練使馮鐸可轉一官制……………六九

內侍省內殿崇班藍惟信可轉一官制……………六九

入內西京左藏庫副使張瑾可轉兩官制……………七〇

入內內殿崇班鄧宗仁入內左藏庫使梁昭慶可各轉一官制……………七〇

供備庫副使蘇球東頭供奉官蕭恭右侍禁張廉張孝忠梁嘉叟右侍禁華鎮崇班劉震右侍禁錢景

寬右班殿直蘇絢可各轉一官制……………七〇

入內內侍省西染院使郝平可特轉一官制……………七一

入內內侍省供備庫副使張禹偁西頭供奉官武昱可各轉一官制……………七一

入內右驥驥使裴絢可轉一官制……………七一

入内文思使董舜臣可轉一官制	七二
入内西京左藏庫副使黃洙可轉一官制	七二
入内西京左藏庫副使張禹偁可轉一官制	七二
入内右驂驥使朱拱之入内左藏庫副使何訢可各轉兩官制	七三
入内内侍省文思使榮州刺史陳宥可轉一官制	七三
入内左藏庫副使黃希叟可轉一官制	七三

全宋文卷二九三〇

慕容彥逢 九

入内内殿承制楊軫可轉一官制	七四
入内内侍省禮賓使及入内内侍省左藏庫副使胡宗傑等並轉一官制	七四
入内内侍省左藏庫副使張皞可轉一官制	七五
入内左藏庫副使何訢可轉一官制	七五
入内西京左藏庫副使劉光祖可轉一官制	七五
入内内侍省東頭供奉官熙河路走馬承受公事秦肅之特轉兩官制	七六
朝請大夫尚書省都事呂昭敏韓祥可轉一官制	七六
手分借職邵淵左安仁廉公謹可轉一官制	七六

宣政使深州防禦使賈祥可使額上轉行一官制	七七
西京左藏庫副使邢從善可轉一官制	七七
皇城副使權發遣本路都監新差權發遣保安軍耿端彥莊宅副使本路第六將孫廣如京副使本路第六副將梁璋各特與轉兩官係廊延路制	七八
監成都府上供機王隨可轉一官制	七八
宣德郎魏當可轉一官制	七九
朝請郎集賢殿修撰知荆南軍府董必特轉三官制	七九
通直郎提舉夔州路常平等事張杲與轉一官制	七九
通直郎李亘可轉兩官御批鰥寡孤獨王政所先條令雖具施行在人溧陽縣分爲八室男女異處各得其所宜在褒勸其知縣特轉兩官候任滿日與堂除差遣制	八〇
榷貨務監官朝奉大夫宋康年吳薦朝請郎丁維買鈔所監官文思副使左厚之奉議郎周中可各轉一官制	八〇
承務郎知鄭州管城縣范世修奉議郎通判永興軍王直臣奉議郎僉書陝州節度判官廳公事王觀國可各轉一官制	八一
朝奉郎張伯昌宣議郎王萬承議郎徐宅供備庫副使魏伯成李彭年皇城使京畿提舉保甲兼提刑劉戒朝奉大夫趙士宇朝奉郎提舉京畿常平王仲原承議郎孫奎周廷堅奉議郎向濤宣德郎樓	

光翟敦仁宣奉郎向滌應安道入內侍省供備庫副使黃希叟左藏庫副使王朗皇城使河東第	
六將開德府駐劄劉永德可各轉一官制	八一
涇原路定戎鹽池提舉措置官夏僊句管種收給納劉雄陳開並各轉一官制	八二
朝請郎知北外都水丞公事葛仲良朝奉郎權發遣通利軍句仲甫可各轉一官制	八二
通直郎河北路運判張翬可轉一官制	八三
朝散郎同管句成都府利州陝西等路茶事兼提舉陝西等路買馬監牧公事廳龐寅孫轉一官制	八三
知岷州降授左藏庫使威州刺史馮瓘通判岷州奉議郎石緝岷州都監供備庫使魏允中可各轉一官制	八四
太常博士單曄可轉兩官兩浙提舉學事路瓘可轉兩官制	八四
朝散大夫直龍圖閣提舉成都府利州陝西等路茶事兼陝西等路買馬監牧事孫鼂扞可與轉一官制	八五
朝散郎權發遣陝府兩路轉運判官公事孫琦朝奉郎權知解州宋表微承事郎權通判河中府李釜可各轉一官制	八五
宣德郎通判乾寧軍王雲可轉兩官制	八六
引進副使雄州防禦使姚古可使額上轉一官制	八六
右監門衛大將軍仲馨可轉一官制	八六

左朝議大夫蹇序辰可轉一官制	八七
左侍禁方榮可轉一官制	八七
太醫承直翰林醫官局王舜卿可轉一官制	八七
太醫承直翰林醫官局李仲章可轉一官制	八八
司勳員外郎陳噩可轉一官制	八八
天文官介王仲孚康永昌可各轉一官制	八八
太史局天文院學生蘇亮可轉兩官制	八九
醫官潘用中可轉一官制	八九
皇兄右武衛大將軍保州刺史士疎可轉一官制	八九
右監門衛大將軍仲侃仲維可各轉一官制	九〇
兩朝佑聖太夫人姪孫左侍禁閤門看班祗候張世昌可轉一官制	九〇
郭獻卿男莊宅副使鎮可轉兩官制	九〇
承議郎試戶部尚書劉逵翰林學士朝散郎知制誥張康國朝散郎試尚書禮部侍郎王能甫朝奉大	
夫試尚書工部侍郎管師仁可各轉一官制	九一
右武衛大將軍吉州防禦使世設可轉一官制	九一
知開德府顯謨閣直學士朝奉大夫李孝壽可轉一官制	九二

翰林學士鄭居中可轉兩官制	九二
禮部侍郎劉正夫可轉兩官制	九二
起居舍人蔡薺可轉兩官制	九三

全宋文卷二九三一

慕容彥逢 一〇

左藏庫副使楚沙木可轉一官制	九四
西京左藏庫副使王偉可轉一官制	九四
西綾錦副使兼翰林醫官副使蓋演醫官副使盧德誠翰林醫官賜緋丁銳翰林醫學李師老可各轉一官制	九五
供備庫副使李庠可轉一官制	九五
翰林學士鄧洵仁可轉一官制	九五
宣德郎尚書膳部員外郎王澤通直郎尚書職方員外郎李康彥可各轉一官制	九六
朝奉郎大司成兼侍講薛昂可轉一官制	九六
右藏庫副使柴定官可轉一官制	九七
文思副使馮鐸可轉一官制	九七
奉議郎歐陽大椿可轉一官制	九七

閣門祇候劉敷可職上轉劉婕妤弟劉牧劉敏可轉一官制……………九八

左藏庫副使蘭日政可轉一官制……………九八

太醫丞趙宗元翰林醫官趙嗣先可轉一官制……………九八

醫官熊希賢可轉一官制……………九九

醫官王舜康張節可各轉一官制……………九九

醫官卓遵國可轉一官制……………九九

軍器庫使兼醫官使卓遵國醫官使王處厚軍器庫副使兼醫官副使張希房蓋演高明之西綾錦副

使兼醫官副使趙廣文醫官副使張漸王舜民太醫承直醫官劉景溫太醫丞張永醫官任元善可

各轉一官制……………一〇〇

太史局丞袁惟幾可轉一官制……………一〇〇

醫官國士英男之實醫官張倚男節可各轉一官制……………一〇一

權易副使兼翰林醫官副使潘先之可特轉一官制……………一〇一

醫官卓遵國可轉一官制……………一〇一

東頭供奉官劉選可轉一官制……………一〇二

崇班張璠與轉兩官東頭供奉官張璪與轉一官制……………一〇二

東頭供奉官王世益衛采各轉一官制……………一〇二

三班奉職王崇善左班殿直李弼各轉一官制	一〇三
左藏庫副使尹正供備庫使兼通事舍人潘珣可轉一官制	一〇三
醫官王處厚可轉一官制	一〇三
右侍禁蘭泰舒世亮右班殿直陳絳可各轉一官制	一〇四
降授內殿承制李青綱可轉一官制	一〇四
朝奉郎劉辟疆可轉一官制	一〇四
大理寺捉事使臣朱渙可轉一官制	一〇五
西頭供奉官張彥廓可轉一官制	一〇五
內殿崇班劉宗彥可轉一官制	一〇五
承議郎張勔東頭供奉官辛宗可各轉一官制	一〇六
蕃官皇城副使葉吉特可贈三品制	一〇六
內班殿直閣門祗候殿中省尚贊奉御劉安國可轉一官制	一〇六
東頭供奉官默特博與轉一官制	一〇七
皇城副使某與轉兩官制	一〇七
皇城副使沈貴與轉兩官西京左藏庫副使何先明供備庫副使董修古東頭供奉官馬制蕃官左藏	
庫副使吹忠可轉一官制	一〇七

前內殿承制董厚與轉三官制	一〇八
東頭供奉官密桑與轉一官制	一〇八
蕃官皇城副使旺默星及蕃官左藏庫副使旺密桑各與轉一官制	一〇八
東上閣門使楊應詢可轉一官制	一〇九
東頭供奉官高士侯可轉一官制	一〇九
左班殿直种師閔與轉三官制	一〇九
蕃官文思副使賽音與轉一官制	一一〇
西頭供奉官由稔與轉兩官蕃官東頭供奉官幹明善與轉兩官蕃官供備庫副使香瑪與轉一官制	一一〇
右侍禁侯公瑾可轉一官制	一一〇
內殿崇班策喇卜沁與轉一官制	一一一
東頭供奉官張士廉西頭供奉官馬先賀世安左侍禁南信可各轉三官制	一一一
降授西京作坊使孫慶可轉一官制	一一一
西染院使王元轉兩官制	一一二
三班借職李通可特轉一官制	一一二
故供備庫副使張吉可贈三官制	一一二
右班殿直王伉可轉一官制	一一三

東頭供奉官劉振可轉一官制	·····	一一三
魯斯結族蕃官侍禁節幹結斯結可各特與轉一官制	·····	一一三
蕃官東頭供奉官索琳密密保默齋皇城使默實勒奇多伊內殿承制牛威名東頭供奉官威女篇鼎		
內殿崇班蒙伽恪各與轉一官制	·····	一一四

全宋文卷二九三二

慕容彥逢 一一

東頭供奉官王正臣與轉一官制	·····	一一五
侍禁吳志可與轉三官制	·····	一一五
奉職王谷可轉一官制	·····	一一六
文思使胡德淵供備庫副使耿臨供備庫副使曹歷蕃官西京左藏庫副使蘇默可各轉兩官東頭供奉官張易文思副使張永德禮賓使曹修蕃官左藏庫副使將凌蕃官供備庫副使香瑪可各轉一官制	·····	一一六
西頭供奉官陳殊可轉一官制	·····	一一七
供備庫副使李琰路璉西頭供奉官李希成右侍禁朱渙可各轉兩官制	·····	一一七
供備馮熙與轉一官制	·····	一一七
左班殿直劉湜三班借職朱渙右班殿直陳若拙太醫丞趙宗元翰林醫官趙嗣先可各轉一官制	·····	一一八

右侍禁胡誼與轉五官制	·····	一一八
東頭供奉官李佐可轉一官制	·····	一一八
河東轉運判官王勤可轉一官制	·····	一一九
奉議郎于彥佐可轉一官制	·····	一一九
皇后閣祇候使臣竇瑛祇應人石君許可各轉一官制	·····	一一九
左藏庫副使閤門通事舍人劉公輔可轉二官劉慎內殿崇班李庠東頭供奉官王坪各轉一官制	·····	一二〇
內殿承制魏舜臣李彭年供奉官郭彥趙令淘李永年彭汜侍禁葛鞏王汴張克敞李從古殿直李淑	·····	一二〇
程輓李中正奉職楊幾道借職李南仲可各轉一官制	·····	一二一
承議郎翟師中可轉一官制	·····	一二一
西頭供奉官張和可轉一官大將康師顏可特轉三班借職制	·····	一二一
故淑妃張氏姪張琬張瑾可並補借職制	·····	一二一
婕妤張氏姪孫張承可借職制	·····	一二二
故駙馬都尉曹司女夫進士時微可借職制	·····	一二二
醫官周道隆任景章楊處厚大將耿道淳韓中立書藝局藝學許成吳成翟易韓奕曹成趙永圖陳德	·····	一二二
之張友王從志蹇仲恭韓球圖書局藝學元方卞士端元導尚從吉杜宗範郭惟簡可各轉一官皇	·····	一二二
城使滎州刺史宋渙姪男棫皇城使俞隨男儋左藏庫使杜公才兩姨弟劉渥已上三人各回授補	·····	一二二

借職制	一二三
景福殿使明州觀察使楊戩親堂姪茂實可借職制	一二三
程植可三班借職制	一二三
故三班借職紀育弟紀震可三班借職制	一二三
兩朝佑聖太夫人重姪孫仲康仲弼可並三班借職制	一二四
太后殿掌牋奏耿茂直劉豫可並特授三班借職制	一二四
楚州解發到呈試武藝人劉決可借職制	一二四
百姓滑永全可三班借職制	一二五
故右侍禁尚清男均坦可並授三班借職制	一二五
左知客押衙兼知進奏事崔通可三班借職制	一二五
故右班殿直馬宣男某可三班借職制	一二六
故內殿承制李仙長男峻次男疇孫忠履可並與三班借職制	一二六
故太中大夫魏漢津親女夫張清可三班借職制	一二六
皇后三從伯王子約可三班借職制	一二七
故右侍禁張安民男思賢思忠可並三班借職制	一二七
故三班借職紀育男塔達克與三班借職制仍賜名紹	一二七

潭州都知兵馬使張繼隆可三班借職制	一二八
茶園班殿侍鄭永立可三班借職制	一二八
虎翼右第一軍都指揮使秀州刺史陳與男寶文御龍直長行李謹可並三班借職制	一二八
三班差使房從壽可三班借職制	一二九
故右侍禁王卞女夫薛安靖可三班借職制	一二九
故右侍禁王卞男錫可三班借職制	一二九
睿思殿御前文字外庫書寫文字郭景倩可三班借職制	一三〇
大將軍發運司前行徐楷可三班借職制	一三〇
入內內侍省東頭供奉官周莘可入內內侍省內殿崇班魏國惠和康佑夫人薛氏親姪薛敏政太后親舅女之夫姜天祐可並三班借職制	一三〇
皇弟故荆南武寧等軍節度管內觀察處置等使守太師開府儀同三司荊州牧兼徐州牧蔡王贈太師尚書令兼中書令加冀州牧改封韓王可特追封楚王餘如故制	一三一
皇兄故河東山南西道節度觀察處置橋道等使守太師開府儀同三司太原牧兼興元牧陳王賜入朝不趨詔書不名贈尚書令加徐州牧改封燕王可特加贈侍中追封吳王餘如故制	一三一
皇兄故河東山南西道節度觀察使守太師開府儀同三司太原牧兼興元牧陳王賜入朝不趨詔書不名可贈尚書令兼中書令加徐州牧改封燕王制	一三二

右驍衛將軍有奕可大將軍遙郡刺史制	一三三
故燕王第三男賜名有常可右武衛大將軍制	一三三
故燕王第二女可封郡主制	一三三
安康郡主趙氏可封兩郡主制	一三四
皇叔右千牛衛將軍仲瑍所生母楊氏可封瑞安縣太君叔右千牛衛將軍仲憲所生母陳氏可封長	
安縣太君叔嘉州防禦使世膺所生母永安縣太君李氏可封咸安郡太君制	一三四
皇伯故太保節度觀察留後仲臯可贈開府儀同三司追封榮國公制	一三五
中大夫守尚書右丞梁子美故曾祖任翰林學士右諫議大夫贈太師中書令兼尚書令周國公顯可	
贈開府儀同三司追封燕國公制	一三五
故曾祖母唐國太夫人閻氏可贈冀國太夫人制	一三六
故祖任太子太傅致仕贈太師中書令兼尚書令秦國公適可贈開府儀同三司追封鄆國公制	一三六
故祖母越國太夫人任氏可贈曹國太夫人制	一三七
故父任尚書職方員外郎贈光祿大夫彥昌可贈太子少師制	一三七

全宋文卷二九三三

慕容彥逢 一一

故母東平郡太君張氏可贈清河郡太夫人制	一三八
--------------------	-----

妻文安郡君宋氏可封文安郡夫人制	一三八
昭信軍節度觀察留後駙馬都尉郭獻卿可贈節度使制	一三九
高永翼特贈正任防禦使制	一三九
正議大夫致仕宋喬年特贈金紫光祿大夫龍圖閣學士制	一四〇
武勝軍節度觀察留後王厚可贈節度使制	一四〇
宮人掌記張氏可封大寧郡夫人制	一四一
兩朝佑聖郡太夫人親嫂同安郡太君蔡氏可封郡太夫人制	一四一
耀州華原縣五臺縣真人廟封妙應真人制	一四一
臨江軍清江縣閣阜山景德觀葛仙翁壇封冲應真人制	一四二
光州孫叔敖廟祈禱感應擬遣愛侯廣信軍遂城縣班妃廟祈禱感應擬文惠夫人制	一四二
宮正張氏可同知尚書內省公事制	一四三
宮人掌闡蕭氏可封司言制	一四三
宮人王氏可特受掌言制	一四三
宮人掌珍韓氏可典記制	一四四
宮人典言喬氏可尚儀制	一四四
宮人掌綵楊氏可司樂制	一四五

婕妤劉氏可特授婉容制	一四五
平昌郡君韋氏可才人制	一四六
鄭居中除同知樞密院誥	一四六
鄧洵仁除翰林學士承旨誥	一四七
殿中少監劉昫可免試除中書舍人誥	一四七
楊愿除中書舍人誥	一四七
龍圖閣直學士中大夫李南公特除落致仕誥	一四八
左班殿直邊壽可右侍禁大將宋諒史叙可並三班借職制	一四八
蕃官三班奉職李琮男永誼可三班借職制	一四九
西頭供奉官賈誼可特授宣義郎右侍禁劉奎可特授承奉郎	一四九
文思副使董宗師左班殿直吳本差使元玘西頭供奉官監賈瓦等池郝師中可各轉一官監安邑池儒	一四九
林郎史安民可承奉郎制	一四九
賜皇子檢校太保鎮海軍節度使開府儀同三司廣平郡王生日禮物口宣	一五〇
就驛賜大遼國賀天寧節使副銀鈔鑼唾孟子錦被褥等口宣	一五〇
開府儀同三司仲爰四月二十八日生日口宣	一五〇
玉津園賜大遼國賀天寧節使副射弓例物口宣	一五一

宣召翰林學士劉嗣明口宣	一五一
賜臣寮口宣	一五一
賜皇子感德軍節度使檢校少保韓國公捷生日禮物口宣	一五二
賜高麗使人相國寺燒香乾果子口宣	一五二
撫問荆湖南路臣僚口宣	一五二
撫問資政殿大學士宣奉大夫大名尹梁子美口宣	一五三
就驛賜大遼國賀天寧節使副內中酒果口宣	一五三
班荆館賜大遼國賀天寧節使副回程酒果口宣	一五三
賜陝西河東路臣寮御筆敕書獎諭銀合茶藥對衣金帶鞍轡馬及支賜等口宣	一五四
賜熙河等賞功諸軍特支併犒設等口宣	一五四
撫問廣南東路臣寮口宣	一五四
撫問瀘南梓州路臣寮口宣	一五五
賜知樞密院事鄧洵武已下罷散天寧節道場香酒果口宣	一五五
天寧節尚書省御筵賜知樞密院事鄧洵武已下酒果口宣	一五五
賜殿前指揮使高俅已下罷散天寧節道場香酒果口宣	一五六
賜寧海軍節度使開府儀同三司永嘉郡王向宗良已下罷散天寧節道場香酒果口宣	一五六

賜判大宗正事仲爰已下罷散天寧節道場香酒果口宣	一五六
賜駙馬都尉石端禮等罷散天寧節道場香酒果口宣	一五七
賜大遼國賀天寧節人使朝見訖歸驛賜酒果口宣	一五七
賜節度使豫章郡王孝參已下罷散天寧節道場香酒果口宣	一五七
賜高麗國進奉人使臘晨風藥口脂酒果口宣	一五八
冬節高麗使人就館御筵賜教坊樂花香藥下酒上醞局白羊御酒酒果兼傳宣勸尚醞局供進御酒口宣	一五八
宣召翰林學士許光凝入院口宣	一五八
賜高麗使人到闕朝見酒果口宣	一五九
送判正旦使副沿路與賀北朝生辰并正旦使副相逢傳宣撫問口宣	一五九
撫問成都府利州路臣寮口宣	一五九
宣召翰林學士承旨鄧洵仁口宣	一六〇
宣召翰林學士馮熙載口宣	一六〇
賜新除宰臣鄭居中劉正夫口宣	一六〇
賜新除知樞密院鄧洵武口宣	一六一
賜熙河等路茶藥等口宣	一六一

全宋文卷二九三四

慕容彥逢 一三

應詔舉官奏狀……………一六二

辭免召試奏狀……………一六三

除中書舍人舉自代奏狀……………一六三

辭免侍讀奏狀……………一六四

辭免兼侍讀奏狀……………一六四

辭免太子賓客奏狀……………一六四

除兼太子賓客舉自代奏狀……………一六五

辭免再除中書奏狀……………一六五

辭免除起居郎奏狀……………一六六

辭免監察御史奏狀……………一六六

辭免兵部侍郎奏狀……………一六七

除吏部侍郎舉自代奏狀……………一六七

又舉自代奏狀……………一六八

除兵部侍郎舉自代奏狀……………一六八

辭免除刑部尚書奏狀	一六九
除刑部尚書舉自代奏狀	一六九
乞賜神宗御集奏狀	一七〇
論黃甲擬官奏狀	一七〇
乞殿中省別處置局奏狀	一七一
國子監舉主奏狀	一七一
論武學上舍人奏狀	一七二
論州縣社稷壇壝不修奏狀	一七二
論州縣學講堂及齋名奏狀	一七三
論提舉官分巡奏狀	一七四
論諸路弓手奏狀	一七四
論諸路坑冶奏狀	一七五
論府界旅櫬奏狀	一七六
上檢察病囚疏	一七六
乞外任劄子	一七七
服闋乞外任劄子	一七七

理會三禮圖劄子	一七八
理會架閣劄子	一七八
理會守令劄子	一七九
理會守令考課劄子	一八〇
理會常平劄子	一八〇
理會抵當孤幼劄子	一八一

全宋文卷二九三五

慕容彥逢 一四

理會居養院劄子	一八二
理會祭祀劄子	一八三
乞以假日特引對付史館劄子	一八三
理會學校劄子	一八四
理會陳訴劄子	一八五
理會捕盜捉事劄子	一八五
刑部斷絕獄案劄子 一	一八六
刑部斷絕獄案劄子 二	一八六

刑部斷絕獄案劄子	三		一八七
刑部斷絕獄案劄子	四		一八七
刑部斷絕獄案劄子	五		一八八
刑部斷絕獄案劄子	六		一八八
刑部斷絕獄案劄子	七		一八九
興龍節賀表			一八九
冬至節拜表			一九〇
皇后爲冬祀禮畢賀皇帝表			一九〇
內中侍御已下賀皇帝禮畢表			一九一
貴妃已下賀皇帝禮畢表			一九一
內中夫人郡君已下賀冬祀禮畢表			一九一
大長帝姬賀冬祀禮畢表			一九二
謝賜宴表			一九二
天寧節謝御筵表			一九三
賀太陽當虧不虧表			一九三
賀增上神宗徽號表			一九四

賀甘露降帝鼎表	一九四
賀改元政和表	一九五
謝賜政和元年曆日表	一九五
賀紅鹽表	一九六

全宋文卷二九三六

慕容彥逢 一五

代三省以下紫宸殿稱賀太陽不虧表	一九七
代宰臣以下賀黃河清表	一九七
代三省樞密院請皇帝聽樂表	一九八
代賀皇帝御大慶殿大朝會表	一九八
賀康復視朝德音表	一九九
代宰臣以下請皇帝受玄圭第二表	一九九
賀中宮受冊表	二〇〇
代鄭樞密辭免樞密院表	二〇〇
同前準備第二表	二〇一
中書舍人謝表	二〇一

謝再除中書舍人表		二〇二
汝州謝表		二〇三
謝復修撰表		二〇三
謝除兼太子賓客表		二〇四
謝傳宣入伏早下表		二〇五
兵部侍郎謝表		二〇五
謝除刑部尚書仍賜對衣金帶鞍轡馬表		二〇六
賀刑部斷獄表		二〇六
賀刑部斷獄表		二〇七
賀刑部斷獄表		二〇七
賀刑部斷獄表		二〇七
賀刑部斷獄表		二〇八
賀刑部斷獄表		二〇八
賀刑部斷獄表		二〇八
賀刑部斷獄表		二〇九
賀刑部斷獄表		二〇九
賀刑部斷獄表		二〇九
賀刑部斷獄表		二一〇
賀刑部斷獄表		二一一

賀刑部斷獄表 一〇……………二二一

賀刑部斷獄表 一一……………二二二

賀刑部斷獄表 一二……………二二二

代宰臣以下賀獄空及大理寺斷絕表……………二二三

全宋文卷二九三七

慕容彥逢 一六

集英殿春宴筯記 一……………二二四

集英殿春宴筯記 二……………二二四

集英殿春宴筯記 三……………二二五

乞取士以義理爲先奏……………二二五

擬試宏詞露布……………二二六

治法……………二二七

人才……………二二八

史材……………二二八

禮制……………二二九

學術……………二二九

宗學	……	一二〇
投獻書 一	……	一二一
投獻書 二	……	一二二
投獻書 三	……	一二三
謝人書 一	……	一二五
謝人書 二	……	一二六
論文書	……	一二七
請益書	……	一二八
謝教官啓	……	一二九
改官謝啓	……	一三〇

全宋文卷二九三八

慕容彥逢 一七

謝試中宏詞啓	……	一三一
謝中書舍人啓	……	一三二
回謝黃學士啓	……	一三三
汝州到任謝兩府啓 一	……	一三四

汝州到任謝兩府啓	二	一三四
汝州交代郭內翰先啓		一三五
沿路先狀		一三五
謝先狀		一三五
赴闕沿路先狀		一三六
復修撰謝兩府啓		一三六
復修撰謝本監司啓		一三七
回謝新知汝州王大夫啓		一三七
回謝貢士樂偲樂傳啓		一三八
與本路安撫鄧資政啓		一三八
寄江寧安撫啓		一三九
冬至賀啓		一三九
賀新正啓		一四〇
賀館職到任啓		一四〇
賀曹運判就遷副使啓		一四〇
賀本路監司到任啓		一四一

代謝向大王轉開府啓	二四一
謝錢駙馬加開府啓	二四二
謝小官狀	二四二
謝本路監司書狀	二四二
送吳顯道序	二四三
御製論大道文後序	二四四
邇英閣無逸孝經圖後序	二四四
跋僧懷素帖	二四六
跋李伯時馬	二四六
題道錄黃大中書軸	二四六
題遺教經後	二四七
題青城瑞石文後	二四七
題長生妙訣後	二四八
玄圭議	二四八
甘露記	二四九
香山天寧觀音禪院新塑大阿羅漢記	二五〇

全宋文卷二九三九

慕容彥逢 一八

神宗皇帝聖政頌 并序 二五二

故朝奉郎尚書職方員外通判德順軍兼管內勸農事輕車都尉賜緋魚袋累遷太子太師梁公神道

碑 并序 二五五

宗室故騏驎使贈博州防禦使追封博平侯墓誌銘 二五八

宗室故贈武康軍節度使觀察留後封洋川郡公墓誌銘 二五九

宗室故左侍禁墓誌銘 二六〇

宗室故懷州防禦使河內侯墓誌銘 二六〇

宗室右金吾衛大將軍河州防禦使贈保慶軍節度觀察留後追封房陵郡公墓誌銘 二六一

宗室故西頭供奉官墓誌銘 二六二

宗室故左班殿直石誌 二六三

宗室故右武衛大將軍真州刺史開國公贈密州觀察使追封高密侯墓誌銘 二六三

全宋文卷二九四〇

慕容彥逢 一九

宗室故右金吾衛大將軍雄州防禦使贈安化軍節度觀察留後追封高密郡公墓誌銘 二六四

宗室故金吾衛大將軍淄州防禦使贈安化軍節度觀察留後追封高密郡公墓誌銘	二六五
宗室涇州觀察使第十七子誌	二六六
宗室故西頭供奉官墓誌銘	二六六
宗室故左班殿直石誌	二六七
宗室故右武衛大將軍文州刺史贈同州觀察使追封馮翊侯墓誌銘	二六七
宗室故右金吾衛大將軍鳳州防禦使贈安化軍節度觀察留後追封高密郡公墓誌銘	二六八
宗室故濮州團練使贈潤州觀察使追封丹陽侯墓誌銘	二六九
宗室故右班殿直墓誌銘	二七〇
宗室故贈密州觀察使追封高密侯墓誌銘	二七〇
宗室故左班殿直墓誌銘	二七一
宗室故左班殿直石誌	二七一
宗室故前右千牛衛將軍墓誌銘	二七二
宗室丹州防禦使第五子石誌	二七二
宗室故右監門衛大將軍贈懷州防禦使追封河內侯墓誌銘	二七三
宗室故左班殿直墓誌銘	二七三
宗室故贈泉州觀察使追封清源侯墓誌銘	二七四

宗室東頭供奉官夫人王氏墓誌銘	二七五
故仁和縣君王氏墓誌銘	二七五
宗室左侍禁夫人龔氏墓誌銘	二七六
故德安縣君彭氏墓誌銘	二七六
華陰侯妻杜氏墓誌銘	二七七
故和義郡君胡氏墓誌銘	二七八
故仙源縣君鄭氏墓誌銘	二七九
宗室右侍禁夫人李氏墓誌銘	二八〇
趙叔慈妻賈氏墓誌銘	二八〇
宗室東頭供奉官夫人方氏墓誌銘	二八一
宗室東頭供奉官夫人張氏墓誌銘	二八一
宗室內殿崇班第三女石誌	二八二
宗室舒州防禦使第四女石誌	二八二
宗室西頭供奉官第四女石誌	二八二

全宋文卷二九四一

慕容彥逢 二〇

朝奉大夫致仕驍騎尉賜緋魚袋石公墓誌銘	二八四
朝奉郎致仕武騎尉賜緋魚袋葛公墓誌銘	二八七
孫氏墓誌銘	二八九
陳君墓誌銘	二九〇
單君墓誌銘	二九一
單季隱墓誌銘	二九二
單氏夫人墓誌銘	二九四
慕容叔孚墓誌	二九五
祭葛朝奉文	二九六
祭壽光太夫人文	二九六
三省祭蔡顯謨母金郡君文	二九七
三省樞密院祭王承奉文	二九七
祭叔孚文	二九七
冬祀禮畢奏謝天尊閣佛閣等處表	二九八
冬祀禮畢奏謝內中玉虛殿三清諸聖等表	二九八
冬祀禮畢奏謝內中玉虛殿上九位等表	二九九

冬祀禮畢奏謝欽先孝思殿帝后表 二九九

冬祀禮畢奏謝萬壽觀景靈宮諸帝后西京嵩山崇福宮等處祖宗表 二九九

遷移帝鼎神象大器告遷祝文 三〇〇

遷移帝鼎神象大器奉安祝文 三〇〇

全宋文卷二九四二

任 諒

乞關陝依河朔置籍拘摧所欠之物奏 三〇一

江淮等六路官吏足辦上供額斛乞旌賞奏 三〇二

乞按籍根括逃田稅賦事奏 三〇二

乞截撥東南諸路上供錢充糴本奏 三〇三

貽時相書 三〇三

于真庵碑記 三〇四

朱 輅

龍隱巖題名 三〇五

何 誼直

請申明禁令劄子 三〇六

何 浩

乞令有出身人不得收接士人贄文奏……………三〇七

任漢崇

乞歸順狀……………三〇八

焦 稹

西山治平寺莊帳記……………三〇九

薛嗣昌

乞强盜罪人免降配平定軍遼州奏……………三一〇

題智永禪師千字文……………三一

葉 莘

乞酌定宗子博士叙位事奏……………三一

曹 邁

伏波巖題名……………三一二

蘇 棫

乞諸子之學頒行賣買悉取聖裁奏……………三二三

胡 伸

唐越國汪公行狀 ····· 三一四

汪紹先生行狀 ····· 三一七

汪居士夫人朱氏墓誌銘 ····· 三一七

陳仲明

請制禮典以申飭禁約劄子 ····· 三一九

全宋文卷二九四三

張 爲

新亭雙菡萏碑 ····· 三二〇

孫 琦

乞西寧湟廊三州量立租課奏 ····· 三二一

尹 修

岷州長道縣壽聖院六級寶塔記 ····· 三二二

孫 璘

乞命致仕官居鄉者赴貢士宴奏 ····· 三二三

孫 仲

題唐人臨本蘭亭帖 ····· 三二四

張邦光

乞修新儀文避重複劄子……………三二五

張 輦

乞贍學田產依舊交納二稅奏……………三二六

乞許榷茶司舉辟洋州西鄉知縣奏……………三二六

相度支賣名山茶博馬剩數利害劄子……………三二六

釋子堅

佛說觀無量壽佛經跋……………三三一

佛說觀無量壽佛經題記……………三三一

張克公

乞汰冗官減奉祿奏……………三三二

乞正蔡京罪以消災沴疏……………三三三

論張商英罪狀奏……………三三四

乞收還相印明正張商英典刑奏……………三三五

乞限定保舉沿邊重難任使員數奏……………三三五

封贈敕節文未載封贈所生母奏……………三三六

乞三路沿邊許注授宗室女夫奏……………三三六

鄧 桓

重刻孝通行宮舊記記……………三三七

翟栖筠

乞修新定五經字樣奏……………三三八

全宋文卷二九四四

李 誠

進新修營造法式序……………三四〇

李 邁

乞推廣三舍法奏……………三四二

李南仲

羅浮賦……………三四二

李孝稱

乞令諸路提舉常平司加倍收糴秋糧奏……………三四四

乞先將量權衡之式頒天下奏……………三四五

乞依用大晟新尺紐定尺寸奏……………三四五

李 桓

肖蓬瀛亭記 三四六

重建三明寺記 三四七

徐閎中

乞令提刑提舉常平司同保奏戶口奏 三四九

乞許轉運司舉辟真州江口竹木務監官窠闕奏 三五〇

真源萬壽宮碑記 三五〇

全宋文卷二九四五

謝 邁

懷故園賦 三五三

竹夫人賦 三五四

送邵尉序 三五五

讀仁宗政要 三五六

書元稹遺事 三五六

書賈誼傳後 三五七

書鄭當時傳後 三五八

過隋論	三五九
孝辯	三六〇
狄守祠堂記	三六一
適正堂記	三六二
溪堂先生畫像贊 并引	三六三
雙柏頌 并引	三六四
竹友軒銘 并序	三六四
何之忱抱甕園銘	三六五
陳無惑晏室銘	三六五
棋局銘	三六六
尺銘	三六六
董彥孚墓誌銘	三六七
吳伯俞墓誌銘	三六八
朱夫人墓誌銘	三六九
朱夫人墓誌銘	三七〇
祭無逸兄文	三七一

祭董彦孚文 三七二

潘邠老哀詞 三七二

全宋文卷二九二六

慕容彦逢 五

故朝奉郎直龍圖閣游師雄可特贈集賢殿修撰制

敕具官某：守正之臣，國是允賴，雖其淪謝，朕不弭忘。以爾元祐之初，抗論邊事，力沮棄地之議，獨全享上之名。仍至生獲大酋，威震強敵。權臣排抑，賞不酬勞。書殿華資，特推贈典，仍官一子，俾世厥家。尚其有知，服我休寵。可。《摛文堂集》卷五。

淮南江浙發運使劉何可集賢殿修撰差遣依舊制

敕具官某：中外任職之臣，凡以勞列聞於朕者，必序其勤而賞之。故說於見知，人用胥勸。惟爾將漕六路，趣辦不愆，奏計燕朝，歲額增羨。宜升華於書殿，俾益峻於使權。往服恩章，愈加勵勉。

可。《摘文堂集》卷五。

朝散郎河東經略司管句機宜文字李成允可陝西轉運判官制

敕具官某：諸部要劇，莫如陝郊，將漕之臣，臨遣尤慎。惟爾嘗從戎幕，詳練事爲，寵以使輶，宜克稱職。往加勵勉，尚觀爾能。可。《摘文堂集》卷五。

宣德郎新除大理寺主簿王萬可京畿轉運判官填創置闕制

敕具官某：京輔轉輸，視他路爲劇，比降詔旨，增遣使輶，俾貳厥事。而以推擇，預茲新命，豈不榮哉！往悉乃心，務底功實，千里非遠，民言日聞，朕得以考焉。可。《摘文堂集》卷五。

新湖北路轉運判官劉損可江東路轉運判官相度湖南北路采木初燮

可湖北路轉運判官制

敕具官某等：朕以良法美意，加惠四方，推行未淹，已著成效。部使者惟克遵奉，察吏之虔，時乃稱職。汝材力有餘，久更事任，選於在列，往佐外臺。汝其思朕所以臨遣之意，毋以便文僥倖，朕將觀汝之能而以寵榮加焉，汝其勉哉。可。《摘文堂集》卷五。

戶部員外郎周紳可淮南轉運判官制

敕具官某：朕緝熙法度，布之四方，部使者惟達於朝廷恩意志慮，乃克稱職。爾比以材選，爲郎劇曹，長淮之南，往分使指。爾其遵奉詔令，察吏之不虔，俾惠澤下究，以副朕命，尚其勉哉。可。

《摘文堂集》卷五。

通判乾寧軍晏幾道可開封府推官制

敕具官某：開封府浩穰，任兼三輔，往佐府事，必惟材能。以爾更緣事爲，積有聞譽，選於在列，俾踐厥官。毋忘恪恭，以佇明陟。可。《摛文堂集》卷五。

朝請郎刑曹參軍潘迴可開封府右司錄承議郎開封府參軍王叔堪可
士曹參軍宣德郎開封府參軍張仲綱可兵曹參軍朝奉郎開封府參
軍張總可工曹參軍制

敕具官某等：開封府典制京師，事任爲劇，比復舊制，備建屬官。而爾等咸以薦揚，達於朕聽。往踐厥官，務底功實，稱朕意焉。可。《摛文堂集》卷五。

潘羅溪除忠州刺史充湟州管界部都巡檢制

敕具官某：爾天資武勇，雄於邈川，效款元符，嘗加命秩。中遭棄外，識節不玼，國爾忘家，茲復來附。宜優獎擢，以勵遠臣。領刺名邦，俾察蕃部，無忘忠報，嗣有寵嘉。可。《摛文堂集》卷五。

錫伯中族大首領隆戢補皇城副使帶本族巡檢錫伯上族大首領嘉勒
幹補皇城副使帶本族巡檢錫默族大首領倫珠卜補左藏庫副使帶
本族巡檢制

敕具官某等：爾等驍勇之資，雄於種族，輸忠內附，志節可嘉，宜錫官榮，兼領巡邏。往圖報稱，嗣有恩章。可。《摛文堂集》卷五。

崇儀使何灌可就差提舉河東路保甲兼提點刑獄制

敕具官某：爾進由武列，材美可嘉，賜對燕朝，敷納有序。河東要部，擢領使華，按予民兵，兼糾庶獄，資其宣力，事任匪輕。往懋乃功，以稱推擇。可。《摛文堂集》卷五。

崇儀使威州刺史提舉河東路保甲兼提點刑獄何灌可除西上閤門使

依舊遥郡刺史差高陽關路兵馬鈐轄兼知滄州制

敕具官某：朕惟名器之重，不以假人，凡爵祿之馭羣臣，必計其歲月，攷其功緒，然後授之耳。比分使指，於其陞辭之初，寵以郡章，贊書方下，又擢守景城，升華上閤。旬日閒三錫恩命，朕之待爾，豈羣臣比哉！爾其夙夜激勵，圖以效實，稱朕不次之舉。可。《摛文堂集》卷五。

朝請郎同管句成都府等路茶事兼提舉陝西等路買馬公事龐寅孫可

依前官除直秘閣差遣依舊制

敕具官某：爾以材力之優，往按茶事，收息饒羨，勞列可嘉。芸閣寵名，選授惟慎，增華使指，惟爾之榮。往其欽承，益圖效實。可。《摛文堂集》卷五。

翰林書藝局藝學李倚可翰林書藝局直長充待詔制

敕具官某：惟爾服勤藝學，有甄升叙，遷資示恩，其加勵勉。可。《摛文堂集》卷五。

翰林書藝局藝學吳端可翰林書藝局硃紙待詔制

敕具官某：九鼎告成，嘗推慶賞，與茲恩典，於爾爲榮。執技翰林，無替勤恪。可。《摛文堂集》卷五。

祇候孟懷父轉猫邊花待詔制

敕具官某：餽廩稱事，以勸百工。汝執技尚方，服勞靡懈，宜加叙進，爲汝寵榮。往承新恩，益勵後效。可。《摛文堂集》卷五。

從事郎新除太學博士郭敦實可依前試辟雍博士制

敕具官某：朕親御翰墨，刊定學制，付之有司，以教養多士。爾於此以問學行義，預辟雍之選，豈不榮哉！往踐厥官，朕將考汝之成而進寵之，可不勉與？可。《摛文堂集》卷五。

從事郎權辟廱正陳詢可辟廱博士制

敕具官某：爾經術行能，夙著聞譽。曩膺考擇，掌教類林，力行究心，克有成效。終更還闕，權職辟廱，論議純明，多士推崇。博士之選，爾往爲宜。其遠乃猷，尚多後祉。可。《摛文堂集》卷五。

將仕郎試辟廳錄陳汝錫可辟廳博士制

敕具官某：博士以經術訓迪多士，蓋周官師儒之選也。惟爾服在學校，休有譽言，宜膺命書，進踐厥次。往加勵勉，稱朕意焉。可。《摛文堂集》卷五。

尚醞奉御馮澤可改差充尚食奉御制

敕具官某：六尚奉御之臣，職任親近，選於左服，必求端良。惟爾敏濟恪勤，見於已試，掌予膳品，宜稱厥官。往其欽承，以佇褒陟。可。《摛文堂集》卷五。

儒林郎裴宗元可醫學博士制

敕具官某：朕因能任使，各當其宜，訓醫之官，肆以命爾。往加懋勉，務稱恩章。可。《摛文堂集》卷五。

延福宮使奉國軍節度觀察留後郝隨可依舊知入內內侍省事制

敕：朕於左右近臣，任無重輕，必惟審擇。矧禁省之長，冠於內司，典領至隆，擢授宜遴。具官某材資敏濟，心術疏通，陳力宮廷，積有勞勩，朕用眷錄，召復舊班。惟三代盛時，侍御之選，罔非正人，出入起居，資其承弼。今朕命爾，總護厥官，期紹前修，無俾專美。可。《摛文堂集》卷五。

入內內侍省皇城副使吳德仁可依前入內內侍省皇城副使充殿中尚

舍奉御制

敕具官某：六尚奉御，事任親密，必擇勤恪敏給之臣。今予命汝，往踐厥次，凡幄帟供張，汝其掌之。宜悉乃心，以稱朕意。可。《摛文堂集》卷五。

中書省額外守闕主事魏伯誠可西頭供奉官出職制

敕具官某：爾祇事省垣，閱歲云久，錫以命秩，俾服官常，是爲寵恩，往承無怠。可。《摛文堂集》卷五。

西頭供奉官錢景振可依前西頭供奉官閤門祇候制

敕具官某：祇奉上閣，武列爲華。惟爾舊膺選掄，迨今十稔，宜加兼職，進服事勞。往務欽承，勉圖效實。可。《摛文堂集》卷五。

左班殿直黃訥可依前官兼閤門祇候制

敕具官某：上閣祇奉，實贊朝儀。惟爾擢自右銓，預茲榮選。往思所稱，無替恪勤。可。《摛文堂集》卷五。

西頭供奉官夏大中可特授宣德郎制

敕具官某：爾惟務學不懈，達於朕聞，召試辭理可采。宜膺明命，優易文階。往服茂恩，務先忠恪。可。《摘文堂集》卷五。

通仕郎撰曆所參議官謝中美可宣德郎制

敕具官某：汝進由經術，典教類林，而博綜多聞，明於象數，刊定曆紀，閱數有勞。薦章以聞，并舉近例，命汝祿秩，往惟欽哉。可。《摘文堂集》卷五。

右侍禁徐位可特授西頭供奉官大將杜觀可特授三班奉職制

敕具官某等：姦民犯法，罪孽必誅，爾等告捕有勞，宜加賞激。往服恩命，無替忠勤。可。《摘

故三班奉職梁權兄髦可三班奉職制

敕具官某：惟汝天倫，死於金革，宜推恩典，優卹厥家。用錫官鈴，汝其祇服。可。《摛文堂集》卷五。又見《永樂大典》卷二〇四七九。

開封府職級李湍可奉職開封府額內守闕府典事于士明可借職制

敕具官某等：軍器建局，爾與有勞，錫茲官榮，往其祇服。可。《摛文堂集》卷五。又見《永樂大典》卷二〇四七九。

三班借職孫案可三班奉職制

敕具官某：爾諳練獄事，推鞠有勞，擢進一官，以示嘉獎。欽予時命，尚加勉旃。可。《摛文堂集》卷五。又見《永樂大典》卷二〇四七九。

故如京副使石福男堅可三班奉職姪男娃保姪孫成可並特授三班借

職制

敕具官某：死事之臣，朕所閔惻，肆推恩典，以卹其家。命爾官榮，往思報稱。可。《摛文堂集》卷五。又見《永樂大典》卷二〇四七九。

將仕郎侯叔可左班殿直制

敕具官某：爾捕獲強寇，功次可嘉。擢次武班，時乃懋賞。往祇乃服，以稱朕恩。可。《摛文堂集》卷五。

都水監署押官李士定可右班殿直制

敕具官某：爾以年勞應格，朕久錄其祇奉之勤，併錫恩典，擢茲命秩，其往欽承。可。《摛文堂集》卷五。

奉職楊逢原可右班殿直制

敕具官某：爾父率職不懈，以勞當遷，乞移恩章，屬於子姪。進官一等，爾其欽承。可。《摘文堂集》卷五。

將仕郎趙達可特授左班殿直制

敕具官某：爾獲強寇，勞烈可嘉，易進武階，昭示甄獎。往加恪慎，以稱茂恩。可。《摘文堂集》卷五。

招箭班姚永寧可補右班殿直制

敕具官某：爾服事勤勞，宜有甄錄。其蠲尺籍，進序官聯，往務廉勤，以需選擇。可。《摘文堂集》卷五。

辰州叙浦縣百姓黃順可特與右班殿直制

敕某：蠡彼山獠，既克討蕩，執訊獲醜，汝預有勞，帥臣以聞，宜加獎激。寵汝命秩，往其欽承。可。《摘文堂集》卷五。

涇州廣銳第三十一指揮都虞候李吉秦鳳路嵌補廣銳都虞候齊貴可
並特授左侍禁制

敕具官某：爾久服戎行，積有勞勩，帥司條奏，宜易前班。命爾官榮，往其懋焉。可。《摘文堂集》卷五。

王材因殺逆賊王闢郭希賊馬立功授進義校尉制

敕：爾頃以捕賊，有功應賞。申錫書命，祇服官榮。可。《摘文堂集》卷五。

左班殿直侯舜賢可右侍禁制

敕具官某：宮闈進對，厥有恩數，乞遷爾秩，朕豈不從？錫茲命書，往維欽服。可。《摘文堂集》卷五。

三班奉職韓武可侍禁制

敕具官某：死事之孤，朕所閔恤，肆推優典，擢進厥官。往其欽承，無忘忠孝。可。《摘文堂集》卷五。

左班殿直張琰可右侍禁制

敕具官某：朕既寶藏宸集，推賞史臣，爾奉行文書，亦有勞勩。進官一等，往其欽承。可。《摘文堂集》卷五。

齋勒巴族東頭供奉官本族巡檢阿瓊男倫布與右班殿直制

敕具官某男：爾父奮武戎行，委身徇國，有司具奏，悼念不忘。錄爾以官，往維祗服。可。《摛文堂集》卷五。

畫學錄張晞顏可將仕郎依前畫學御批進過花果三十品筆法頗有可

取制

敕具官某：惟汝巧於丹青，筆法可取，宜加甄獎，用錫官榮。往承朕恩，益精厥藝。可。《摛文堂集》卷五。

內殿崇班張永年可特授內殿承制制

敕具官某：爾殺獲凶醜，勞效可稱，宜錫恩章，以示嘉獎。進官一等，往其欽承。可。《摛文堂集》卷五。

故秦國夫人林氏孫閤門祇候李克忠可內殿承制制

敕某：仕緣恩閥，籍在禁闈。予哀保母之終，且有緒孫之託，宜進承於殿制，益視峻於朝聯。當務欽修，思荷恩寵。可。《摘文堂集》卷五。

右班殿直梁誼可依前右班殿直閤門祇候制

敕具官某：朕念爾父，被遇先朝，服勤邊陲，聲績兼茂，宜推恩典，寵錄其孤。聯職閤門，選授攸慎，今以命爾，維以勤忠。往務欽承，無替厥紹。可。《摘文堂集》卷五。

右班殿直閤門看班祇候同提點承受張士文可閤門祇候制

敕具官某：惟爾事朕潛宮，謹恪可尚，宜加甄獎，示不弭忘。往服命書，益思所稱。可。《摘文堂集》卷五。

借職閤門祇候鄭綬鄭絳可並右班借職依前閤門祇候制

敕具官某等：朕仰膺帝祉，莞寢告祥，推恩外家，茲有彝制。爾等列於戚屬，勤毖可嘉，宜服命書，序升位秩。往其欽佩，務稱寵榮。可。《摘文堂集》卷五。

內殿承制郝琳御批故殿前都指揮使郝質孫男琳爲係勳臣之後可特與閤門祇候制

敕具官某：惟乃祖昔事殿陛，爲國勳臣，肆加表揚，錄其世裔。祇事上閤，汝往欽哉。可。《摘文堂集》卷五。

右侍禁劉閎可閤門祇候制

敕具官某：爾右選小臣，而姓名達於朕聽。擢進邊徼，寵以職名，於爾之所遇，可謂榮矣。毋替忠勤，尚多後祉。可。《摘文堂集》卷五。

全宋文卷二九二七

慕容彥逢 六

西頭供奉官焦大祐可除閤門祇候制

敕具官某：朕永懷欽慈，眷優外屬，爾其東出，宜典恩章。宸閣華資，選授惟慎，今以命爾，其懋承之。可。《摛文堂集》卷五。

右班殿直閤門看班祇候劉敏可依前官閤門祇候制

敕具官某：惟爾列班宸閣，勤毖可嘉，宜錫寵章，擢進厥序，仍蠲常直，以示褒優。體予異恩，勿忘報稱。可。《摛文堂集》卷五。

東頭供奉官汪慈明可閤門祇候令再任制

敕具官某：爾執勤疆場，久著勞能，論薦文章，達於朕聽，宜加獎擢，率勵遠臣。錫以榮名，寵之舊服。往承欽命，無替厥忠。可。《摘文堂集》卷五。

閤門看班祇候夏大中曹晞賈詵潘臨任尚賢吉希孟可各轉一官並罷

閤門看班祇候制

敕具官某：閤門員多，慢於祇事，汝宜罷遣，尚進厥官。往服命書，勉圖自效。可。《摘文堂集》卷五。

瞎木沁札實錫喇卜策進奉人大首領都軍主奔巴凌阿袞轉軍都指揮

使小首領三人節幹存溫伯奇君主制

敕具官某：爾等奉具方物，來貢闕廷，載考乃成，宜有慶賞，特加遷叙，往惟欽承。可。《摘文堂

楊承男進果與補右侍禁進穩與補三班奉職制

敕具官某男某等：爾父納地效順，既服寵於朝；又獻山林之材，以祈恩於子。朕念其誠恪享上，嘉從其言，錫爾官榮，往惟祇服。可。《摘文堂集》卷五。

虎翼左第二軍都指揮使德州刺史楊吉可除左領軍衛將軍致仕制

敕具官某：爾執勤公家，積有勞列，以年歸老，宜錫恩章。環衛隆名，貽示褒寵。往錫壽祉，克享厥榮。可。《摘文堂集》卷五。

四方館使康州防禦荆湖北路兵馬鈐轄黃忱可引進使依舊遥郡防禦

使致仕制

敕具官某：爾效順熙寧，累著勞績，今其告老，宜有褒優。禦侮隆名，寵之舊秩，仍遷使額，以榮其歸。體予異恩，往綏祉福。可。《摛文堂集》卷五。

西蕃大首領皇城使某與轉遥郡團練使制

敕具官某：爾奉其方貢，來造闕廷，載考所有，克效誠款。名使團結，品秩優隆，錫茲寵嘉，庸示獎激。無忘忠報，以稱恩章。可。《摛文堂集》卷六。

故左藏庫使趙從義可贈皇城使惠州刺史充本州團練使制

敕：設館以待四方之臣，置使董之，品峻地親，朕不輕授。具位某，貴主之子，端謹慈良，引例

自陳，祈恩於朕，宜遷品序，以示眷懷。服茲命書，往祇厥事。可。《摘文堂集》卷六。

入內皇城使資州刺史王仲千可遙郡團練使制

敕具官某：朕操爵賞之柄，以褒勵庶工，必稽其行治勞列而後加焉。以爾賦材明敏，持己恪勤，祇事禁廷，夙彰譽處。比膺推擇，往視解池，措置協宜，克有成績。大邦團結，遙領使名，錫茲恩章，以爲爾寵。往加懋勉，副朕眷知。可。《摘文堂集》卷六。

右武衛大將軍合州刺史蔽之可遙郡團練使制

敕具官某：屬籍之親，恩紀所厚，其以恪謹聞者，朕必察而進之。惟爾序於內朝，循理不越，宜升位秩，昭示寵嘉。益務欽承，以稱朕命。可。《摘文堂集》卷六。

皇城使合州刺史權發遣高陽關路鈐轄李浦可特授廉州團練使制

敕具官某：惟爾效職邊圉，總予兵鈐，克以材能，達於朕聽，宜加甄獎，示不弭忘。團結寵名，

品秩隆顯，服茲恩命，無替忠勤。可。《摘文堂集》卷六。

入內皇城使通州刺史藍安石可通州團練使依舊入內皇城使制

敕具官某：惟爾之父，率職克勤，自置茶場，會課增羨，移恩子姪，錫爾命書。團結隆名，選授惟慎，往其欽佩，務稱邦榮。可。《摘文堂集》卷六。

皇叔右監門衛大將軍康州刺史仲證可特授依前右監門衛大將軍榮
州團練使皇叔右武衛大將軍昌州刺史仲柔可特授依前右武衛大
將軍貴州團練使皇叔右監門衛大將軍昌州刺史仲華可特授泰州
團練使依前右監門衛大將軍皇叔右監門衛大將軍康州刺史仲瑳
可特授海州團練使依前右監門衛大將軍制

敕具官某等：朕永懷孝思，念茲祖考，推原所自，褒顯近親。豈惟示敦睦之恩，亦以彰忠厚之
化。爾等列於屬籍，夙奉內朝，恪謹有常，祇循憲度，宜錫命書之寵，進茲團結之榮。尚體眷勤，克

綏祉福。可。《摛文堂集》卷六。

皇城使開州刺史黃式可恩州團練使依舊皇城使皇城使賈祥可開州
刺史依舊皇城使制

敕具官某等：汝等咸以材能，服采近密，閱歲云久，勤恪靡愆，序進厥官，庸示嘉獎。欽予時
命，尚其懋哉。可。《摛文堂集》卷六。

莊宅使帶御器械凌文昞可轉皇城使依舊帶御器械制

敕具官某：爾以忠敢自勵，累有戰功，邊臣若茲，朕所嘉懌，宜加甄錄，擢進使名。恩典之優，
惟以示勸，往服朕命，尚欽念哉。可。《摛文堂集》卷六。

入內左藏庫副使梁敦可入內皇城副使制

敕具官某：叙進之法，雖在疏逖，會課以時，況予宮省之臣哉。惟爾持己之謹，率職之勤，稽其歲勞，宜有甄陟。用錫明命，昭示寵嘉，往勵爾能，尚其異擢。可。《摘文堂集》卷六。

客省使興州防禦使張誠可除正任防禦使制

敕：朕慎擇疆場之臣，俾共武服，稽其功次，褒賞以時。爾具官某，勇而尚謀，選任邊要，帥軍捍寇，積有戰功，迨茲造期，宜錫恩命。大邦禦侮，擢正使名，往克欽承，尚多後祉。可。《摘文堂集》卷六。

東上閤門使城州團練使張蘊可依前官遙郡防禦使制

敕：朕考覈羣臣，務先功實，爵祿之賞，資以勸能。爾具官某，材力之優，揚歷事任，總按肆武，克有顯勞，宜錫恩章，擢升厥位。禦侮寵秩，俾爲汝榮，往其欽承，勿替勤恪。可。《摘文堂集》

皇城使忠州團練使兼翰林醫官使李師祖可轉防禦使依前皇城使兼翰林醫官使制

敕具官某：爾以潛邸舊臣，有勞可錄，宜超常格，擢進厥官。防遏隆名，選授惟慎，今以命爾，其往欽承。可。《摛文堂集》卷六。

皇叔右武衛大將軍榮州團練使仲珙可特授威州防禦使依前右監門衛大將軍制

敕具官某：朕永懷孝思，念茲祖考，推原所自，褒顯近親。豈惟示敦睦之恩，亦以彰忠厚之化。爾列於屬籍，夙奉內朝，恪謹有常，祇循憲度，宜錫命書之寵，進升禦侮之崇。尚體眷勤，克綏祉福。可。《摛文堂集》卷六。

皇叔右金吾衛大將軍降授通州團練使叔儼可特授依前右金吾衛大將軍成州防禦使皇叔右金吾衛大將軍降授真州團練使叔勻可特授依前右金吾衛大將軍虢州防禦使制

敕具官某等：爾曩挂吏議，貶謫示懲，既閱歲時，法當甄序。名城禦侮，復爾故官，往勵恪恭，副予敦睦。可。《摛文堂集》卷六。

皇伯右金吾衛大將軍蘄州防禦使世闡可正任防禦使制

敕具官某：屬籍之親，朕所敦睦，以時叙進，茲爲典常。惟爾序於內朝，迪己恭恪，稽其歲月，在法當遷，宜正禦侮之名，以序陟明之典。往其欽佩，務稱邦榮。可。《摛文堂集》卷六。

皇城副使王務民可西京左藏庫使制

敕具官某：爾父服職宮省，克有顯勞，比加褒升，許以回授，用進爾秩，時惟異恩。往服命書，宜思所稱。可。《摛文堂集》卷六。

入內左藏庫使張汝弼可左藏庫使制

敕具官某：惟爾嬰恙滋久，難任事勞，宜解內侍之名，往即真祠之秩。尚加衛養，以克有瘳。可。《摛文堂集》卷六。

文思副使董惟正可左藏庫副使制

敕具官某：惟爾精於推測，中驗爲多，宜進官榮，以示褒勸。錫茲寵命，往其欽承。可。《摛文堂集》卷六。

西京左藏庫副使馮熙可左藏庫副使制

敕具官某：爾於服職有勞，宜膺賞典，許其回授，時乃特恩。序進爾官，以彰孝治。往祇新命，圖稱所蒙。可。《摛文堂集》卷六。

入內內侍省供備庫副使張奭可入內內侍省西京左藏庫副使制

敕具官某：朕設考績之法，掌於有司，其叙進羣吏，必閱其歲月，稽其行治，而後授之。爾夙稱謹良，服勤官省，校功數最，宜有甄升。褒序厥官，惟以示勸，往服朕命，思稱所蒙。可。《摛文堂集》卷六。

入內文思使劉淵可入內左藏庫使制

敕具官某：品秩異等，褒勵庶工，稽勞序遷，厥有常格。惟爾持己之慎，服職之勤，會課以時，宜進厥位。錫茲明命，昭示寵嘉，往承朕恩，益思報稱。可。《摛文堂集》卷六。

入內供備庫副使楊軫可入內侍省西京左藏庫副使制

敕具官某：校歲月以叙遷，有司之常格也。爾率職恪勤，功叙可考，會課來上，宜錫恩章。爾往克承，尚有異數。可。《摛文堂集》卷六。

供備庫副使陳仲穆陳仲稀可兼閤門通事舍人制

敕具官某等：朕永念欽慈，弗逮榮養，恩加外氏，式慰孝思。爾毓德慶門，夙稱勤毖，參華上閤，時庸展親。往服寵章，保茲譽處。可。《摛文堂集》卷六。

文思副使曹慎可除兼閤門通事舍人制

敕具官某：贊謁殿中，資望清美。以爾迪己勤毖，積有譽言，宜膺寵嘉，擢茲華職。往服朕命，尚懋承之。可。《摛文堂集》卷六。

西京左藏庫副使趙構可文思副使仍除閤門通事舍人制

敕具官某：閤門置舍人，以宣傳啓奏爲職，資望清優，朕不輕授。以爾服勤疆場，顯有勞能，用加褒升，俾領厥次。進官一等，併示異恩。往其欽承，勉圖報稱。可。《摛文堂集》卷六。

內殿承制閤門祇候劉安國可閤門通事舍人制

敕具官某：閤門通奏之職，贊謁殿中，事任親近。惟爾詳練儀矩，祇奉有勞，宜加褒升，俾踐厥次。欽予時命，無替恪勤。可。《摛文堂集》卷六。

內殿崇班閤門祇候藍安民可閤門通事舍人制

敕具官某：爾綴班內殿，聯職上閤，能以勤忘，達於予聞。通事華資，典司宣贊，舉以褒陟，昭示寵嘉。往稱所蒙，無替譽處。可。《摛文堂集》卷六。

左藏庫副使鄭璋可依前左藏庫副使閤門通事舍人制

敕具官某：爾奉事潛宮，勤毖可尚，宜加褒擢，示不弭忘。上閤華資，職任親近，今以命爾，往其欽承。可。《摘文堂集》卷六。

右侍禁閤門祇候閤門通事舍人制

敕具官某：軍器建局，爾與有勞，錄其回授之恩，參以叙遷之法，擢職通贊，併示褒優。往務欽承，無忘報稱。可。《摘文堂集》卷六。

入內西京右藏庫使邵希直可入內文思使制

敕具官某等：戚藩進爵，邦有常恩。惟爾見謂恪勤，以名來上，序升位秩，昭示寵嘉。往其欽承，益思勵勉。可。《摘文堂集》卷六。

入內西京左藏庫使董舜臣可入內文思使制

敕具官某：朕考績之法，按羣吏功緒而進之，以示褒勸。矧宮省之臣，職任親近，會課應法，朕豈弭忘。叙進爾官，往其祗服。可。《摘文堂集》卷六。

入內西京左藏庫使陳宥可文思使制

敕具官某：宮省之臣，率職靡懈，有司會課，在法當遷。序進厥官，以示褒獎，往服寵命，無替爾勤。可。《摘文堂集》卷六。

入內西京左藏庫使劉淵可特授文思使制

敕具官某：六尚奉御之臣，職任親近，勤毖不懈，以及終更，宜進厥官，昭示獎激。肆予命汝，往其欽承。可。《摘文堂集》卷六。

入内内侍省西京左藏庫副使何沔可文思副使制

敕具官某：考績之法，掌於有司，非朝廷爵祿可計日以取，亦惟念其率職之勞，閱歲之久而無罪悔，是亦宜於有賞也。進官一等，爲爾之榮，往其欽承，益思報稱。可。《摛文堂集》卷六。

入内内侍省文思副使霍肅可入内内侍省左藏庫副使入内内侍省西

京左藏庫副使黃彥可入内内侍省文思副使制

敕具官某等：考績之法，惟以勸能。汝等祇事宮庭，恪慎不懈，校功數最，序進厥官。往其欽承，益思勵勉。可。《摛文堂集》卷六。

皇城使成州團練使某人可依前成州團練使充昭宣使制

敕具官某：朕惟爵賞之施，以勵天下，苟有勤績，其可弭忘？爾曩以能稱，任督藝事，稽考其

會，宜示褒優。序進使名，品秩增顯，惟克祇服，尚其寵嘉。可。《摛文堂集》卷六。

昭宣使福州管内觀察使同知內侍省事任端可宣政使餘依舊制

敕：曩命有官，修夏人入貢之儀，以垂永制，成書來上，用錫恩章。具官某，蘊識疏通，更練庶務，資其典領，條列該詳，功緒爲優，宜膺懋賞。宣政置使，班秩加隆，擢茲榮名，昭示寵獎。往其祇服，無替忠勤。可。《摛文堂集》卷六。

皇姪右千牛衛將軍不溢可莊宅副使制

敕具官某：屬籍之親，領秩衛府，願試吏事，朕所嘉從。易授使名，往即銓任，用自此始，汝其勉哉。可。《摛文堂集》卷六。

文思副使尹正可內園副使制

敕具官某：爾以勞進秩，乞避名嫌，夙有具聞，朕命易授。官雖次等，於汝爲安。可。《摛文堂集》卷六。

全宋文卷二九二八

慕容彦逢 七

軍器庫副使兼翰林醫官副使王處厚可翰林醫官使制

敕具官某：爾弟師厚，以勞當遷，移恩於爾，朕所嘉聽。用遷爾秩，其往欽承。可。《摛文堂集》卷六。

太醫承直翰林醫官局李衮可翰林醫官副使制

敕具官某：爾以醫診之勤，久直主第，特蠲歲閱〔二〕，寵進厥官。往其懋承，務稱恩命。可。《摛文堂集》卷六。

〔二〕閱：原缺，據庫本補。

醫官杜日遷杜日思可並翰林醫官使制

敕具官某等：爾等進由方技，勞效可稱，宜加褒升，昭示獎激。特蠲餘考，寵以使名，服茲異恩，無替勤恪。可。《摘文堂集》卷六。

左藏庫副使董惟正可授禮賓使制

敕具官某：禮賓置使，褒遇武聯。惟爾夙以恪勤，獲事潛邸，迨膺眷擢，祇奉有勞，宜錫恩章，超進厥位。往承無替，保茲寵榮。可。《摘文堂集》卷六。

河洲岱爾族首領斯多特經特與禮賓副使制

敕具官某：爾忠力武材，雄於種族，捍敵取勝，積有戰功。用加超升，以示獎激，惟克祇服，尚其寵榮。可。《摘文堂集》卷六。

空名招納諸司使官制

敕具官某：效順之臣，朕恩所厚，榮名寵祿，褒賞惟優。爾稟資驍雄，著聞族部，奮忠歸義，誠節可嘉，宜錫命書，列於使秩。往其欽佩，益勵事功。可。《摛文堂集》卷六。

四方館使榮州刺史樞密副都承旨朱孝孫可正任防禦使依前樞密都

承旨制

敕：朕明發不寐，有懷哲宗，推原同氣之恩，申錫外家之寵。具官某，操修端靜，識慮詳明，欽成之親，爾爲近屬。宜加進擢，俾領使華，正兵防之顯名，仍樞筦之舊職。與承密命，秩峻地親，惟時褒榮，往其祗服。可。《摛文堂集》卷六。又見《永樂大典》卷一〇一一六。

賈德明任承審可都承旨制

敕具官某等：樞宥之府，所承稟而宣行者，皆禁密之命，必求謹厚之材，乃可備於陪屬。以爾等有恪愿之資，加肅給之敏，麗名機務，實惟勞舊，按其資望，擢總綱領。勉思勤盡，尚副褒寵。可。

《摘文堂集》卷六。

西京左藏庫副使兼閤門通事舍人殿中省尚輦奉御兼句當祇候庫劉

景宣可各候今任滿日特令再任制

敕具官某：惟爾祇奉輦輿，兼職筦庫，恪勤不懈，能譽可嘉，宜錫恩章，命爾再任。體予寵獎，其懋承之。可。《摘文堂集》卷六。

從事郎試辟廳博士馮師忠可候今任滿日令再任制

敕具官某：爾服職膠庠，講訓有譽，宜久厥任，俾副士心。往其欽承，以待推擇。可。《摛文堂

集》卷六。

樞密直學士朝請大夫知定州管師仁可左朝議大夫依前樞密直學士

候今任滿日令再任制

敕：持橐從臣，出分閫寄，聲績之茂，達於朕聞，宜錫恩章，昭示褒賞。具官某，夙膺推擇，揚歷清華，茲守中山，總護諸將，經營保聚，建築西關，峙積芻糧，訓練師旅，顯有勤勞之實，仍加鎮靜之能。擢進文階，寵以再任，蔽自朕志，爾其懋承。可。《摛文堂集》卷六。

太學博士蘇睿可候今任滿日令再任制

敕具官某：爾以術業行誼，與太學師儒之選，克有譽處，達於予聞，宜久厥官，以訓多士。欽承無怠，嗣有寵嘉。可。《摛文堂集》卷六。

將仕郎試辟廳錄朱承可候今任滿日令再任制

敕具官某：爾由太學升選，寢服官榮，擢置辟廳，閱日滋久。率職有譽，達於予聞，爰錫命書，寵以再任。欽承毋替，嗣有褒甄。可。《摛文堂集》卷六。

從事郎試太學錄孫疇可候今任滿日令再任制

敕具官某：爾以經術行能，服在太學，效實之美，達於予聞。宜錫命書，寵以再任。尚有異擢，爾往懋哉。可。《摛文堂集》卷六。

奉聖旨米芾罷郎官差知淮陽軍制

敕具官某：春官總禮樂學校之政令，爲郎於此，時謂崇途。惟爾險怪詭譎，聽爲奇言異行。言章以聞，理宜斥罷。黜守軍壘，有與民同。往省厥愆，無重後悔。可。《摘文堂集》卷六。

左朝議大夫試兵部尚書兼侍讀劉拯御批劉拯操蘊姦邪詆沮朝廷已行之命言涉不遜在理豈容可落職差知蘄州制

敕：六官之長，時予邇臣，獻替謀謨，當體國是，苟愆素守，罰其可逃？具官某，召自遐方，寢更顯擢，弗思砥礪，以報寵章，廼操蘊姦邪，濟以很愎，詆沮成命，言涉不恭。彈章亟聞，朕不汝赦，黜守支郡，有社有民，尚爲寬恩，無忘循省。可。《摘文堂集》卷六。

龍圖閣學士朝散郎知河南府范致虛特降兩官制

敕：侍從之臣，朕所信任，苟弗務忠實，懷私誕謾，宜昭典刑，以示禁戒。具官某，曩繇疏遠，擢備清華，而自蹈匪彝，犯於公義。訟田積歲，汝實建謀，訴牘具存，豈不信歟！連興犴獄，煩紊有司，迨茲考證之明，灼見欺誣之迹。黜官二等，時廼寬恩。往省厥愆，無重後悔。可。《摘文堂集》卷六。

張穀特降兩官制

敕具官某：朕念屯戍之師，服勞於外，故撫寧其家，惟恐弗至。比命汝察其廩給，蓋以防猾夫侵漁其閒也。汝弗往躬省，老稚籲聞，獄辭具孚，朕不汝赦。黜官二等，俾懲厥愆。祇服寬恩，勉圖後效。可。《摘文堂集》卷六。

蔡王府都監入內西京左藏庫副使李永言降兩官制

敕具官某：黜罰之施，昭示禁令。爾弗克愆慎，自干典刑，閱辭具孚，宜有懲責。特衝舊服，仍降兩官，尚爲寬恩，往省厥咎。可。《摛文堂集》卷六。

宗室金吾衛大將軍代州防禦使克如降兩官勒住朝參制

敕具官某：朕敦睦宗族，以隆親親，黜賞之施，時惟政典。爾弗務恪慎，自蹈匪彝，達於朕聞，按驗不爽，宜加懲責，以允明刑。特降兩官，仍罷朝謁，尚爲寬宥，無重後悔。可。《摛文堂集》卷六。

淮東提刑章絳降兩官送吏部與遠小處監當制

御批：崇寧五年六月二十一日指揮，不帶舊鈔在帶舊鈔之上，蓋爲三分鈔立法。今香鹽司將三分鈔舊法擅改在七月十三日五分新鈔之上，仍一面行下鹽場支鹽。五分鈔行之未久，始克就緒，而香鹽司官挾情沮壞御前處分，身任其事，公害其法，不正典刑，何以懲勸？其本司官可先

次衝替，仍降兩官，送吏部與遠小處監當；吏人杖一百，決訖勒停。

敕具官某：鈔法之行，始克就緒，爾身任其事，所宜遵承。而廼挾情自私，沮壞詔旨，遂非無憚，良駭朕聞，不正典刑，何以示戒！宜先衝罷，仍黜厥官，俾還銓曹，遠司筦庫。往加循省，勿重後愆。可。《摘文堂集》卷六。

端明殿學士朝散大夫曾孝寬可差知鄆州制

敕：朕稽仰前世，督正治官，使暨乃僚，以倡守物。眷惟巨屏，屬在真才。具官曾孝寬，朕所簡知，勲德之後，惠和詳慎，克紹其門。汶陽之田，風醇土沃，往諧共治，以康元元，俾邦咸喜，曰有良翰，時爾稱職，其益懋哉。可。《摘文堂集》卷六。

降授奉議郎趙高可差知徐州制

敕具官趙高：通敏宏毅，志欲有爲，朕所簡拔，列之法從。比緣小眚，謫蒞軍壘，言念省循，是遷徐土。爾惟布宣朕德，以惠元元，俾邦咸喜，曰有良翰，時爾稱職，其益懋哉。可。《摘文堂集》卷六。

趙靖特降一官仍衝替制

敕具官某：爾爲獄官，聽辭爽實，逮加覆按，具得厥情。降秩示懲，仍特衝罷，茲惟政典，用戒不虔。可。《摛文堂集》卷六。

城南廂安濟坊提轄使臣左班殿直蔣迪可降一官衝替制

敕具官某：朕置安濟坊，以療疾病之民。法令既備，尚慮有司奉行不虔，命官按視。惟爾弛慢失職，達於朕聞，宜黜厥官，仍加衝罷，以昭示訓懲，爲羣吏之戒。可。《摛文堂集》卷六。

承議郎黃彥承制劉亦侍禁王運殿直張大忠各先降一官送大理寺取勘制

敕具官某等：汝等服在太官，弗克勤毖，宴饌廢缺，良駭予聞。降秩示懲，仍俾推治，往思厥

咎，毋重悔尤。可。《摛文堂集》卷六。

循化城守禦將佐等京東第六副將供備庫副使郭昱特與轉兩官同總
領河州蕃將兵內殿承制王德厚特與轉西上閤門副使知城寨東頭
供奉官劉歆特與轉兩資安強寨守禦將佐等秦鳳第三將左藏庫使
呂整大通城知城供奉官楊德管押餘丁使臣供奉官孫元各特與轉
一資內楊德特更與減一年磨勘制

敕具官某等：爾等環甲執兵，服戎疆場，招納守禦，咸有顯勞。條狀以聞，第遷位等，無忘忠報，以稱寵休。可。《摛文堂集》卷六。

使臣安質劉誠時憚可並轉一官大將耿宗言孫吉可並轉一資制

敕具官某：惟爾預修崇報，工役不愆，稽其勞能，宜有甄獎。錫茲恩命，無怠欽承。可。《摛文堂集》卷六。

西京左藏庫副使兼閤門通事舍人陳仲侑供備庫副使兼閤門通事舍人陳仲球陳仲偉可各轉兩官制

敕具官某等：朕追懷欽慈，弗逮榮養，於其遷祔，施澤外家。爾等恪謹慈良，實在近屬，比還姓氏，抗疏自陳。維茲叙進之恩，時乃已行之命。往綏寵祿，以副朕心。可。《摛文堂集》卷六。

內殿崇班王祥趙暉郝軫各轉一官張吉朱定各轉兩官皇城使劉法轉遙郡刺史供備庫副使石舜舉轉兩官制

敕具官某等：朕恢復河湟，遙追先志。爾等出入行陣，積有戰多，幕府以聞，朕用嘉止。爰攷功次，序進厥官。往服恩章，益勵後效。可。《摛文堂集》卷六。

皇城副使兼閤門通事舍人折可大特與轉西上閤門副使內藏庫使王
亢左騏驎副使卓裕勒左藏庫副使經諾爾各與轉一官西京左藏庫
副使鄂特寧與轉兩官制

敕具官某等：朕以文德武威，撫寧疆場。爾等出入行陣，克懋忠勤，論次厥功，第加賞拔。益思
奮勵，以副恩章。可。《摛文堂集》卷六。

從事郎充熙河蘭湟路轉運司勾當公事程固可改合入官差遣如故制〔二〕

敕具官某：士由銓調以升京秩者，朕必引之陞見，親閱其人。爾今居職而朕就命之，爾之膺此，
可謂榮矣。其究乃心，以圖報稱。可。《摛文堂集》卷六。

〔二〕勾當：原作「太上御上當」，據庫本改。

直龍圖閣權發遣河北路都轉運使梁子美可特落發遣字制

敕具官某：朔部被邊一帶，國之根本，總司漕輓，委用不輕。爾才力有餘，濟以勤恪，宣勞外服，所至可稱。比繇簡知，專往使事，率職愈厲，朕豈弭忘！用加褒升，寵以資任。祇服恩命，尚其懋哉。可。《摛文堂集》卷六。

承直郎趙知機可換右職制

敕具官某：爾數犯刑典，難齒左銓，易授武階，俾有餽廩。往其兢慎，尚免後愆。可。《摛文堂集》卷六。

京畿轉運副使張杲可升充轉運使仍遷一官制

敕具官某：置使京畿，總司漕輓，職專刺舉，權任匪輕。爾膺選掄，擢貳厥事，與建比輔，勞力克彰。宜正使名，乃遷秩序。茲爲褒寵，無忘欽承。可。《摛文堂集》卷六。

詳定編修國信條例所點檢文字喬永慶及左班殿直梁善王宗望三班
借職是清三班奉職聶通可各轉一官管勾都亭西驛所前行陳公昂
可借職制

敕具官某：朕推恩書局，不掩爾勞，寵以官榮，往其祇服。可。《摛文堂集》卷六。

朝請大夫知鄧州向宗賢可轉一官差遣依舊制

敕具官某：師帥之長，與予共治，有勞可錄，夫豈弭忘！惟爾材力之優，率職有裕，葺完東郡，
成績可嘉，宜錫恩章，以示甄獎。進官一等，時乃異恩，往其欽承，益思所稱。可。《摛文堂集》卷六。

右侍禁充翰林書藝局祇候睿思殿御前文字庫祇應鄧惟賢特與轉一官依舊帶破見請驛料待詔請給制

敕具官某：惟爾書藝有勞，進遷位等，餽廩稱事，亦以勸能。往服恩章，無忘勤毖。可。《摛文堂集》卷六。

蕃官皇城使昭州刺史韋順明皇城使岳州刺史劉延壽特與換漢官左藏庫使折可名內殿崇班格札克各與轉一官內折可名換漢官制

敕具官某等：爾等奮身效順，來造闕廷，忠義若茲，朕所嘉尚。載加褒擢，以示寵榮。祇服命書，無忘報稱。可。《摛文堂集》卷六。

全宋文卷二九二九

慕容彦逢 八

蕃官羅保與轉一官制

敕具官某：爾服勤邊圉，克有戰功，宜進厥官，昭示嘉獎。欽予時命，尚懋爾忠。可。《摛文堂集》卷七。

西京左藏庫副使喬伯虎與轉兩官蕃官西京左藏庫副使胡志德與轉一官蕃官文思使羅萬成與轉三官內一官回授與五服內有官親屬蕃官文思副使爾善轉兩官制

敕具官某：爾等各以戰多，達於朕聽，忠勇若此，宜有褒嘉。擢進厥官，益圖稱塞。可。《摛文堂

集》卷七。

策凌博族首領嘉勒幹進補皇城副使奉聖旨特與轉兩官制

敕具官某：爾躬冒矢石，追襲寇攘，誅斬既多，仍有俘獲。帥師條上，功狀爲優，擢進兩官，以示甄獎。服茲明命，無替忠勤。可。《摛文堂集》卷七。

文思副使董厚與轉一官制

敕具官某：惟爾服勤疆場，以有戰多，朕不弭忘，特加甄叙。進官一等，其往欽承。可。《摛文堂集》卷七。

開封府捉事使臣韓慶朱渙可各轉一官制

敕具官某：以汝捕獲之勞，宜有甄獎。遷資示寵，於汝爲榮，無替恪勤，務稱恩命。可。《摛文堂集》卷七。

左藏庫副使莽丹內庭崇班包喜各轉兩官東頭供奉官隆布盤轉一官

制

敕具官某等：爾等夙以材能，服勤疆場，河湟之復，咸有戰多。用加褒升，昭示獎激，往共乃服，尚其勉哉。可。《摛文堂集》卷七。

右騏驎使張晞如京副使兼閤門通事舍人王子曼共特與轉三官內張晞兩官回授與五服內有官親屬內庭承制陳懷遜宮苑副使焦用誠供備庫副使郭訢東頭供奉官王志各與轉兩官供備庫副使高靖西京左藏庫副使王舜中內庭崇班沈超東頭供奉官王正臣各轉一官

制〔二〕

敕具官某等：爾等擐甲執兵，出入行陣，河湟之復，咸有戰多。功狀以聞，第加賞擢，益思奮勉，以副恩章。可。《摛文堂集》卷七。

〔二〕宮苑：原作「宛苑」，據庫本改。

蕃官內庭崇班牛伊格與轉一官制

敕具官某：爾發於忠誠，奮身效順，朕所嘉尚，宜有褒升。序進一官，昭示獎激，往加勵勉，以副恩章。可。《摘文堂集》卷七。

左藏庫副使奇多遇內庭崇班李士吉各與轉一官制

敕具官某等：汝等冒犯矢石，以立戰多，宜進厥官，昭示獎激。往圖後效，嗣有寵嘉。可。《摘文堂集》卷七。

如京使趙抃右班殿直王豫可各轉一官制

敕具官某等：招諭逋逃，爾預宣力，進官一等，以示褒嘉。往承朕恩，勿替忠恪。可。《摘文堂集》卷七。

三班借職鄭貴妃位掌牋奏陳濟可轉一官制

敕具官某：惟爾祇事有勞，宜加甄獎，擢遷位序，其往欽承。可。《摘文堂集》卷七。

舊城裏左廂居養院提轄使臣左班殿直楊寧可轉一官制

敕具官某：朕置居養院，以處鰥寡孤獨之民。法令既備，尚慮有司便文自營，命官按視。惟汝奉行勤恪，民得所歸，至於歡呼感激，朕甚嘉之。擢進厥官，以爲能吏之勸。往加懋勉，嗣有寵褒。可。《摘文堂集》卷七。

將作監李誠提轄兵將官曹滋可各轉一官李誠係右朝議大夫曹滋係

朝請郎制

敕具官某等：北營崇報，既克考成，工役不愆，勞列可尚。爾等預茲典領，咸著恪勤，以錫恩

章，以示嘉獎。進官一等，其往欽承。可。《摛文堂集》卷七。

內庭崇班李紹與轉三官制

敕具官某：爾三立戰多，兵無亡矢，宜加優獎，以勵邊城。超進厥官，茲爲懋賞，往承無替，朕不爾忘。可。《摛文堂集》卷七。

保安軍順寧寨蕃弓箭手指揮覺默特族右侍禁阿穆爾與轉五官制

敕具官某：順寧之役，爾預有勞，斬馘既多，仍執強敵。進官五等，時乃異恩，往服寵章，無替忠勇。可。《摛文堂集》卷七。

左侍禁充學士院待詔巡訓爲三次書寫汎使國書特與轉一官制

敕具官某：爾以書藝承詔，三寫國書，列狀自陳，朕命甄錄。進官一等，於爾爲榮。可。《摛文堂集》卷七。

內庭崇班孟逵與轉一官制

敕具官某：惟爾奮武邊陲，抗賊決勝，以推恩典，以賞戰多，序進厥官，往其祇服。可。《摛文堂集》卷七。

宣德郎閤驛宣義郎舒彥舉可各轉一官制

敕具官某：夏人入貢，邦有常儀，命官刊修，書成來上。惟爾咸以推舉，獲與討論，宜錫恩章，昭示嘉獎。進官一等，其往欽承。可。《摛文堂集》卷七。

西頭供奉官棟智默特與轉四官制

敕具官某：惟爾以忠效順，獲造班聯，克有戰功，達於朕聽。宜加懋賞，往服優恩，益思報命。可。《摛文堂集》卷七。

得功人內殿承制韓庠加四級西京左藏庫副使李介二級西頭供奉官

李壽二級每級轉一官制

敕具官某：爾冒犯矢石，咸有戰多，帥臣以聞，按級加賞。第遷品秩，時乃優恩，往服命書，益思奮勵。可。《摛文堂集》卷七。

西頭供奉官睢文約可轉一官制

敕具官某：收復鄯郅，爾思置郵〔一〕，祇事無違，宜有褒賞。進官一等，往其欽承。可。《摛文堂集》卷七。

〔一〕郵：原作「陞」，據庫本改。

句當修內司使臣張祐鄧述劉道催促修造使臣李景約晉用宋明可各

轉一官制

敕具官某等：朕命有司，繕飾原廟，爾等恪勤厥事，工役不愆，宜進官榮，以示嘉獎。往承寵命，益懋爾能。可。《摛文堂集》卷七。

尚衣奉御李鎮可轉一官制

敕具官某：爾職在尚衣，掌於冕服，夙夜祇事，勤恪可稱。序進厥官，惟以示勸，欽予時命，尚其勉哉。可。《摛文堂集》卷七。

西頭供奉官折可裱與轉一官制

敕具官某：惟爾冒犯矢石，抗賊效忠，克有戰多，達於朕聽。進官一等，以示獎優，往服命書，

益加勵激。可。《摘文堂集》卷七。

內殿崇班鄒清與轉兩官梁德與轉一官東頭供奉官楊隆西頭供奉官

宋伯威各與轉兩官制

敕具官某某：爾等奮武邊陲，誅斬強敵。視功輕重，叙進厥官。爰錫命書，昭示獎激。往其祇服，無替爾忠。可。《摘文堂集》卷七。

朝散郎家安國可轉一官制

敕具官某：爾曩膺選掄，往按茶事，稅課豐裕，效勞可稱。序進厥官，維以示勸，祇服恩命，無替恪勤。可。《摘文堂集》卷七。

承制武道紀崇班丁克彥皇城副使楊球入內西京左藏庫副使陳思溫
供奉官周覺盧贄楊安國王昺耿維康陳諤王方徐中立侍禁秦純吳
之紀杜卿張敷樂僖趙士旻殿直孫丹方承約張顯郭璫母玉王士享
奉職陳子淵徐昇借職師孟呂師嚴可各轉一官制

敕具官某等：朕即英祖舊邸，崇建寶坊，爾等率職於茲，俱有勞勩。進官一等，以示寵嘉，往服
恩章，益思勵勉。可。《摛文堂集》卷七。

文思使吳元瑜入內供備庫副使張益承制吳永可各轉一官制

敕具官某：朕即英宗舊邸，崇建寶坊，爾等俱以材力之優，協濟厥事。稽其功緒，恪勤可嘉，宜
錫恩章，擢升位秩。往加勵勉，無替前勞。可。《摛文堂集》卷七。

入內文思副使胡宗傑入內西京左藏庫使楊茂昌入內文思使何訢入內左藏庫使滎州刺史陳宥入內東頭供奉官黃訓入內內庭承制鄧忠臣凌德臣可各轉一官制

敕具官某等：朕眷撫庶士，錄其勞列，雖在疏逖，褒賞以時，矧惟左右之臣乎！爾等出入禁庭，奉勤夙夜，恪勤之節，久而益彰，宜服朕恩，序升品秩。尚加勵勉，務稱寵榮。可。《摛文堂集》卷七。

入內西京左藏庫使郭禹臣入內供備庫使張奭入內供備庫副使張彥明入內東頭供奉官宋侁可各轉一官制

敕具官某等：朕追懷恭懿，保翊累朝，錄其舊人，昭示恩紀。爾等出入禁闥，咸著恪勤，宜膺寵嘉，擢升位秩。往加勵勉，以稱所蒙。可。《摛文堂集》卷七。

入內文思使舒州刺史楊日言入內左藏庫使黃諶入內文思使范仔入
內文思副使閻祖德入內文思副使楊端入內西京左藏庫副使鄧繼
英入內內殿承制朱輔世入內崇班王允文鄭諶入內東頭供奉官王
褒張令可各轉一官制

敕具官某等：朕仰膺孚佑，弓韉告祥，爵賞之施，邦有常典。爾等率職禁省，祇奉勤勞，察其恪
謹，宜加甄獎。序升位秩，錫以命書，往其懋承，益思報稱。可。《摛文堂集》卷七。

入內內侍省官朱祐之石瑾張補之李雍陳思恭王堯臣張正夫賈蒙江
諤張欽若許佃容誼趙贇可各特轉一官制

敕具官某等：朕賴天眷佑，錫羨宮闈，慶賞之施，厥有常典。爾等列職禁省，勤毖恪恭，積有勞
能，宜加甄獎。用錫寵命，擢進厥官，往務欽承，益思稱職。可。《摛文堂集》卷七。

入內內庭承制張佑入內左藏庫使王佑可各轉一官制

敕具官某等：禁省近臣，功緒可攷，以時叙進，茲謂典常。爾等出入禁庭，勤恪靡懈，會課來上，宜錫恩章。往其欽承，務稱甄獎。可。《摛文堂集》卷七。

入內左藏庫永州團練使馮鐸可轉一官制

敕具官某：稽勞叙進，不以遐遺，矧吾禁省之臣，會課來上，褒能之典，厥有故常。惟爾稟資溫恭，迪己勤毖，率職有餘，閎閱具存，宜進厥官，以示甄獎。服茲寵命，尚加勉哉。可。《摛文堂集》卷七。

內侍省內殿崇班藍惟信可轉一官制

敕具官某：惟爾從子，功緒可嘉，爰錫恩章，許其回授，宜遷爾秩，以示寵嘉。往服命書，毋忘勤毖。可。《摛文堂集》卷七。

入內西京左藏庫副使張瑾可轉兩官制

敕具官某：朕推一心，以馭羣臣，任無內外，必稽其功緒而進之。爾服采禁省，克自抑畏，閱歲茲久，積勞當遷。叙進厥官，往其祗服。可。《摘文堂集》卷七。

入內內殿崇班鄧宗仁入內左藏庫使梁昭慶可各轉一官制

敕具官某等：宮省之臣，出入禁闥，恪勤不懈，考績維明。有司以聞，法當叙進，宜遷位秩，昭示寵嘉。往克欽承，尚有超擢。可。《摘文堂集》卷七。

供備庫副使蘇球東頭供奉官蕭恭右侍禁張廉張孝忠梁嘉叟右侍禁

華鎮崇班劉震右侍禁錢景寬右班殿直蘇絢可各轉一官制

敕具官某等：浮梁建壘，工役不愆，爾等咸服事勞，協力趣辦，宜推恩典，以示褒嘉。序進厥

官，往承無斁。可。《摘文堂集》卷七。

入內內侍省西染院使郝平可特轉一官制

敕具官某：朕考覈羣臣，錄其功緒，爵祿之賞，資以勸能。惟爾賦材敏明，迪己勤毖，踐揚事任，積有顯勞，宜錫命書，褒進厥官。往加勵勉，務稱朕恩。可。《摘文堂集》卷七。

入內內侍省供備庫副使張禹偁西頭供奉官武昱可各轉一官制

敕具官某等：在潛邸時，嘗造燕府，相與講學。爾等實預祗奉，念之不忘，宜錫恩章，特遷位秩。往加勤毖，以稱所蒙。可。《摘文堂集》卷七。

入內右驂驥使裴絢可轉一官制

敕具官某：曩築蕭關，爾預宣力，以時促辦，工役不愆，勞列之優，宜膺厚賞。用申舊命，加進厥官。褒善錄勤，惟以示勸，往服朕訓，無怠欽承。可。《摘文堂集》卷七。

入內文思使董舜臣可轉一官制

敕具官某：朕考覈羣臣，錄其功緒，爵祿之賞，資以勸能。爾出入禁庭，謹恪可尚，軍器建局，率職有勞，宜錫恩章，以示甄獎。擢升厥位，其往欽承。可。《摛文堂集》卷七。

入內西京左藏庫副使黃洙可轉一官制

敕具官某：朕考覈羣臣，錄其功緒，爵祿之賞，資以勸能。爾材資之優，率職有裕，軍器建局，宣力爲多，宜錫恩章，以示甄獎。擢升厥位，往其懋哉。可。《摛文堂集》卷七。

入內西京左藏庫副使張禹偁可轉一官制

敕具官某：爾祇事皇府，閱歲既多，宜錫恩章，以示甄獎。進官一等，其克欽承。可。《摛文堂

入内右驂驥使朱拱之入内左藏庫副使何訢可各轉兩官制

敕具官某等：爵祿之賞，操柄在予，念功簡勞，人用胥勸。惟爾服職宮省，夙著恪恭，茶事告成，預有勤績，宜加甄獎，昭示寵嘉。用錫命書，擢升位秩，往承無替，尚有異恩。可。《摘文堂集》卷七。

入内内侍省文思使榮州刺史陳宥可轉一官制

敕具官某：計其歲月，察其行能而後進之，此有司考績之政也。雖吾宮省之臣，耳目所及，亦率是法。惟爾出入禁闥，勤愍可稱，會課以時，既應遷格，序升品秩，爰錫命書。往服寵榮，尚加勵勉。可。《摘文堂集》卷七。

入内左藏庫副使黃希叟可轉一官制

敕具官某：爾祇事宮省，勤愍不渝，論課有司，既應遷格，宜升班秩，以示褒嘉。往服恩榮，益思懋勉。可。《摘文堂集》卷七。

全宋文卷二九三〇

慕容彦逢 九

入內內殿承制楊軫可轉一官制

敕具官某：爾服事內省，勤愍可嘉，褒進以官，往其祇服。可。《摘文堂集》卷七。

入內內侍省禮賓使及入內內侍省左藏庫副使胡宗傑等並轉一官制

敕具官某等：考績之法，以勵庶工，褒善錄勤，靡閒疏遠，矧吾禁省之臣，義豈當後！惟爾宣勞夙夜，勤愍不愆，會課當遷，叙進厥位。是雖有司之常法，非率職勵行，其何以稱此？可。《摘文堂

集》卷七。

入內侍省左藏庫副使張瑛可轉一官制

敕具官某：禁省之臣，職任親近，稽勞叙進，時乃舊章。惟爾材資之優，濟以勤恪，有司會課，率職可嘉，宜錫恩章，俾升位秩。往其勵勉，以對寵恩。可。《摛文堂集》卷七。

入內左藏庫副使何訢可轉一官制

敕具官某：宮闈嗣慶，爾父預恩，祈以寵章，屬於子姓。惟爾出入禁闥，勤毖不愆，宜錫命書，進升位秩。無忘忠孝，乃稱所蒙。可。《摛文堂集》卷七。

入內西京左藏庫副使劉光祖可轉一官制

敕具官某：汝位職恪勤，達於朕聽，進官一等，以示寵嘉。往服恩章，勿替厥志。可。《摛文堂

集》卷七。

入內侍省東頭供奉官熙河路走馬承受公事秦肅之特轉兩官制

敕具官某：汝出入戎行，以駿奔承命爲職，廼能審度事機，率先士卒，奮身鋒鏑之間，決戰取勝，誅斬首惡，閱級既多，幕府以聞，朕用嘉止，進官二等，以懋汝功。服我寵榮，愈加勵勉。可。

《摘文堂集》卷七。

朝請大夫尚書省都事呂昭敏韓祥可轉一官制

敕具官某等：朕命儒臣，編次學制，成書來上，爾與有勞，擢進一官，以示甄獎。往承茂渥，無替恪勤。可。《摘文堂集》卷七。

手分借職邵淵左安仁廉公謹可轉一官制

敕具官某等：爾奉行文書，勞勩宜賞，進官一等，其往欽哉。可。《摘文堂集》卷七。

宣政使深州防禦使賈祥可使額上轉行一官制

敕：朕親御翰墨，刊定學校之政令，命官編次，既獻成書，應奉之臣，宜膺慶賞。具官某，持身祇肅，涖職恪勤，揚歷既多，休有譽處。惟茲建局，承命不愆，宜進厥官，昭示嘉獎。往其欽佩，益懋厥修。可。《摘文堂集》卷七。

西京左藏庫副使邢從善可轉一官制

敕具官某：惟爾昔應奉常，援例祈恩，寵進一官，以示甄錄。往服朕命，無替恪勤。可。《摘文堂集》卷七。

皇城副使權發遣本路都監新差權發遣保安軍耿端彥莊宅副使本路
第六將孫廣如京副使本路第六副將梁璋各特與轉兩官係鄜延路
制

敕具官某等：朕率惟敕功，以固封宇，西陲招納，爾克有勞，超進厥官，以示獎激。往加勉勵，尚有寵榮。可。《摘文堂集》卷七。

監成都府上供機王隨可轉一官制

敕具官某：織紵之工在成都者，汝實總之。克勤乃職，勞列可嘉，宜進厥官，俾乃舊服。體予甄獎，尚加懋哉。可。《摘文堂集》卷七。

宣德郎魏當可轉一官制

敕具官某：朕重建琳宮，修嚴像設，爾預供億，宜錫恩章。擢進一官，往其祇服。可。《摛文堂集》卷七。

朝請郎集賢殿修撰知荆南軍府董必特轉三官制

敕具官某：朕操八柄，以馭羣臣，爵賞之施，非迪有功，未嘗虛授。爾以書殿華貫，作帥荆湖，經理封疆，既克就緒，進官三等，以懋爾勞。圖稱所蒙，尚有顯秩。可。《摛文堂集》卷七。

通直郎提舉夔州路常平等事張杲與轉一官制

敕具官某：朕祇遙先猷，恢崇學校，庶幾道德一、風俗同。汝爲部使者，能糾察異論，助朝廷所以訓迪多士之意，朕甚嘉之。進官一等，爲汝寵榮，往其欽承，益勵治行。可。《摛文堂集》卷七。

通直郎李亘可轉兩官御批鰥寡孤獨王政所先條令雖具施行在人溧陽縣分爲八室男女異處各得其所宜在褒勸其知縣特轉兩官候任滿日與堂除差遣制

敕具官某：朕憫鰥寡孤獨之民困窮無告，廣建居養，所以安集之。有司供億，事爲之制。朕之撫綏斯民，亦已勤矣。顧條令雖具，而施行在人。惟爾究宣德意，分治室廬，男女異處，各得其所。設施之美，達於朕聞，不有褒升，何以示勸？進官三等，時乃異恩，俟其終更，別加除擢。往服朕命，無替恪勤。可。《摘文堂集》卷七。

權貨務監官朝奉大夫宋康年吳薦朝請郎丁維買鈔所監官文思副使

左厚之奉議郎周中可各轉一官制

敕具官某等：鈔法之行，爾實推奉，會課饒羨，良見恪勤，宜錫寵章，擢升品秩。往加勵激，務稱所蒙。可。《摘文堂集》卷七。

承務郎知鄭州管城縣范世修奉議郎通判永興軍王直臣奉議郎僉書
陝州節度判官廳公事王觀國可各轉一官制

敕具官某某：爾等詔諭逋逃，俾還戶籍，效實可尚，達於朕聞。褒進厥官，維以示勸，往思報稱，無替恪勤。可。《摛文堂集》卷七。

朝奉郎張伯昌宣議郎王萬承議郎徐宅供備庫副使魏伯成李彭年皇
城使京畿提舉保甲兼提刑劉戒朝奉大夫趙士宇朝奉郎提舉京畿
常平王仲原承議郎孫奎周廷堅奉議郎向濤宣德郎樓光翟敦仁宣
奉郎向滌應安道入內內侍省供備庫副使黃希叟左藏庫副使王朗
皇城使河東第六將開德府駐劄劉永德可各轉一官制

敕具官某某：爾等預修比輔，各迪有功，宜錫寵章，以示甄獎。進官一等，時乃茂恩，往其欽承，益圖稱塞。可。《摛文堂集》卷七。

涇原路定戎鹽池提舉措置官夏僊句管種收給納劉雄陳開並各轉一官制

敕具官某等：鹽池奏課，歲額遞增，經畫於茲，惟爾勞勩，宜推恩嘉。序進一官，往其祗服。可。《摛文堂集》卷七。

朝請郎知北外都水丞公事葛仲良朝奉郎權發遣通利軍句仲甫可各轉一官制

敕具官某等：營建新壘，役不愆期，惟爾供億之勞，宜加甄賞。用錫寵命，擢進厥官，務往欽承，無替勤恪。可。《摛文堂集》卷七。

通直郎河北路運判張翬可轉一官制

敕具官某：爾以才選，往佐漕臺，工役造成，與有勞勩。擢升位秩，維以勸能，往服恩章，尚加懋勉。可。《摛文堂集》卷七。

朝散郎同管句成都府利州陝西等路茶事兼提舉陝西等路買馬監牧

公事廳龐寅孫轉一官制

敕具官某：爾比擢使輶，監樁監牧，鬻馬三萬，差擇惟良，勞列之優，宜示甄獎。用錫明命，寵進厥官，往其欽承，愈加勵勉。可。《摛文堂集》卷七。

知岷州降授左藏庫使威州刺史馮瓘通判岷州奉議郎石緝岷州都監

供備庫使魏允中可各轉一官制〔二〕

敕具官某等：爾效職外邦，預吾馬政，鬻數登足，功緒可嘉，宜進厥官，昭示甄獎。往加勵勉，以稱茂恩。可。《摘文堂集》卷七。

〔二〕都監：原作「都州監」，據庫本刪「州」字。

太常博士單晔可轉兩官兩浙提舉學事路瓘可轉兩官制

敕具官某等：朕親定學校政令，付之儒臣，俾加編次。爾等俱以文行被選，披閱於茲。書成叙恩，擢升位秩，往服寵命，益懋厥修。可。《摘文堂集》卷七。

朝散大夫直龍圖閣提舉成都府利州陝西等路茶事兼陝西等路買馬

監牧事孫鼐抃可與轉一官制

敕具官某：惟爾心術疏通，濟以勤恪，市茲萬馬，差擇惟良。稽勞叙恩，擢升品秩，體予嘉獎，其懋承之。可。《摛文堂集》卷七。

朝散郎權發遣陝府兩路轉運判官公事孫琦朝奉郎權知解州宋表微

承事郎權通判河中府李釜可各轉一官制

敕具官某：爵祿之柄，在予一人，褒善錄勤，夫豈虛授！爾等協力鹺事，各迪有功，宜錫恩章，俾遷位秩。往其祗服，益懋厥修。可。《摛文堂集》卷七。

宣德郎通判乾寧軍王雲可轉兩官制

敕具官某：朕嘗遣使，往撫三韓，爾以牋笺從行，實紀其事。成書來上，文理可嘉，擢進厥官，仍佐軍壘。往思勉勵，以稱寵褒。可。《摘文堂集》卷七。

引進副使雄州防禦使姚古可使額上轉一官制

敕具官某：爾統吾虎士，修築有勞，帥臣以言，朕所嘉尚。特遷品秩，爲爾榮寵，往服命書，益圖顯效。可。《摘文堂集》卷七。

右監門衛大將軍仲馨可轉一官制

敕具官某：屬籍之親，領秩環衛，能以勤毖，達於朕聞。序進厥官，昭示嘉獎，欽承無替，往稱所蒙。可。《摘文堂集》卷七。

左朝議大夫蹇序辰可轉一官制

敕具官某：朕既寶藏宸集，加惠史臣，例進一官，汝其祇服。可。《摘文堂集》卷七。

左侍禁方榮可轉一官制

敕具官某：爾以緝捕之勤，討獲群寇，部使者來上，朕用嘉之。擢進厥官，往其祇服。可。《摘

文堂集》卷七。

太醫承直翰林醫官局王舜卿可轉一官制

敕具官某：爾諸父周道，醫診有勞，許以恩章，屬於從子。用遷爾秩，往其欽承。可。《摘文堂

集》卷七。

太醫承直翰林醫官局李仲章可轉一官制

敕具官某：爾父士爽，醫診有勞，許以恩章，屬於子姓。用遷爾秩，往其欽承。可。《摘文堂集》卷七。

司勳員外郎陳噩可轉一官制

敕具官某：閤門儀制，既獻成書，惟爾久與討論，宜有甄獎。進官一等，示不弭忘，往其欽承，益思所稱。可。《摘文堂集》卷七。

天文官介王仲孚康永昌可各轉一官制

敕具官某：爾等推測之精，考驗不爽，宜升位秩，以示寵嘉。往服恩榮，益加懋勉。可。《摘文堂集》卷七。

太史局天文院學生蘇亮可轉兩官制

敕具官某：曆書之成，爾與祇奉，錫茲恩命，往其欽承。可。《摘文堂集》卷七。

醫官潘用中可轉一官制

敕具官某：爾服勤醫診，藝業惟良，調治中宮，勞效顯著，宜升位秩，昭示寵嘉。往服恩榮，務先謹恪。可。《摘文堂集》卷七。

皇兄右武衛大將軍保州刺史士暕可轉一官制

敕具官某：宗正言爾學問淹通，累中優選，朕聞而嘉之。召試禁林，以觀所蘊，而程篇來上，文理俱通。宜進厥官，俾爲屬籍之勸。可。《摘文堂集》卷七。

右監門衛大將軍仲侃仲維可各轉一官制

敕具官某等：爾父宗諤，受命仁廟，敦諭英祖，趨定儲極，載在信史，朕心不忘。宜錫恩章，以寵厥後。擢升位秩，其往欽承。可。《摘文堂集》卷七。

兩朝佑聖太夫人姪孫左侍禁閤門看班祇候張世昌可轉一官制

敕具官某：朕追懷恭懿，褒錄近親，進爾一官，錫茲明命。往其欽佩，務稱寵榮。可。《摘文堂集》卷七。

郭獻卿男莊宅副使鎮可轉兩官制

敕具官某：爾父國之嫺戚，淹其淪亡，遺奏祈恩，以爲爾寵，朕用憫惻，進爾官榮。圖稱所蒙，無忘忠孝。可。《摘文堂集》卷七。

承議郎試戶部尚書劉逵翰林學士朝散郎知制誥張康國朝散郎試尚書禮部侍郎王能甫朝奉大夫試尚書工部侍郎管師仁可各轉一官制

敕：朕集神考詔禮，既藏之顯謨，與《詩》、《書》並傳，垂訓萬世，爰推慶典，以惠史臣。具官某等，學問文章，時望所屬，雍容爾列，載筆汗青，宸集備成，嘗預典領。用加甄獎，序進厥官。往其欽承，無或謙避。可。《摛文堂集》卷七。

右武衛大將軍吉州防禦使世設可轉一官制

敕：朕於羣臣之有功者，雖遠不忘，錄其世類，矧宗室近親，恩紀宜厚者乎！具官某，爾父從古受命仁廟，敦諭英祖，趨定儲極，朕所追懷，用錫爾祉。大邦禦侮，擢正使名，服茲寵榮，務先謹恪。可。《摛文堂集》卷七。

知開德府顯謨閣直學士朝奉大夫李孝壽可轉一官制

敕：侍從之臣，服采於外，有勞當錄，朕豈弭忘！具官某，材術之優，歷踐煩劇，比修北輔，供億不愆，宜錫恩章，褒進厥序。體茲異數，尚加勉哉。可。《摘文堂集》卷七。

翰林學士鄭居中可轉兩官制

敕：朕親御翰墨，刊定學校之政令，科條纖悉，取成於心。編次之臣，以書來上，爰推慶賞，褒叙其勞。具官某，氣節端方，材猷閎廓，文章學問，望實顯隆，雍容禁林，與茲典領，宜膺寵命，擢進品階。往體眷知，無忘欽佩。可。《摘文堂集》卷七。

禮部侍郎劉正夫可轉兩官制

敕：朕御翰墨，刊定學校之政令，科條纖悉，取成於心。編次之臣，以書來上，特推慶賞，時乃茂恩。具官某，服在儀曹，與茲典領，例升位秩，朕不汝遺。往其欽承，無忘稱塞。可。《摘文堂集》

起居舍人蔡薺可轉兩官制

敕：朕親御翰墨，刊定學校之政令，命官編次，既獻成書，在局之臣，宜均慶賞。具官某學術辭采，嘗冠諸儒，論議純明，業履維稱，服在右史，與茲討論，擢進厥官，以示甄獎。往其欽佩，益懋厥修。可。《摘文堂集》卷七。

全宋文卷二九三一

慕容彦逢 一〇

左藏庫副使楚沙木可轉一官制

敕具官某：爾躬冒矢石，以有戰多，幕府奏功，按級序賞。進官一等，於爾爲榮。可。《摘文堂集》卷七。

西京左藏庫副使王偉可轉一官制

敕具官某：爾奮武疆場，以克有功，閱級序恩，昭示嘉獎。服茲明命，尚加勉旃。可。《摘文堂集》卷七。

西綾錦副使兼翰林醫官副使蓋演醫官副使盧德誠翰林醫官賜緋丁

銳翰林醫學李師老可各轉一官制

敕具官某等：爾等祇事衛府，醫診有勞，宜錫恩章，昭示嘉獎。進官一等，其克欽承。可。《摘文堂集》卷七。

供備庫副使李庠可轉一官制

敕具官某：惟爾率職不愆，宜有甄獎，用錫明命，寵進厥官。往務欽承，勿替勤恪。可。《摘文堂集》卷七。

翰林學士鄧洵仁可轉一官制

敕：大禮彝制，閤門定議，比命有司，特加編次，稽其功緒，宜錫恩章。具官某，操履端方，學問純粹，文章論議，夙有顯名，兩獻成書，條理該盡，擢升品秩，以示寵嘉。往服邦榮，並思報稱。

可。《摘文堂集》卷七。

宣德郎尚書膳部員外郎王澤通直郎尚書職方員外郎李康彥可各轉

一官制

敕具官某等：樞筦修書，既成來上，夙以推擇，久與討論，宜進厥官，昭示寵獎。往其欽佩，務稱恩榮。可。《摘文堂集》卷七。

朝奉郎大司成兼侍講薛昂可轉一官制

敕：夏人入貢，邦有常儀，命官刊修，以垂永制，成書來上，功緒可嘉。具官某，學問文辭，朕所眷任，資其詳定，條列該明，宜錫恩章，昭示寵嘉。進官一等，往惟欽承。可。《摘文堂集》卷七。

右藏庫副使柴定官可轉一官制

敕具官某：數級塞下，爾預有功，宜進厥官，以勵忠勇。錫茲明命，其克欽承。可。《摘文堂集》卷七。

文思副使馮鐸可轉一官制

敕具官某：爾父預修貢儀，例有褒賞，移恩子姓，朕所嘉從。進爾一官，往其祇服。可。《摘文堂集》卷七。

奉議郎歐陽大椿可轉一官制

敕具官某：惟爾弗徇請謁，舉發其私，吏守若茲，氣節可尚。擢升官次，副以優恩。今命近官，特加審察，體予甄獎，往其懋承。可。《摘文堂集》卷七。

閣門祇候劉敷可職上轉劉婕妤弟劉牧劉敏可轉一官制

敕具官某等：宮闈嗣慶，恩及外官。爾等俱以恪勤之資，列於戚里，與茲寵典，兄弟聯榮，或擢進職名，或序遷品秩。往其欽佩，務稱所蒙。可。《摛文堂集》卷七。

左藏庫副使蘭日政可轉一官制

敕具官某：爾服職有勞，達於朕聽，宜加褒陟，示不弭忘。序進一官，往承無斁。可。《摛文堂

集》卷七。

太醫丞趙宗元翰林醫官趙嗣先可轉一官制

敕具官某等：軍器建局，爾預有勞，擢進厥官，以示甄獎。往祇乃服，無替恪勤。可。《摛文堂

集》卷七。

醫官熊希賢可轉一官制

敕具官某：惟爾醫診之良，克有勞效，宜優常裕，序進厥官。往務欽承，無替勤恪。可。《摘文堂集》卷七。

醫官王舜康張節可各轉一官制

敕具官某等：爾父醫診有勞，移恩子姓，宜遷爾秩，錫以命書。往服恩榮，益勤世業。可。《摘文堂集》卷七。

醫官卓遵國可轉一官制

敕具官某：惟爾醫診之良，克有勞效，宜遷位秩，以示寵嘉。往服命書，益勤厥藝。可。《摘文堂集》卷七。

軍器庫使兼醫官使卓遵國醫官使王處厚軍器庫副使兼醫官副使張希房蓋演高明之西綾錦副使兼醫官副使趙廣文醫官副使張漸王舜民太醫承直醫官劉景溫太醫丞張永醫官任元善可各轉一官制

敕具官某等：朕荷天之休，後星嗣慶，爾等或與祇奉之賞，或膺回授之恩，均被寵命，序升品秩。往精厥藝，務稱邦榮。可。《摛文堂集》卷七。

太史局丞袁惟幾可轉一官制

敕具官某：新曆成書，爾惟推測，特蠲常格，寵進厥官。往承朕恩，務先恪守。可。《摛文堂集》

醫官國士英男之實醫官張倚男節可各轉一官制

敕具官某等：爾父祇事有勞，宜膺慶賞，許其回授，時乃異恩。茲錫命書，序進爾秩，往精世業，以稱所蒙。可。《摛文堂集》卷七。

權易副使兼翰林醫官副使潘先之可特轉一官制

敕具官某：爾以方劑之勤，奉事王府，閱歲已久，宜錫恩章。擢進厥官，往其祇服。可。《摛文堂集》卷七。

醫官卓遵國可轉一官制

敕具官某：爾父以醫診之良，勞列可獎，移恩子姓，進爾官榮。其往欽承，益承世業。可。《摛文堂集》卷七。

東頭供奉官劉選可轉一官制

敕具官某：爾出入行陣，驍勇有聞，稽其戰多，宜有優賞。進官三等，昭示寵嘉，圖稱所蒙，無忘忠義。可。《摘文堂集》卷七。

崇班張璠與轉兩官東頭供奉官張皞與轉一官制

敕具官某等：爾等奮武疆場，克有戰多，幕府以聞，朕所嘉尚。賜遷品秩，以勵遠臣。往服新恩，益思報稱。可。《摘文堂集》卷七。

東頭供奉官王世益衛采各轉一官制

敕具官某：爾等奮武疆場，克有戰多，幕府以聞，肆遷品秩，以勵遠臣。往服新恩，益思報稱。可。《摘文堂集》卷七。

三班奉職王崇善左班殿直李弼各轉一官制

敕具官某等：宮闈崇封，恩加外屬，以名來上，朕所嘉從。往服寵榮，勿忘勤毖。可。《摛文堂集》卷七。

左藏庫副使尹正供備庫使兼通事舍人潘珣可轉一官制

敕具官某等：宸閣定儀，成書來上，爾等與有勞勩，宜錫恩章。序進厥官，往承無斁。可。《摛文堂集》卷七。

醫官王處厚可轉一官制

敕具官某：爾弟師厚，宣醫有勞，宜錫恩章，廼以回授。用進爾秩，往其欽承。可。《摛文堂集》卷七。

右侍禁蘭泰舒世亮右班殿直陳絳可各轉一官制

敕具官某等：宮闈嗣慶，爾等俱以祗奉之勞，與升品秩。服茲寵命，無替恪勤。可。《摘文堂集》

卷七。

降授內殿承制李青鋼可轉一官制

敕具官某：爾統率所部，擊賊有功，宜進厥官，以示甄獎。往服寵命，尚加勉哉。可。《摘文堂集》卷七。

朝奉郎劉辟疆可轉一官制

敕具官某：爾曩奉使輶，往按保伍，服勤職業，克有事勞。抗言祈恩，朕命甄錄，進官一等，於爾爲榮。可。《摘文堂集》卷七。

大理寺捉事使臣朱渙可轉一官制

敕具官某：惟爾緝捕之勞，宜膺賞典，進官一等，往務欽承。可。《摛文堂集》卷七。

西頭供奉官張彥廓可轉一官制

敕具官某：祈事宗藩，恪勤不懈，茲以恩數，祇進爾官。用錫恩章，往其祇服。可。《摛文堂集》

卷七。

內殿崇班劉宗彥可轉一官制

敕具官某：惟爾營繕之勤，宜有甄獎，進官一等，往服恩章。可。《摛文堂集》卷七。

承議郎張勔東頭供奉官辛宗可各轉一官制

敕具官某等：朕建外宗正於洛師，今措置就緒，宗子肅戢。雖朝廷教養之備，爾預有勞。序進厥官，以示甄獎，尚加勉哉。可。《摘文堂集》卷七。

蕃官皇城副使葉吉特可贈三品制

敕具官某：爾效職邊陲，沒於王事，忠義之節，有惻朕心，優錫愍書，以慰窀穸。尚其不昧，亦克歆承。可。《摘文堂集》卷七。

內班殿直閣門祗候殿中省尚贊奉御劉安國可轉一官制

敕具官某：爾擢左御府，勤毖不愆，逮茲終更，法有褒賞。用錫明命，叙進厥官。往服朕恩，愈加勵勉。可。《摘文堂集》卷七。

東頭供奉官默特博與轉一官制

敕具官某：以驍勇之資，遇敵決勝，斬馘既多，兵無亡矢，進官一等，以示寵嘉。往服恩章，愈加激勵。可。《摘文堂集》卷七。

皇城副使某與轉兩官制

敕具官某：清平之使，惟爾禦敵追奔，克有勞烈，進官二等，以示寵嘉。往其欽承，無替忠恪。可。《摘文堂集》卷八。

皇城副使沈貴與轉兩官西京左藏庫副使何先明供備庫副使董修古

東頭供奉官馬制蕃官左藏庫副使吹忠可轉一官制

敕具官某等：惟爾決戰取勝，功緒可嘉，宜進官榮，以示甄獎。往承無替，嗣有恩章。可。《摘

文堂集》卷八。

前內殿承制董厚與轉三官制

敕具官某：爾驍勇過人，臨敵用命，率先士卒，以立戰多，宜錫優恩，昭示獎激。進官三等，其往欽承。可。《摘文堂集》卷八。

東頭供奉官密桑與轉一官制

敕具官某：順寧之役，爾預有功，宜進厥官，以勵忠敢。往承無替，朕不弭忘。可。《摘文堂集》卷八。

蕃官皇城副使旺默星及蕃官左藏庫副使旺密桑各與轉一官制

敕具官某等：爾深入寇境，決戰立功，帥師以聞，宜有甄獎。遷官示寵，於爾爲榮。可。《摘文堂集》卷八。

東上閤門使楊應詢可轉一官制

敕：疆場之臣，朕所睠察，錄其勞列，錫以恩章。具官某材藝之優，擢在邊要，審於備豫，斥候惟明，不有褒升，何以示勸？進官一等，其往欽承。可。《摘文堂集》卷八。

東頭供奉官高士侯可轉一官制

敕具官某：披堅執銳，以立戰多，閱級序恩，昭示獎激。擢升位秩，其往欽承。可。《摘文堂集》卷八。

左班殿直种師閔與轉三官制

敕具官某：爾深入決戰，鷙勇可嘉，帥臣奏功，閱級第賞。進官三等，其往欽承。可。《摘文堂集》卷八。

蕃官文思副使賽音與轉一官制

敕具官某：爾逢賊決戰，以克有功，鷙勇之資，良可嘉尚。按級序賞，其往欽承。可。《摛文堂集》卷八。

西頭供奉官由稔與轉兩官蕃官東頭供奉官幹明善與轉兩官蕃官供
備庫副使香瑪與轉一官制

敕具官某：爾等乘勢追襲，誅馘強敵，稽其功次，擢進厥官。往服恩章，無替忠敢。可。《摛文堂集》卷八。

右侍禁侯公瑾可轉一官制

敕具官某：惟爾祇事恪勤，克有勞列，宜膺懋賞，擢進厥官。往服命書，尚多後祉。可。《摛文堂集》卷八。

內殿崇班策喇卜沁與轉一官制

敕具官某：爾臨敵驍勇，克有戰多，擢進厥官，以示嘉獎。欽予時命，尚其勉旃。可。《摛文堂集》卷八。

東頭供奉官張士廉西頭供奉官馬先賀世安左侍禁南信可各轉三官制

敕具官某：惟爾等逢賊決戰，斬獲既多，幕府以聞，宜加優賞。進官三等，往其欽承。可。《摛文堂集》卷八。

降授西京作坊使孫慶可轉一官制

敕具官某：爾馘斬既多，仍執強敵，帥司條上，功狀甚明。擢進厥官，往承無斁。可。《摛文堂集》卷八。

西染院使王元轉兩官制

敕具官某：惟爾奮武邊陲，誅擊強敵，兵無亡矢，閱級爲多，宜錫命書，昭示嘉獎。進官二等，其往欽承。可。《摛文堂集》卷八。

三班借職李通可特轉一官制

敕具官某：爾右選小臣，而其姓名達於朕聽，擢升位秩，於爾之所遇，可謂榮也矣。往服命書，勉思稱塞。可。《摛文堂集》卷八。

故供備庫副使張吉可贈三官制

敕具官某：惟爾效職邊陲，死於行陣，忠義之節，朕心所嘉，優進厥官，以示褒卹。魂而不昧，尚克監茲。可。《摛文堂集》卷八。

右班殿直王伉可轉一官制

敕具官某：惟爾率職有勞，宜加甄獎，進官一等，其往欽承。可。《摛文堂集》卷八。

東頭供奉官劉振可轉一官制

敕具官某：惟爾殺獲凶寇，勞力可嘉，擢進一官，往加勵勉。可。《摛文堂集》卷八。

魯斯結族蕃官侍禁節幹結斯結可各特與轉一官制

敕具官某等：爾等忠義不渝，奮身內附，捕獲奸細，達於朕聞，褒進一官，庸示獎激。往加勵勉，以副恩章。可。《摛文堂集》卷八。

蕃官東頭供奉官索琳密密保默齋皇城使默實勒奇多伊內殿承制牛

威名東頭供奉官威女篇鼎內殿崇班蒙伽恪各與轉一官制

敕具官某某：爾等奮身內附，來造闕廷，誠節若茲，宜示獎激。用加褒擢，序進厥官，祇服恩章，勉圖忠報。可。《摛文堂集》卷八。

全宋文卷二九三二

慕容彥逢 二

東頭供奉官王正臣與轉一官制

敕具官某：爾出入行陣，克有戰多，序進一官，庸示獎激。往圖顯效，以稱恩章。可。《摘文堂集》卷八。

侍禁吳志可與轉三官制

敕具官某：惟爾奮武決勝，誅擊寇攘，閱級既多，兵無亡矢，宜推優賞，以勵遠臣。用錫命書，擢官三等，往加勵勉，務稱恩榮。可。《摘文堂集》卷八。

奉職王谷可轉一官制

敕具官某：理寺修書，既成來上，惟爾預有勞績，宜進厥官。往承朕恩，無替勤恪。可。《摛文堂集》卷八。

文思使胡德淵供備庫副使耿臨供備庫副使曹歷蕃官西京左藏庫副使蘇默可各轉兩官東頭供奉官張易文思副使張永德禮賓使曹修蕃官左藏庫副使將凌蕃官供備庫副使香瑪可各轉一官制

敕具官某某：爾等服在邊陲，見謂忠勇，斬馘強敵，克有戰多。帥師以聞，按級第賞，進遷位秩，昭示寵嘉。尚圖後功，嗣膺褒擢。可。《摛文堂集》卷八。

西頭供奉官陳殊可轉一官制

敕具官某：爾屢膺賞典，引例自陳，宜進厥官，以勸勞績。往慎乃服，勿替恪勤。可。《摛文堂集》卷八。

供備庫副使李琰路璉西頭供奉官李希成右侍禁朱渙可各轉兩官制

敕具官某等：茶場奏課，爾預有勞，宜進厥官，以示甄獎。往加勤恪，務稱恩章。可。《摛文堂集》卷八。

供備馮熙與轉一官制

敕具官某：惟爾效職邊圉，與有戰多，抗章自陳，朕命甄叙。進官一等，時乃異恩，往懋忠勤，以圖報稱。可。《摛文堂集》卷八。

左班殿直劉湜三班借職朱渙右班殿直陳若拙太醫丞趙宗元翰林醫

官趙嗣先可各轉一官制

敕具官某等：軍器建局，工用不愆，爾率職於茲，與有勞勩。進官一等，往其欽承。可。《摛文堂集》卷八。

右侍禁胡誼與轉五官制

敕具官某：爾奮武以忠，抗賊決勝，兵無亡矢，閱級爲多。帥司奏功，朕所嘉懌，進官五等，時乃異恩。往其欽承，益思報稱。可。《摛文堂集》卷八。

東頭供奉官李佐可轉一官制

敕具官某：爾統率所部，禦敵有勞，斬馘既多，兵無亡矢。進官一等，以示寵嘉。尚其勉旃，益

彰後效。可。《摘文堂集》卷八。

河東轉運判官王勤可轉一官制

敕具官某：爾奉使晉郊，經畫鹺事，課額增羨，功緒可嘉。擢進厥官，以示甄獎。往服寵命，無替恪勤。可。《摘文堂集》卷八。

奉議郎于彥佐可轉一官制

敕具官某：爾出宰百里，克以材稱，察其設施，頗見成效。宜膺褒賞，擢進品階。往承朕恩，益思所稱。可。《摘文堂集》卷八。

皇后閣祇候使臣竇瑛祇應人石君許可各轉一官制

敕具官某等：爾以祇事克勤，預膺慶典，進官一等，其往欽承。可。《摘文堂集》卷八。

左藏庫副使閤門通事舍人劉公輔可轉二官劉慎內殿崇班李庠東頭供奉官王坪各轉一官制

敕具官某：惟爾追獲新冠，克有戰多，宜進厥官，以示褒賞。往服恩命，尚加勉勵。可。《摘文堂集》卷八。

內殿承制魏舜臣李彭年供奉官郭彥趙令淘李永年彭汜侍禁葛鞏王汴張克敞李從古殿直李淑程輓李中正奉職楊幾道借職李南仲可各轉一官制

敕具官某等：比修北輔，爾預有勞，宜進厥官，以示甄獎。往承恩命，無替恪勤。可。《摘文堂集》卷八。

承議郎翟師中可轉一官制

敕具官某：朕設賞格，付之有司，凡子大夫趨事赴功、利及吾民者，不吝賞祿以寵之〔一〕。爾經畫渠堰，克有成績，宜進厥官，以爲能吏勸。往服恩命，無替爾勤。可。《摘文堂集》卷八。

〔一〕吝：原作「及」，據庫本改。

西頭供奉官張和可轉一官大將康師顏可特轉三班借職制

敕具官某等：朕追懷恭懿，祿其舊人，爾等俱以祇奉之勤，錫茲恩典。往加勵勉，務稱恩榮。

可。《摘文堂集》卷八。

故淑妃張氏姪張琬張瑾可並補借職制

敕具官某等：故妃遺言，祈恩近屬，錫爾一命，往其欽哉。可。《摘文堂集》卷八。

婕妤張氏姪孫張承可借職制

敕具官某：宮闈進位，以恩回授，命爾官使，往其欽承。可。《摘文堂集》卷八。

故駙馬都尉曹司女夫進士時微可借職制

敕具官某：爾爲倩于尚主之家，獲備官使，無忘勤恪，以報恩章。可。《摘文堂集》卷八。

醫官周道隆任景章楊處厚大將耿道淳韓中立書藝局藝學許成吳成
翟易韓奕曹成趙永圖陳德之張友王從志蹇仲恭韓球圖書局藝學
元方卞士端元導尚從吉杜宗範郭惟簡可各轉一官皇城使榮州刺
史宋渙姪男棧皇城使俞隨男儋左藏庫使杜公才兩姨弟劉渥已上
三人各回授補借職制

敕具官某等：朕即英祖舊邸，崇建寶坊，爾等或與祇奉之勞，或膺回授之典，錫茲寵命，往其懋

承。可。《摛文堂集》卷八。

景福殿使明州觀察使楊戩親堂姪茂實可借職制

敕具官某姪：爾之諸父，率職禁廷，有勞當遷，許其回授，用錫爾秩，時乃異恩。宜懋忠勤，往圖報稱。可。《摛文堂集》卷八。

程植可三班借職制

敕具官某：爾以勇敢效用，克有戰功，錫茲官榮，往加勵勉。可。《摛文堂集》卷八。

故三班借職紀育弟紀震可三班借職制

敕具官某弟某：爾兄奮武戎行，委身徇國，嘉其忠節，悼念不忘。錫爾以官，往惟祇服。可。

《摛文堂集》卷八。

兩朝佑聖太夫人重姪孫仲康仲弼可並三班借職制

敕具官某等：朕追懷恭懿，褒卹其家，錫汝恩章，列於命秩。往服事任，無忘恪勤。可。《摘文堂

集》卷八。

太后殿掌牋奏耿茂直劉豫可並特授三班借職制

敕具官某某：爾等職在箋筦，預茲慶恩，命以官榮，往祇乃事。可。《摘文堂集》卷八。

楚州解發到呈試武藝人劉決可借職制

敕具官某：爾試藝殿廷，武勇可獎，錫之命秩，俾服事勞。往克懋承，尚可褒擢。可。《摘文堂

集》卷八。

百姓滑永全可三班借職制〔二〕

敕具官某：惟爾敏於筆札，祇奉有勞，擢自民編，錫茲命秩，仍加餼廩，併示勸能。往懋恪勤，以稱恩典。可。《摛文堂集》卷八。

〔二〕百姓：原作「百姓」，據庫本改。

故右侍禁尚清男均坦可並授三班借職制

敕具官某等：朕推恩死事之孤，以勸忠義，錫爾命秩，其往欽承。可。《摛文堂集》卷八。

左知客押衙兼知進奏事崔通可三班借職制

敕具官某：爾以勞能，達於朕聽，錫茲命秩，其往欽承。可。《摛文堂集》卷八。

故右班殿直馬宣男某可三班借職制

敕具官某：爾父死於行陣，臣節可嘉，優卹其孤，維以示勸。授之命秩，仍錫美名，往服恩章，勿忘忠孝。可。《摘文堂集》卷八。

故內殿承制李仙長男峻次男疇孫忠履可並與三班借職制

敕具官某等：爾父效職邊陲，死於金革，肆推恩典，優卹其孤。服茲官榮，無忘忠孝。可。《摘文堂集》卷八。

故太中大夫魏漢津親女夫張清可三班借職制

敕具官某：漢津之家，祈恩於爾，錫茲命秩，其往欽承。可。《摘文堂集》卷八。

皇后三從伯王子約可三班借職制

敕具官某：爾以戚屬之良，預茲慶典，官於武列，往卹事功。圖稱所蒙，莫忘忠恪。可。《摘文堂集》卷八。又見《永樂大典》卷二〇四七九。

故右侍禁張安民男思賢思忠可並三班借職制

敕具官某等：爾父奮不顧身，死於金革，推恩子姓，惟以勸忠。服茲命書，無替厥紹。可。《摘文堂集》卷八。又見《永樂大典》卷二〇四七九。

故三班借職紀育男塔達克與三班借職制仍賜名紹

敕具官某男某：爾父奮身疆場，效死戎行，有司以聞，朕所悼念。錄爾命秩，併賜美名，移孝爲忠，茲爲克紹。可。《摘文堂集》卷八。又見《永樂大典》卷二〇四七九。

潭州都知兵馬使張繼隆可三班借職制

敕具官某：帥臣上言，爾有勞效，命以官使，往其欽承。可。《摛文堂集》卷八。

茶園班殿侍鄭永立可三班借職制

敕具官某：爾父監督有勞，宜加甄獎，以資回授，時乃特恩。錫爾官榮，往思所稱。可。《摛文堂集》卷八。又見《永樂大典》卷二〇四七九。

虎翼右第一軍都指揮使秀州刺史陳與男寶文御龍直長行李謹可並三班借職制

敕具官某等：朕推恩死事之家，以勸忠義，命爾官使，往其欽承。可。《摛文堂集》卷八。

三班差使房從壽可三班借職制

敕具官某：爾久服事勞，宜有褒叙，命以品秩，往其欽承。可。《摘文堂集》卷八。

故右侍禁王卞女夫薛安靖可三班借職制

敕具官某：爾之外舅，以身徇忠，推恩其家，爾名來上。錫茲命秩，往務欽承。可。《摘文堂集》卷八。又見《永樂大典》卷二〇四七九。

故右侍禁王卞男錫可三班借職制

敕具官某：惟爾父奮不顧身，死於金革，宜推恩典，優卹其孤。錫爾官榮，往圖報稱。可。《摘文堂集》卷八。又見《永樂大典》卷二〇四七九。

睿思殿御前文字外庫書寫文字郭景倩可三班借職制

敕具官某：爾以書札之勞，宜加甄獎，錫茲命秩，其往欽承。可。《摘文堂集》卷八。

大將軍發運司前行徐楷可三班借職制

敕具官某：惟爾久服吏勤，克有勞列，錫茲命秩，其往欽承。可。《摘文堂集》卷八。

入內內侍省東頭供奉官周莘可入內內侍省內殿崇班魏國惠和康佑

夫人薛氏親姪薛敏政太后親舅女之夫姜天祐可並三班借職制

敕具官某等：天寧錫慶，國有舊章。爾等或祇事內廷，或綴名外屬，咸預恩典，進服官榮。圖稱所蒙，毋忘勵勉。可。《摘文堂集》卷八。

皇弟故荆南武寧等軍節度管内觀察處置等使守太師開府儀同三司
荊州牧兼徐州牧蔡王贈太師尚書令兼中書令加冀州牧改封韓王
可特追封楚王餘如故制

敕：朕賴神考之貽燕，承上帝之降康。薦獻祠宮，奉衣冠而永慕；顧瞻甲館，思居處以如存。方
深追往之誠，爰有因心之感。具官某，稟資和粹，迪己慈祥，肅恭克著於朝儀，謙讓不愆於侯度。毓
德雖厚，享年弗遐，宜加贈卹之章，昭示褒崇之意。是用相攸大國，益侈真封，務極哀榮，優加愍
飾。光靈未泯，歆懌在茲。可。《摛文堂集》卷八。

皇兄故河東山南西道節度觀察處置橋道等使守太師開府儀同三司
太原牧兼興元牧陳王賜入朝不趨詔書不名贈尚書令加徐州牧改
封燕王可特加贈侍中追封吳王餘如故制

敕：朕永懷孝思，念茲皇考。瞻衣冠於原廟，如奉睟容；睹梁栢於寶坊，是爲甲館。欲申雨露之

感，用推手足之恩，於其淪亡，尤所傷惻。具官某，蘊慮純靜，稟質惠和，閱義理而無充詘之心，循法度而有柔嘉之則。積德雖厚，享年弗遐，宜增褒卹之章，昭示友恭之義。是用嘉隆名數，錫左省之貂蟬；大啓土疆，建全吳之茅社。再推愍飾，務極哀榮。尚想光靈，亦知歆懌。可。《摛文堂集》卷八。

皇兄故河東山南西道節度觀察使守太師開府儀同三司太原牧兼興

元牧陳王賜入朝不趨詔書不名可贈尚書令兼中書令加徐州牧改

封燕王制

敕：朕立愛以始基王化，因心以敦叙天倫。廼睠近親，莫如同氣，生則體貌盡其禮，歿則哀榮稱其情。爰錫愍書，特優贈典。具官某，稟資忠孝，持己謙恭，作德而心日休，遜志而學時敏。東平爲善，高密任真。謂宜壽考之遐，永綏福履之茂。比云寢疾，亟往幸臨，方決冀於有瘳，胡奄罹於不淑！聞音哀慟，觸緒感傷，非極褒崇，曷伸顧卹？是用峻加異數，增煥寵章。位冠上公，名兼兩令。恢土疆於奧壤，併牧徐方；徙茅社於大邦，改疏燕國。以示賢賢之義，以隆貴貴之恩。尚想英靈，克知歆懌。可。《摛文堂集》卷八。

右驍衛將軍有奕可大將軍遙郡刺史制

敕具官某：追往撫存，務隆恩紀，閔予同氣，爰卹諸孤。惟爾休慶所鍾，夙有令聞，宜遷位秩，加以郡章。仍詔有司，優其餼廩，併茲異數，昭示眷懷。祇服命書，永綏祉福。可。《摘文堂集》卷八。

故燕王第三男賜名有常可右武衛大將軍制

敕具官某：追往撫存，務隆恩紀，閔予同氣，爰卹諸孤。惟爾休慶所鍾，生有淑質，宜加顯秩，賜以美名。仍詔有司，優其餼廩，併茲異數，昭示眷懷。祇服命書，永綏祉福。可。《摘文堂集》卷八。

故燕王第二女可封郡主制〔二〕

敕具位某氏：朕痛念天倫，奄其淪謝，推恩息女，用稱情文。惟爾鍾慶有原，夙著婉淑，宜疏湯沐，主茲大邦，仍命有司，繼其廩給。往綏祉福，以副眷懷。可。《摘文堂集》卷八。

〔二〕題下注云：「案封燕王第三女制與此制同，茲不并錄。」

安康郡主趙氏可封兩郡主制

敕：朕謁款祠宮，永懷祖烈，念濮國之息女，實先帝之諸姑，申錫寵章，特頒異數。具位某氏，柔慈純靜，淑慎謙恭，譽優圖史之傳，動協聲詩之訓，宜加爵命，增衍郡封。是用考茲輿地之名，隆其湯沐之奉，庶幾褒揚於懿德，豈惟敦睦於近親。往對恩榮，益綏壽祉。可。《摛文堂集》卷八。

皇叔右千牛衛將軍仲璵所生母楊氏可封瑞安縣太君叔右千牛衛將軍仲憲所生母陳氏可封長安縣太君叔嘉州防禦使世膺所生母永安縣太君李氏可封咸安郡太君制

敕具位某：彌月慶辰，天畀純嘏，均休屬籍，時庸展親。恩如所生，錫以封爵。其綏壽考，茂對寵榮。可。《摛文堂集》卷八。

皇伯故太保節度觀察留後仲臯可贈開府儀同三司追封榮國公制

敕：朕於屬籍之親，哀榮終始，務稱情文，所以本人倫、教天下也。具官某，稟資和粹，持己端莊，序於內期，樂循矩則，淹其淪謝，有惻朕心。用錫寵章，追加愍飾，贈官開府，仍錫公主。尚其有靈，克有歆澤。可。《摛文堂集》卷八。

中大夫守尚書右丞梁子美故曾祖任翰林學士右諫議大夫贈太師中

書令兼尚書令周國公顯可贈開府儀同三司追封燕國公制

敕：朕登用忠賢，與之共政，中外交慶，僉曰得人。因其拜命之初，寵以褒親之典。具官某，文章華國，論議佐時，官歷諫垣，職聯詞禁。積德深厚，是生曾孫，克以才猷，位于近弼。推原所自，宜有追崇。開府隆名，禮同三事，易封燕土，增衍舊邦。服茲茂恩，尚其歆懌。可。《摛文堂集》卷八。

故曾祖母唐國太夫人閻氏可贈冀國太夫人制

敕：仕宦而至近弼，其淵源所自，豈一日之澤哉！故褒崇之恩，上及於三世，所以慰孝子慈孫之心也。具官某曾祖母某氏，稟質慈祥，宅心敦厚，德配君子，化行閨門。錫祚流光，慶鍾後裔，擢與大政，師言允諧。推原厥初，宜加寵命。相攸大國，有此冀方，增衍舊封，以賁窀穸。尚其不昧，亦克歆嘉。可。《摘文堂集》卷八。

故祖任太子太傅致仕贈太師中書令兼尚書令秦國公適可贈開府儀

同三司追封鄆國公制

敕：朕眷禮大臣，恩數優異，褒親之典，稱其情文，所以爲在位者之勸也。具官某，佐佑昭陵，實惟先正。像列原廟，名紀冊書。勲德顯庸，澤流後裔，致位近弼，紹休前人。宜錫寵章，追加愍飾。開府顯秩，汶陽大邦，增衍舊封，以慰窀穸。英靈雖遠，尚其如存。可。《摘文堂集》卷八。

故祖母越國太夫人任氏可贈曹國太夫人制

敕：朕紹隆孝治，禮優輔臣，追榮其先，務極崇顯，綬章愍冊，國有典常。具官某祖母某氏，柔順慈祥，動循訓則，儷德先正，慶鍾後人。是生慈孫，佐佑幾政，宜膺寵命，增衍舊封。濟陰大邦，俾爲湯沐，歿而不昧，尚克知歆。可。《摛文堂集》卷八。

故父任尚書職方員外郎贈光祿大夫彥昌可贈太子少師制

敕：朕惟執政大夫臣，望實顯隆，致位近弼，義方之訓，自其前人，追加表揚，用錫休命。具官某，材猷宏廓，器識高明，揚歷仕途，積有隱德。潛於郎秩，不滿其能，源深流長，慶鍾子姓，朕所柄用，師言允諧。東宮之孤，名寵秩峻，舉茲賁世，期稱情文。尚想英靈，克知歆澤。可。《摛文堂

集》卷八。

全宋文卷二九三三

慕容彦逢 一二

故母東平郡太君張氏可贈清河郡太夫人制

敕：君子之念其親，跬步不忘。閔予執政大臣，位雖顯矣，而親弗見其榮，祿雖豐矣，而親弗逮其養。肆有追崇之典，以爲孝思之誠。具官某母某氏，柔明肅雝，婉懿沖靜，婦道以順，母義以慈。積厚愛隆，鍾于子姓，擢在廊廟，惟予得人。宜錫茂恩，加隆封爵。清河大郡，爲爾相攸，尚克欽承，永綏厥後。可。《摘文堂集》卷八。

妻文安郡君宋氏可封文安郡夫人制

敕：朕惟卿士大夫，其業履顯聞於時者，必有內助。矧執政大臣，勳德之盛乎？故疏榮之典，及

於閨門。豈特示朝廷之恩，亦以爲室家之勸。具官某氏，稟資靜專，率禮恭恪，內行敕備，宗姻所賢。來嬪慶門，克相君子，夙夜警戒，致位近司。婦貴從夫，國有彝制，文安大郡，時汝舊封，登崇號名，視品爲峻。膺茲異數，壽祉維寧。可。《摘文堂集》卷八。

昭信軍節度觀察留後駙馬都尉郭獻卿可贈節度使制

敕：位列駙馬，國之姻戚，奄茲殂謝，有惻朕心，宜優褒卹之恩，以盡哀榮之禮。具官某，宅心純靜，操行恪恭，自膺選掄，允彰譽處。謂宜壽祉，胡不永年！作鎮大邦，建旄秉鉞，舉以追錫，用稱情文。尚其有靈，亦克知享。可。《摘文堂集》卷八。

高永翼特贈正任防禦使制

敕具官某：疆場之臣，奮武行陣，朕念其功，閔其勞，未嘗須臾忘也。其或不幸以死，則褒卹之儀，在所加厚。爾忠勇自效，積有戰多。方膺寵嘉，俾虔武服，云胡不弔，遽以疾終。禦侮隆名，特優贈典，尚其不昧，享此顯榮。可。《摘文堂集》卷八。

正議大夫致仕宋喬年特贈金紫光祿大夫龍圖閣學士制

考終天命，享有死生，哀榮之隆，追錫爵名。相其春秋，窀穸之事，凡今昔往，孰盛與夷！乃眷賢勞，特隆異數。具官某，名臣之後，尚有典型，近侍之華，鬱爲國器。方將顯用，以究遠圖，曾不有年，嚮用茲福。然自古有死，疾沒世而無稱；太上立言，惟託名爲不朽。其加五命之寵，以慰九原之思。嗚呼傷哉，蔑之命矣！反席於寢，嘉爾易簀之言；納書於棺，副爾乘車之錫。可。《摘文堂集》卷八。

武勝軍節度觀察留後王厚可贈節度使制

敕：疆場之臣，朕所睠卹，於其淪謝，宜示褒崇。具官某，曩膺選掄，往督西旅，前人是似，於國有勞。品秩寢隆，寵榮未艾，云胡不淑，遽以疾終。追錫使名，俾建旄鉞，時惟優典，以慰九原。尚其有知，亦克歆懌。可。《摘文堂集》卷八。

宮人掌記張氏可封大寧郡夫人制

敕具官某：朕念茲恭懿，保佑兩朝，奄及淪亡，夙夜傷惻。褒崇賁飾，既極情文；錄其舊人，益彰異數。惟爾列於宮案，勤毖可稱，昔事神考，獲與潛邸，疏封之典，在爾爲宜。相攸大寧，啓茲湯沐，往承恩命，務保寵榮。可。《摛文堂集》卷八。

兩朝佑聖郡太夫人親嫂同安郡太君蔡氏可封郡太夫人制

敕：朕永懷恭懿，保翊累朝，始終毖勤，年高德劭，自其淪謝，虞悼不忘。爰舉恩章，施於近屬。具位某氏，閨房毓秀，婦德惟優，宜膺寵嘉，隆進封爵。往其欽佩，益介眉壽。可。《摛文堂集》卷八。

耀州華原縣五臺縣真人廟封妙應真人制

敕某：山川勝境，仙聖所居，其盛德懋功顯聞於世者，朕必秩而祀之。惟真人生於有唐，見謂隱

逸，應物之迹，具載史官。廟食平原，時乃鄉縣，祈禳休貺，美利在民，肆加褒崇，特建崇號。尚其歆懌，永福此邦。可。《摘文堂集》卷八。

臨江軍清江縣閣阜山景德觀葛仙翁壇封冲應真人制

敕某：山川勝境，仙聖所居，其盛德懋功顯聞於世者，朕必秩而祀之。惟真人言行所稱，咸造宗極，出入無畛，與道翱翔。壇於琳宮，積有年所，祈禳休應，美利在民，肆加褒崇，特建崇號。尚其歆懌，永福此邦。可。《摘文堂集》卷八。

光州孫叔敖廟祈禱感應擬遺愛侯廣信軍遂城縣班妃廟祈禱感應擬

文惠夫人制

敕某：朕稱秩祀事，廟食之祥，既載諸有司，又賁以封爵，所以教天下之恭也。惟神有德有功，靈貺昭著，宜從民欲，申錫褒章。尚克歆嘉，永福茲土。可。《摘文堂集》卷八。

宮正張氏可同知尚書內省公事制

敕：朕惟國家建省於內，以總女官之職，政本所繫，蓋與外之中臺無以異也。肆于用人，考擇尤慎。具官某氏，性識疏通，材資敏濟，持身端慎，泣事恪勤。曩膺褒揚，位於宮正，業履之美，聞譽益彰。宜服絲綸之言，進聯喉舌之任。往加勵勉，務稱寵榮。可。《摛文堂集》卷九。

宮人掌闈蕭氏可封司言制

敕具官某氏：後宮二十四司，分建寮采，協贊內治，豈惟示恩？以汝性質柔和，容儀端懿，恪勤愍慎，率禮不愆，自列備官，欽承無替。嘉其譽處，宜有褒升。用錫命書，擢升位等，宣傳啓奏，命汝司之。往對寵章，益綏祉福。可。《摛文堂集》卷九。

宮人王氏可特受掌言制

敕某氏：宮廷宣奏，職在掌言，屬於尚宮，秩任清美。惟爾恪勤自飭，婉靖有儀，祇服事勞，動

遵內則，錫茲榮品，以示褒優。往承欽恩，豈俟多訓。可。《摘文堂集》卷九。

宮人掌珍韓氏可典記制

敕具官某氏：宮廷宣奏，職在掌司，屬於尚宮，秩任清美。惟爾服勤禁掖，進列備司，恪謹有常，咸謂敏濟。典記之選，以示寵嘉，往其懋承，永綏榮祿。可。《摘文堂集》卷九。

宮人典言喬氏可尚儀制

敕具官某氏：後宮六尚之職，分總二十四司，聯事合治，與外廷之六卿無以異也。品秩既崇，選授維慎。以爾稟資婉靜，履德懿柔，恪勤能敏於事爲，恭穆動循於禮法，宜加明陟，以示寵褒。惟經籍音樂，凡賓客朝會、班序贊拜，皆總於尚儀，其任可謂隆矣。今以命爾，豈不榮哉！可。《摘文堂集》卷九。

宮人掌綵楊氏可司樂制

敕具官某氏：朕閔茲恭懿，奄及淪亡，褒飭之文，恩紀優異。肆有寵獎，錄其舊人。惟爾夙以專勤，進列宮案，服職愈勵，克著譽言，宜錫命書，進擢司樂。往安祉福，益保顯榮。可。《摛文堂集》

卷九。

婕妤劉氏可特授婉容制

敕：國家設案宮闈，以聽內治，惟九嬪掌教四德，名秩隆顯，考擇之慎，必惟賢柔。具官某氏，性資敏明，儀矩端靚，動遵婦學，言協聲詩。夙興詳求，擢參顧侍，恪恭不懈，持久益彰。乃茲獻歲之初，聿有後星之慶，疏榮示寵，厥惟典常。其進聯於六儀，以登視於一品。服茲茂渥，福履宜之。可。《摛文堂集》卷九。

平昌郡君韋氏可才人制

敕：朕顧謐明命，以承天休，莞寢吉祥，在予妃輔，褒崇之數，茲惟典常。廼形奏章，移恩鞠女。察其謙德，特有嘉從。具官某氏，志慮柔明，性資和適，言容兼穆，禮法交修。曩膺眷知，肇啓湯沐，服寵加懋，稱譽日聞。宜升五品之封，俾爲六宮之勸。往安祉福，茂對邦榮。可。《摛文堂集》卷九。

鄭居中除同知樞密院誥

敕：朕賴帝博臨，中外晏肅，思與良弼，共承天休。乃眷西樞，實總兵柄，登貳厥職，必爲一德之臣。具官某，方嚴惇大，沈靜粹和，學全經術之醇，識造古今之要。曩自瑣闥，延寘禁林，文章典嚴，論議鯁諤。閱日滋久，聞譽益彰，察其公忠，國是允賴。宜升右府，列於近司。於戲！惟協恭可以謀國，惟遠慮可以濟功，祇服訓言，是爲報稱。可。《摛文堂集》卷九。

鄧洵仁除翰林學士承旨誥

敕：學士視草玉堂，極儒臣之寵；而承旨專奉密命，則又以其久次者爲之。祖宗已來，士之與此，蓋無幾也。具官某，業履端靖，學問醇深，揚歷清華，進掌內制，文章論議，聲實顯隆。閱日滋多，朕所睠察，宜以舊制，冠於禁林。往其懋承，以副寵渥。可。《摛文堂集》卷九。

殿中少監劉昞可免試除中書舍人誥

敕：西掖詞垣，與聞幾政，討論潤色，必惟其人。具官某，學有淵源，文知體要，揚歷清貴，望實兼隆。比自螭坳，進直御府，率職勤毖，朕所簡知。其蠲給札之儀，擢寘代言之列，往加勵勉，副朕異恩。可。《摛文堂集》卷九。

楊愿除中書舍人誥

敕：中書基宥密之地，擇屬維艱；舍人演絲綸之言，非才莫據。取諸已試，茲謂得人。具官某，

端厚無華，清明不撓，有聞當世，早著盛名。仲舒潛心，諸儒之論咸服；何蕃正色，六館之節自高。建歷華途，挺然自守。頃從柱史，兼直禁垣，善惡謹於必書，文章妙於行遠。就升厥次，式副僉諧。夫大哉王言，儻能孚四海之聽；則坦然帝制，自遠超西漢之風。其懋爾猷，益稱朕意。可。《摛文堂集》卷九。

龍圖閣直學士中大夫李南公特除落致仕誥

敕：朕治四海以孝，御羣臣以恩，矧位列從班，事經湔滌，子爲父請，朕所矜從。具官某，曩嘗廢居，洊該赦令，寢還職秩，猶處於家。子誠抗言，條舉近旨，特加甄叙，俾復故常。往慎厥修，以稱朕命。可。《摛文堂集》卷九。

左班殿直邊壽可右侍禁大將宋諒史叙可並三班借職制

係大理寺祇應人

敕具官某等：以爾祇事有勞，宜加獎激。錫茲恩典，往其欽承。可。《永樂大典》卷二〇四七九。

蕃官三班奉職李琮男永誼可三班借職制

敕具官某：死事之孤，寵以官使。維忠維孝，廼稱所蒙。汝往欽哉，勿替朕命。《永樂大典》卷二〇四七九。

西頭供奉官賈誼可特授宣義郎右侍禁劉奎可特授承奉郎

敕具官某：爾材質之美，列于右銓。命試以言，條對可采。宜陞厥序，進文階，選用自茲，往其祇服。可。《永樂大典》卷七三二二。

文思副使董宗師左班殿直吳本差使元玘西頭供奉官監賈瓦等池郝師中可各轉一官監安邑池儒林郎史安民可承奉郎制

敕具官某等：爾等協力齎事，咸著勞能。宜進厥官，以示獎激。往其祇服，毋替恪勤。可。《永樂大典》卷七三二二。

賜皇子檢校太保鎮海軍節度使開府儀同三司廣平郡王生日禮物口

宣

卿毓粹皇闈，承休霄極，當誕生之初旦，有加賜之彝儀。茂對寵光，益綏祉福。《摘文堂集》卷九。

就驛賜大遼國賀天寧節使副銀鈔羅唾盂孟子錦被褥等口宣

卿等使容有恪，享禮無違，宜膺頒賚之優，昭示眷懷之厚。往資服用，式奉燕私。《摘文堂集》卷九。

開府儀同三司仲爰四月二十八日生日口宣

卿聯上宰之近班，總屬籍之重寄，德隆宗姓，望顯朝倫。方誕毓之慶辰，有寵頒之彝制。用馳使指，往諭朕恩。《摘文堂集》卷九。

玉津園賜大遼國賀天寧節使副射弓例物口宣

卿等循用賓儀，出遊射圃，夙閑必中之技，深嘉多獲之能。爰有寵頒，以彰優遇。《摘文堂集》卷九。

宣召翰林學士劉嗣明口宣

卿問學之優，文詞之美，宜續綸言之密，仍趣膝席之嚴。其副虛懷，益摠素蘊。《摘文堂集》卷九。

賜臣寮口宣

有敕：卿出將明命，歸奏膚功，升聯上宰之班，進視貳公之秩。用彰優遇，其即欽承。《摘文堂

集》卷九。

賜皇子感德軍節度使檢校少保韓國公捷生日禮物口宣

有敕：卿襲慶皇支，分輝霄極，當廼生之初旦，有加賜之常儀。祇服寵恩，益綏壽祉。《摘文堂

集》卷九。

賜高麗使人相國寺燒香乾果子口宣

有敕：卿等虔依象教，申祝宸祺。載念遠誠，宜優禮遇，特加寵賜，其體眷懷。《摘文堂集》卷九。

撫問荆湖南路臣僚口宣

有敕：卿汝等俱被選掄，外分寄任，宜加循拊，用示記存。茲敕使輶，往宣德意。《摘文堂集》卷

九。

撫問資政殿大學士宣奉大夫大名尹梁子美口宣

有敕：卿爲時舊弼，守予北門，茲履嚴凝，諒加葆嗇。宜致勞問，用彰眷懷。《摛文堂集》卷九。

就驛賜大遼國賀天寧節使副內中酒果口宣

卿等並飭使輶，來修鄰聘。致匪頒於御府，資燕喜於賓筵，示以寵私，體茲優眷。《摛文堂集》卷九。

班荆館賜大遼國賀天寧節使副回程酒果口宣

卿等並將厚幣，舉穆賓儀，茲既抗於歸旃，已載臨於候館。宜膺嘉賜，用示異恩。《摛文堂集》卷九。

賜陝西河東路臣寮御筆敕書獎諭銀合茶藥對衣金帶鞍轡馬及支賜等口宣

卿以勲德之隆，爲予掌武，茲巡極塞，克奏膚功。肆親御於寶跗，特寵頒於宸札，仍加蕃錫，併示褒章。其體至懷，尚膺多祉。《摘文堂集》卷九。

賜熙河等賞功諸軍特支併犒設等口宣

汝等奮忠禦侮，護塞奏功，特有匪頒，仍加飫賜。茲惟褒寵，其體眷存。《摘文堂集》卷九。

撫問廣南東路臣寮口宣

卿汝等俱被選掄，各膺寄任。緬懷勞勩，宜示拊循，茲敕使人，往宣德意。《摘文堂集》卷九。

撫問瀘南梓州路臣寮口宣

卿汝等祇奉詔條，恪居官次，宜加勞免，以示記存。茲敕使輶，往宣朕旨。《摘文堂集》卷九。

賜知樞密院事鄧洵武已下罷散天寧節道場香酒果口宣

有敕：卿誠深享上，義切愛君，茲原甲觀之祥，式效華封之祝。有蕃賜予，爰示眷懷。《摘文堂

集》卷九。

天寧節尚書省御筵賜知樞密院事鄧洵武已下酒果口宣

有敕：卿服在帷幄，時爲股肱，茲逢紀慶之辰，爰錫示慈之宴。仍加好賜，其體至恩。《摘文堂

集》卷九。

賜殿前指揮使高俅已下罷散天寧節道場香酒果口宣

有敕：卿夙膺眷待，密侍禁嚴，欣逢彌月之辰，虔奉萬齡之祝。宜加寵錫，以示茂恩。《摘文堂集》卷九。

賜寧海軍節度使開府儀同三司永嘉郡王向宗良已下罷散天寧節道場香酒果口宣

有敕：卿位隆戚畹，望竦朝紳，屬逢出震之期，虔奉後天之祝。有嘉忠恪，式厚匪頒。《摘文堂集》卷九。

賜判大宗正事仲爰已下罷散天寧節道場香酒果口宣

有敕：卿德著宗藩，任司屬籍，茲獻後天之祝，載嘉享上之誠。宜厚恩頒，用彰禮遇。《摘文堂集》卷九。

賜駙馬都尉石端禮等罷散天寧節道場香酒果口宣

集》卷九。

有敕：卿等揚譽朝聯，參華戚畹，茲逢慶節，申祝壽祺。宜膺頒賚之優，用示眷懷之厚。《摘文堂

賜大遼國賀天寧節人使朝見訖歸驛賜酒果口宣

九。

卿等奉幣宸廷，弭節賓館，廼睠禮容之飭，宜膺好賜之優。聊浣途勤，少資燕喜。《摘文堂集》卷

賜節度使豫章郡王孝參已下罷散天寧節道場香酒果口宣

集》卷九。

有敕：卿等位顯朝班，望隆宗翰，慶乘乾之盛節，修祝聖之彝儀。宜厚匪頒，用彰眷遇。《摘文堂

賜高麗國進奉人使臘晨風藥口脂酒果口宣

有敕：卿等修貢中都，適逢蜡日，有匪頒之庶品，示眷遇之異恩，俾奉燕私，以介祉福。《摛文堂集》卷九。

冬節高麗使人就館御筵賜教坊樂花香藥下酒上醞局白羊御酒酒果
兼傳宣勸尚醞局供進御酒口宣

有敕：卿等來造明廷，適逢令節，錫茲燕衍，侑以聲文。珍劑奇葩，上罇嘉果，併加存賜，用示優恩。《摛文堂集》卷九。

宣召翰林學士許光凝入院口宣

有敕：卿學問宏深，詞章粹美，召自益部，再直禁林，方資潤色之工，仍佇論思之密。其攄素

蘊，用副虛懷。《摘文堂集》卷九。

賜高麗使人到闕朝見酒果口宣

有敕：卿汝等俱奉朝恩，恪居官次，屬茲凝凜，宜致拊存。爰敕使輶，往宣德意。《摘文堂集》卷九。

送判正旦使副沿路與賀北朝生辰并正旦使副相逢傳宣撫問口宣

有敕：卿等選自朝紳，肅將使指。載念馳驅之久，諒多跋涉之勞，宜永記存，特加眷撫。《摘文堂集》卷九。

撫問成都府利州路臣寮口宣

卿等並膺朝寄，克守官箴。念忠馭之遠勤，當炎威之方熾，特加撫諭，以示眷懷。《摘文堂集》卷九。

宣召翰林學士承旨鄧洵仁口宣

卿問學深醇，文詞粹美，夙筵詞林之直，仍參經幄之聯。茲錫寵章，進承密命，其趣官次，用副朕心。《摘文堂集》卷九。

宣召翰林學士馮熙載口宣

卿術業之優，詞章之美，擢自學省，延賓禁林。方資潤色之能，仍佇論思之益。其趣成命，用副虛懷。《摘文堂集》卷九。

賜新除宰臣鄭居中劉正夫口宣

延登宰衡，翼贊機政。撫章屢至，深嘉沖守之光；成命已行，方仰進爲之美。《摘文堂集》卷九。

賜新除知樞密院鄧洵武口宣

擢長樞廷，蔽自朕志，繼陳遜牘，殊拂眷懷。趣宜欽承，勿勤多訓。《摛文堂集》卷九。

賜熙河等路茶藥等口宣

卿等選繇朝著，職在方隅，有嘉勞列之優，當致匪頒之寵。欽承眷撫，益勵忠勤。《摛文堂集》卷

九。

全宋文卷二九三四

慕容彦逢 一三

應詔舉官奏狀

準尚書吏部牒，奉御筆手詔節文，令從官各薦人材聞奏者。右臣伏睹從事郎、試辟廡博士陳詢，術業純明，論議堅正。前爲常州州學教授，當貢士之初，體朝廷德意，推行詔令，委曲詳盡，多士鄉風，雖耆艾老儒、白首肄業，惟恐居後。其所升貢，能得元豐舊人。又伏睹朝奉郎、監在京榷貨務虞芹，材質敏達，濟以恪勤，曩知鄆州平陰縣，興修水利，墾闢民田三千四百餘頃。本路監司，嘗以功利尤著奏聞。臣謂如詢之儒雅、芹之吏能，皆有趨事赴功之實，臣所備知。伏望聖慈，特賜采錄。謹錄奏聞，伏候敕旨。《摛文堂集》卷九。

辭免召試奏狀

右，臣今月二十二日，准中書告報，奉聖旨召臣試中書舍人者。聞命震恐，罔知所措。伏念臣幸蒙聖慈，擢自疏遠，承乏諫省，進備螭坳，夙夜省循，非臣犬馬之力所克報稱。叨昧寵靈，方懼瘵敗；給札明試，豈臣敢當？矧詞垣以討論潤色爲職〔一〕，獎任尤重，選掄尤艱，如臣材迂學淺，拙於文辭，儻不自量，豈逃宸鑑？伏望聖慈，察臣誠懇，特寢召旨，庶幾微臣，獲安分義。謹錄奏聞，伏候敕旨。《摘文堂集》卷九。

〔一〕論：原作「淪」，據庫本改。

除中書舍人舉自代奏狀

蒙恩授前件職，準令節文，諸侍從官授訖，三日內舉官一員自代。右，臣伏見承議郎、守國子司業蔣靜，學術精深，履行修潔，文辭論議，咸有本原，與臣同鄉，備詳所守，臣實不如，舉以自代。謹錄奏聞，伏候敕旨。《摘文堂集》卷九。

辭免侍讀奏狀

右，臣准閣門告命，除臣兼侍讀者。聞命震恐，罔知所裁。伏念臣蓬華諸生，行能無異，誤膺眷察，寢歷從班。人微塞重，儻復叨冒，必速悔尤。伏望聖慈，俯矜誠懇，俾安分義，特寢贊書。所有告命，未敢祇受。《摛文堂集》卷九。

辭免兼侍讀奏狀

臣聞命震恐，不知所措。臣頃蒙收召，再貳銓曹。仰惟天地生成之恩至深至厚，夙夜圖報，顧未有涓毫自效。矧金華進讀，所以詳延儒臣。而臣曩誤推擇，久陪進讀，空疏非稱，自知甚明。豈當復冒寵榮，以速官謗。伏望聖慈，察臣誠懇，特寢成命。所有告命，未敢祇受。《摛文堂集》卷九。

辭免太子賓客奏狀

右，臣准閣門告報，已降誥命，除臣太子賓客者。聞命震恐，不知所裁。伏念臣出於寒鄉，分安

卑冗，偶緣搜擇，寢冒恩榮。自列從班，迄今十有四載，曾微薄效，仰稱萬分，獨賴聖慈，閔憐孤拙，坐縻餼廩，默愧於心。惟東宮寮采之華，以處時望，區區自揆，敢復叨塵？伏望聖慈，察臣悃悃，特還成命。所有誥命，臣愚未敢祇受。《摘文堂集》卷九。

除兼太子賓客舉自代奏狀

伏見承議郎、權發遣夔州路提舉學事惠柔民，性資沖粹，職守靖共，篤學有文，邃於經術。歷官中外，衆所推稱，舉以代臣，實允公議。《摘文堂集》卷九。

辭免再除中書奏狀

右，臣准常州送到尚書省劄子，奉聖旨除中書舍人，令乘遞馬疾速發來赴闕供職者。聞命震恐，罔知所措。伏念臣曩冒寵恩，備位詞掖，才弗克稱，默愧於心。矧茲艱苦之餘，舊學荒廢，討論潤色，豈分之宜？伏望聖慈，收還成命，別除臣外任差遣。臣見爲傷暑不安，依例乘船起發前去。只候稍安，畫時乘遞馬至國門，聽候指揮。謹錄奏聞，伏候敕旨。《摘文堂集》卷九。

辭免除起居郎奏狀

准閣門告報，已降告命，除臣依前承議郎、守起居郎者。聖恩深重，非臣犬馬之力所能報稱。伏念臣材疏學淺，聞譽非優，誤膺選掄，代匱右史。夙夜省循，實懼叨昧，敢圖眷獎，復有遷升？矧臣載筆螭坳，閱日未久，儻冒寵榮，必速瘵敗。伏望聖慈，追寢成命，俾小臣獲安分義。所有告命，臣愚未敢祇受。《摛文堂集》卷九。

辭免監察御史奏狀

右，臣今月初五日，准閣門告報，已降告命，除臣依前官守監察御史者。聞命震恐，罔知所措。伏念臣頃繇學官，賜對便殿，進說淺陋，日候罷斥。陛下不求備於臣，擢寘東觀，已出叨昧，就職未幾，又蒙聖恩，有此除授。方陛下紹隆先烈，厲精庶政，循名責實，允釐事功，宜得明敏練達之士，俾任臺察，以肅吏政。如臣蠢愚，豈當冒處？兼臣之從祖父瓘，娶知樞密院事蔣之奇從父兄之女，雖臣於之奇非合避親，及從祖父、從祖母皆已亡歿，然終非所安。伏望聖慈，察臣誠懇，特賜追寢成命。所有告命，未敢祇受。謹錄奏聞，伏候敕旨。《摛文堂集》卷九。

辭免兵部侍郎奏狀

右，臣准閣門告報，已降告命，除試尚書兵部侍郎者。聞命震恐，罔知所裁。伏念臣頃以憂患餘生，誤蒙眷錄，召自田野，再冒詞垣。方陛下聖神大有爲之時，立政用人，皆出宸斷，從容裁處，言成典謨。而臣猥以荒疏，掌帝之制。雖聖度優假，寵以褒稱，顧自知甚明，日懼瘝曠，貳卿之擢，豈臣敢當？伏望聖慈，察臣誠懇，收還成命，以允師言。所有告命，臣未敢祇受。《摛文堂集》卷九。

除吏部侍郎舉自代奏狀

伏見承議郎、新授宗子博士邵楹，學術醇明，操修端潔，試藝紹聖〔一〕，占等甚優，舉以自代，實允公議。《摛文堂集》卷九。

〔一〕試：原缺，據庫本補。

又舉自代奏狀

伏見尚書都官郎中邵濤，明於經術，議論有餘。神考造士之初，首應升遷，歷踐官次，恬靜不渝。舉以代臣，實允公議。《摛文堂集》卷九。

除兵部侍郎舉自代奏狀

右，臣伏見辟廱博士陳詢，學術純明，行義修潔。頃爲常州教官，當諸路貢士之初，能體朝廷德意，推行學政，郡人悅服。雖白首老儒，鼓篋就業，自以爲晚。察其業履，可謂成材，舉以代臣，寔允公議〔一〕。《摛文堂集》卷九。

〔一〕「可謂成材」以下原缺，據庫本補。

辭免除刑部尚書奏狀

右，臣准閣門告報，已降告命，除臣刑部尚書者。聞命以還，怔營罔措。伏念臣出於寒鄉，最爲孤進，寢緣推擇，猥玷使令。自筮從班，於茲十年，心雖許國，初乏事勞。智昧保身，嘗嬰罪悔〔一〕，頃頒召札，再貳銓曹。惟雨露湔滌之私，實天地生成之造。徒殫於慮，曷報萬分！敢冒眷憐，進膺擢序？輒伸危懇，上浼聰聞，冀追寢於贊書，俾獲安於愚分。所有告命，臣未敢祇受。《摘文堂集》卷九。

〔一〕嘗：原作「賞」，據庫本改。

除刑部尚書舉自代奏狀

伏見宣德郎、守左司員外郎曾開，學識醇明，行能優異，翱翔靡類，進歷省曹，靖共不渝，衆所嘉尚。儻擢華要，必有可觀，舉以代臣，實允公議。《摘文堂集》卷九。

乞賜神宗御集奏狀

右，某等叨冒寵靈，待罪諫列，當陛下紹述大有爲之時，夙夜黽勉，期效萬一。而材識卑下，加以聞見不廣，不克盡知熙寧、元豐謨訓之詳，故期年於茲，涓埃無效。伏見神宗皇帝御集已成，故事嘗賜兩制以上臣寮。臣等出於迫切，輒昧萬死，欲望聖慈，特賜臣等各一部，俾得研精覃思於其間，庶幾備顧問、論朝政，咸有依據，以稱陛下優假諫臣之意。臣等不勝大願。謹錄奏聞，伏候敕旨。

《摘文堂集》卷九。

論黃甲擬官奏狀

右，臣伏見神宗皇帝既廢明經學究科，特設新科明法，優爲恩例。至黃甲擬官，俾先進士，注諸州司法，蓋將以變革舊習，故其初不得不然。紹聖四年，朝議以此法行之既久，昔人之爲新科者，十消八九矣，恩例之優，宜亦少損。乃以司法及其餘判司闕袞，從上差注。元符三年十二月中，因省部勘當，遂罷紹聖指揮，更不施行。臣契勘新科明法等人，徒誦其書，未必曉其義。若以進士素不習法，難以輕授司法職任，其餘判司等官，或以治獄，或以聽訟，亦未嘗待其學而後授之也。朝廷取

士，患不得實材。果得實材，何施而不可？伏望聖慈，特降睿旨，將來吏部注新賜及第進士出身等人，並依紹聖四年四月二十三日指揮施行。所貴德澤均被，上稱陛下造士之意。謹錄奏聞，伏候敕旨。《摛文堂集》卷九。又見《歷代名臣奏議》卷一六八。

乞殿中省別處置局奏狀

右，臣伏爲殿中省見在門下後省，權暫置局。內殿中丞許似孫，見任執政官之子，臣爲言官，與之同省，慮涉嫌疑。伏望聖慈，特降睿旨，令殿中省別行覈逐權暫置局去處。謹錄奏聞，伏候敕旨。

《摛文堂集》卷九。

國子監舉主奏狀

右，臣伏睹陛下追述神考美意，自京師下至郡縣，恢崇學校，以幸教天下。增置諸路教官，所選唯經術行義之士。三代庠序之盛，宜無以加此。然諸路教官，奉行貢士法，事體比昔爲重。今員數既衆，又皆一時之選，而資任多係選人。國子監長貳，歲舉改官止八人，施之大學正錄，且猶不給，況諸路教官，如此其衆邪？伏望聖慈，特詔有司，稍增國子監長貳舉官舊格，使凡預師儒之選者，益知

自重，以稱陛下長育人才之意。謹錄奏聞，伏候敕旨。《摘文堂集》卷九。

論武學上舍人奏狀

右，臣伏睹神宗皇帝聖謨淵遠，思患豫防，雖天下治安，不忘武備。自熙寧中，特建西學，招徠羣材，訓以武志，凡考選升補之法，皆出宸斷。士之游於斯者，以程文觀其器識，以弓馬閱其藝能，以規式察其行義。其自上舍免省試者，積累歲月，速不下十年，須程文弓馬，數在優等，又其行義可稱，乃爲應格。雖應免省試格，又從上共不得過三人，其教之如此，其備養之如此，其久擇之如此。其精逮，其授官歷任，與夫取一日之長者，無甚輕重。其非次進拔，缺然不聞，甚未副建學造士之意。伏望聖慈，因殿試武舉進士唱名內，該上舍免省試以上恩例者，命執政審其人材，稍加獎擢。庶幾學者嚮風，罔不激勸，以作成其才，上稱任使。謹錄奏聞，伏候敕旨。《摘文堂集》卷九。又見《歷代名臣奏議》卷一六八。

論州縣社稷壇壝不修奏狀

右，臣伏睹近降明詔，命有司講究禮樂之情文，以幸天下，可謂太平甚盛之舉。臣竊惟禮有五

經，莫重於祭。祭之秩於典者多矣。自京師至於郡縣，春秋祈報，徧於天下者，惟社稷爲然。今郡守、縣令，不深推其故，以是爲不急之祀，壇壝不修，甚者民得畜牧種藝於其間。春秋行事，取其臨時。乃或器用弗備，粢盛弗蠲，齋戒弛懈，裸獻失度，甚不稱陛下秩祀典之意。臣契勘社稷之祀，敕令該載詳悉，欲望聖慈，特降睿旨，戒敕郡縣，務在遵承。命諸監司，巡歷所至，察視壇壝，其不如儀者，具事狀以聞。庶幾官肅祀事，神用顧享。謹錄奏聞，伏候敕旨。《摘文堂集》卷九。又見《歷代名臣奏議》卷一二六。

論州縣學講堂及齋名奏狀

右，臣伏睹神宗皇帝恢崇太學，以幸教多士，製堂及齋名，以寓訓迪。學者游於斯，仰之若日星之麗乎上也。陛下緝熙先猷，州縣學校，咸建師長，命以貢士。而名堂及齋，顧多前日官司隨意建立，或怪僻不馴，或稽考無據，或違背經旨。以此揭示多士，甚未稱朝廷育材之意。臣愚欲乞府界及諸路州縣學，應堂及齋名，除不許用太學、敦化等堂名及論秀、烝髦等職事齋名外，並須用太學諸齋名，即不得存留舊名及別有創立。如蒙聖允，乞下有司頒降施行。謹錄奏聞，伏候敕旨。《摘文堂集》

卷九。又見《歷代名臣奏議》卷一一四。

論提舉官分巡奏狀

右，臣伏睹陛下緝熙先猷，增置官吏，修水土之政，行抵貸之法，興山澤之利，以幸天下。常平事任，比昔加重。諸路提舉官，於所部州軍理當，每歲徧巡，以周知官吏奉行勤惰之實。今諸監司歲以所部州軍更互分巡，則提舉官所歷無幾。其餘他司，於常平職事既非其所任責，則非所檢察，特取文具而已。雖有二年一徧指揮，不唯日月曠遠，兼新舊官移易不常，甚未稱朝廷考覈事功之意。臣愚欲望聖慈，特詔有司，應諸路所部州軍數多，如兩浙東西，通爲一路去處，更增置提舉官一員，并其餘路分。並令每歲徧巡，更不與他司更互分定。仍令諸州軍，於次年正月具歲終有無提舉常平官巡到。禁中御史臺，委本臺彈奏，餘依見行條令。庶幾職業振舉，實惠及民，天下幸甚。謹錄奏聞，伏候敕旨。《摘文堂集》卷一〇。

論諸路弓手奏狀

右，臣竊惟諸路弓手，是爲鄉兵，州縣之武備，莫急於此。向病紛更，官司習玩，選補鹵莽，訓練希闊，廼復以工巧技藝之人，充占員額，私備役使。而承行胥吏，又用其所親，不問老疾疲弱，特

取具數。歲時按閱，類以差出爲名，匿其不中格者。故緩急追捕，常患乏人。矧今推行茶鹽二法，唯能禁絕私販，然後商賈易售，官課充羨。欲絕私販，則諸縣弓手，宜訓齊武事，用以處警，有犯必獲，然後姦民畏沮，私販不行。臣愚欲望聖慈，特降睿旨，命諸路提點刑獄司專委官點檢，選留彊壯，斥去老疾疲弱者。其本縣官以工巧技藝隱占役使，並根勘罪具狀以聞。庶幾有司，遵承詔令，武事加飭，以壯守備。謹錄奏聞，伏候敕旨。《摛文堂集》卷一〇。

論諸路坑冶奏狀

右，臣伏見諸路坑冶之利，所助經費，不爲不廣。其置場去處，有正官無幾，餘止係轉運或坑冶司差官權監。而逐司又多廢條用，例委本州郡官。不惟被差者以其置場皆深山窮谷之中，人人規免，而官屬稍不闕事，即本州寄辦，多不遣行。獨老疾不任事，畏在長吏目前者，方始就職。或不過半年，又復交替。豪民猾吏，姦弊百出，常以不差正官爲幸。公家利源，損失不可勝計。臣契勘見行敕令，該載坑冶條甚備，而有司便文僥倖，不能悉心遵奉。臣愚謂宜降睿旨，戒諸路提點刑獄及坑冶司，常切體訪苗脉興廢去處，嚴切督察，多方措置。如合差正官，即依條奏舉。其轉運及坑冶司差官權監，並須選擇能吏，不得只要本州郡官。仍令本州通判，每季躬親點檢。庶幾關防始密，上下畏守，以副陛下理財之義。謹錄奏聞，伏候敕旨。《摛文堂集》卷一〇。

論府界旅櫬奏狀

伏見神宗皇帝仁心惻隱，元豐二年，以開封府界寺院旅櫬積多，命提舉官專切管幹斂埋，惠浹幽明，中外感服。迨今二十五年，乃復充牣棟宇，以至露積其間。或閱日既久，別無管認，或親屬雖存，貧不能舉；或藏器已毀，棄擲道傍。此皆掩葬無期，尤可傷閔。臣愚欲望聖慈，特詔有司，檢會元豐二年指揮及應干措置條件施行。謹錄奏聞，伏候敕旨。《摛文堂集》卷一〇。

上檢察病囚疏

伏睹皇帝陛下，矜憫庶獄，制爲病囚檢察之法。蓋謂愚民犯法，雖繫留訊，治邦有常憲，於其疾也，飲食醫藥，視之猶赤子也。臣等尚慮當職官吏，不能深體德意，欲望聖慈，令諸路提點刑獄司，歲終會州縣病囚損失分數，除依條科罪外，取一路最多最少各一處保明以聞，特降詔旨賞罰。庶幾知所勸沮，以副陛下好生之德。《摛文堂集》卷一〇。

乞外任劄子

臣寒鄉孤進，望絕顯榮。遭遇聖明，搜擇疏遠，寢膺拔擢，備數從班。叨冒寵榮，積有歲月，欲自勉強，圖報萬分。而才分所拘，初無可紀，乃多罪悔，達於聰聞。矧茲銓曹，職任要劇，臣代匱已久，曾乏建明，深虞曠瘝，上孤眷獎。伏望聖慈，除臣一外任閒慢差遣，庶俾微臣，獲安愚分。《摛文堂集》卷一〇。

服闋乞外任劄子

右臣曩叨眷知，進備詞掖，雖更時序，碌碌無聞。尋遭親喪，遠去朝著，偷延視息，今已服除。伏望聖慈，以臣艱苦餘生，俾安愚分，特降恩告，除臣淮浙或京東一閒慢差遣。臣見於常州，聽候指揮。上瀆宸嚴，無任恐懼戰慄之至。謹錄奏聞，伏候敕旨。《摛文堂集》卷一〇。

理會三禮圖劄子

臣竊惟功成作樂，治定制禮。方今六府既修，三事既和，燕及皇天，休貺並至，功可謂成矣，治可謂定矣。講明禮樂，以幸天下，其在今日。伏睹見行《三禮圖》，係國初聶崇義撰集。其間車服器用之制，與元豐頒行經義，時有不同。自國子監建三禮堂，暨州縣學校，率繪其圖，以示學者。乃至有司，所掌名物，猶雜用其制，未稱陛下統一道德之意。臣愚欲望聖慈，特詔儒學之臣，考據經義，改定舊圖，俾有遵承，及付國子監頒行。取進止。《摛文堂集》卷一〇。又見《歷代名臣奏議》卷一二〇。

理會架閣劄子

臣所領中書後省，合管五案：凡冊禮及朝會應行遣事，即上案主之，付受諸案；文書及本省雜務，即下案主之；編錄制辭及中書省人吏試補、比較功過，即制誥案主之；在京有司關報、改更、差除等，即諫官案主之；逐月修起居注，即記注案主之。已上案分之事務要切，兼編修、看詳，隨事置局，及逐名次、召試進士、武臣換官之類，文字名件至多，未曾專置架閣拘管，每有檢照，率多損失。不唯申請煩紊，兼證據不明，前後抵牾。臣契勘中書後省，見有空閒屋宇，欲乞專置架閣庫，以

本省逐案見管按胥文簿書籍，乃至祖宗以來辭冊及敕令續降等，並置簿拘收，以千字文爲號，周而復始。應令逐案承受文字，已結絕及無行遣，限三日發送上簿，接續結押。仍乞於本省選手分楷書各二名主簿行遣。庶幾紀綱整肅，以稱元豐建立後省，陛下緝熙先猷之誠。取進止。《摛文堂集》卷一〇。

理會守令劄子

臣伏見陛下，勵精政事，比降明詔，惠綏庶民，教養多士，所以訓戒丁寧甚悉，真極盛之舉也。臣竊謂陛下，聖謨高遠，迥非臣子所能仰望清光。至於推行德意，志慮見於事實而與士民尤親者，蓋在於守令。使守令舉皆得人，樂事勸功，不以便文自幸，則太平之基，豈復他求乎？朝廷制考課之法，殿最賞罰，既詳且備。臣愚欲乞守令任滿，課入優等者，除合得賞格外，其未經選擇之人，三省審察。如人材果可任使，隨其資秩，特加獎拔。或實諸省、府、寺、監要劇之選，或委以諸路監司按察之寄。若此，羣吏聞風，莫不激勸，各以行治自奮。豈唯究宣惠澤，上以副陛下惻怛之誠，又足以搜揚疏遠，以盡爲官擇人之術，其效豈小補哉？伏望聖慈，特詳酌施行。取進止。《摛文堂集》卷一〇。

又見《歷代名臣奏議》卷一四一。

理會守令考課劄子

伏睹元豐立守令考課之法，至崇寧、大觀，隨事緝熙，條目完備，真得神考訓迪羣吏之意。大觀四年九月，因臣寮申請，止存元豐舊條，餘皆刪廢。臣竊謂崇寧、大觀，緝熙之美，務廣德意，比舊條加詳，初無違戾。欲望朝廷詳酌，特降指揮，檢會施行。《摛文堂集》卷一〇。

理會常平劄子

臣竊惟神考立常平之法，加惠元元，意旨深遠，著令完具。而吏或不虔，便文自營，馴致蠹耗，出多入寡。近因臣寮建言，申嚴約束，務絕姦弊，惠及細民。愚以謂唯納欠多寡，最見推行之實。使任職者悉心奉法，計置及時，官無抑勒留難，下無詭冒違法之人，則良民輸納，自無稽違，豈有出多入寡之弊？臣欲乞應劄常平錢穀，逐歲於令佐印紙內批書納欠分數，候三考滿日，別立殿最之法。庶幾知所勸沮，罔或偷惰。如蒙聖允，即乞詔有司施行。《摛文堂集》卷一〇。又見《歷代名臣奏議》卷二七〇。

理會抵當孤幼劄子

臣伏睹州縣孤幼財產，官爲檢校，不滿五千貫，召人借抵當，量數借請，歲收二分之息贍養，候其長立而還之。法意慈惻，盡於事情。然閒緣形勢戶虛指抵當，或高估價直，冒法請領。不唯虧欠歲息，迺至并本不納。迨其長立給還之時，元檢校錢物並無見在。其冒法請領之人，或從官遠方，或徙居他所，或不知存在，或妄託事端，唯以空文來往，因致合給還之人饑寒失所。近雖降朝旨，添立須有物力戶爲保，及限歲錢數足等條，然於形勢之家，未有懲革〔二〕。臣愚欲乞檢校孤幼財產，不許形勢戶借請及作保。其所供抵當，委官驗實，估定價直，方許給借，餘依見行條令。所貴州縣遵守，實惠及民。如蒙聖允，乞詔有司施行。《摛文堂集》卷一〇。

〔二〕懲革：原作「徵革」，據庫本改。

全宋文卷二九三五

慕容彦逢 一四

理會居養院劄子

臣伏見陛下若稽古訓，自京師至州縣，各置居養所，以聚鰥寡孤獨之人。詔旨丁寧，臣下遵奉，道無孳瘠，咸有所歸，發政施仁，孰大於此！臣竊以爲鰥寡孤獨，雖曰困窮，而至於被服禮義之化，均太平之民。臣居田野，聞江東溧陽縣以居養所見管屋宇隔截爲八室，用發政施仁必先四者爲號，使男女異處，不相雜擾，一方之民，莫不說服。臣愚欲望聖慈，特詔有司，應州縣居養所，並依前項體式，隔截異室，分處男女。不惟子惠之澤，洋溢中外，而禮義之化，不廢於困窮之民，以副陛下愛民誠意。取進止。《摛文堂集》卷一〇。

理會祭祀劄子

臣竊惟國家稱秩祀典，交百神而禮之。考諸令格，唯以齋日多寡爲大、中、小祀之辨。大祀散齋四日，致齋三日；中祀散齋三日，致齋二日；小祀散齋二日，致齋一日。參稽情文，各有攸當。然祀之通於天下而最顯者，社稷、釋奠、春秋二仲。州縣展事，四方士民於焉觀禮，而皆列於小祀。近緣臣僚奏請，比附國子監修立外，州軍釋奠儀注，散齋三日，致齋二日，則既升爲中祀矣。所有外州軍社稷齋日，義難獨殺，臣愚伏望聖慈，特詔禮官討論增定。《摘文堂集》卷一〇。又見《歷代名臣奏議》卷一二六。

乞以假日特引對付史館劄子

臣備位詞掖，幸以權記注職事，日侍清光。伏睹陛下辨色視朝，延見羣臣，雖雪霰風霧，凜冽異常，辰正奏引，上殿十班，傳旨特引，嘗近已初乃罷，盛寒疇咨，玉色無倦。十六日入冬至假，陛下御延和，引上殿十一班。十七日又引十班。皆人人顧問，曲盡事情，告戒丁寧，切中機會。節假內批降臣寮章疏，及有他處分差除，絡繹不絕。臣職在奉行，奉讀悚激。方是時，羣臣賜告，偃息於家，

而陛下夙夜省覽，憂國愛民，未嘗暇逸。陛下以天縱之聖，而勤政若此，蓋將訓迪有司，永垂憲度。而日曆之所紀，邸報之所傳，循舊襲常，舉其大略而已。自非進得陪侍軒墀〔二〕，退得與聞幾政，何以盡知其詳？臣愚欲望聖慈，以臣所陳，降付史館及進奏，昭示天下，傳之無窮。俾中外官吏，廼至民庶，聞風胥勸，罔不克勤，上副陛下宵衣旰食之誠。取進止。《摘文堂集》卷一〇。又見《歷代名臣奏議》卷一九〇。

〔二〕陪：原作「倍」，據庫本改。

理會學校劄子

臣竊謂諸路學校，州有正錄，縣有長諭，廼至其餘掌事之人，皆奉行貢士法令，書考升選之詳，蓋根本於此。而遠方諸生，尚循積習之弊，廼或持其短長，糾率學衆，輒興訴訟，以至發其舊愆，以快私忿。以此職掌類多畏默求全，鮮克振職。臣愚伏望聖慈，特降睿旨，編修學制所嚴立法禁。不唯整肅學政，亦以敦厚士風。取進止。《摘文堂集》卷一〇。又見《歷代名臣奏議》卷一一五。

理會陳訴劄子

契勘命官遇赦，恩許訴雪。罪犯及用年限，舉主除落過名。若在降赦二年外投狀陳訴者，依條不許受理。其諸色人，依赦許訴雪。過犯或訴用法差誤，理與命官事體不異。若於赦降後二年外陳訴者，亦乞依命官訴理條限施行。取進止。《摛文堂集》卷一〇。

理會捕盜捉事劄子

臣竊惟在京及諸路捕盜官捉事使臣，雖以捉獲爲職，其間有緣一時疑誤，將無贓證之人執縛根問，多端恐脅，致虛有承伏。及送所屬官司，初憑元解事狀，枷訊禁繫，文移追會，經涉日月，直至推究得不係元解情犯，方以無罪釋放，或招撫一輕罪收坐。蓋捕盜捉事之人，當有後賞，失則無罰。伏睹《政和敕》，縣以杖、笞及無罪人作徒以上罪送州，杖一百。臣愚欲望聖慈，申詔有司，比附上條，特立禁約。庶幾盡心緝捕，必獲犯人，不致汎執無辜，枉被囚鞫。《摛文堂集》卷一〇。

刑部斷絕獄案劄子 一

恭惟皇帝陛下，躬建皇極，心澄化源，德駿業隆，超冠古昔。甚盛之舉，不可一二數。皆章明較著，垂休無窮。上帝博臨，珍祥紹至，方將坐陽館而頒治，登介邱以告成。時和歲豐，家給人足，薄海内外，歡忻交通，如在一堂之上。宜其民罔犯法，而秋官以廷無留讞稱慶於朝。矧天寧密邇，蒐講盛儀，百辟奉觴，異邦款塞，於焉刑措，孰不歸仁？臣等備數典司，獲與繫壤之民，上祝億萬歲無疆之壽，不勝歡忻鼓舞之至。謹具進呈。《摛文堂集》卷一〇。又見《歷代名臣奏議》卷二一七。

刑部斷絕獄案劄子 二

臣等伏睹本部，自四月二十日擬斷天下奏案盡絕，已具表稱賀，仍乞宣付史官訖。恭惟皇帝陛下，以至德要道，纂隆聖緒，成功巍巍，同符堯、禹。自中都達於四方，萬民樂業，家給人足，以故獄訟衰息。自凡奏讞之在秋官者，今已罄絕，聞太平刑措，實在茲時。臣猥司邦憲，親逢盛事，獲與擊壤之民，共陶美化，不勝大幸。右臣等具到近五年斷大辟數，逐歲遞減，比政和上二年計減一半以上。此蓋皇帝陛下，盛德妙道，克配上帝；良法美意，永祐下民。由中及外，無有遠邇，家給人足，

化行俗成。以故獄訟衰息，幾至刑措，臣等無任歡欣鼓舞之至。謹具進呈。《摘文堂集》卷一〇。

刑部斷絕獄案劄子 三

臣等伏睹本部，自三月十五日擬斷天下奏案盡絕，已具表稱賀，仍乞宣付史官訖。恭惟皇帝陛下，在躬清明，翕受衆甫，天德地業，超冠古初。上帝博臨，符瑞創見，歲豐家給，民有愜志，遷善遠罪，罔或抵冒。以故邦刑幾措，而秋官讞章罄絕，稱慶於朝，太平之隆，光於載籍。臣等實司中典，親逢盛際，無任歡呼鼓舞之至。謹具進呈。《摘文堂集》卷一〇。

刑部斷絕獄案劄子 四

本部自某月日擬斷天下公案盡絕，已具表稱賀，仍乞宣付史官訖。恭惟皇帝陛下，躬蘊道真，丕冒九有，盛德大業，超冠古初。格於皇天，休貺薦至，四民安生樂業，家給人足。以故遷善遠罪，罔或抵冒，而秋官屢以時無留讞，稱慶於朝。凡厥有知，孰不歸聖？臣等親逢盛事，獲與羣倫，上祝億萬歲無疆之壽，不勝歡忻鼓舞之至。謹具進呈。《摘文堂集》卷一〇。

刑部斷絕獄案劄子 五

臣等伏睹本部，自九月二十四日擬斷天下奏案盡絕，已具表稱賀，仍乞宣付史官訖。恭惟皇帝陛下，盛德妙道，高出唐虞，制作設施，自我作古。凡歷世願望而不克舉者，今悉有成。大功巍巍，不可一二數。是以天地並貺，殊祥異瑞，載籍所未見者，踵聞於四方。時和歲豐，閭里之民，日用飲食，欣欣愉愉，咸有愜志。方且扶老携幼，瞻望華闕，乞詔清蹕，登封告成。宜其風醇俗厚，遷善遠罪，而不犯於有司。太平若茲，孰謂無象？矧天寧在邇，聿修盛儀，百辟奏觴，異邦遣使，而秋官以讞章罄絕，稱慶於朝。凡厥有知，孰不歸聖？臣等親逢盛事，無任抃蹈鼓舞之至。謹具進呈。《摛文堂集》卷一〇。

刑部斷絕獄案劄子 六

臣等伏睹本部，自九月九日擬斷天下奏案盡絕，已具表稱賀，仍乞宣付史官訖。恭惟皇帝陛下，配天立極，執古御今，凡法度禮樂所以嘉惠天下者，出自獨斷，煥然一新。由中及外，無有遠邇，風移俗易，民日遷善遠罪。以故刑章幾措，秋官論報，屢以罄絕聞。太平之隆，高越前古。臣等親逢千

載之期，不勝歡欣鼓舞之至。謹具進呈。《摛文堂集》卷一〇。

刑部斷絕獄案劄子 七

臣某等言：伏睹本部，自九月一日擬斷天下奏案盡絕，已具表稱賀，仍乞宣付史官訖。恭惟皇帝陛下，躬蘊道真，默該衆妙，運精神、動心術，措諸事業，以嘉惠天下。太平之隆，超越唐虞三代之上。茲者歸德穹昊，玉檢推尊，極欽崇之精意。成禮之日，秋官以時無留讞稱慶於朝，羣倫底豫，靈心昭答。和同天人，使之無閒，其在今日。臣等備位攸司，親逢盛事，獲與繫壤之民，上祝億萬歲無疆之壽，不勝歡呼鼓舞之至。謹具進呈。《摛文堂集》卷一〇。

興龍節賀表

臣某言：高禔錫慶，肇膺如達之祥；華渚呈輝，誕著寢昌之證。惟神聖挺生之旦，廼文明赫盛之朝。傾寰海之誠心，獻大君之睿算。臣中謝。恭惟皇帝陛下，承休祖考，配德乾坤，擁皇極之珍符，叶炎靈之景運，九功式叙，諸福畢臻。屬當彌月之辰，敢啓後天之禱。奔航重譯，執玉盈庭。臣生覲清時，仕參通籍。一人有慶，懽同擊壤之氓；萬壽無疆，夙想稱觴之頌。《摛文堂集》卷一〇。

冬至節拜表

朋陽來復，圭景加長，占瑞靈臺，謹書雲之令節；拜章宸閣，修亞歲之盛儀。恭惟皇帝陛下，道與時亨，獨包衆甫；化如天運，咸叙九功。恩浹寰區，治高振古。爰屬三微之始，方孳萬彙之萌。保合太和，召嘉祥而有羨；緝熙純嘏，增睿算於無疆。臣獲筮班聯，與膺事任。重熙累洽，共欣千載之逢；歸德謝生，知自一人之慶。《摘文堂集》卷一〇。

皇后爲冬祀禮畢賀皇帝表

日涓來復，聿修三歲之祠；禮迄熙成，均錫庶民之慶。珍祥丕應，協氣交流，凡與見聞，敷同慶賴。恭惟皇帝陛下，與乾合德，以道御時，擴至治之規模，固太平之基本。升禋陽位，既哀對於百神；旋蹕端闈，期永膺於多福。妾夙緣天幸，獲儷宸尊，茲欣睹於盛儀，實增榮於柔抱。《摘文堂集》

內中侍御已下賀皇帝禮畢表

妾等言：展窳國南，奉明禋而報本；涓辰景至，備熙事而慶成。百順應期，千齡接統。恭惟皇帝陛下，德侔覆幬，明廣照臨。揚欽燎以薦誠，榮光下燭；御端闈而肆宥，惠澤橫流。於赫盛時，迴高振古。妾等幸陳禁掖，均被宸恩，初瞻綵衛之還，共獻履長之祝。《摛文堂集》卷一〇。

貴妃已下賀皇帝禮畢表

伏以乘日至之辰，順天正之序，親祠陽位，還御端闈，福祿來寧，華夷均慶。中賀。恭惟皇帝陛下，道該衆妙，功叙九歌。緝振古之彌文，聿修大報；罄明禋之精意，用迄上儀。靈心嘉虞，景貺昭格。妾等獲塵清禁，夙奉至恩，聞詔蹕之甫還，悚柔襟而載抃。《摛文堂集》卷一〇。

內中夫人郡君已下賀冬祀禮畢表

伏以欽若禮經，聿修禋祀，既迄成於熙事，用翕受於休祥。恭惟皇帝陛下，道協彌綸，誠通化

育。夙駕齊輅，罄精意以告虔；還御端闈，揚至恩而肆宥。澤均動植，慶洽華夷。妾等祇奉嚴宸，獲瞻盛際，願拜萬齡之祝，冀伸千載之逢。《摛文堂集》卷一〇。

大長帝姬賀冬祀禮畢表

伏以涓辰展采，既奏假於層壇；發號施仁，用均釐於寰海。情文允穆，典冊增華。恭惟皇帝陛下，以天爲崇，於帝其訓。道洽政治，九功叙而嘉頌興；俗阜時和，五緯備而美祥格。誕集衆甫，協成其儀。妾夙被恩榮，實同慶賴，聞初還於綵衛，輒仰獻於綈函。《摛文堂集》卷一〇。

謝賜宴表

玉陛疏恩，方負非才之愧；瓊林頒宴，更蒙異數之加。凡在叨逾，舉深慶汴。中謝。伏念臣等久安鉛槧，素樂簞瓢，心徒醉於六經，志敢希於五鼎？幸千載飛龍之際，陪一時振鷺之游。名標金榜之中，昔稱千佛；會列瑤池之上，人謂羣仙。宮花叢御苑之春，帝樂聳鈞天之奏。光生韋布，榮動縉紳。茲蓋恭遇皇帝陛下，當饋思賢，推食待下，念臣等齷鹽久饜，備歷艱難，於臣等籩豆有加，曲推慈惠。時輟大官之奉，俯霑一介之微。臣等敢不沒齒銜恩，終身飽德？愛君憂國，不忘頃食之間；趨

事赴功，益謹素餐之戒。《摘文堂集》卷一〇。

天寧節謝御筵表

三靈效祉，聿當彌月之辰；百辟稱觴，申祝後天之算。恭惟皇帝陛下，昭臨有赫，覆幬無私。紀流渚之祥虹，允符壽節；詠零廷之涓露，洽被燕慈。臣等幸簪近班，與陪盛觀，糜捐不足以副榮懷之遇，鼓舞不足以盡歡欣之誠。《摘文堂集》卷一〇。

賀太陽當虧不虧表

官占底日，預陳薄蝕之期；聖德動天，遂格休祥之應。睠至誠之上達，方協氣之橫流，凡在照臨，敷同慶賴。恭惟皇帝陛下，福膺百順，祐擁三靈，行堯道以兢兢，秉文心而翼翼。基圖增固，治永叙於九功；精稷交通，變宜消於十燁。允符瑞貺，益著亨辰。臣等夙被寵恩，過叨榮祿。疹收內壤，心均四海之歡；疏奏前旒，壽獻萬齡之祝。《摘文堂集》卷一一。

賀增上神宗徽號表

合宮大饗，載修崇祀之儀；清廟徽稱，誕廣遙追之孝。人神協贊，典冊用光，凡諸含血而有知，孰不懽心以胥慶？臣中賀。國家七葉，幅員萬邦，巍乎先帝之隆，凜乎三代之上。神靈如有熊，而成之以敦敏；濬哲如大舜，而輔之以溫恭。承列聖之寢昌，弗有其治；跨百王而高蹈，克成厥勳。于時率土之臣，咸請中天之號。禹功不伐，湯德日新，方伏闕而未從，遽號弓之莫及。逮茲累稔，申厥舊章，深求典謨，博采《雅》、《頌》，爰因配帝之祀，聿嚴宗德之名。甚盛無前，持外王之土苴；其傳罔極，著上聖之形容。恭惟皇帝陛下，剛德有爲，達孝善繼，率時昭考，燕及皇天。卜太室之受釐，協羣倫之歸美。施諸玉冊，赫爾金聲。考治式孚，蓋原於復命；神功不宰，尚出於強名。臣獲際昌辰，預聞休蹟。退惟簪履之舊，淚灑周南；遐思圭璋之儀，魂馳魏闕。《摘文堂集》卷一一。

賀甘露降帝鼎表

儀盛漢廷，方幸修於元會；祥呈夏鼎，如克享於天心。凡預榮懷，敷同慶賴。竊謂湛恩廣被，協氣橫流，精稷於焉交通，符瑞必以類至。睠霄零之甘露，稟雲表之清英。載在遺編，稱爲休貺。或受

諸草木而象德，或降於宮室以紀年。粵若王政之初，爰當帝鼎之上，時乃創見，昔所未聞。恭惟皇帝陛下，體御至神，道兼全於衆甫；用揚獨智，世用賴於九功。民俗阜康，邊陲靜謐。雨暘咸若，稼穡屢豐。藹藹治馨，宜三靈之底豫；瀼瀼和液，彰百福之備膺。臣等獲際熙神，幸瞻嘉應。班趨上閣，共傾向日之誠；疏奏前旒，更祝後天之算。《摛文堂集》卷一一。

賀改元政和表

燎升陽時，既涓饗帝之儀；澤沛端闈，爰易紀年之號。書文所暨，民俗交欣。臣中賀。臣聞二帝之德雖隆，其要不外於稽古；二典之文可考，其詳尤在乎命官。夫惟無曠於天工，是用克和於邦政。紹茲能事，屬在聖時。恭惟皇帝陛下，巍巍成功，以丕冒率土；業業致孝，以祇遙先猷。仁洽道豐，氣調時豫，乃因祀禮，更定歲元。臣曩備近聯，今從左省。莫陪慶列，徒緬想於賓傳；均浹歡悰，竊自同於獸舞。《摛文堂集》卷一一。

謝賜政和元年曆日表

近日前推，先天誕告，凡備守邦之吏，寵頒紀朔之文，俾獲珍藏，實均慶賴。臣中謝。竊以唐堯

之考曆象，虞舜之察璣衡，豈惟叙授於人時，蓋亦靈承於帝事。載在二典，訓垂百王。恭惟皇帝陛下，道體泰元，治高振古。五辰兼撫，致庶績之咸熙；九叙可歌，方萬世之永賴。茲當改歲，申飭攸司。課密度於清臺，既無差忒；錫成書於列郡，冀克聞知。臣猥玷隆私，與膺嘉會。金臺漏永，共喜化日之長；玉燭時和，預慶豐年之屢。《摛文堂集》卷一一。

賀紅鹽表

地符薦祉，鹽澤效祥，方擬凝雪之姿，忽示激丹之彩。應唯誠格，福以類臻。臣中賀。自昔牢盆之贏，爲恃公家之助。當章聖之臨御，嘗奏瑞鹽；迨政和之紀元，再書紀史。希世難遇，有識交欣。恭惟皇帝陛下，德協炎靈，功昭烈祖。寶源恢復，既豐足國之儲；珍貺薦臻，益永承祧之祚。臣曩由從橐，黜領郡章，身遠軒墀，莫預稱觴之列；職親民社，欣聆擊壤之音。《摛文堂集》卷一一。

全宋文卷二九三六

慕容彥逢

一五

代三省以下紫宸殿稱賀太陽不虧表

誠德誕孚，嘉祥丕應。沴消內壤，既虛十輝之占；權浹中區，永賴一人之慶。臣中賀。恭惟皇帝陛下，運乾剛以覆幬，居離正以照臨。發政施仁，靡匹夫之不獲；彰善癉惡，致庶績之咸熙。治馨方格於神明，和氣宜通於精稷。偉茲穀朔，時乃珍符。臣等均被恩榮，與膺任使。仰瞻天路，亶爲千載之逢；追效嵩呼，敢後四方之賀？《摛文堂集》卷一一。

代宰臣以下賀黃河清表

天心佑德，川后薦祥，方兩涘羨溢之時，有千載澄清之瑞。感由誠格，福以類升。臣等中賀。惟

河四瀆之宗，惟水五行之首。效靈端拱，屬更紀歲之元；顯應大中，適展親祠之禮。考今爲備，視昔用光。矧當乾寧之邦，允協天寧之號。恭惟皇帝陛下，性堯舜之孝悌，躬文武之憂勤。利澤汪洋，靡匹夫之不獲；和氣充塞，宜景貺之自臻。簡牘屢書，華夷均慶。臣等具膺寵祿，與覲閔休。俟河之清，豈人謀之可冀；如川之至，知聖壽之無疆。《摛文堂集》卷一一。

代三省樞密院請皇帝聽樂表

禮緣群情，聖人必爲之節；喪從先祖，後世靡得而踰。恭惟皇帝陛下，仁稟乾元，恩隆坤極。念朱邸來嬪之舊，有紫闥占夢之祥，制服過期，輟朝增數。去日已遠，而慈軫愈劇；卹典雖厚，而誠感未饜。廼茲公除，尚停雅奏。臣等考莊穆之故事，本正元之舊章，既終祔饗之儀，即允叩闥之請。伏望寢寬追悼，曲徇虔祈。遵景德之詔音，禮由義起；御鈞天之法部，樂與民同。《摛文堂集》卷一一。

代賀皇帝御大慶殿大朝會表

律曆三陽，咸慶王正之序；圭璋百辟，聿修元會之儀。凡在有生，罔不載躍。中賀。恭惟皇帝陛下，誕隆駿命，祇適孫謀。甄商陶周，凜凜百王之右；參天貳地，恢恢上聖之姿。九功之叙皆可歌，

五韙之來罔不備。比奉寧真之恤，久虛大慶之朝。永言孝思，化式孚於下土；錫茲祉福，佑克申於羣倫。爰當發春，赫舉四觀，禮文甚盛，典冊用光。臣獲際昌辰，預聞丕纘。周南歎滯，莫陪鵷鷺之聯；魏闕馳誠，徒切江湖之想。《摛文堂集》卷一一。

賀康復視朝德音表

法坐天臨，曠恩雨施，方永膺於遐福，用申錫於羣倫。凡預見聞，敷同鼓舞。臣中賀。恭惟皇帝陛下，誠贊化育，孝通神明，以盛德承宗社之休，宜萬壽等乾坤之久。臣曩由從橐，黜守郡章。辨色造廷，想清班而獨阻；焚香拜詔，覺協氣之橫流。《摛文堂集》卷一一。

代宰臣以下請皇帝受玄圭第二表

盛德茂昭，珍符申錫，將答帝臨之貺，必嚴躬受之儀。敢冒威尊，再陳誠悃。竊謂玄曰純乾之色，圭爲重土之文，旁連山岳之形，中函雷雨之象。偉茲至寶，兼備三才，維帝堯峻德之明，有神禹成功之告。自時厥後，歷世靡傳，以迄於今，蓋天所受。恭惟皇帝陛下，欽文格於上下，孝弟通於神明。親九族以和萬邦，釐百工以熙庶績。豐年屢應，嘉瑞薦臻。肆追美於陶唐，用發祥於珍物。伏望

皇帝陛下，體三靈眷佑之命，納羣臣鼓舞之情，特降詔音，俯從懇請。先期涓吉，稱事展儀，舉一代之彌文，昭有邦之大寶，以介無疆之壽。以隆不拔之基。《摛文堂集》卷一一。

賀中宮受冊表

群辟造廷，陳有司之備物；溫詞鏤玉，正中壺之隆名。凡與見聞，胥同鼓舞。中賀。竊惟乾坤作配以化育，日月相須而照臨。故三代之興，咸資內德之助；而二南之盛，實爲王化之基。恭惟皇帝陛下，聰明憲天，濬哲稽古。念昔家邦之御，必始於徽音；矧茲宗廟之承，莫親於同體。肆求茂德，崇建長秋。謀燕傳祠，將衍多男之慶；星軒增耀，永符儷極之儀。臣職繫左符，身遙丹朶，瞻母慈之丕冒，均民俗以交欣。《摛文堂集》卷一一。

代鄭樞密辭免樞密院表

驟膺綸制，升冠樞廷，聞命以還，撫躬罔措。伏念臣事勞無紀，問學非優，獨荷眷知，遂陪機要。挈餅之量，心常戒於易盈；伏櫪之材，用豈堪於致遠。坐縻廩祿，徒閱歲時，方積懼於瘵官，敢益隆於柄任？恭惟皇帝陛下，道全衆有，對時物以皆昌；功叙九歌，同天人而無間。齋居決事，盱食

視朝。以聖明述作之資，有文武憂勤之志。振曠古已墜之典，紹先朝丕顯之謨。發政施仁，靡一夫之不獲；命鄉論秀，致比屋之可封。嘉祥緣類而並臻，殊俗款關而來享。臣幸當盛際，猥備近司，海嶽深崇，豈效涓埃之補；乾坤神富，難酬雨露之私。儻冒寵靈，將速罪悔。仰祈洞察，俯徇虔祈，特還替書，俾安愚分。《摘文堂集》卷一一。

同前準備第二表

愚誠盡布，冀寢誤恩，睿意未從，曲加寵諭。顧深慙於公義，敢再冒於天威？伏念臣出本諸生，晚叨清貫，自陪樞筦，寢閱歲華。方上主有爲之時，實千載難逢之會，裁決機務，取成聖心。而臣蒙被寵靈，無可論之薄效；奉揚明命，但知仰於清光。儻復超升，必速瘵曠。伏惟皇帝陛下，循名責實，以總覈於羣能；公聽並觀，以博通於衆志。因念怔營之懇，特寬逋漫之誅，改擇時材，追還綸制。《摘文堂集》卷一一。

中書舍人謝表

臣言：伏奉誥命，除授臣試中書舍人，仍改賜紫章服者。試言黃閣，請避弗俞；視草紫垣，疏榮

非據。仍頒顯服，併免常儀，賁冒有加，怔營滋劇。臣誠感誠懼，頓首頓首，伏念臣行能淺陋，術業荒疏，本乏力稱，偶階仕進。初緣采擇，獲對燕閒，擢自膠庠，任更臺閣。諫垣論事，久莫效於涓埃；柱史記言，近不淹於歲月。方虞叨昧，將速譴呵，曷意明恩，復加寵陟！矧神聖述作之御，實區宇亨嘉之辰。雲漢文章，可觀而不可繪其象；雷風號令，可聞而不可寫其音。是宜潤色之尤難，夫豈孱微之克稱？恭惟皇帝陛下，以堯舜之孝弟，有文武之憂勤，廣延羣材，協贊庶績，廼茲僥倖，亦被褒揚。臣敢不激昂懦衷，紬繹舊學！典司訓誥，雖慙深厚之詞；陪侍禁嚴，敢忽靖共之節？《摘文堂集》卷一一。

謝再除中書舍人表

臣言：伏奉誥命，除授臣試中書舍人者。訓辭俯逮，誤膺求舊之條；懇款冒聞，莫遂由衷之請。叨恩愈厚，圖報爲難。臣誠感誠恐，頓首頓首，伏念臣寒素諸生，迂疏晚學，早玷儒林之選，濫陪俊域之游。曩幸聖知，擢升諫列，獲奉清閒之對，數陳固陋之言。廼緣優容，遂至超躐。掖垣四禁，代司綸綍之嚴；省戶五花，兼與機衡之密。曾微效實，徒閱歲時。比免苴麻，方依邱隴。筋骸疲薾，偶殘喘之僅存；志氣銷磨，豈清塗之敢覬？忽蒙收召，復冥高華。惟內省之甚明，宜自慚於非據。此蓋皇帝陛下，孝治四海，禮優庶臣，閔茲艱苦之餘生，粗有樸愚之小諒，曲垂眷錄，弗忍遐遺。風木易

搖，既永乖於榮養；涓埃可補，顧何憚於捐軀。《摘文堂集》卷一一。

汝州謝表

叨榮已久，宜速顛隳；積咎滋多，敢逃誅責！恩深譴薄，感極涕零。臣中謝。伏念臣家起寒微，望絕榮顯，束髮試藝，遭時右文。偶塵經術之科，復玷辭章之選，擢自州縣，進聯師儒。迨登對於燕朝，寢踐揚於要路。初持從橐，距今八年，兩貳省曹，既書三考。侍邇英之史讀，議大觀之禮文。眷憐每發於金聲，顧逮必康於玉色。而臣才短難強，器小易盈，曾無可紀之勞，廼有自貽之戚。致形論列，終累保全，尚特屈於常刑，俾獲臨於便郡。此蓋伏遇皇帝陛下，體乾在上，與物爲春，如日方中，容光必照。念臣與陪帷幄，嘗奉燕閒；察臣參掌銓衡，粗勤職業。用加寬貸，薄示小懲。臣撫躬深思，刻骨永戒。才非太史，敢興歎於周南？心類子牟，但馳誠於魏闕。《摘文堂集》卷一一。

謝復修撰表

分符汝海，方循省於前愆；列職書林，俄霑濡於霈澤。危襟增激，感涕交流。臣某誠惶誠懼，頓首頓首，伏念臣系本單微，進由孤遠。簿書累考，安州縣之卑棲；靡泮八年，甘齏鹽之冷宦。偶緣登

對，寢被使令，接鴈鷺之後塵，侍槐楓之清燕。葑菲之選，皆由拔自聖知；絲綸之除，每特從於中出。而臣受材譎薄，賦分奇艱，無可紀之勞能，有既彰之罪悔。誤膺慈側，獲貸嚴誅，假以郡章，閱茲時序。謂當永黜，尚不遐遺。恭惟皇帝陛下，德與日新，仁如天覆。察臣陪扈滋久，樸拙無他；閔臣擯斥以來，憂兢愈劇。用加甄復，示不弭忘。臣昔冒恩私，親承訓敕。奉法循理，敢自替於前修？盡節竭誠，誓益堅於素志。《摘文堂集》卷一一。

謝除兼太子賓客表

臣某言：伏奉誥命，除臣兼太子賓客者。宸豪親灑，詔檢中頒。即建禮之舊聯，兼承華之顯列。仰膺賁冒，俯積怔營。臣某誠惶誠懼，頓首頓首，竊聞自昔宮僚，爲時人望，蓋毓德於初載，必選賢而與居。矧當調護之榮，尤出搜揚之胤。如臣者，以蹇淺之學問，無卓異之行能，奮繇寒鄉，最爲孤宦。參粉閨之餘論，豈稱所蒙？奉銅輦之後塵，益慙非據。恭惟皇帝陛下，端本以御家國，因能以用人材。謂臣久綴從班，備聞謨訓；察臣幸陪經幄，粗識淵源。因誤褒嘉，遂階擢序。臣敢不砥礪素節，激昂懦衷？念左右前後之人，罔非端士；陳君臣父子之道，敢替前修？《摘文堂集》卷一一。

謝傳宣入伏早下表

使華俯逮，天語驟傳，念茲伏暑之臨，錫以夙休之寵。拜恩優異，揣分兢慚。伏念臣問學空疏，文辭淺拙，叨長憲部，權直禁林。鼇嶺風清，豈覺午陰之燠？花輶日永，初無內務之繁。敢冒慈憐，俾從暇豫？此蓋皇帝陛下，招延時俊，優假詞臣，特蠲退食之期，昭示閔勞之意。雖殫千慮，曷報萬分？《摘文堂集》卷一一。

兵部侍郎謝表

臣言：伏奉制命，除臣試尚書兵部侍郎，仍賜對衣、金帶者。備員西掖，久玷恩私；貳職夏官，益踰分願。仍有匪頒之寵，俾爲服飾之華，賁冒併優，怔營滋劇。臣某誠惶誠懼，頓首頓首，伏念臣屬辭淺陋，承學迂疏，猥越稠人，寢塵清貫。方聖神熙洽之運，實文物光亨之辰。獨幹機衡，孰測乾坤之造；親御翰墨，共瞻雲漢之章。而臣重以非才，再司外制。曩奉燕閒之對，特形褒獎之言。揣分未安，拜嘉增惕，敢圖眷錄，復與甄升？此蓋皇帝陛下，溥博兼容，清明旁燭，將曲成於萬務，靡求備于一夫，致茲孱微，於焉僥倖。臣敢不祇循名節，恪赴事功？圖報國之涓埃，雖難稱塞；比向陽之

葵藿，永勵忠精。《摘文堂集》卷一一。

謝除刑部尚書仍賜對衣金帶鞍轡馬表

寶跼親御，芝檢中頒。進冒寵除，曾莫伸於懇避；薦叨蕃錫，顧曷稱於恩榮？臣中謝。伏念臣家本寒鄉，分安末宦。偶緣推擇，寢備使令，自筮從班，於茲十載。心雖許國，初乏勞能；智昧保身，嘗嬰罪悔。頃膺召札，再貳銓曹，惟雨露湔滌之私，實天地生成之造。於焉圖報，豈不知難，敢誤眷憐，復加擢序？矧出笥衣之麗，束以兼金；仍分厩駟之良，傳茲沃轡。併深僥倖，益重兢慙。恭惟皇帝陛下，心運道樞，躬持慈寶。納民軌物，既符堯舜之隆；無曠庶官，用襲典謨之美。顧如孱陋，亦與褒揚。臣敢不增勵朴忠，愈堅素守？虔共夙夜，靡懷出位之思；兢慎簡書，期副好生之德。《摘文堂集》卷一一。

賀刑部斷獄表 一

民俗可封，刑章幾措。當春秋發生之日，無簡書請讞之文。囹圄畢空，頌聲交作。臣等中賀。竊謂平國而用中典，亦以教民；嘉師而監祥刑，於焉止辟。惟皆進其獨志，迺不犯於有司。屬在聖時，

追隆治古，鈞金既息，丹筆何施！恭惟皇帝陛下，心宅道真，汎觀衆妙，躬建皇極，丕叙九疇。高靈格而百順臻，美化行而四維舉。肆克清於常憲，其永祐於多方。臣等獲備有官，欣逢盛事。紀太平之文物，願詔史臣；頌至治之本原，豈知帝力！《摘文堂集》卷一一。

賀刑部斷獄表 二

治定功成，風移俗易。惟茲臣庶，咸自遠於祥刑；至於海隅，方永清於庶獄。報囚悉下，奏讞無留，凡與見聞，敷同慶賴。臣某等誠歡誠忭，頓首頓首。竊以聽兩造之備，雖有司存；決五辟之疑，必從中覆。唯空幽囹，乃絕丹書。若時閔休，屬於盛際。恭惟皇帝陛下，隆追考翼，默蘊道真。集前聖之成，以建有極之會；體上天之載，以澄萬化之源。宜致嘉師，罔干常憲。臣某等優游退食，蔑無任事之勞；鼓舞抗章，願奉維祺之祝。《摘文堂集》卷一一。

賀刑部斷獄表 三

甚盛之德，既不冒於羣倫；幾措之刑，遂追隆於振古。赭囚云絕，丹筆不施，凡與見聞，胥同鼓舞。臣等中賀。竊以幅員至廣，獄訟實繁，豈參讞之攸司，無一辭之可聽。太平之象，茲昭示於多

方；至治之馨，蓋敷聞於在上。躋時若此，唯聖爲能。恭惟皇帝陛下，執古御今，體元贊化。道包衆有，對時物以皆昌；功叙九歌，同天人而無間。用永清於綿宇，俾不犯於微文。臣等位列秋官，職司憲牘，嘗備聞於盛事，不自意於親逢。《摛文堂集》卷一一。

賀刑部斷獄表 四

道與時升，慶爲民賴。邦刑幾措，廷讞無留，恩浹華夷，事光載籍。臣等誠歡誠忭，頓首頓首。竊以皋陶之美帝舜，茲不犯於有司；周公之戒成王，其勿誤於庶獄。追隆治古，屬在聖時。草鞠圜扉，吏停丹筆。恭惟皇帝陛下，躬建皇極，心澄化原。集前聖之成，以欽承乎宗社；體上天之載，以丕冒乎家邦。百度既新，九功咸叙，用罔干於靈制，期永祐於嘉師。臣等叨奉恩書，與承德意，願上萬齡之祝，庶伸千載之逢。《摛文堂集》卷一一。

賀刑部斷獄表 五

帝德懋昭，民風丕變，方共陶於美化，幾不犯於微文。獄靡淹囚，廷無留讞，謂如盛際，實邁前聞。臣中賀。昔在神宗，紹隆列聖，敬用三典，分建有官，凡厥罪疑，悉從中覆。偉茲率土之衆，曾

無麗獄之辭。致治若斯，維聖時克。恭惟皇帝陛下，濬哲稽古，聰明憲天。心運道樞，以澄清於萬化；躬持慈寶，以拊育於羣倫。百度交修，九功咸叙，用永綏於綿宇，俾自遠於祥刑。臣等叨備秋官，實司靈制。吏停丹筆，共欣不世之逢；疏奏前旒，願奉無疆之祝。《摘文堂集》卷一一。

賀刑部斷獄表 六

道洽政治，風行俗成。民未占而有孚，刑幾措而不用。報論悉下，按鞫無留，自昔鮮逢，於今屢奏。臣中賀。竊以疆理至廣，簡書實繁，維時嘉師，罔干常憲，當宣室齋居之暇，絕季秋請讞之文。矧邇誕辰，方蒐盛禮。朝紳拱極，共上萬年之觴；使節造廷，聿修重譯之貢。於焉止辟，孰不歸仁？恭惟皇帝陛下，高拱穆清，遙觀昭曠，會衆符以建皇極，執至要以澄化原。無疆之休，既昭受於上帝；百順之福，永敷錫於庶民。宜幽囹之一空，靡微文之可議。臣等叨膺推擇，均與榮懷。恢太平極治之基，孰知帝力！紀甚盛無前之蹟，願詔史臣。《摘文堂集》卷一一。

賀刑部斷獄表 七

民知遠罪，冒犯寢希；吏有奏疑，報論即下。以盛世土疆之廣，無攸司簡牘之繁。歡心交通，和

氣充塞。臣等中賀。竊聞堯舜之治，章服異而俗已徵；成康太平，囹圄空而刑不用。雖曰古今之異，茲如符節之同。恭惟皇帝陛下，默蘊至真，獨觀衆妙。精神運而心術動，美化自孚；禮樂著而法度彰，庶功咸叙。用臻丕應，克邁前聞。臣等叨備秋官，與頒中典。頌天地之大德，難盡形容；書帝王之極功，願貽筆削。《摛文堂集》卷一一。

賀刑部斷獄表 八

企九清之真境，初薦鴻名；格四海之歡心，遂空幽圉。當熙事備成之日，訖季秋請讞之章，和氣橫流，靈心昭答。臣等誠歡誠忭，頓首頓首。竊以箕子之陳皇極，用敷錫於庶民；周公之告微言，其勿誤於庶獄。追隆古訓，屬在聖時，宜多福之聿懷，致五刑之幾措。恭惟皇帝陛下，獨觀衆妙，懋建大中。叙巍巍之成功，增光列聖；揚顯顯之令聞，高出百王。赫茲太平，是爲至治，迺歸德於穹昊，肆展采於禁廷。玉檢推尊，竭欽崇之精意；丹書告慶，息詳覆於微文。臣等叨備秋官，與頒中典。睹天人之無間，孰測神謨；紀時物之皆昌，願貽信史。《摛文堂集》卷一一。

賀刑部斷獄表 九

民承休德，鮮或犯於有司；吏絕疑文，期永清於庶獄。頌聲交作，和氣橫流。維茲至治之興，永謂太平之象。臣等誠歡誠忭，頓首頓首。竊聞好生者，天地之大德；措刑者，帝王之極功。於鑠盛時，乃彰丕應。矧屆就盈之月，聿當兆聖之辰，百辟稱觴，異邦款塞。有如天保，共歌萬壽之章；曾是呂刑，亦紀一人之慶。恭惟皇帝陛下，誠參覆載，功格神明。典章文物之隆，百度畢正；道德仁義之備，萬邦咸孚。用格淳風，罔干中典。臣等獲塵任使，祇奉詔條。敢抗囊封，申獻後天之祝；願貽汗簡，具形擊壤之謠。《摛文堂集》卷一一。

賀刑部斷獄表 一〇

寶祚無疆，屆三元之華旦；祥刑不貳，訖五辟之疑文。盛事係傳，群心交忭。臣等誠歡誠忭，頓首頓首。竊以周官布治，紀正月之始和；呂命訓刑，美一人之有慶。追隆古治，屬在聖時。恭惟皇帝陛下，道心之微，獨該衆妙；帝德之運，丕叙九功。天貺傳臨，春祺紹至，用敷錫於黎庶，期永措於丹書。臣等獲備憲曹，敢後四方之賀？願貽史觀，時書千載之逢。《摛文堂集》卷一一。

賀刑部斷獄表 二

時靡有爭，刑措不用，當宣室齋居之暇，絕季秋請讞之文。歡心交通，協氣充塞。臣等中賀。惟土宇生齒之衆，有獄訟簡書之繁。於鑠嘉師，克承休德，茲報論之悉下，知逮繫之一空。矧邇誕辰，方蒐慶禮，臣鄰拱極，夷裔觀光。玉帛駿奔，紀虹流於華渚；桁楊盡委，奉草鞠於圜扉。凡厥懷生，於焉歸聖。恭惟皇帝陛下，道侔天運，與物皆昌，政本日新，使民不倦。揭太平之備典，御假樂之盛時。年穀屢豐，珍祥沓至。顯顯百順之福，巍巍九叙之功。方將坐陽館以朝諸侯，登介邱而禮上帝。繇一人之有慶，敷錫多方；致雅俗之無刑，遙追治古。臣等優游遵職，鼓舞抗章，竊效嵩聲，共獻萬齡之祝；願貽史筆，特書千載之逢。《摛文堂集》卷一一。

賀刑部斷獄表 二

福以類升，慶爲民賴。當三朝之勝會，訖五辟之微文，盛事係傳，茂恩旁暢。臣中謝。海宇至廣，犴獄實繁，唯底時雍，乃臻刑措。矧正月布治之始，方萬民觀象之初，百辟奉觴，異邦在列。由中及外，如皆樂於一堂；以古況今，豈太平之無象？恭惟皇帝陛下，帝德之運，乃聖乃神；道心之

微，惟精惟一。懋建皇極，永清化原，肆丕冒於嘉師，罔或干於中典。桁楊不用，簡牘何施！臣等叨備攸司，獲觀丕應。奉萬齡之祝，方幸筵於朝紳；書千載之逢，願特頒於史觀。《摛文堂集》卷一一。

代宰臣以下賀獄空及大理寺斷絕表

日畿嘉靖，四陳囹圄之空；棘寺肅清，兩奏簡書之絕。臣鄰歸美，郡國告成。曾未涉於歲時，已屢編於史冊。謂如盛際，實掩前聞。臣中賀。竊以治格熙淳，教化行而爭訟息；俗躋富壽，衣食足而廉恥興。廼形止辟之風，克副好生之德。恭惟皇帝陛下，神機獨運，聖學兼該，以文武之憂勤，有堯舜之孝悌。繼志述事，動懷明發之心；布政施仁，每頒中出之詔。民咸遠罪，邦用措刑。矧當孟冬，甫臨誕節，北鄰修慶，西敵造朝。上奉萬年之觴，共申善頌；下罔一夫之獄，昭示閔休。臣等均被寵恩，共膺榮祿，願稱燕雀之賀，庶殫葵藿之誠。《摛文堂集》卷一一。

全宋文卷二九三七

慕容彦逢 一六

集英殿春宴筵記 一

祥風應律，茲爲布德之辰；涓露零廷，爰舉示慈之宴。恭惟皇帝陛下，乾坤化育，日月照臨。有壬有林，咸序九賓之列；如山如阜，共稱萬壽之辭。《摛文堂集》卷一二。

集英殿春宴筵記 二

誠心昭格，沴氣消收，凡在照臨，敷同鼓舞。恭惟皇帝陛下，如乾獨運，與日並明，治功方叙於九歌，稷異宜消於十煇。臣等夙膺榮祿，寢冒近司，獲被休祥，實均慶賴。《摛文堂集》卷一二。

集英殿春宴筭記 三

誠格上穹，變消內壤，凡居覆幬，均被榮懷。恭惟皇帝陛下，丕叙九功，誕膺百福，方珍祥之沓至，宜沴氣之潛收。臣等叨備近司，與聞休應，奉千齡之瑞祝，肩四海之歡心。《摛文堂集》卷一二。

乞取士以義理爲先奏

崇寧元年六月二十九日

神宗皇帝以經術造士，故科舉校所選之文，醇於義理，非深有得於經術者不能爲也。紹聖纂承，惓惓以取士爲先務，而元符之末，時事紛更，學校官稍非其選。或喜浮靡，或尚怪僻，或進縱橫權變之學，其程文與上游者傳播四方，謂之新格，轉相襲蹈，以投時好。陛下監觀治體，灼見其原，追講先猷以幸教，多士固鄉風承德矣，然餘習猶未殄也。臣願陛下因秋試進士，特詔有司，懲革其弊。其所取以義理爲先，文采爲後，凡浮辭僻論踳駁不純者，咸沮黜之。庶幾學者唯義理之從，以副陛下繼述神考造士之意。《宋會要輯稿》選舉四之二（第五冊第四二九一頁）。

擬試宏詞露布

聖人爲度以天下，恩靡間於華夷；王者居一於域中，法尤嚴於誅賞。惟彼無知之小敵，自干有赫之明威。爰興問罪之師，五道並進；克殄反常之黨，隻輪不還。猶乾坤覆載之無私，而春秋生殺之有序。彼孽自作，茲無赦於邦刑；我伐有名，蓋龔行於天討。恭惟皇帝陛下，掌觀萬國，子惠庶民。令出等風雷，恩施同雨露。接武堯舜，比肩禹湯。凡諸含血而有生，孰不推心於弗忍！獨拓拔之遺種，擅呼韓之故區。蟻穴至微，不當國家之一縣；狼心相繼，敢肆蜂蠆者百年。啖以金帛而益貪，錫以土疆而愈恣。間出剽掠，恬爲凶殘。忘涵貸之至恩，逞陸梁之大慙。人神同憤，華裔弗容。梟首藁街，未正不庭之戮；游魂蔥嶺，尚安匪茹之居。臣等材力弗強，智能無取。繆當分閫，豈縱敵以求全；弗共戴天，誓與彼而俱斃。擁鋒號令，仗鉞馳驅，初屯橫山，進薄靈武。景星燭王旅，天狗墮賊營。以仁侮亡，奚孤虛之足考；自上伐下，顧主客以何施！士氣鼓熊羆，兵威摧嵩岱。或東衝以張我左翼，或西擊以斷賊右肩。月羽翳空，霜鋒耀野，魚甲燦爛，獸旗攬拏，伐鼓震天，揮戈迴日，腹背合擊，首尾分携，我師益張，彼衆大潰。僵尸滿原谷，棄仗等邱山。草木類人而戰士魂驚，風鶴有聲而奔馳足蹶。六師乘銳，掃翰海之妖氛；萬炬俱然，焚賀蘭之聚落。邦封盡復，民俗咸新。臣等躬執干戈，名聯士伍，憑社稷無疆之慶，遵廟堂必勝之謨。時未及瓜，已詠勞還之什；功無橫草，預聞鼓凱之

音。不勝慶快之至。《摘文堂集》卷一五。

治法

策問

問：蓋聞法不獨立，推而行之，存乎其人。猶規矩繩墨雖設，必有舉而用之者，然後方圓曲直，物莫能遁。古先聖王，以道制法御事。不以法從人也，而人惟法之從；不以人擇官也，而官惟人之擇。官治其職，而人足以任之，然後以類舉而事功立焉。主上念文昌政本，自神考肇正官聯，大小承式，迄今三十有餘載，實德在民。頃者清蹕俯臨，天旋六部，又親御翰墨，延見庶工而訓迪之。亦惟元豐良法，美意垂裕乎後而行之在人，嘉與在事之臣欽承彝憲，以隆太平。伏讀明詔，曰「其慎爾止，無載爾僞，以制議事，以公滅私，無瘵厥官，無怠忽，荒政修舉，憲度罔有不孚。」大哉王言，與《詩》、《書》所載，若合符節。其丁寧戒敕，至誠惻怛，播告之文，學士大夫其亦與聞之矣。今欲有官君子，體上之德意志慮，虔共夙夜，無或便文，官修其方，法行其意，各以行能功實仰稱詔旨。若之何？其可試爲有司言之。《摘文堂集》卷一二。

人才 策問

問：《大雅》有言，「濟濟多士，文王以寧」，又曰「藹藹王多吉士」。古先哲王，創業受命，與夫太平守成，未嘗不求端於人才。而人才之衆，必自人陶冶而成之。械樸之作人，菁莪之育材，此其成之之效也。恭惟皇帝，若昔大猷，恢崇學校，以幸教天下，烝髦論秀而臣使之。豈惟寵榮，其意者迪以學術則義理明，董以師儒則道德一，待以曠日持久，學優行敕而命之以官，則其才皆足以有爲，其志皆足以有守。夫以禮樂法度之備，付之有官，而任官者皆陶冶已成之才，太平之基，所以永永無極也。然則上之期於多士蓋若此。雖然，知自貴而後外物不能挫其恒，知自信而後邪說不能干其正，苟輕重取予，與俗轉徙，而欲以所學爲天下國家之用，一出焉，一入焉，曾不足以美其身，烏在其有爲有守也？士被教養而從政，於此知所安矣。不然，則援其失，祛其惑，益其所不能，亦必有道，願著於篇。《摘文堂集》卷一二。

史材 策問

問：史官之權甚重，褒貶所及，傳之無窮，不可磨滅。唯學至博、識至明，而文足以形容之，然

後議論不詭於古人，詞采可傳於後世。由漢以來，言史者稱司馬遷。自劉向、揚雄許可以後，皆稱遷有良史之才，諸儒躋之，罔有異說。而唐蕭穎士，獨深罪遷不編年，而爲本紀、書、表、世家、列傳，失史之法。然自遷合言動爲一，分史目爲五，後世因仍，不能加損，而穎士獨深罪之，何也？古人有言，智者作法，賢者更禮，隨時制宜，不必一道。使遷之法誠是，何必泥古以爲失史之法耶？後世不能易，何哉？諸生試陳之。《摛文堂集》卷一二。

禮制

策問

問：孔子曰：「安上治民，莫善於禮。」唐虞夏商周之盛，禮之損益，見於載籍。人主美化善俗，流澤子孫，蓋本於此。世衰道微，典章隕缺，嬴秦以降，因陋就寡，君臣敕戒，不過簿書。獄訟之間，雖有仁心仁聞，不可爲法於後世。故漢宣帝時，詔書每下，民若更生，而王吉以爲可謂至恩，未可謂本務也。神宗皇帝監積習之弊，親策多士，命官討論。主上不承先志，申命有司，設局建官，講求一代之制。惟宮室之度，器服之用，冠昏之義，祭享之節，學者宜所深考，願與聞之，將以獻於上焉。《摛文堂集》卷一二。

學 術 策問

問：勸學以風化四方，太平之原也。先王之盛時，制成均之法，合國之子弟而教之。下至五黨之州，有序以會民。而諸侯之教，又命於天子。所以一道德、同風俗，作成人材，以趨事赴功。《雅》有《菁莪》、《既醉》，其原自此。神考勵精庶政，求端於學，以追隆治古。訓經術、恢館宇、增弟子員，其流及於郡國。廣建學官，以教多士，洋洋乎成周之治，宜無以進此。今太學月書季考，升舍限年，率舉熙寧、元豐之舊，士固鄉風承德矣。而學之在郡國者，防範糾督之，疑若未備也。夫惇講授之選，博延多士，供億仰於公家，而命之曰學，豈徒徇虛名哉？惟熙寧、元豐成式具在，事之未究者，嘗許條例以聞。將推原美意，稍嚴課試選出之法，使士知所勸。若之何其可？願與聞之。《摘文堂

集》卷一一。

宗 學 策問

問：荀子之於勸學有言曰：「德操然後能定，能定然後能應。」學者至於能應，則其有爲也。若決江河、沛然孰能禦之？古之人或延以三旌之位而弗顧，或乘田委吏而安之，或享以萬鍾之祿而弗

受，或簞食瓢飲而樂之。彼輕重在我而不在物，故進退取舍，處之裕如。若然者，其君用之則安富尊榮，其民從之則孝悌忠信。蓋存乎中者素定，故建之行事若此。主上留神宗學，所以訓迪之，非止應有司之選而已。淵源經籍，涵養道義，其操術既定，則守身從政，將無施而不可。諸公子仰承聖造，其自得於成心，宜有可言。古之人能定能應者，世有其人。頌其詩，讀其書，其志可考。以所得於今，論所聞於古，試爲有司陳之，將以觀所學焉。《摛文堂集》卷一二。

投獻書 一

某聞君子之於天下，非才之難也，所以將之者難。才出於天而寓於人，聰明智謀皆自之出，舉而措諸事業，無不可者。然無將之，則居勢利必爭，履危難必避，聞毀譽必亂，處疑似必惑之人也。方且逐事物於無所，終窮。雖才之有餘，必困頓顛隳而後已。故君子之用才，照之以識，作之以氣，而持之以德。識以照之，孰能蔽之？氣以作之，孰能禦之？德以持之，孰能搖之？三者合併，而後其爲度也大。故其爲志也，固度遠而志剛。故誘之以勢利而不淫，迫之以危難而不懼，鼓之以毀譽而不移，委之以疑似而不眩。夫然後與萬物相偶而莫之能撓以心，役萬物而不爲物所役，故將有爲也，足以盡己之才。巖穴之思，廟堂之議，其所著雖見不同，要之窮不失義，達不離道，俾名聲與天壤相終，夫豈小哉？故君子之度猶之海也，望之不極，即之不測，放之不濁，靜之不澄，酌之不損，增之

不盈，蛟龍聚焉，風雲興焉。彼潢汙行潦之水，朝滿夕涸，亦何能自致於此？古之大有爲於世者，雖才之不可及，然必有非常之度。伊尹之耕，傳說之築，太公望之漁，非不貧且賤也，而不以爲戚。一旦舉而用之，輔相人主而不以爲泰，其所養有大過人者，故所建立若此。其盛也，推而下之。凡以德業自進者，莫不然。西漢賈誼，號爲多才，一不得志，悲憤以死，蓋有其才而無其度也。閣下負天下名二十有餘年，出入中外，視後進與同升之在己上者而志不動，顧先進與同升之在己下者而志不矜，恢然有容，毅然自守。其讀書，見古人若此，猶忻慕之，況與閣下並時，又曩昔南宮奏名，出自衡鑑。今者以主生之禮，求見左右，閣下念某之勤，恕某之狂，一與之進，不勝幸甚。《摛文堂集》卷一

投獻書 二

某曩者天幸，屢獲拜見，辱下執事接之之顏甚溫，誘之之辭甚詳。執事之獎引後進，亦已至矣。是時某憂制方闕，心氣未寧，不獲有請於左右。某幼好讀書，及長益勤，不愧躡等。緬想古人之所聞而欲盡得之，廼究觀經史諸子百家之言。雖貪多務得，不間精粗，而性質顚蒙，過目輒忘，獨於古人議論設施之際，與夫成敗興衰之由，有激於心，不能自己。或沈吟深思，或研味餘意，或躍然自喜，或惘然自失，或可嗟可怨、可爲太息，或可惡可怒、可爲填膺，意不自己則發於聲，聲之不足則紀之

以文。故自卯角以來，家無兼日之儲而不知以爲貧，窮居閭閻而不知以爲賤。開卷有得，足以自適，舉在外者，皆無足以累此。戊辰年春，執事不以某不才，備數奏籍，獲齒官學。今者爲貧竊祿，猥佐一縣，乃釋向之所樂，以從事乎俗。簿領盈几，文檄繼踵，目睹手握，米鹽瑣細。進欲自拔於流俗而不能，退欲翻然引去而不可。檢身自潔，與衆異趣，則謗誹讒譖，不約而會；違己從衆，與之無忤，則枉尋直尺，所學非是。將求執事一言，以破所惑，惟執事幸教之，將書諸紳，以朝夕從事焉。僭易之罪，伏冀矜恕。《摘文堂集》卷一三。

投獻書 三

某碌碌晚進，猥佐下邑，沈迷吏役，齷齪與轅下駒無以異也。廼不自揆，獻書下執事，夫豈徒然哉！竊自惟天下之才，天賦之可謂艱矣，而天下用之，未必盡也。夫有周物之智而用之不盡，則有餘謀；有過人之能而用之不盡，則有餘技。謀、技有餘，功業不極，此有志之士所以激昂深悼不能自己也。蓋士之仕也，豈徒干祿而已，固將有爲也。使之挂冠不出，遁逃山林，枕石漱流，與麋鹿俱，彼復肯念此哉？既投迹有爲之地，欲自見於世，廼無路以進。求進而恥於自鬻，雖甘心於自鬻，而時未必售。故士之有才者，又以獲用於世爲難也。猶蠅飛不出墻宇，附隼翼可以沖天；蟻行不離步武，得驥尾可以追風。閭巷之士，勢卑力弱，非有所託，不能自致於青雲之上。古人之於晚進，或倒屣以

迎，或下榻以延，或比之古人，或自以爲不及，嘖笑謦欬，爲之品題，而聲價自定。彼豈邀譽於時，求德於所至而然哉？蓋惟仁者爲能進所知，惟智者爲能知所進，仁智君子之所盡心焉。觀古之名卿相，必有知人進賢之德，使當時薦紳瞻望，一眄以爲輕重，而後世想見風采，恨不與之同時。中間持祿患失，避嫌遠謗，無所薦拔，自同寒蟬者，不獨當時嗤鄙，而史官譏貶，後人詆訶。臧文仲聖，人以爲竊位，虞邱子婦，人以爲不患。指議所及，百世之下不可磨滅，顧不重歟？雖然，古人之知人，大率以言。孔子曰：「不知言，無以知人也。」蓋言，心聲也。言之所鄉，志之所在。孔子之門人，非不日見之也，而謂二三子「盍各言爾志」。雖曰失之宰予，猶堯之於鯀，子產之於校人，非智有所不及，顧逆詐之非道也。彼少正卯、鄧析，非不僞而辨；蘇秦、張儀，非不巧於說；騶衍、公孫龍，非不工於誕，彼豈不欲文過飾非，攘天下之美而有之？而下流惡名，欲蓋益著者，理義之不可誣也。故所謂知言者，非多言之爲美，亦非寡言之爲貴。或以言得之，或以默得之，可以意會而不可以言傳，此古人之妙也。某竊觀執事，以文學行誼，負天下名二十有餘年，回翔所至，品題士類，甄別精確，取信天下。某筮仕之初，獲備屬吏，瞻望履舄，顧不幸歟！雖然如某之愚，何足以進見於下執事，然竊自惟某幼承義方之訓，妄有志於學，半途爲貧，竊祿從官，進於深造而不能，退顧碌碌者而恥之。深念某之所賦尚可進邪？抑不足教也？而懵然不能自測。今者請命典謁，以質所惑。閣下以默知人，則不待某言，較然判矣。如以言，則某之書可見矣。幸閣下少留意焉。《摘文堂集》卷一三。

謝人書 一

某頓首再拜某官。伏承執事不以某不肖，遠貺手筆，叙三代以上君子致身從道之方，下及漢唐諸子。且勉某以所輕重，大率先遠者大者，而近者小者無取焉。某性質顓蒙，雖不足議此，而樂聞之誠、願學之意，猶之稚子而遇希世之寶，目睹手握，不能名之，而知喜之，雖知喜之，不敢有之。夫三代而上，天下之士去古爲近，離道未遠，君上之所率迪，庠序之所教養，父子兄弟、比閭族黨之相與言，以本勝末，重內輕外，氣完而不挫。是以度量恢廓，志操端潔，見識高明。後世去古益遠，士風衰弱，能不待文王而興者，謂之豪傑之士。孔、孟既歿，微言奧義，泯滅幾盡。戰國之風，操捭闔之術，演從衡之說，身委勢權，死而後悔，故士日趨於詐。西漢以奔競相高，朝奏尺牘，暮被召命，天子歎息，恨相見之晚，故士日趨於矜。東漢以隱居放言爲高，屢聘不就爲廉，刻意矯情，甘足枯槁，故士日趨於僻。兩晉而降，質幹戕盡，枝葉彫零，謂能談諧爲風流，外形骸爲曠達，故士以浮華相耀，譎怪駭俗。唐有天下三百年，士風幾類西漢。然文雅醞藉，不逮漢遠矣。下及五代，廉恥道消，不足比數。嗚呼！千數百年間，如董仲舒、賈誼、揚雄、王通、韓愈之徒，雖卓然自拔於時，然以古義責備，猶不得爲完人，況夫他哉？夫古今殊時，名實寢紊。昔孔文子敏而好學，不恥下問，孔子以爲文。顏淵不遷怒，不貳過，孔子以爲好學。今綜輯辭采，則曰吾斯之爲文，涉獵載籍，則曰吾

斯之謂學，豈孔子之所謂文學也哉？某雖不敏，考古論今，有激於衷，而下執事，又幸教之，敢不夙夜黽勉，庶幾小人之棄，君子之歸乎？至於古人去就輕重之理，皆執事自得於胸中者，某恭聞命矣。不宣。某再拜。《摘文堂集》卷一三。

謝人書 二

某幼嗜學問，稍長，以博綜自喜，貪多務得，欲兼古人之聞而有之。惑於疑似，戰於予奪，如航大海，罔識涯涘，然不自以爲非也。伏承長文，特貺金玉之音，俾先六經孔孟之學，後子史傳說之言，屏去異端之害道者。某始聞之而懼，中得之而喜，以謂擇之不慎，思之不精，汎濫之學，幾不免爲陋儒，此某之所以懼也。然以六經孔孟爲權衡，而諸子百家無所逃於輕重，以六經孔孟爲繩墨，而諸子百家無所逃於曲直，故言雖殺辭而折中於聖，習雖支離而統一於道，夫亦何慊於博乎？嗚呼！六經孔孟，猶日月之明，衆星嚳嚳之光，不足觀也；爲雷霆之聲，衆啄冥冥之音，不足聽也。日月之明而瞽者不得見，雷霆之聲而聾者不得聞。彼舍六經孔孟之學，而曰多見多聞，將焉用之？某自今以往，當研精覃思，推原六經孔孟之書，以求先聖之用心。以之治身，以之事親，以之事君，必有以副執事諄誨之勤。更冀終始成就之。《摘文堂集》卷一三。

論文書

某欽服高誼，請命典謁。執事愍茲區區，見之甚數，接之甚溫，又於廣坐中過譽某之文。竊自惟蠢蠢晚進，無聞於時，何足爲下執事道者？而樂善之誠，動於顏色，形於話言，有意羽翼之，使騰躍而上也。然則大人君子之所存可知矣。某聞之，士伸於知己者，而屈於不知己者。某雖不足以言文，然執事許之，試爲執事論之。夫文章自古爲難，非爲之難也，知之難矣；非知之難也，得之難矣；非得之難，自得之難矣。古之人無意於文，或以明道，或以叙事。以爲默不足以自達，則宣之以言，言必有紀，則述之以文。故古人之文，渾然天成，罔有凝滯，猶渾金璞玉，不見有追琢之跡。後世不然，務華者以侈靡爲麗，務巧者以雕刻爲工，務怪者以險僻爲高，務豪者以馳騁爲壯，各揣所好，互相標目。其不淪於俗者，蓋無幾也。故斯文陵夷，無復古人之盛。孔子之門人，顏回亞聖，而文章不少見。孟子著書七篇，穿貫古昔，上下數千百年，而曰「距楊墨，放淫辭，予豈好辨哉？予不得已也。」故古之人可以無言，則文與之俱熄，有感於物而言，則文與之從事焉。緣督而言，因言而文，此古君子所以異於後世也。某以爲文之要如此，是邪非邪，下執事幸教之。《摛文堂集》卷一三。

請益書

某生長陽羨，與執事同里。雖門宇相望，而前此未有承教之幸，每缺然不饜於心。今者不待請見，千里獻書，非有他求也。竊自念某妄意讀書，究觀經史諸子百家之言，細大不捐，必欲盡得古人之所聞，以故博而寡要，雜擾並進。方且惑於疑似，戰於予奪，如立九達之衢而未知適從，輒懷古人愛日之意，冀得亟聞緒言，以豁蒙鄙，此某區區之懇也。某聞之，聖人之經有六，而性命、道德、典章、法度，乃至天地、鬼神、萬物之理，罔不畢具。如大海之水，波濤起伏，蛟龍出沒，珍怪隱見，廣博無涖，淵深不測，天變地化，涵蓄萬狀。又如寶肆，望之粲然，即之眩然，有循墻而不得者矣，有窺見而不能盡者矣，有真諸掌握而不能名之者矣。自孔子、孟軻沒後，微言既息，奧義不彰，而諸儒人自名家，貶黜所異，乃至父子有不同之論，生師有相誚之辭，中間不移於流俗者，蓋無幾也。夫三代而上，仁義禮樂之澤，日以沾漬，士大夫浩然之氣，擴於所養。世人所謂學者，凡事親守身，應物從政，遠者近者，小者大者，無非學也。凡立言以明理，爲文以紀言，從容自得，咸與道會。或累千萬言而不爲辨，或終身無所見而不爲訥。後世士失所養，學棄本真，區區口耳之習，務投時好。至謂取青紫爲明經術之效，豈不誇哉？是以士大夫心與言相違，言又與道相戾，而古人之大體不復見矣。子路曰：「何必讀書，然後爲學？」孔子曰：「有顏回者，好學，不遷怒，不貳過。」嗚呼，彼

孔子之所學何遠耶！某雖不敏，尚論古之人，竊有志焉，而未聞承學之要。執事與鄉里甚厚，而家貧，又忝葭莩之末，或蒙不棄，貺以諄誨，俾適正審是，不迷於多方，某之佩德，曷有窮已！不宣。某再拜。《摘文堂集》卷一三。

謝教官啓

班級雖卑，報稱攸重，載循譴陋，伏積兢慙。竊惟先皇帝躬上聖之姿，超百王之右，體元用妙，□明闡幽，深惟風化之大原，尤以膠庠爲先務，崇尚經術，尊寵師儒，增諸生之員，創三舍之法，下逮泮水，咸建學官。《雲漢》爲章，皇矣作人之運，規矩厥步，靡然承學之流。萬邦作孚，一變至道。暨今聖總攬之始，念神考在宥之隆，克監成憲於先王，以治建邦之學政。支起傾厦，遏迴狂瀾，聿興斯文，駿惠大業。凡都雲龍之作，復見天地之純。豈繫荒疏，濫居教導。如某學問不足以窺聖賢之奧，辭章不足以暢理義之微，初非語上之資，徒有好高之志。特以聖世育才之廣，先人教子之勤，幼而讀書，幾不知弄，謬當弱齒，偶玷榮科，屬試麗詞，薦塵異選。方仰斗升之給，敢辭簿領之勞？不圖恩波，俾依聖仞。祿廩可以奉親養，經籍可以味道腴。優游在公，顧何殊於吏隱；詰屈難困，第有愧於師嚴。此蓋伏遇某官，爲時真儒，秉國大政。茂贊乾坤之神富，赫增日月之光明。博求俊良，靡問幽賤。借齒牙至公之清議，欲俎豆不肖於俊游。幹寒谷之孤根，鼓朝陽之嘉律。馴致僥倖，獲被寵

休。某敢不遜志慎思，砥節勵行？數學相長，竊慕於前聞；功名可爲，肯忘於異日？《摘文堂集》卷一
三。

改官謝啓

帝閭引籍，選部奏名。筵足華紳，欣雲天之在望；脫身冗調，幸綸綍之親聞。豈謂辱微，有茲叨昧！伏念某奮身寒遠，遭時盛明。輕尺璧而貴寸陰，雖云有志；持千金而享敝帚，殆不自量。惟義命已決於胸中，故窮通悉捐於度外。爲貧干祿，以仕代耕。初繇經術之科，效官簿領；迨玷藝文之選，備數類林。爰暨更書，猥塵薦格，偶逃官謗，輒與明聞。朝著乍趨，有小臣違顏之感；臚傳驟及，如當年唱第之儀。仰冒隆恩，靡安愚分。此蓋伏遇某官廓包荒之度，推樂善之誠。品題一鄉，夙借汝南之月旦；模楷多士，幸登元禮之龍門。實賴譽言，獲階榮路。氣回黍谷，方資春律之和；海接星潢，更假秋槎之便。過此以往，未知所裁。《摘文堂集》卷一三。

全宋文卷一九三八

慕容彥逢 一七

謝試中宏詞啓

試詞伊肇，方搜穎出之才；獻藝匪工，猥被鼎新之選。拜恩優渥，揣分戰兢。竊惟斯文盛衰，與道升降。五帝而上，載籍蓋靡詳焉；三王以還，典章顧可考矣。暨戰國干戈之擾，及暴秦煨燼之災，異端並起如蜂，精義不絕如綫。操觚之士，雕蟲是師。景差、宋玉唱於前，枚乘、鄒陽應於後。務豪則摧嵩岱，喜怪則窮蛇牛，兢巧則較錙銖，紛華則繡輦輓。雖賈誼節之以禮，揚雄戒夫不爲，而氣力不足以回狂瀾，故支撐不足以起大廈。由漢及魏，浸淫迄於六朝；更隋與唐，敗壞極於五代。中間若建安之稱麗作，正始之指名流，咸高冗長之辭，無復中和之氣。乃有不出月露之習，相變宮羽之談。或擊鉢責程，或探囊按部，或成章於七步，或積思以十年，率意者流離於口占，湛思者安帖於腹稿。宏衍若張衡，而以言艱爲病；敏捷如任昉，而才盡見譏。異轍同奔，去本益遠。如孤峰絕岸者，施

之廊廟則駭；如麗服艷妝者，類之風雅則乖。張葉討源，盡掃彝倫之正；沈辭麗藻，徒滋誇競之風。間有自奮而不移，抑亦可數者無幾。我朝鑑積世造士之弊，先帝承累聖復古之心，登用儒臣，緝明教典，聿興經術之學，斥去聲病之科。煥乎人文，一變至道，淵然神化，百聖不慙。尚念應用之詞，乃有設科之意。迨今上之總政，追神考之作人，爰建新科，以述前志，昭示古今之體，詳求辭理之優。創置攸初，勸率甚厚。上意所注，衆指爲榮。紛如簪裾，粲爾翰墨，或握靈珠以自謂，或賤良驥而不珍。豈容孱姿，濫塵異擢！伏念某學惟自信，才不逮人。補苴徒勞而少功，濩落頗譏於無用。檢身慎行，初不求於世知；聞禮言詩，蓋第遵於家訓。青氈惟舊，白雲無心。享敝帚以千金，雖非審己；漱芳名於六藝，聊可怡情。謬當弱齡，亟玷榮第。斗升既竊於甘旨，簿領敢憚於劬勞？退食自公，開卷有得，樂分不競，隨處而安。勉試詞場，實慰倚門之望；爭先俊域，退慙應敵之難。偶茲褒甄，出於僥倖。此蓋伏遇某官命世英輔，覺民真儒，以道佐王，爲時籲俊。謂凡馬既收，則良馬必至；謂假龍既好，則真龍乃來。容茲一日之長，備於五人之列。某敢不冰蘖勵節，葵藿傾心？許國之誠，拳拳於忠義；致君之業，勉勉於猷爲。上副穆清，次酬獎拔，過此以往，未知所裁。《摘文堂集》卷一三。

謝中書舍人啓

程篇甫上，愧文采之不工；恩典驟加，驚寵靈之非據。伏念某行能卑陋，術業空疏，預登經籍之

科，寢被師儒之選。曩緣甄錄，辱賜燕閒；因誤褒嘉，獲參讎校。旋塵憲府，繼陟諫垣，俱莫效於涓涘，顧徒糜於餽廩。幸逃瘴曠，初載筆於螭蚬〔二〕；敢玷高華，遂代言於綸掖。矧神聖述作之御，方天人合同之時。五星之軌循行，諸福之物類至。法良意美，吏惟謹於持循；民阜俗康，邦已臻於熙靖。赫茲盛際，光於古初。是宜深厚之訓詞，克副休明之文物。於焉循省，豈不叨踰？此蓋伏遇門下僕射相公業廣功崇，道隆德峻。齒牙餘論，必慎擇於正人；廊廟除書，肆允諧於清議。施及寒微之跡，猥深特達之知。師席樞衣，曾乏趨承之舊；相門推轂，實居薦引之先。假以要途，實諸法從，積此銘藏之素，罔知報稱之方。敢不勤恪以赴事爲，靖共以安分義！退免譴訶之及，進惟驅策之從。過此以還，未知所措。《摛文堂集》卷一三。

〔二〕「繼陟」至「初」：原缺，據庫本補。

回謝黃學士啓

恭審奉如綍之溫文，擢登瀛之華序，傾馳有素，欣慰交深。惟自昔讎校之資，乃諸儒涵養之地。蟬別簡蠹，芸披袞香。映扣閣之青藜，嘗聞往牒；詠當階之紅藥，多出此塗。恭惟某官學逢左右之原，文得中和之氣，揚芬鬻舍，策足俊躔。陪藏室之游，名已書於藥籍；垂置郵之問，御初觀於冰

條。雖高誼之曲敦，豈微蹤之敢冀？永言欽佩，罔喻誠悰。《摛文堂集》卷一三。

汝州到任謝兩府啓 一

自貽罪戾，宜正典刑，尚玷朝恩，俾分郡寄，退循僥倖，愈劇怔營。伏念某家本羈單，最爲孤進，仕安卑冗，曾乏能稱。遭遇聖明，搜揚疏遠，偶預擢序，寢階清華。自忝從臣，迄今八載，再直詞掖，兩貳省曹，陪經幄之後塵，參禮司之末議，迄無一得，以效萬分。自惟顛愚，僅守區區之小諒；至於兢慎，每懷惴惴之私憂。顧智無先見之幾，而器有易盈之誚，上辜任使，亟致顛隳。伏遇門下僕射相公德度有容，仁心不忍，念茲寒跡，舊出高閤。秋賦掄材，初備糊名之選；晨朝接武，久聯持橐之班。深惻慈憐，特垂善救，終賴保全之力，遂寬竄殛之刑。恩比邱山，雖銘肌而曷報；心非木石，豈感涕之無從？《摛文堂集》卷一三。

汝州到任謝兩府啓 二

伏遇某官德度有容，仁心不忍，過私寒跡，俾出高閤。筵羽鴈鷺之班，初由獎借；脫身風波之險，每賴保全。茲尤惻於慈祥，用特垂於善救。屬言章之薦至，方公議之弗容，終賴緒言，得寬遠

殛。心非木石，豈感涕之無從；恩比邱山，雖銘肌而曷報？《摘文堂集》卷一三。

汝州交代郭內翰先啓

右，某祇膺明命，獲剖左符，久勤望履之誠，茲假續貂之幸。載馳長道，已及近封，行遂參承，預深欣慶。《摘文堂集》卷一三。

沿路先狀

右，某赴官支郡，假道大邦，久勤鄉往之誠，茲遂參承之幸。獲欣預劇，敷叙奚殫！《摘文堂集》卷一三。

謝先狀

過沐隆私，特貽華翰，永言欽佩，罔喻誠悰。《摘文堂集》卷一三。

赴闕沿路先狀

右，某茲馳廣陌，將爾高閤，敢修竿牘之儀，少布腹心之懇。瞻依正劇，欣慰預深。《摘文堂集》卷一三。

復修撰謝兩府啓

右，某伏奉告命，復集賢殿修撰者。省愆夙夜，方劇怔營，肆宥臣民，與膺湔滌，綸言俯逮，兩涕交揮。伏念某出本衡茅，進由靡泮。偶承人乏，寢誤聖知，陪鵷鷺侍從之班，筵帷幄論思之列。寵私未整，歲月滋多。緬想厥初，敢越巢林之分；叨承廼爾，顧無橫草之勞。唯求退藏，冀甘孤拙。暨積愆之既著，匪公議之可容。尚賴廷筴，照知本末，特寬朝憲，俾竊便安。茲因解澤之施，俄復書林之選。涵濡爲渥，報稱尤難。此蓋伏遇某官本仁恕以翼贊大猷，崇忠厚以表率庶俗。凡士夫之小善，罔或遐遺；矧門館之舊遊，倍加慈惻。肆蒙甄叙，出自記存。某敢不恪慎官箴，虔共吏治？失之已往，雖永咎以何追；收之將來，尚不辜於所學。《摘文堂集》卷一三。

復修撰謝本監司啓

伏念某迹孤地寒，材薄能淺。猥承人乏，寢誤聖知，陪鵷鷺侍從之班，筵帷幄論思之列。稽勞無補，閱歲滋多，逮積釁之既彰，匪常刑之可貸。分符汝海，已出優恩；列職書林，復叨甄叙。此蓋伏遇某官用心平恕，操術慈仁，加問孱微，曲垂休庇，俾脫瘵曠，獲冒恩榮。《摛文堂集》卷一三。

回謝新知汝州王大夫啓

猗聞風誼，積有歲時。比奉更書，獲承除命，方修簡牘之間，庶展腹心之誠。豈謂勞謙，先詒芳訊，撫序良厚，感悚交深。伏惟某官蘊識高明，賦才閎廓。任更中外，著古人經國之猷；事歷險夷，挺志士危軀之節。用孚賢業，自結主知。某養拙此邦，迨經累月。及瓜受代，雖屈指而尚遙；颺秕居前，每捫心而自愧。未諧參晤，正切傾馳，冀順節宣，益隆福祉。《摛文堂集》卷一三。

回謝貢士樂偲樂傳啓

伏審上舍先輩，較藝儒林，策名貢籍。周鄉論秀，與聞造士之方；漢郡觀能，竊有得人之幸。辱迂華轡，仍貺長牋。諒修桑梓之恭，豈責瓊瑶之報，聊塵謝福，并展賀儀。伏冀隆私，特垂深察。

《摛文堂集》卷一三。

與本路安撫鄧資政啓〔二〕

右，某迹遠門墻，念數更於歲籥；誠陳簡牘，冀仰答於台纏。恭維某官氣稟山川，辰逢旦暮，奮揚賢業，翊贊政機。若時鹽梅，用克和於鼎實；爲國柱石，方永弼於邦基。比時嚴辰，升華秘殿。西都守鑰，曩顧慙於師瞻；中宁賜環，行復登於柄任。某羈孤寡與，樸拙多違，自拜車塵，已周星紀。橫經學省，嘗先左右之容；接武從班，每借齒牙之論。逮有陶鑄，尤辱記憐。收錄於壠丘待盡之餘，保全於風波幾覆之際。雖懷銘感，曷報恩私？茲假邦麾，實居率部，坐縻符印，阻屬囊鞬。徒頌祝之交深，非名言之可既。《摛文堂集》卷一三。

〔一〕原缺題，據庫本補。

寄江寧安撫啓

已擇剛辰，肇開雄府，伏惟慶慰。恭以某官道深造而自得，氣直養而至剛。謀合唐虞之都兪，文追商周之訓誥。闡揚六藝，時之醇儒；贊翼九重，邦之元老。比從懇請，暫即使安，民瞻愈傾，公論胥嚮。四牡奕奕，佇觀入覲之儀，八鸞喈喈，將邁遄歸之誦。某戴恩素厚，圖報未能，祝頌併勤，名言曷既？《摘文堂集》卷一三。

冬至賀啓

氣應律鍾，茲謂物生之始；晷移星陸，共欣日至之長。伏惟某官業履瑞時，材猷經國，風望顯於中外，詠歌流於士民。方穀旦之載臨，宜繁禧之並集。某坐縻符竹，阻造門墻，顧叙慶於靡遑，在馳情而曷已？《摘文堂集》卷一三。

賀新正啓

四氣播時，三朝啓朔，陽居震而萌動，物前寅而亨通。伏惟某官重德鎮浮，嘉猷經遠，以忠恪享上之寶，興慈仁澤物之功。當品類之咸亨，宜福祥之並集。某方縻符印，阻望門牆，徒虔慶牘之馳，莫預壽觴之薦。《摘文堂集》卷一三。

賀館職到任啓

右，某伏審奉綈檢之溫文，進蘭臺之清貫，竊惟慶慰。恭以某官早席門望，自結眷知。映扣閣之青藜，黠勞是正；詠當階之紅藥，行被詳延。特指高軒，並携大軸，辱謙沖而過禮，顧感悚以交懷。

《摘文堂集》卷一三。

賀曹運判就遷副使啓

恭審就頒恩制，擢正使名，凡在統臨，胥同慶慰。伏惟某官深忠許國，遠業映時。材適變通，顧

何施而不可？政先豈弟，宜所蒞之有聲。用結眷知，進膺褒寵。乘輅劇部，甄資均節之謀；筵羽華塗，行著論思之效。《摛文堂集》卷一三。

賀本路監司到任啓

伏審輶車臨部，穀旦視章。初奉使移，已虔遵於條教；坐縻郡紱，阻竊望於光儀。敢叙悃誠，遠馳慶牘。伏惟某官風猷華國，業履瑞時。材兼文武之全，無施不可；政得中和之樂，所蒞有聲。用結眷知，遂膺臨遣。外臺制舉，甄爲揚歷之階；前席論思，別迓詳延之寵。《摛文堂集》卷一三。

代謝向大王轉開府啓

榮荷殊恩，寵升峻秩，儀均臺輔，品冠文階，帝詔延敷，物情均慶。伏惟某官性資淳懿，氣宇中和。貴列戚藩，夙著清通之節；賢爲國器，居多謙抑之言。聲猷愈隆，眷禮增渥，廼自將旄之重，進兼公衮之華。某叨備樞廷，阻趨賓館，偶缺修於慶牘，致先辱於占書。感悚交深，敷陳曷既？《摛文

堂集》卷一三。

謝錢駙馬加開府啓

清輝絕俗，令德映時。毓秀儒林，早擅藝文之富；揚芬戚畹，動遵禮法之嚴。《摛文堂集》卷一三。

謝小官狀

右，某載驅長道，已及近封。辱枉華緘，良欽厚意。《永樂大典》卷一八四〇二。

謝本路監司書狀

右，某鄉風有素，承教未緣。茲假守符，獲遂親依之幸；遙瞻使節，敢伸祝頌之誠。恭惟某官宇量恢崇，猷爲宏遠。夙揚賢業，寢結主知。凜然高世之規，卓爾佐時之望。百城兼刺，共瞻原隰之華；三節遄歸，別訝絲綸之寵。某尚遲覲止，輒述願言。伏冀仁慈，特垂照察。鄉風有素，承教未緣〔二〕。拜違已久，馳仰增榮。《永樂大典》卷一八四〇二。

〔一〕此聯與篇首二句相同，疑誤。

送吳顯道序

熙寧、元豐間，某爲兒童時，聞顯道名，至會稽始幸交焉。其後紹聖某年，山陰令闕，顯道攝邑事，士大夫往觀焉。時婚田務開，牒訴盈庭，吏抱案牘，列廡闐溢。顯道隨事剖決，筆不停綴。吏唱判辭燥吻，續以他吏，辰漏未盡，盤錯一空。頃刻閒，聲譽沸騰。顯道先領從事，至是猶兼之，往來兩閒，綽有餘裕。大率明而不苟，嚴而不暴。以意犯法者，雖細弗宥；過誤者，哀矜而出之。人被其鞭撻，再拜讚謝，自以爲不冤也。每視事，曰某人某日嘗以某事來，吾弗直，今奚復訟某事？某日嘗以某名來，吾弗直，今奚更名？被訊者恐懼首伏。吏白事，顯道曰某事於法不當治，某人於法不當逮，輕重緩急，吏不得舞弊。邑境大說，往往圖像以祠之。於乎！顯道以學問文章，爲荆公門人高弟。當先帝盛際，物望輝赫，視青雲與平地等耳，而自珍太甚，不少降意。世變互更，晦迹不耀，春秋高矣，屈佐百里，涵蓄深厚，未嘗發泄。治山陰數月，政績可驚。使之得志，功烈宜何如哉？人知顯道學問文章，而弗知從政之才，故論次爲送行序云。《摛文堂集》卷一二。

御製論大道文後序

臣某拜手稽首言曰：道若大路，然凡麗乎聲色、象數，孰不由之？近取諸身，嚙笑顧指，起居息，無非衆妙之所寓。惟其由之而不知，故逐物轉徙，去本益遠。聖人於此，立言開明，俾聞之者如索塗冥行，廓然見曉，隨其性分，即其所安。嗚呼，非博大真人，孰能與此！恭惟皇帝陛下躬蘊道真，懋建皇極，所以配神明、享天地、丕冒羣倫者，既自得之，方且深根固蒂，長生久視，以同乎太古。又親御翰墨，叙大道之要，昭示訓迪。自羲畫禹疇，與夫琳札所紀，瓊笈所藏，於焉發揮，言約理盡。萬邦臣庶，伏讀睿文，迷者斯復，窒者斯通，是訓是行，同焉皆得。將見還淳返樸，如太古之時，顧不盛歟！

《摘文堂集》卷一一。

邇英閣無逸孝經圖後序

臣竊觀國家承五季之後，太祖、太宗，經綸草昧，南收江湘，西定蜀漢，北翦汾、晉，盪滌妖祲，天步廓清，迄於太平，厥惟艱哉！真宗繼之，中外嘉靖，緝熙百度，文物粲然。仁宗承三聖之後，念創業之難，與夫持盈守成之不易也，業業兢兢，常懼一事一物之失宜，不足以駿惠前列。其默

而爲思，言而爲議，見施設法度政教，所以照臨海島甚盛，所以加惠元元甚厚，猶以終始爲一者，帝王所深慎也，於是考先聖人之言尤切於治者以自勵。乃命近臣，書《無逸》圖於閣之左，又書《孝經》之《天子》、《孝治》、《聖治》、《廣要道》四章圖於閣之右，朝夕顧瞻，若周孔在焉。昔周公作《無逸》，陳古先后之盛，與夫稼穡之艱難、槃樂游田之害政，以戒成王，而其務以勤爲先。《孝經》之四章，稱先王至德要道，所以合同天人之際者，而其原以孝爲本。是二者，人主正心修身，以御家邦，無以尚此。夫仰天而天不倦，俯地而地不怠，則成位乎兩閒者，孰過於勤？在天有經，在地有義，則成能乎兩閒者，孰大於孝？且有天下者，非謂以天下奉一人也。天下之大，以一人治焉。以至衆望至寡，則其責備；以至靜視至動，則其慮深。得失在於九重，而利害及於四海，善惡垂於萬世。故人主必金玉其言，規矩其行，德合天地，明並日月，然後足以垂無疆之休。然則周孔之訓，其可須臾忘耶？雖然，此豈有他哉，顧在心術之閒而已。誠能處堂陛之廣，而思天下之民有不安其居；膳膏粱之旨，而思天下之民有不飽於粟；服綺紈之美，而思天下之民有不足於帛；臨鐘鼓臺榭之樂，而思民之所以憂；享宴安優游之逸，而思民之所以勞；日旦坐朝，鵷鷺在列，而思賢士或有未進；奏章在前，聽決可否，而思事情或有未通。念前人之所以託於後，萬邦之所以願乎上者，夙夜不替。曰若是而後爲古先王之勤，又若是而後爲天子之孝也。惟勤與孝，一舉兩得，而天下不治，風俗不美，頌聲不作，天瑞不至者，未之有也。仁宗允蹈之，是以盛德成功，格於上下，詒燕後世，比隆唐虞，其效豈不彰明較著哉？夫上論其人於寥寥千有餘年之前，求其遺言，置諸左右，若朝夕納誨然，願治之

意，深矣遠矣。嗚呼盛哉！臣拜手稽首謹序。《摘文堂集》卷一二。

跋僧懷素帖

歐陽文忠公稱魏晉法帖，初非用意，自然可喜。後人以學書爲事業，如懷素之徒，疲敝精神，不以爲苦。然六藝未有不學而工者。魏晉書體，皆有師承，以意在筆前爲法。文忠不喜學書，故詆若此。懷素行筆，頗類羊欣，梁武帝亦以欣終不似真云。辛卯重九日題。《摘文堂集》卷一三。

跋李伯時馬

杜工部稱韓幹馬能窮殊相，而畫肉不畫骨，獨曹將軍爲盡善。予觀二人遺蹟，信然。伯時筆法，蓋得於曹、韓，士大夫寶之爲神品。觀於通真西軒，丙戌三月。《摘文堂集》卷一三。

題道錄黃大中書軸

某自崇寧癸未，以中書舍人扈蹕，迄今十有四年。又間緣祠事詣醴泉者，不可勝紀。雖屢見淵靜

沖和師，曾不少款，政和丙申七月戊午，始得造琴軒，清談終日，慰懌可量！《摛文堂集》卷一三。

題遺教經後

汝之後圃，有山池水竹之勝。此刻在圃之西小亭，沿灘溜、度危約、穿叢葦乃至。見此默想舊游，如在目前云。《摛文堂集》卷一三。

題青城瑞石文後

政和五年三月癸巳，上御集英殿第多士，命近臣侍內出青城山瑞石，尖圓黑色，大如百斤秤錘。有白文在石，曰「呂公天與之道，急急呂公之行」。凡三十有二字，分兩行。石脉透徹，文及旁見字法，比王右軍尤加清逸。臣某與觀，并賜模本，得以寶藏，豈不榮幸？模本止得十之七八〔二〕，蓋石理溫潤，字字精采，殆若飛動，非模刻所能盡也。具位臣姓某謹題。《摛文堂集》卷一三。

〔二〕止：原缺，據庫本改。

題長生妙訣後

政和六年季秋朔，大享明堂，祀上帝。某以刑部尚書攝初獻，同亞獻禮部尚書姚伯受、奉俎兵部侍郎宇文仲達前一日致齋於祠所。仲達語及養生，手錄此書示某，戒以非人勿傳云。《摛文堂集》卷一三。

玄圭議

玉質溫潤，赤與黑雜，真玄色也。以古尺攷之，其長尺有二寸，唯天子之圭爲然。《考工記》稱「鎮圭尺有二寸，天子守之」是也。周之鎮圭，以四鎮山爲飾。今圭之首，其左右刻四鎮山，與周制同。然周之鎮圭刻上，今圭首雖刻而爲椎形，椎首乃大圭之制。蓋自唐虞至於成周，沿革損益，大同小異，猶登龍於山，登火於宗彝也。其瑑爲雷雨之文者，三代以前禮器，類以雷雨爲飾。尺有二寸之圭，以周制考之，爲六瑞之首。其瑑雷雨，以象天子法天以施澤於天下也。其中爲圓空者。《考工記》稱：「天子圭中必。」注：「必，讀如鹿車緹之緹，」其訓則縫也。天子之圭，中爲穹縫以組約，防失墜也。三代天子之圭，與夫公侯之所執，乃至用以禮神者，其玉或青，未有以玄爲色。今圭色玄，則

其爲堯主也明矣。蓋天以玄主授禹，而禹以錫堯。玄，天色也。堯以天道治天下，故主之色象堯之治。《符瑞志》稱水泉流通，四海會同，則玄主出。蓋水泉流通，則水得其性。水爲五行之首，言水得其性，以明五行皆得其性也。四海會同，以言中外嘉靖，無一民不被其澤也。五行得其性，兆民被其澤，則行天之道，同於帝堯，萬邦時雍，同於陶唐。此玄主所以出也。《五行傳》以宗廟禱祠、祭祀天時爲水潤下之應，以謂聖人建宗廟以安祖考，春秋祭祀以盡孝道。王者郊祀天地、禱祀神祇、望秩山川、懷柔百神，罔不宗事，致其齋戒。鬼神歆鑑，以獲福佑，以和神人。至於發號施令，順協天時，則陰陽調而終始成。如此，則水得其性。皇帝奉若天道，紹述先猷，祭祀禱祠，吉蠲盡禮，政事設施，格於上下，臣民慶賴，遐邇惟一。以故大河澄清，守臣屢奏，遠人效順，史不絕書。所謂水泉流通，四海會同者，在於今日。此玄主所以出也。《摘文堂集》卷一二。

甘露記

予守汝海，以堂宇敝甚，徙寢室於訟廳後之涼堂上，舊隔舍爲予書院。涼堂之後，隔舍之前，有竹數十竿。予出入廳事，日盼此君。一夕，夢有人告：「甘露降矣，子奚弗省也？」予次日晚，偶記所夢，往視竹上，露顆圓瑩如珠，點綴甚密，嘗之味甘如飴。時大觀四年十有一月晦也。自經晴日，或暴風大霧，又三雨雪。雪既釋，露凝如故。予初折示郡寮，留賓几案，竹葉已瘁，而露益明潤。既

久，味若糖霜然。至十有二月晦，竹間粲然，猶不晞云。《摘文堂集》卷一一。

香山天寧觀音禪院新塑大阿羅漢記

汝爲州，當嵩山之陽。縈帶汝水，土脉膏腴。旁近郡旱潦不登，汝輒豐稔，以故民力優裕。地左許右洛，南襄北鄭，而非舟車衝道。賓旅自遠至，視其閭里，愉愉舒緩，謂之樂郊。然僑寓者多晉人，習尚儉嗇，室宇僅蔽風雨，不厭庳陋。車馬衣服，大率稱是。而獨崇信鬼神，祭奠獻施，無所吝惜。其奉佛尤爲勤至。雖五代干戈擾攘，日不暇給，而境內禪刹，號古道場者三四。其名僧機緣，見於載錄者，踵相躡也。香山寺在郡城南百餘里，唐宣律師嘗授之天人，以是爲觀世音菩薩化身之所。士民重趼瞻禮，罔有虛日，竟有祈禱。佛光見前，或小或大，或遠或近，或多或寡，合散轉移，不可測度，乃至見於大雨霧風雪之中，其靈應顯異蓋如此。大觀三年，住持比丘法成謂其徒曰：「茲地殊勝，邦人欽奉，而像設故壞，散列於埃壙之下、網絲之間，四方來觀者生慢易，不可不易。」廼命工造夾苧縷金大阿羅漢十有六，從侍十有四，龕帳供器皆備。費凡三百萬，出常住瞻衆之餘。間有助緣者，初未嘗干勺也。四年秋，設齋慶成，有光見於塔頂，經數日乃散。嗚呼！色見聲來，釋氏以爲邪道。至莊嚴布施，則又以爲必若是，然後爲信心。成師有得於宗乘者，於此宜辨其說矣。然今天下山林勝處，皆建道宇佛祠，而佛祠尤盛。如香山光景效靈，又天人顯告，見於宣律師傳甚詳，非他叢林

比也。成師方舉揚真諦，而不廢土木之飾，此非徒然，爲演其意而說偈言：

諸佛之示見，如彼水中月。影隨霑潤生，豈復有量數？羣生欲見佛，亟以聲色求。如攬水中影，圓明散何有？莊嚴具百寶，佛子所當知。閔茲迷妄心，方逐萬境轉。瞻言一念起，如土布嘉種。因緣能發明，長養至成就。香山勝妙地，觀音嘗降身。精廬聳摩雲，神物陰護衛。士民輕千里，聞所聞而來。佛光應宵矚，讚歎世希有。復睹像設姿，樂說無窮盡。有如展轉閒，咸發歸依誓。不思議功德，上以贊宸躬。遐算等乾坤，萬邦均慶賴。《摛文堂集》卷一二。

全宋文卷二九三九

慕容彥逢 一八

神宗皇帝聖政頌 并序

臣某言：臣幼釋耒耜，爲諸生學問，辱在鄉選，遂竊名第。紹聖二年，初立宏詞科，有司以臣程文奏御。蒙先帝誤恩，擢備學校，於茲七年矣。惟臣質薄材下，行能亡異，循循默默，罔克稱塞。獨觀自昔大有爲之君，其宏休偉績，必有俊傑之士馳騁翰墨，鋪張揚厲，以警動天下，傳之無窮。恭惟宋興百有餘年，神考以天縱之資，崛起於五聖之後，內修法度，外攘夷狄，日月所照，生息無極。巍巍典謨所陳，奚以尚此？陛下踐祚，推原太平之自，發德音、下明詔，尊崇廟祀，百世不祧。建景靈西宮，以顯承爲館御之首。其永紹裕陵之言，形於聲詩；繼志述事之意，揚於訓辭。學士大夫，宜廣陛下孝思之誠，爲雅爲頌，以形容神考之盛德大業，如《維清》、《執競》、《長發》之詩。臣是以不勝惓惓，復自念漢永平，徼外遠人槃木白狼，獻詩歌德，譯在史

館。矧臣自託於藝文，待罪國子，雖語言淺陋，不足自效，夫豈遠人之不若哉？謹齋心滌慮，撰成《神宗皇帝聖政頌》一篇。顧辭不稱事，未究萬分之一，亦臣之極思也。如蒙陛下假清閒之頃，特紆睿覽，臣退入溝壑，死且不朽。謹昧死繕寫，隨表上進以聞。臣無任瞻天望聖激切屏營之至，臣誠惶誠懼、頓首頓首，謹言。頌曰：

有宋受命，卜年維億。前義後昊，配天作極。於赫神考，紹休五聖。篤實輝光，剛健中正。考古驗今，慨然有爲。手撓顧指，雷厲風飛。秦漢以還，因陋就寡。樂變於淫，禮求之野。下及五代，十有三君。朝弗慮夕，罔卹典刑。爰自建明，寢明寢昌。一變至道，以詔後王。神考若曰，惟天祖宗，既以命予，予曷不從。廼收羣策，斷以不疑。乾旋坤轉，咸蹈厥機。王政之行，越有先務。水利土工，惟民是裕。既勸相之，申以保息。懋遷有無，平頒興積。孰謂民遠，如手撫摩。遣使宅牧，究宣惠和。昔在祖宗，賦力於下。校登夫家，以令施舍。行之百年，民執官功。法久必弊，惟變乃通。神考念茲，先定等籍。歲均厥輸，官爲僦役。商農工賈，咸莫爾私。毋擾牒訴，毋虞鞭笞。昔在有周，士貴以肆。賓興賢能，惟德惟藝。既望終魄，東極於隋。雕蟲取士，壯士不爲。神考念茲，罷黜聲律。論秀烝髦，選取經術。賢關載闢，數學惟醇。鋤荒剔蠹，統一道真。昔在有周，六卿分職。區區宇文，嗣修品秩。唐室建典，圯於朱梁。名實紛貿，狙爲故常。神考念茲，董正在位。參稽周唐，以辨官治。若網在綱，小大相維。循名責實，百工允釐。昔在有周，稱秩祀事。惟郊配天，惟饗配帝。曲臺失職，淪胥異聞。或陳九祭，或創兼尊。神考念茲，章別隆殺。靈神一天，聿嚴專配。惟

聖饗帝，惟孝嚴父。發揮稊容，以格神佑。昔在仁祖，作宮永安。名曰會聖，以游衣冠。厥惟京師，數奉神御。散於羣祠，禮若未具。神考念茲，廼卜景靈。陰藏陽耀，寶社萃興。像設嚴嚴，颿馭降格。妥侑孔時，裸獻維則。昔在寶元，元昊陸梁。爰暨熙寧，交趾亂常。惟羌惟蠻，乍臣乍叛。羈縻涵養，習爲驕悍。神考念茲，廼伐仇方。南潰楚越，右復河湟。河湟既復，羌失右臂。揚武橫山，往城要地。昔在有隋，醜爲汴流。控引淮泗，復達邗溝。濁流千里，汹汹電激。舫摧艦覆，閒不容息。神考念茲，廼導洛水。繹繹清源，來自熊耳。盈科而進，匪亟匪徐。風航雨楫，既安既舒。惟昔刑書，編次散敕。與律並行，時損時益。凡目寢廣，疏密不論。輕重牴牾，罪失厥情。神考念茲，肇修品章。科條金玉，以約御詳。蒐補闕遺，刊正謬誤。芟夷潤色，制例兼著。猗歟偉歟，經始熙寧。迄於元豐，展也大成。鈞衡鍾龠，車服旂常。軌量以度，物采以彰。金石鞍協，曆象考證。以諧八音，以齊七政。藥劑有任，工技有程。緝熙庶績，罔不勵精。賞必選勞，罰匪作惡。播告不匿，俾克畏慕。俸優公家，交屏私室。砥礪廉隅，以清回遹。議刑左學，訓武西序。博延數塗，疇逸銓叙。課試任子，甄用公族。較短較長，俱收並蓄。聯民鄉遂，寓以伍符。爰糾姦慝，爰比追胥。越井參旂，百將分戍。前茅後勁，既閒統馭。簡稽戎器，搜閱材官。帑廩備預，厩牧阜蕃。惟時惟幾，規模宏遠。神而化之，用藏隱顯。於乎神考，誠明生知。終始典學，道心精微。肆筆成書，吐辭爲經。河洛之瑞，雲漢之明。明明廟謨，出入韜鈴。鍾靈神武，法天動潛。外絕進獻，內擯聲色。覽奏夜艾，聽斷日昃。苑囿弗繕，宮室弗營。城池襲固，府寺增宏。廼對草萊，褒進巖谷。一藝必庸，小善必錄。賓

禮耆舊，省納諫諍。以鎮澆浮，以激柔佞。追美先正，表揚厥勳。圖形原廟，爲漢麒麟。睠言閼宮，義爽同几。升祠四后，式燕祖妣。明發不寐，有懷二宗。祇嚴徽冊，維極顯崇。奉事東朝，恩性天至。輦道安居，懋昭孝治。友睦同氣，華萼相輝。神禎匪效，羽翼在茲。惟功與德，儼蹤典墳。規重矩疊，不可殫論。十有九年，休應以類。海不揚波，遠人慕義。惟時臣子，薦號中天。謙沖退託，詔無復言。介邱壇場，日月以冀。獨觀昭曠，抑而弗議。惟天祐之，聿生元聖。永明孝思，答揚光訓。廼尊廟祏，百世不祧。若武之穆，若文之昭。廼建西宮，列峙中經。比隆皇武，冠以顯承。祖功宗德，既克兼之。作聖述明，惟其盡之。子子孫孫，率迪大猷。無有後艱，永孚於休。《摘文堂集》卷一二。

〔一〕「唐室」自「董」：原僅一「唐」字，據庫本補。

〔二〕此句下原本有闕文四，庫本不闕，以「小大相維」接句。今從庫本。

故朝奉郎尚書職方員外通判德順軍兼管內勸農事輕車都尉賜緋魚

袋累遷太子太師梁公神道碑

并序

大觀元年正月，今中書侍郎梁公初拜尚書右丞，有司遵故事，擬三世贈典以聞。二月辛酉降制，

其略曰：「朕惟執政大臣，望實顯隆，致位近弼，義方之訓，自其前人，追加表揚，用錫休命。尚書右丞子美故父某，可特贈太子少師。」九月宗祀禮成，又降制，其略曰：「朕饗帝合宮，翕臻純嘏，均神之惠，普逮庶工。眷予近臣，宜推異數，追崇親廟，實國彝章。中書侍郎子美故父某，可特贈太子太師。」既告第，又賜子美以副，焚於墓。中書公拜賜，泣謂某曰：「子美幸承先人遺訓，備位政府，賴天子慶施贈官一品，而墓隧之碑未立，夙夜怵惕，不敢怠遑。惟先人出處終始之大節，可考不誣，敢請銘於子。」某義不得辭，謹論次太師之官階政治而爲之序曰：公諱某，字得之，漢凌鄉侯統之後。五世祖夏國公惟忠，嘗任天平軍節度判官，因家焉，故今爲鄆之須城人。曾祖文度，贈太師、中書令、兼尚書令，封魏國公。祖顥，翰林學士、右諫議大夫，贈太師、中書令、兼尚書令、開府儀同三司，封魏國公。考適，皇祐中位宰相，終太子太傅致仕，贈太師、中書令、兼尚書令、開府儀同三司，封徐國公，諡「莊肅」。曾祖妣鄒氏，韓國太夫人。祖妣閻氏，魏國太夫人。妣任氏，徐國太夫人。公辭采學問，在孺有聞。稍長，就試有司，名擢高等。初補將作監主簿，累官光祿寺丞。至和初，仁宗皇帝嘉公故相子，嘗舉進士，召賜學士院，賜進士出身。未幾，復廷試五品服，遷秘書省著作佐郎，自著作五遷至尚書職方員外郎。累階朝奉郎，勳輕車都尉。歷監在京鑄瀉務，管句專司，監布庫，知汝州梁縣，簽書天平軍節度判官事，通判德順軍，凡六任。公篤實，以是守身，亦以是施於政。在梁縣時，郡守將闢聽事，風屬邑以材木獻。公曰：「是必取於民，吾寧被譴，豈希合以擾吾民哉！」卒拒之。守坐法罷郡，諸令皆得罪，公獨免焉。鄆視他郡爲劇，公裁處精確，下無隱情。民

有辨訟，懷牒宿留，公至當職而後出，蓋信服之若此。嘗有禁卒之妻背夫以逃，雖遇赦自首，法猶不原。帥吳文肅公矜之，將貸以輕刑，公不從，立議詳盡，切於事宜，文肅竦然，以爲正論。獄既決，即薦公于朝。倉米數百萬，紅腐不可給軍食，安撫轉運使夏慤欲亟以元價貸民。公曰：「倉吏失職，宜正厥罪，而後減直貸之。不然，民將有辭。」卒用公策。民輸稅於官，吏不時遣，因緣爲姦，部使者諉公，公度弊所從起制之，日入萬斛，民至鼓舞相慶，乞公在任。東平監馬政廢弛，朝廷遣使馳視，公條十利以奏，諸使者美之。德順並邊，素號難治，公居歲餘，寬猛交濟，俗以綏靖，創立治平城寨，經始有度，下不告勞。嗚呼！公之爲政，雖古循吏，何以加此？昔左氏謂臧孫達宜有後於魯，而漢史亦稱于公多陰德，子孫踵爲公卿。公任不踰佐貳，而奉法守公，愛民澤物，常不替於志，宜流慶於今也。性清謹，無他嗜好，獨喜爲詩，有集十卷，曰《汝陽雜稿》，研練精切，真深於詩者。平居陶喜情性，風調清遠，遇有所感，詞氣激昂，銳然有志於進爲。蓋稟之也全，積之也厚，守之也固，而不克大顯於時。今有子以儒學事業受知明天子，擢爲柄臣，制書褒揚，以謂義方之訓，自其前人，是豈終不顯哉？公以熙寧元年十一月二十日，終於德順軍之官舍，享年四十有八。四年九月三日，葬須城登庸鄉執政里，從莊肅公之兆。娶張氏，開封人，樞密副使宏之孫，少府監可道之女，有賢行，事舅姑以孝聞。元豐元年八月六日終，享年五十有六。以三年二月二十六日，祔於公之兆。初封壽安縣君，累贈嘉國太夫人。子五人：子駿，故奉議郎；子美，今爲太中大夫、守中書侍郎；子建，故太常太祝；子履，今爲通直郎、簽書開德府判官事；子博，今爲通直郎、通判興元府。女二

人，長嫁朝奉大夫劉裴，次嫁從事郎田宜。孫十三人：希祖，宣義郎；修祖，太學上舍生；承祖、昭祖，皆將仕郎；求祖，未仕；揚祖，承務郎；恭祖、師祖，皆太學齋郎，早卒，餘尚幼。孫女十三人。銘曰：

蔚蔚梁宗，源自柏翳。統侯陵鄉，晉臣之裔。維莊肅公，公之皇考。相我仁宗，爲時元老。公生相家，考翼是嗣。學則通儒，政則循吏。帝嘉莊肅，子以材聞。給札詞禁，明試以文。擢踐世科，揚芬桂籍。佩服之華，寵有申錫。公懋承之，以忠以孝。位雖不充，志克允蹈。德善之積，慶祉之詒。及子而顯，報施在茲。制書若曰，惟予大臣。義方之訓，自其前人。東宮之師，膺此追賚。源深流長，疏榮未艾。里曰執政，鄉曰登庸。刻銘隧道，過者改容。《摛文堂集》卷一五。

宗室故騏驎使贈博州防禦使追封博平侯墓誌銘

惟博平侯叔樂，字和甫，昭化軍節度使、觀察留後、彭城郡公克孚之子，深州團練使承訓之孫，廣平郡王德隆之曾孫也。母曰南康郡夫人石氏。治平元年賜名，授右內率府副率，兩遷至右千牛衛將軍，改莊宅副使，五遷至右騏驎使，勳上柱國，爵天水郡開國侯，食邑一千五百戶，食實封一百戶，歷陳州堰閘，西京窑務，汾、揚二州郡監，濱州鈐轄。崇寧元年十一月十九日終，享年五十有三。贈

博州防禦使，追封博平侯。以大觀元年某月某日，葬於汝州梁縣。公恩性純至，好學自強，居官恪勤，所至有譽。在濱時，方歲饑饉，公以招軍爲請，繼修城壁樓櫓，俾食其力，賴是全活者甚衆。娶張氏，封壽安縣君。子四人：輔之，左班殿直；翼之，右班殿直；直之，得之，皆三班奉職。輔之、直之早喪。女四人：長適左侍禁馮澄，次適右班殿直王楫，餘尚幼。銘曰：

氣升清明，魄降沈翳。升與陽俱，孰窺其際？降宅在茲，銘於新竈。《摛文堂集》卷一四。

宗室故贈武康軍節度使觀察留後封洋川郡公墓誌銘

公諱叔澹，字靖之，保康軍節度使留後、南康侯克凝之子，虔州觀察使、南康侯承睦之孫，宣德軍節度使、同中書門下平章事、兼侍中、廣陵郡王德難之曾孫也。母安平縣太君張氏。慶曆八年賜名，授右內率府副率，累遷金吾衛大將軍、秀州防禦使，改宮苑使，遷皇城使，歷泰、唐二州兵馬鈐轄。崇寧二年三月十五日，卒於唐州，享年五十有三。贈武康軍節度使、觀察留後，追封洋川郡公。以大觀元年某月某日，葬汝州梁縣。娶宋氏，封長安縣君。子八人：千之，右武衛大將軍；簡之、理之、明之、鯉之，皆左侍禁；畀之，左班殿直；賁之，右班殿直；璵之，三班奉職。女九人：長適三班奉職宋宜孫，餘在室。孫十一人：翊，三班借職，竑、竦，餘未名。孫女六人，長適三班奉職潘唐，餘尚幼。公少嗜學問，尤工爲詩章。事親盡孝，居喪盡禮，歲時薦享，盡誠，治家嚴肅，居官

廉謹，以故姻族莫不賢之。銘曰：

進德不怠，以克有終。蔚蔚愍冊，洋川之公。納銘幽竈，永詔無窮。《摛文堂集》卷一四。

〔二〕「餘」上原有「鍊」字。按其孫皆以「立」旁爲名，「鍊」字不侔，蓋涉下而誤衍。據庫本刪。

宗室故左侍禁墓誌銘

宗室叔恣，字傳道，廣陵郡王德雍之曾孫，虔州觀察使、南康侯承睦之孫，保平軍節度使、成國公克戒之子。母曰同谷夫人李氏，所生母王氏。初授右班殿直，累遷左侍禁，歷監蔡州褒信酒務，監在京倉，耀州兵馬監押。性剛正，喜立事功，居官爲當路稱薦。崇寧二年五月三日卒，享年三十有六。以大觀元年三月二十九日，葬汝州梁縣。子三人，誨之、誼之、謂之。銘曰：

窾土爲宮，既寧既密。刻石同藏，始終尚吉。《摛文堂集》卷一四。

宗室故懷州防禦使河內侯墓誌銘

公諱徽之，字天和，武信軍節度使、循國公承慶之曾孫，開府儀同三司、建國公克繼之孫，開府

儀同三司、榮國公叔敖之子。初授太子左清道率府副率，累遷右監門衛大將軍。崇寧二年舉進士〔二〕，女適姓某，孫四人，曾祖某，祖某，父某，知微有賢行，予女弟歸焉。將葬，請予爲銘，義不可辭。銘曰：

性淳謹言行慈良，積善在躬宜吉祥。受祉未豐今也亡，天之報施官難量。詵詵子孫來者長，有如不信考銘章。《摘文堂集》卷一四。

〔二〕「二年」以下：原缺，據庫本改。

宗室右金吾衛大將軍河州防禦使贈保慶軍節度觀察留後追封房陵

郡公墓誌銘

公諱叔尊，字應之，鎮寧軍節度使、濟國公克彰之子，相州觀察使承矩之孫，潁川郡王德彝之曾孫也。母曰永嘉郡君楊氏。嘉祐四年，授太子右內率府副率，累遷至右金吾將軍、河州防禦使。崇寧二年二月十八日終，享年四十有九。贈保康軍節度使、觀察留後，追封房陵郡公。大觀元年三月二十九日，葬汝州梁縣。娶潘氏，封永唐縣君，先公卒。子五人：祚之，故右侍禁；襲之，左班殿直；襄之，右班殿直；二不及名卒。女三人，長適左班殿直徐肩，餘卒。孫五人，公明、公忠、公哲，二尚

幼。公仁厚端謹，事親以孝聞。善與人交，久益親睦。平居耽玩經籍，口不挂臧否。晚得釋氏書說之，頗謂有得。宗正狀公行實如此。銘曰：

稟質之粹，蹈慈祥兮。操行之潔，好端莊兮。學務該綜，士自強兮。晚誦內典，悟津梁兮。有賢如公，令譽彰兮。刻銘幽石，永有光兮。《摘文堂集》卷一四。

宗室故西頭供奉官墓誌銘

宗室叔璫，字君玉，華州觀察使、華陰侯克告之子，鎮寧軍節度使、同中書門下平章事、陳國榮禧公承錫之孫，潁川安簡王德彝之曾孫也。母曰安定縣君杜氏。六歲賜名，授右班殿直，累遷西頭供奉官，歷監相州、廣濟軍庫，榷貨務門，最後監真定府市易務，不赴。崇寧二年十二月二十九日卒，享年三十有四。以大觀元年二月二十九日，葬汝州梁縣。娶張氏。子三人，相之、樞之，皆業進士；某幼，未及名卒。女五人，在室者三人，餘早卒。君事親以孝，蒞官以勤，與人交以信。壽雖不延，位雖不顯，其嚮善有足嘉者。銘曰：

質幹之良，尚多後祉。壽弗克延，命也天只。《摘文堂集》卷一四。

宗室故左班殿直石誌

左班殿直叔珪，紹聖二年正月十九日生，崇寧二年六月八日卒，享年九歲。大觀元年三月二十九日，葬汝州梁縣。曾祖德彝，故潁川郡王。祖承錫，故鎮寧軍節度使、同中書門下平章事、陳國公。父克家，見任右千牛衛將軍。謹誌。《摘文堂集》卷一四。

宗室故右武衛大將軍真州刺史開國公贈密州觀察使追封高密侯墓

誌銘

公諱叔鄭，字季武，右領軍衛將軍克省之子，武省軍節度使、觀察留後、遂寧郡公承衍之孫，潁川郡王德彝之曾孫也。母曰長壽縣太君王氏。治平二年賜名，授右內率府副率，累遷右武衛大將軍、真州刺史，勳上柱國，爵開國公，食邑一千六百戶，實封五百戶。崇寧三年三月十五日卒，享年四十一。贈密州觀察使，追封高密侯。大觀元年三月二十九日，葬汝州梁縣。娶郭氏，封永寧縣君。公性孝友，善與人交，中外姻戚，罔不歡睦。國有大禮，擇宗室執事，公多與焉。銘曰：

德之吉矣，受祉維寧。天胡嗇之弗永齡，刻此幽石揚芳馨。《摘文堂集》卷一四。

全宋文卷二九四〇

慕容彦逢 一九

宗室故右金吾衛大將軍雄州防禦使贈安化軍節度觀察留後追封高

密郡公墓誌銘

公諱叔納，字才元。曾祖德雍，廣陵郡康簡王。祖承睦，虔州管内觀察使、南康侯。父克彙，安化軍節度使、昌國公。皇祐六年賜名，授右內率府副率，累遷右武衛大將軍、階州刺史，改康州團練使，進右金吾衛大將軍、雄州防禦使。公莊重沈默，無聲色嗜好，獨喜誦書，尤有得於老莊之言。居昌國公喪，哀毀盡禮。嗣濮王宗晟往弔之，曰：「若公家父子孝義，復何用宗官乎？」奉朝請三十年，未嘗有過。崇寧三年八月三日卒，享年五十有二。贈安化軍節度使、觀察留後，追封高密郡公。以大觀元年三月二十九日，葬汝州梁縣。娶彭氏，封宣城縣君。子二人：堅之，左侍禁，早卒；璵之，三班奉職。女二人，長適右侍禁梁姓，次適右侍禁馬慶。嗣女一人，尚幼。銘曰：

儀儀高密，慎終如初。聲色在前，委而勿趨。開卷有得，資以自娛。吁其賢矣，視此銘書。

《摘文堂集》卷一四。

宗室故金吾衛大將軍淄州防禦使贈安化軍節度觀察留後追封高密

郡公墓誌銘

公諱叔峙，字德澹，鎮寧軍節度使、濟國公克彰之子，相州觀察使承渠之孫，潁川郡王德彝之曾孫也。母曰永嘉郡君楊氏。公幼莊重，七歲誦書，日至數百言，長益邃於學。事親孝，永嘉夫人有疾，公刲股進之，遂愈。居喪，水不入口者三日，終制疏素。性多巧思，自奕射聲律，咸精其能。累官至右金吾衛大將軍、淄州防禦使，勳上柱國，爵開國公，食邑三千七百戶，食實封七百戶。崇寧三年六月十日卒，享年四十有七。以大觀元年三月十九日，葬汝州梁縣。子九人：延之，左班殿直；進之，右侍禁；縱之，承儀郎；在之，三班奉職；緝之、靖之、竦之、竑之、翊之，皆未仕。而縱之中進士第，進之、在之、緝之，皆薦于有司。女四人：長適內殿承制、閤門祇候張蓋；次適故右班殿直、閤門祇候、兼尚書局奉御鄭純；次在室，次早卒。孫十有一人，公恂、公望、公佐、公防、公似、公仁、公倚、公才，餘早卒。孫女四人。銘曰：

宜泰而莊，宜佚而勵。操行之純，問學之邃。以振厥聲，以綏厥位。刻詞方砥，以質幽竈。

《摘文堂集》卷一四。

宗室涇州觀察使第十七子誌

晁之，元祐七年正月五日生，崇寧四年四月二十五日卒，享年十四。大觀元年三月二十九日，葬汝州梁縣。曾祖承亮，故樂平郡王。祖克沖，故驍騎大將軍。父叔皮，見任涇州觀察使。謹誌。《摘

文堂集》卷一四。

宗室故西頭供奉官墓誌銘

宗室昇之，字君儀，涇州觀察使叔皮之子，右驍衛大將軍克沖之孫，成德軍節使、同中書門下平章事、追封樂平郡王承亮之曾孫也。初授三班奉職，書遷西頭供奉官，歷潁昌府商稅務，在京麥界牧養馬監，後授潁川界溝鎮，不赴。君七歲能誦書，見爲敏悟。既長，益嗜學問，所著歌詩雜文甚多。居官勤恪，數爲當路稱薦，又以勞列被賞。崇寧四年九月二十四日卒，享年三十有四。以大觀元年三月二十九日，葬汝州梁縣。娶張氏。子二人：公輔，嘗薦於有司，公輅，尚幼。女六人，長適張天

祐，餘在室。銘曰：

諏日既吉，卜宅既寧，發揮行實，尚監茲銘。《摘文堂集》卷一四。

宗室故左班殿直石誌

左班殿直叔官，元祐元年四月二十六日生，崇寧四年閏二月二十八日卒，享年二十。大觀元年三月二十九日，葬汝州梁縣。曾祖德彝，故潁川郡王。祖承襲，鎮寧軍節度使、同中書門下平章事、陳國公。父克家，見任右千牛衛將軍。謹誌。《摘文堂集》卷一四。

宗室故右武衛大將軍文州刺史贈同州觀察使追封馮翊侯墓誌銘

馮翊侯爵之，字子厚，保康軍節度使、房國公叔武之子，光州團練使克虔之孫，青州觀察使、樂安侯承遵之曾孫也。母曰長安郡君劉氏。初授右內率府副率，累遷右武衛大將軍、文州刺史。崇寧四年五月八日卒，享年四十有五。贈同州觀察使，追封馮翊侯。娶某氏，封永安縣君，先公卒。子四人：公謹，三班奉職，早卒；公倬、公球，皆右班殿直；公佑，三班奉職。女三人，一卒，餘尚幼。公事親盡孝，待人盡禮。而奉己甚約，獨喜誦五經諸子之言。以大觀元年三月十九日，葬汝州梁縣。

銘曰：

祿位之寵，有曄有華。德雖稱之壽弗遐，安此吉宅宜其家。《摘文堂集》卷一四。

宗室故右金吾衛大將軍鳳州防禦使贈安化軍節度觀察留後追封高

密郡公墓誌銘

公諱叔耘，字勤之，宣德軍節度使、兼侍中、廣陵康簡郡王德雍之曾孫，太尉、樂平恭靜王承亮之孫，定州觀察使、博陵侯克暨之子也。母曰壽安縣君王氏，所生母曰永福縣太君宋氏。嘉祐三年賜名，授太子右內率府副率，累遷右金吾衛大將軍、鳳州防禦使，勳上柱國，爵天水郡開國公，食邑四千五百戶，食實封一千戶。崇寧五年九月十五日終，享年四十有九。贈安化軍節度觀察留後，追封高密郡公。娶李氏，封永康縣君。子節之，左侍禁；理之，左班殿直；資之，右班殿直；握之，三班奉職；恭之、翼之、和之、立之。孫公巽、公懋。公事親孝，祖母篤疾，齋戒然肌，以禱於神。幼失所生母，歲時愴感，揮涕終日。天資純厚，言不及臧否。喜誦道書，晨昏不懈。大觀元年三月二十九日，葬汝州梁縣。銘曰：

事親惟孝，守身惟誠。本既立矣，如木之榮。歿而不朽，尚監茲銘。《摘文堂集》卷一四。

宗室故濮州團練使贈潤州觀察使追封丹陽侯墓誌銘

丹陽侯叔前，字伯先，中正軍節度使、同中書門下平章事、江國公之曾孫，青州觀察使、樂安侯承遵之孫，蔡州觀察使、汝南侯克觀之子。母曰廣平縣君宋氏。公幼喜誦書，長益敏於學，文詞筆札，衆所歎譽。事父母孝，汝南侯有病，公刲股進之，遂愈，人以爲誠孝所感。崇寧四年三月二十四日卒，享年五十有二。公初授太子右內率府副率，累官至濮州團練使。贈潤州觀察使，追封丹陽侯。以大觀元年三月二十九日，葬汝州梁縣。娶張氏，封和順縣君，先公卒。子八人：孝之，左侍禁；成之，右侍禁；禮之、匱之，皆左班殿直；祐之，三班奉職；尚之、漢之，餘未名。女二十有二人，右侍禁曹緩、左班殿直黃琬、三班借職徐演、三班奉職曹密、左班殿直夏儒，其壻也。一適三班奉職郭才卿，先卒，餘在室。孫公愈、公恣、公恣，餘未名。孫女九人。銘曰：

敏學問，善文辭。事親誠孝身可刲，祿豐位顯惟其宜。享年勿遐人所悲，耀茲潛德有銘詞。

《摘文堂集》卷一四。

宗室故右班殿直墓誌銘

宗室翊之，字望攷。曾祖承亮，成德軍節度使、同中書門下平章事、樂平郡王。祖克沖，左驍衛大將軍。父叔峨，右武衛大將軍、濱州團練使。元祐二年，補三班奉職，改右班殿直。崇寧四年十一月二十五日卒，享年二十有八。以大觀元年三月二十九日，葬汝州梁縣。君幼不喜弄，長益孝謹，好學問，屢試於有司。兩娶皆石氏。子一人，公侃。銘曰：

遵彼汝濱，卜窆云吉。世次行能，考茲芳石。《摛文堂集》卷一四。

宗室故贈密州觀察使追封高密侯墓誌銘

公諱矢之，字伯直，右金吾衛大將軍、汝州防禦使叔縱之子，左驍衛大將軍克沖之孫，成德軍節度使、同中書門下平章事、樂平郡王承亮之曾孫也。初賜名，授右內率府副率，累遷右武衛大將軍、渝州刺史。崇寧四年五月十九日卒，享年四十有三。贈密州觀察使，追封高密侯。娶陳氏，封永寧縣君，先公卒。子八人：公澤，左班殿直；公濟，右班殿直；公潤、公溉、公泳、公淨、公湜。女二人，長適右侍禁楊京，次在室。孫四人。公莊重寡言，喜誦書，能爲文辭。其事親以孝。大觀元年三

月二十九日，葬汝州梁縣。銘曰：

爵祿之盛，既克保之。贈綦之優，亦克稱之。行實可考，銘以昭之。《摛文堂集》卷一四。

宗室故左班殿直墓誌銘

宗室叔澹，字德源，莫州防禦使克施之子，河東郡王承衍之孫，武昌節度使、同中書門下平章事德存之曾孫也。母曰壽昌縣君王氏。元祐元年賜名，補右班殿直，改左班殿直。崇寧四年，授滑州倉草場，未赴。五年二月二十一日卒，享年二十有五。娶夏氏，繼室郭氏。君性敏悟，八歲能誦書，得升中學。長益親翰墨，嘗獻《崇寧聖德頌》。其趨尚爲士大夫所稱。處家孝友，不喜聲色。以大觀元年三月二十九日，葬汝州梁縣。銘曰：

如蘭之馨，方茁其芽。忽云悴矣，姻族之嗟。《摛文堂集》卷一四。

宗室故左班殿直石誌

左班殿直叔篆，元祐二年正月十六日生，崇寧五年三月十四日卒，享年二十。大觀元年三月二十九日，葬汝州梁縣。曾祖德彝，故潁川郡王。祖承錫，故鎮寧軍節度使、同中書門下平章事、陳國

公。父克稟，故襄州觀察使、襄陽侯。謹誌。《摘文堂集》卷一四。

宗室故前右千牛衛將軍墓誌銘

宗室田之，字耕道，深州團練使承訓之曾孫，昭化軍節度使、馮翊侯克孚之孫，安化軍節度使、觀察留後、高密郡公叔建之第四子也。母曰永安縣君晁氏。熙寧二年賜名，授太子右內率府副率，累官至右千牛衛將軍，勳上護國，爵開國公。崇寧三年坐法廢，五年四月十六日卒，享年四十有二。以大觀元年三月二十九日，葬汝州梁縣。娶鄭氏，封仙源縣君，先君一年卒。子公式，三班奉職。三女在室。銘曰：

名秩之寵，自其幼時。終以無祿，嗚呼可悲。《摘文堂集》卷一四。

宗室丹州防禦使第五子石誌

殤子安之，元符元年八月二十四日生，崇寧五年六月十四日卒，年九歲。大觀元年三月二十九日，葬汝州梁縣。曾祖承操，故涇州觀察使、安定侯。祖克勛，成德軍節度觀察留後、常山郡公。父叔履，見任右金吾衛大將軍、丹州防禦使。謹誌。《摘文堂集》卷一四。

宗室故右監門衛大將軍贈懷州防禦使追封河內侯墓誌銘

河內侯諱叔倫，字子儀，同州觀察使、馮翊侯克貺之子，寧國軍節度使、原國公承炳之孫，宣德軍節度使、同中書門下平章事兼侍中、樂平郡王德雍之曾孫也。母曰北海縣君王氏。熙寧元年賜名，授太子右內率府副率，累遷右監門衛大將軍，勳上柱國，爵開國公。崇寧五年六月一日卒。子五人：裕之、緣之，皆三班奉職；祚之，早卒，餘未名。女六人，適右班殿直杜彥侯、進士郭侏、曾允誠，一在室，餘早卒。公性純孝，母疾革，刺肌血以禱於神，未幾康健。幼喪其母，言及必涕泗交下，姻族稱之。大觀元年三月二十九日，葬汝州梁縣。銘曰：

至矣孝德，一言而該。公之事親，終身之哀。刻茲芳石，以播清埃。《摛文堂集》卷一四。

宗室故左班殿直墓誌銘

宗室叔悲，字彥直。五歲賜名，授左班殿直。崇寧五年三月二十四日卒，享年二十有二。以大觀元年三月二十九日，葬汝州梁縣。曾祖德彝，潁川郡王。祖承錫，鎮寧軍節度使、同中書門下平章事、陳國公。父克躡，右千牛衛將軍。母曰永春縣君夏氏。總角誦書，日至數百言。稍長，益勤講

席。上初建宗子學，考選之法，悉視成均。君爲多訓齋，諭以稱職被恩云。娶曹氏。銘曰：質孰賦之，壽孰嗇之。終以無子，吁其可悲。《摘文堂集》卷一四。

宗室故贈泉州觀察使追封清源侯墓誌銘

公諱叔紺，字子春，忠正軍節度使、開府儀同三司、秦國公克愉子，樂平郡王承亮之孫，廣陵郡王德雍之曾孫也。母曰平陽郡太夫人于氏，所生母曰太寧郡太君郭氏。五歲賜名，授太子右內率府副率，累遷右武衛大將軍、興州團練使，勳上柱國，爵開國公，實封八百戶。崇寧五年正月二十七日卒，享年五十有四。贈永泉觀察使，追封清源侯。娶白氏，封壽光縣君，先公二十年卒。子十一人：益之，西頭供奉官；和之，右侍禁；進之，左班殿直；信之，三班奉職；德之，舉進士；岳之，教之，勝之，高之，感之，餘未名。女六人，長適三班奉職郭滌，次適曹激，二在室，餘早卒。公事親孝，居喪以毀聞。天資剛正，守禮不越，治家訓子，肅如也。以大觀元年三月二十九日，葬汝州梁縣。銘曰：

孝以事其親，禮以提其身。守貴若茲，亶惟善人。哀榮終始，泐於幽珉。《摘文堂集》卷一四。

宗室東頭供奉官夫人王氏墓誌銘

宗室東頭供奉官叔腆之夫人王氏。曾祖潛，定武軍節度觀察留後。祖中庸，左衛上將軍。父承昭，皇城副使。母曰長安縣君李氏。夫人性柔慧，事父母孝。既嫁，上承下撫，無不得其懽心。崇寧三年九月五日卒，享年三十有一。大觀元年三月二十九日，葬汝州梁縣。子七人：元之、遠之，未仕；逵之、遷之、迪之、述之、通之，皆卒。女七人，長適進士胡琳、三班奉職李伯總，餘尚幼。銘曰：

慈祥柔順，婦德維嘉。宜壽而夭，命耶非耶？《摘文堂集》卷一四。

故仁和縣君王氏墓誌銘

宗室右金吾衛大將軍、秀州防禦使惠之夫人王氏，世開封人。曾祖審琦，贈中書令，追封秦王。祖承佑，贈左武衛大將軍。父世彥，朝散郎。夫人在家以孝聞，既嫁，事姑如事其親。防禦君少有譽于宮邸，夫人能相以恭順，撫諸子均一人，不知嫡庶之異。崇寧四年四月二十一日卒，享年五十有九。子十人：詠之，右內率府副率；進之、益之，皆左侍禁；說之，餘未及仕者六人，皆早卒。女九

人，左班殿直武立、西頭供奉官王琪、左班殿直衛元之、三班奉職李棠佐、左侍禁羅逵、左殿直白粹中、右班殿直王公倬，其壻也。餘早卒。孫男九人，公泰，三班借職，餘未仕。孫女三人。夫人之歿，術者以陰陽拘忌爲言，再浹日乃殮。方暑，肌色如生，人以爲積善之報云。大觀元年三月二十九日，葬汝州梁縣。銘曰：

善必有報，天理之常。乃如夫人，終以吉祥。云誰不信，監此銘章。《摘文堂集》卷一四。

宗室左侍禁夫人龔氏墓誌銘

左侍禁訢之夫人龔氏，幼聰慧。既嫁，能相其夫以義。疾雖革，亦以忠孝爲言。崇寧五年正月一日，卒於處州之官舍，享年二十有七。以大觀元年三月二十九日，葬汝州梁縣。女二人，尚幼。夫人蓋金紫光祿大夫世昌之曾孫，左藏庫副使意之孫，西頭供奉官咸之女也。銘曰：

歲時協吉，宅兆允臧。吁其葬矣，刻誌同藏。《摘文堂集》卷一四。

故德安縣君彭氏墓誌銘

宗室濮州防禦使叔干之夫人彭氏，左藏庫使崇正之女，左千牛衛將軍再問之孫，武昌軍節度使、

贈中書令睿之曾孫。年二十一，歸防禦，封德安縣君。夫人治家訓子有法。奉己雖約，至賙人之急弗吝焉。歲時薦享，如見所祭。喜誦釋氏書，朝夕靡懈。崇寧二年二月二十日終，享年五十有八。以大觀元年三月二十九日，葬汝州梁縣。子十人：勳之，右武衛大將軍、遼州刺史，贈滄州觀察使、景城侯；劼之，前右侍禁；助之，左班殿直；欣之、勣之，皆右班殿直，餘早卒。女已嫁者二人，婿內殿崇班許彭年、右班殿直任仲述。三人尚幼，八人早卒。孫十有一人：公侃，右班殿直；公偉、公佐、公僅、公義、公順，一未名，餘早卒。孫女十人。曾孫二人。銘曰：

生宜厥家，歿安此室。刻誌同藏，惟德之述。《摘文堂集》卷一四。

華陰侯妻杜氏墓誌銘

宗室故贈華州觀察使、追封華陰侯克告之夫人杜氏，世家鎮陽，自昭憲皇后貴，始爲開封人。曾祖審進，靜江軍節度使，贈太師、中書令、兼尚書令，追封京兆郡王。祖彥彬，禮賓副使。父贊仁，閣下通事舍人，贈左屯衛大將軍。夫人幼端莊，不喜嬉戲。年十七，歸華陰侯，事舅姑以孝，率媵妾以正，訓子孫以義。自奉清約，頗通內典。持五戒行，終身不廢。崇寧元年十二月二十三日卒，年六十有六，封安定縣君。子十有一人：叔陶，贈建州觀察使，追封建安侯；叔瑚，故率府率；叔靄，內殿崇班；叔肇，故左侍禁；叔璫，故西頭供奉官；叔靄、叔鍵（二），皆西頭供奉官；叔躬，左侍禁；

叔廌，左班殿直，餘不及名卒。女十有二人：長七人早卒；次故金華縣君，適右侍禁呂哲；次長壽縣君，適左侍禁李侁；次永壽縣君，適前右班殿直馬宇；次適左班殿直杜琬；次適右班殿直王宗文。孫三十有四人：保之、伋之，皆左侍禁；傳之，故三班奉職；修之、靖之、相之、端之，誼之、訓之、傑之、价之、樞之、禮之、說之、澤之、潤之、俊之，皆習進士，而靖之、相之、端之，肄業宮學，以行誼稱；愈之、翊之、說之〔三〕、遵之，早卒，餘不及名。孫女二十有六人，長故適右侍禁段希顏，次適右侍禁華鎮，次適通仕郎周士堯，次適將仕郎宋亶，次適三班借職郭授，次適進士劉公輔，次適三班借職鄭公案，次適三班奉職高公柔，次適三班借職王公總，在室者十有二人，餘早卒。以大觀元年三月二十九日，葬夫人於汝州梁縣。銘曰：

宜佚宜豐，不怠不侈。宗婦若茲，允也賢只。詵詵子孫，報施在此。《摘文堂集》卷一四。

〔二〕靄：原缺，據庫本補。

〔三〕說：原缺，據右引補。

故和義郡君胡氏墓誌銘

夫人姓胡氏，開封人，衛尉少師令儀之曾孫，耀州三原縣主簿規之孫，渭州軍事判官潛之女也。

治平元年，歸於宗室成州防禦使叔彖，初封金華縣君，進和義郡君。崇寧二年四月三日卒，享年五十有五。子三人；但之，右侍禁；次昇之、景之。女適右班殿直王仲端，其三早卒。夫人事舅姑以孝，相夫以義，訓子以學，撫媵妾以慈。晚喜釋氏書，持誦不懈。以大觀元年某月某日，葬汝州梁縣。銘曰：

維歲丁亥，日吉辰良。卜茲新窆，萬歲之藏。《摛文堂集》卷一四。

故仙源縣君鄭氏墓誌銘

宗室前千牛衛將軍田之夫人鄭氏，贈太師、開府儀同三司、兼尚書令守忠之曾孫，左驍衛上將軍惟懿之孫，左藏庫使价之女也。母曰華源郡君趙氏。夫人幼聰慧，事父母盡孝。既嫁，事舅姑盡禮。喜誦書，能爲詩章。崇寧三年九月一日卒，享年三十有五。以大觀元年三月二十九日，葬汝州梁縣。子公式，三班奉職。女在室。銘曰：

歲月惟吉，宅兆惟寧。歸從其夫，考德有銘。《摛文堂集》卷一四。

宗室右侍禁夫人李氏墓誌銘

宗室右侍禁叔旄之夫人姓李氏，世開封人。曾祖昭德，昭亮軍節度使，贈太師、尚書令、兼中書令，追封崇國公。祖惟賢，滎州團練使，贈右金吾衛上將軍。父宗述，供備庫副使。夫人幼敏慧，年二十歸於叔旄。性謹約，不嘉華侈。崇寧三年七月十四日卒，享年二十有八。以大觀元年三月二十九日，葬汝州梁縣。子一人，未名卒。女二人，尚幼。銘曰：

有粹其質，有淑其聲。考茲幽石，歿有餘榮。《摛文堂集》卷一四。

趙叔慈妻賈氏墓誌銘

縣君，宗室故懷州防禦使、河內侯叔慈之夫人賈氏，世開封人。曾祖常左，羽林衛將軍。祖德滋，右金吾衛將軍。父世奕，右屯衛大將軍。夫人性端靜，平居寡言笑，治家有法，宗姻稱之。封永壽縣君。崇寧四年十月二十四日卒，享年五十。大觀元年三月二十九日，葬汝州梁縣。子二人，得之、待之，皆左班殿直，早卒。孫女二人，長適進士郝侏，次在室。銘曰：

猗嗟夫人，柔德靜專。宜壽宜貴，誰其嗇遷。視銘考德，宗婦之賢。《摛文堂集》卷一四。

宗室東頭供奉官夫人方氏墓誌銘

宗室東頭供奉官叔驍之配方氏，世開封人。曾祖景，贈左金吾衛將軍。祖琬，右班殿直。父侔。夫人性柔淑，在家勤女工，既嫁，事舅姑盡禮。順承其夫，睦若賓友。善誦佛經，能行其所戒。崇寧二年十一月三日卒，享年三十有五。以大觀元年三月二十九日，葬汝州梁縣。子四人，貫之、翼之、拱之、充之。女五人。銘曰：

歸儷其淑，既相諧熙。曷不偕老，吁其可悲。《摘文堂集》卷一四。

宗室東頭供奉官夫人張氏墓誌銘

夫人張氏，蓋文定公齊賢之後。曾祖宗禮，工部尚書。祖子奕，中散大夫。父仲昌，內殿承制。年十九，歸於宗室東頭供奉官叔寄，上承下撫，無不得宜。疾革，謂其夫曰：「無以傷情理，其送終從儉。」嗚呼，可哀也已！崇寧二年八月二日卒，享年二十有八。以大觀元年三月二十九日，葬汝州梁縣。子三人，女二人，皆幼。銘曰：

泠泠緒言，不愆於理。刻諸幽珉，襲芬圖史。《摘文堂集》卷一四。

宗室內殿崇班第三女石誌

殤女元符元年十月十九日生，崇寧三年九月十二日卒，享年七歲。大觀元年三月二十九日，葬汝州梁縣。曾祖承操，故涇州觀察使、崇安侯。祖克勅，故建寧軍節度使、開府儀同三司、建國公。父叔蓬，見任內殿崇班。謹誌。《摘文堂集》卷一四。

宗室舒州防禦使第四女石誌

殤女崇寧三年九月十日生，明年四月二十八日卒，大觀元年三月二十九日，葬汝州梁縣。曾祖承睦，故虔州觀察使、南康侯。祖克戒，故保平軍節度使、成國公。父叔陟，見任舒州防禦使。謹誌。

《摘文堂集》卷一四。

宗室西頭供奉官第四女石誌

殤女崇寧元年三月二十七日生，三年正月二十三日卒，大觀元年三月二十九日，葬汝州梁縣。曾

祖承操，故涇州觀察使、安定侯。祖克勅，故建寧軍節度使、開府儀同三司、建國公。父叔蹊，見任西頭供奉官。謹誌。《摘文堂集》卷一四。

全宋文卷二九四一

慕容彦逢 二〇

朝奉大夫致仕驍騎尉賜緋魚袋石公墓誌銘

越之新昌石氏，考諸譜錄，蓋萬石君之後也。石氏初徙新昌，瑩然一身，而子孫蕃衍。自咸平以來，繼以文辭行誼起家。於今官學愈盛，歲時歸謁，章綬相耀。宗屬數十百人，絃誦洋洋，貢於鄉，選於學，射策於庭，曾靡虛籍，以故爲東南望族。公諱景衡，字叔平，新昌人也。曾祖渥，隱居不仕。祖仕舉，秘書丞，累贈朝散大夫。父衍之，大理寺丞，累贈中大夫。公幼有俊譽，長益邃於學，儀狀端穆，進趨翼如也。神宗皇帝初以經術造士，公試太學，數中優等。嘗詣丞相王文公，特見器重，謂中大夫曰：「石氏名家，信不乏人。」中熙寧六年進士第，調台州天台尉。海濱多剽攘，民以爲病，公設方略以制之，亡敢竊發。方歲大饑，流寓屬於境，賴公振卹以全者不可勝計。移和州烏江令。公材力精健，奮勵自強。察蠹弊，根穴必去之。吏雖猾，亡以爲也。士族有倚勢凌民，既奪之，

既以構訟，有司觀望不決，使者諉公，公不爲勢撓，歸產於民，兩造成服。時詔諸路議免役法，公於淮西，多所裁定。入見，改宣德郎、知福州長溪縣。長溪廣袤千里，民事劇甚，令率以罪去，公至若無足治者。部使者以積欠繩下，輸限峻迫，追究煩擾。公詣郡白狀，請俟中覆乃行。使者聞之，怒，將中公以法。會察訪使至，以閤欠不當治他縣，悉被劾，使者始媿謝。境有強寇，公親捕獲之，賞中優格。公曰：「爲民除害，吏職也。殺人以幸遷，予誠何心哉！」卒平反之，寇以減死論。公之所存蓋如此。居官五年，民繪像以祠之。當路文章以治最聞，衆冀拔擢。公曰：「吾母老矣，豈貪仕進？」一時必求所以便親養者，遂監楚州糧料院。公雖處閒局，而郡有疑難事，輒藉公參決。他郡守下吏獄久不具，本路以詣旨選公覆按，公原情定罪，得輕重之中，被訊者自以不冤也。秩滿，丁外艱，服除，通判秀州。未幾，轉運司表充管勾文字。此官久廢，文牘猥積，公爲條目區別之，十路財賦出納，迺至牒訴，纖悉如視諸掌，使者不勞以治。就遷通判常州，丁內艱，不赴。服除，通判歙州。下車，奠謁廟學，顧墻宇庳陋，慨然以身董役，闢而新之，識者謂公爲政知所先矣。嘗攝郡事，獄有淹繫百餘，過暑多斃。公既閱實，歎曰：「論罪皆當笞耳，何至是耶？」立辨出之。頃之，以疾得謝，杜門里居，一室蕭然，宴坐終日，見者咸悚伏焉。公晚聞內典，益進此道，視窮達生死，不以置欣戚畏慕於心。故於進也恬，於退也勇。綿歷三紀，位不過佐郡，而年未六十，遽乞身以歸。自屬疾，却醫不問，預治斂具，爲書戒諸子。一夕命盥沐，既畢而逝，實崇寧三年九月九日，享年五十有八。以四年九月庚申，葬於新昌蘭峴山之原。公官至朝奉大夫，勳至驍騎尉，以元符元年郊恩，賜五

品服。娶虞氏，故集賢校理、諸王府侍講太熙之女，封永安縣君。子二人：公弼，以蔭補太廟齋郎；公望，舉進士。女二人：長適承務郎、簽書池州判官韋壽卿；次適進士張垂。有文十卷、詩二十卷，曰《南明集》。公葬之明年，予初免喪，未親筆硯，而公弼來速銘。予弟叔畸，公之從女夫也，數夢公具衣冠，請命於予，語極諄切。予聞愴然，爲叙而銘之，嗚呼！公雖亡，有不亡者存。若公孝於親，友於兄弟，施於有政，蓋所謂躬行君子者。公弼、公望，爽邁不羣，人知公之有後，以爲積善之報云。銘曰：

顯矣石氏，初自衛卿。衛卿維磻，國之純臣。貽仲繼出，時亦衛族。得嗣以龜，喪不佩玉。族遠而徙，散處四方。奢、奮、苞、鑑，聲烈相望。新昌之別，實維近世。譜系綿延，萬石之裔。儀儀大夫，色莊以溫。孝悌忠信，有學有文。施於爲政，恭寬敏惠。談笑指麾，民嬉吏畏。飛不盡翰，孰使之然。秩祿豈多，謝不待年。曰維小臣，匪私于佚。負薪之憂，義辭以疾。疾不訊醫，亡不怛化。廼如之人，奚往不暇。維慶之詒，既克有子。天之報施，故將在此。《摘文堂

集》卷一五。

〔二〕秩：原作「秋」，據庫本改。

朝奉郎致仕武騎尉賜緋魚袋葛公墓誌銘

崇寧三年十有一月己亥，朝奉郎致仕、賜緋魚袋葛公終於京師。諸孤護喪，歸常之江陰，將以五年十月某甲子，葬於青暘鄉郭望之原。卜既吉，廼叙公世次行治，泣來請銘。某，公之子婿也。知公本末該盡，宜無愧於辭，謹拜手泣爲之序曰：葛之先嬴姓，夏后分封，以國爲氏。唐天祐中，公之六世祖濤，自廣陵南徙，始有籍於江陰。濤再世生詳，詳生惟甫，累贈吏部尚書。尚書生密中，慶曆進士第，有高行，卒官承議郎，累贈朝請大夫，爲公之皇考。大夫娶胡氏，贈建德縣太君，繼室陳氏，懷仁縣太君。公胡出也，諱書思，字進叔，學識恩性，在孺有聞。既長，博考羣經，旁搜百家之說。世父兵部尚書宮語大夫曰：「是子名第不足言，後將以文義顯。」嘉祐中，試開封府王文公爲考官，得公《事道論》，稱之。再試，爲陳公襄所知，擢第三。一時群進士歆慕，誦公之文，自以得所矜式。諸公要人，交口贊譽，聲問籍籍傳四方。中熙寧六年進士，調睦州建德縣主簿。時大夫既得謝里居，公不忍違去，投劾侍養。十有餘年，晨暮在側，意有所鄉，輒逆得之。夜暴雨，亟起問安，退不敢寐。凡食飲藥劑，廼至服用，纖悉必躬省之。大臣有嘉公志節者，表學官，弗就居。久之，大夫勉公仕，且樂從之，始以吉州司戶參軍監湖州新市務。公喜祿釜逮親，理色自得，不知關市之卑。期年大夫卒，孺慕以泣，哀動行路。尋得臂疾，或告有疾，食肉五十，不致毀禮也，宜稍進肴味。弗聽，終

制如始喪者。服闋累年，廼調開封府封邱縣主簿，移知州防禦推官，知楚州連山縣丞。公悃惓無華，事必遠慮，不以便文自幸，歷佐兩邑，令荷以治。歲菑按田，蠲貸以實，無所顧望。數令他邑及決旁郡滯訟，皆以能稱。淮南議穿支家渠，沮洳相半，計司諉公，公條上便宜與所當經畫者。渠成，人以公爲有賜也。入見，改宣德郎。故事，當任親民，公委資考，求閒局里中，遂監常州酒務，遷奉議郎。上即位，遷承議郎，加武騎尉，賜五品服。差知婺州永康縣，不赴，改監秀州鹽稅務。課羨中賞格，匿不自列，會序遷朝奉郎，歎曰：「吾在事之日淺，褒贈及親，賞延於子，君恩厚矣，尚何求？」遂致仕。公宇量奧廣，恥自表襮，仕不遇合，回旋筦庫，晏如也。所至以安遇名軒，自號虛遊子。居官無秋毫墨染。其所用舉者，常沛然溢格。性謙畏，惟恐忤物。至持法守正，雖大吏欲干以私，辭氣不奪。馭下寡譴罰，冀以至誠格物，然人自不能欺也。公田歲入，輒推予民。在家無聲色玩好，齋莊慎獨，不愧屋漏。遇人無疏戚惟謹，尺牘必楷，片言必信，卹孤振乏，怒如己私。大夫没，追慕白首不替，常以所告戒者自警。語及之，必嗚咽流涕。新未薦，不敢嘗。歲時怵惕，如見所祭。昆弟若從子孫内外千指，公處尊卑間，友愛純篤，無不順適。諸妹擇命士之賢者歸之，問撫饋餉，戀戀靡懈。善教子，言喻而身率之。以故諸子秀拔有立，俱爲清議所重。而次勝、仲遂爲同年進士，鄉閭歸美焉。自居大夫喪，日課內典，默契於心，晚益喜持誦。既屬疾，神檢不亂。時勝仲以太學官迎養，能致國醫。公不問，顧告以死生常理，遺書戒毋侈葬。疾七日而逝，享年七十三。娶侍其氏，右正議大夫泳之女，克有閨範，是儷是相，先公十四年卒，贈北海縣君。子次仲，通仕郎、吉州州學教

授；儀仲，早卒；和仲，將仕郎；勝仲，試太學正。長女適某，次適侍其鶚，次適張滌。孫男九人，立隆、立方、立悌、立中、立大、立師、立器、立象、立授。孫女五人。有文十卷，號《安遇集》，覽者以是服公之所養也。銘曰：

葆醇履坦，晬然慈良。有如葛公，南方之強。公初筮仕，舒華煒煌。友生愕眙，疇敢比望。事違願始，以退爲常。玉韞亦潤，蘭幽自芳。循陔之感，白首不忘。奉盈之戒，燕居益莊。維此卓行，千古有光。行成名立，位卑奚傷。晚通朝著，寵有身章。引年歸老，既壽而康。儀儀子姓，命服在傍。天之報施，於焉孔彰。謂公云歿，不朽者長。納銘幽竈，萬世之藏。《摘文堂集》

卷一五。

孫氏墓誌銘

奉議郎、知貴州軍州事、贈朝請郎邵公潛之夫人孫氏，父曰秉陽，蓋常州宜興人。夫人恩性純至，幼讀書至「父母之年」，以喜以懼，輒俛首揮涕。或問之，對曰：「言中吾心，是以感而泣也。」親有疾，夙夜侍左右，寢食俱廢。居喪，水不濡脣者累日。歲時致享，泣薦所嗜。既歸邵氏，舅姑猶在，長幼千指，夫人上承下拊，罔不歎。臨財辭豐取薄，不爲苟得。姻戚有患難，衆所畏忌弗顧，夫人必往，振急振匱，若己有之。善教子，幼課以讀書，長誨以行己。自熙寧以經述造士，夫人之四

子相繼擢進士第。長曰材，薦開封第一，爲元豐御史，歷銓部、學省，出長大邦，入位少列。崇寧四年，上追懷之，贈典優異。次曰棣，試有司，亦中選首。曰挺、曰搏，皆有聲於太學，而搏廷試高等。鄉閭言教子者，以邵氏爲能。夫人自中年不事脂澤，與朝請公同受籙於龍虎山，道服誦經，事觀音像甚勤。嘗苦臂疾，夢白衣女人按穴刺之，出白氣丈餘，翌日遂瘳。將終，神鑑不亂，召諸孫至前遺以奩中物，從容飲歡而逝。時居襄之官舍，實崇寧五年十月二十五日，享年七十有六。以大觀二年十二月二十有七日，祔於邑西大蘆山朝請公之墓。夫人初封仁壽縣君，改封壽昌，又改仁壽縣太君。材官至朝奉大夫，贈右諫議大夫。棣，承議郎，魏王宮大、小學教授。挺，瀛州防禦推官、知河南府潁陽縣事。搏，從事郎、襄州錄事參軍。一女，適登仕郎、桂州荔浦縣令曾繹。材、棣、挺及女皆先夫人卒。孫十有四人，曰勳、曰然、曰熊、曰熹、曰蘄、曰譙、曰點、曰羔、曰緯、曰緝、曰紳、曰緯、曰絳、曰繹。勳、熊皆將仕郎，餘未仕。孫女七人。曾孫六人。曾孫女四人。銘曰：

君山之下兮荆溪之濱，山秀溪深兮卜祔惟寧。體魄雖瘞兮魂氣則升，降祉於家兮蘭玉在庭。

疏封未艾兮歿有餘榮，謂予不信兮來監茲銘。《摘文堂集》卷一五。

陳君墓誌銘

君諱思齊，字景賢，饒之鄱陽人。曾祖某、祖某，皆不仕。父某，三班奉職。君幼聰警，誦書一

再過不忘，三班君異之。既長，以家難廢學，慨然投筆，歎曰：「藝文致身，夫豈不願！晦迹方劑，亦仁術也。」乃以醫技翱翔江湖間。說常之宜興山水清麗，遂家焉。君診治按古，雖疾沈痼，他醫弗能治，至君指日決愈。遇求療者，心惴惴焉，如己苦之。有貧不自給，復振以薪菽，賴是全活者甚衆。宜興士族從君遊者，罔不奉爲模範。性喜酒，選勝引滿，笑談自得，見者欲傾家釀也。自以學不遂，力教諸子，夜坐燭下身率之，不三鼓不寢。聞四方賢君子，俾從之學。故阜成少有士譽，未壯中第，邑人善教子者，以君爲能。元祐八年八月辛酉終，享年六十有二。以紹聖元年十有二月某日，葬邑西某之原。娶高氏，生四子，曰存，曰阜成，授廬州舒城縣尉，曰敏成，曰彥成，皆應進士舉。一女，適唐原本缺。孫男三人，季長、季升、季友。孫女四人。阜成，予友也，泣以銘請，義不可辭。銘曰：

善必有慶，孰云嗇之。命邪非邪，我儀圖之。弗羸於躬，必昌厥嗣。丹桂一枝，本根有自。惟影惟響，報施如之。誰疑弗信，監此銘詞。《摘文堂集》卷一五。

單君墓誌銘

君諱照，字擇之，婺州金華縣人。喜誦習，衆謂明悟。凡陰陽、卜筮、方術之學，無所不曉。事寡嫂如事母，至老不懈。家貧，無兼日之儲，有子皆使就學。紹聖初，知微貢於鄉，爲第一，中進士

科，崇寧三年，擢温州州學教授。鄉里教子者，以君爲能。四年某月某日以疾終於溫之官舍，享年五十有九。以大觀元年十月某日，葬於邑東某原。娶某氏。子四人：知微，通仕郎；知彰、知柔、知剛，皆舉進士。女適姓某。孫四人。曾祖某、祖某、父某知柔，有賢行，予女弟歸焉。將葬，請予爲銘，義不可辭。銘曰：

性純謹行純良，善積在躬宜吉祥。受祉未豐今也亡，天之報施宥難量。詵詵子孫來者長，有
如不信考銘章。《摘文堂集》卷一五。

單季隱墓誌銘

君諱鏐，字季隱。其先金陵人，曾祖誼初有籍於常之宜興。祖熙、考應，俱以德善稱，其交游多名卿賢士。君少有志操，從胡翼之先生肄業，頗見推重。長益邃於學，著《詩》、《易》、《春秋》義解，博覽諸家之說，斷以胸臆。它經及子史，皆手自鈔纂，篇帙盈庋，筆札細楷，幾若摹印。其爲文務辭達事舉，不喜浮靡，論議衮衮可聽。尤能言吳中水利，以爲荆溪當宣、歙、廣德下流，東注震澤，而震澤自吳江入於海，今江堤連亘，水勢壅閼，古人濬治遺跡堙塞殆盡，誠能通海浦溝港以道吳江，增江隄橋梁以決震澤，又復故百瀆以疏荆溪，則積水皆下，譬如人身去鯁於咽，口腹通矣。有獻其說於朝者，事下部使者，使者諉君按行。君察其屬忌之，弗往也。性樂易，遇人傾蓋如故。聽言置

虛實，一切傾信，久知其玩謔，弗愠也。客至，無疏戚留飲，醉輒假寐，頃刻已醒，未嘗爲酒困。閒有所感，賦詩見意，可錄傳者積數百篇。年既高，氣體益健，請謝不避寒暑，它人當疲劇而君處之自若。崇寧中，余憂居里閭，君過予日三數。雖大雨雪，聞外有屐聲，曰「此必季隱也」，既而果然。時君年七十有餘矣，相見慰勉，已必自叙所得經傳新意，大編長卷，常以自隨，據案風誦，授筆改竄，其心思目力，非少年可及。大觀四年正月十有三日壬子，以疾終於家，享年八十。娶同郡余氏，先君十有二日卒，享年八十有四。子三人，曰源先，卒，曰子發，曰端。子發，余友也。有文行，兩薦於有司，又預崇寧貢籍。鄉人舉遺佚，又舉八行，嘗爲宗子學長。女四人，進士余安節、蘇掖、劉迪、周邁，其婿也。孫三人，曰世南、曰世英、曰澤孫。女二人。冬十有二十有七日壬戌，其孤遵治命，以季隱及余夫人之喪葬於邑南羅漢峰之原。予幼聞縣鄉尊長言，君之考好振施，平日徜徉閭巷，遇貧民不能自給，密置鏹于門。凡賓旅干匄，親友急難，隨多寡各厭其意，資以全濟者甚衆。咸謂單氏家資雖匱，慶在厥後。而君之兄錫中進士第，儒術吏方有過人者，乃卒於州縣。君與弟鎮又皆老於場屋，論者疑之。然予觀自昔陰德之報，遲速雖不同，而未嘗不效。觀子發士望，及諸孫秀拔，異日必有華顯者。銘曰：

嗟嗟季隱初激昂，事與願違心永傷。如彼梗梓材之良，宜備雕刻塗青黃。匠石弗顧委道傍，百年孤榦摧風霜。物有用舍維其常，命邪非邪甯難量。優游閭里壽且康，以彼易此奚否藏。維天報施久乃彰，有子有孫來者長。《摘文堂集》卷一五。

單氏夫人墓誌銘

深州文學余充甫之室曰單氏，常州宜興儒家女也。充甫學行夙成，甫弱冠，以經術傳授，迨今逾五十年。門弟子發策決科，踵登華顯，而充甫蹭蹬以老。其安於義命，不以得失介意，休休然樂道忘倦，曾不知老之至者，夫人有以相之也。夫人少孤，事其母田夫人盡子道。既嫁，事其姑裴夫人盡婦道，而所以相夫者又如此。故里之人施衿結帨，以訓其女，必以夫人爲法。余氏素貧，凡晨昏伏臘，乃至吉凶婚娶，凡資以供億者，皆出於夫人處畫。故其夫及子，唯知專精於藝文，而弗知家之有無。至於問遺親戚，拊養貧族，嫁遣孤女，沛然若有餘力，而實無旬月之積。蓋其天資好德，遇所當爲，力行之，雖勞心曲禮弗憚也。平居與人言，孜孜以和孝爲本。於事迎機立解，分別是非利害，如指白黑。其居田夫人喪，孺慕摧毀，躬修佛事於潤之金山，即夕夢田夫人乘舟而至，笑語如平生，識者以爲孝誠所感。政和二年五月十九日，以疾終於家，享年七十有二。明年某月日，葬於邑之某鄉某之原。曾祖某。祖某。考某，生六子，亡者四人，曰拭、曰京、曰大享、曰大受，而京元符三年賜進士出身。存者二人：曰授，再薦於鄉，又預大觀優供；曰擣，爲州學內舍生。女三人，媚海州沐陽縣主簿李端方、進士孫壘、焦翊。孫五人，曰似、曰侑、曰飲、曰仍，皆從學，曰儉，尚幼。孫女五人。某之先妣太淑人蔣氏，裴夫人之甥也，與夫人厚善，相視如母子。某以是知夫人之詳，謹泣爲之銘。

曰：

士有貴賤，取之自躬。嗟彼女子，祇繫所從。乃如夫人，老於衡泌。惟其爲善，在約彌厲。宗姻尊仰，匪服匪車。天爵之貴，豈繫其夫。善積慶貽，理不終晦。追賁九京，余知未艾。《摛

文堂集》卷一五。

慕容叔孚墓誌

吾弟叔孚，名彥喜，以元豐七年七月壬寅生於常之宜興，以崇寧二年十有二月庚午終於京師，以明年十有一月甲申，葬於宜興篠嶺之原。叔孚俊爽夙悟，恩性天至。五歲居先考喪，哀毀如成人。平居奉事母兄，怡聲柔色，禮無違者。初就外傳，默識強記，閱書一再過不忘。稍長，益嗜經術，紬繹經旨，剖析疑滯，出人意表。善談論，衮衮不休，聽者忘倦。於文無所不能，自進士舉業，乃至應用詞藝，落筆數千字，若不經意，衍裕宏博，不疵於理。年甫弱冠進此，方未艾也，而不幸以死。嗚呼哀哉！天既賦叔孚以才矣，胡嗇厥施而至斯極也！維我先考，養志閭里，非義弗爲，非道弗取，潛德卓行，輝映今昔。捐館之日，以六弟付託，俾某撫育訓成之。諸弟嶷嶷自立，講習琢磨，芝蘭並秀。當崇寧造士之盛，太學選試，更占殊等，月書歲考，曾靡虛籍，祭酒、博士，相與嘉歎，聞譽翕然歸之。今叔孚捨我去矣，念叔孚之不壽，與夫名宦猶未遂也，某與有罪焉，而理歸於無可奈何。至於未

克授室，嗣息不立，則某曷敢逃責？言而及此，摧裂肝膽，嗚呼痛哉！嗚呼痛哉！謹誌。《摛文堂集》卷一五。

祭葛朝奉文

某罪逆不孝，故春三月扶護東下，秋七月與丈人相遇於維揚。時丈人氣貌說澤，步趨輕捷，瞻視有力，飲啖倍常，咸謂壽祉方未艾也。拜別不半年，凶問奄至。嗚呼哀哉，尚忍言之耶！承靈柩毗陵，某方泣血待盡，不敢違几筵前詣喪次，謹遣弟某往致薄奠。伏維尊魂，特垂鑑察。《摛文堂集》卷一四。

祭壽光太夫人文

某等罪逆不孝，酷禍上延，俾我慈親，奄棄遐壽。夏五月，自京師扶侍神柩，循汴東下，達於淮泗，又東濟於江。秋七月，至於宜興，爰得吉卜，以翼日甲申，安厝於邑南篠嶺之原。嗚呼痛哉！自今以往，一之日，二之日，永千萬年，無復見我慈親。號呼擗踊，心肝摧裂，罪逆深重，蒼天蒼天！尚饗。《摛文堂集》卷一四。

三省祭蔡顯謨母金郡君文

惟靈有婉其德，有淑其儀。閨門之譽，協於聲詩。厥初告吉，夢維熊羆。是生賢子，蔚爲庭芝。長持從橐，仲飭朝綏。清窺雅望，寵膺眷知。方隆榮養，溫清具宜。奄其淪謝，何痛如之？莫有芳醴，薦有明粢，尚其未泯，監此忱辭。尚饗。《摘文堂集》卷一四。

三省樞密院祭王承奉文

惟靈鍾慶云遠，荆公之孫。性質穎悟，容儀粹溫。謂克有造，嗣興相門。庵忽逝矣，此理寧論。殽羞芬潔，酒醴在尊。寄誠一奠，尚相其存。《永樂大典》卷一四〇四九。

祭叔孚文

某罪逆不孝，行負神明。禍延我叔孚，上及於茲部。經筵史筆，時之榮選，罔不踐揚。業履之美，譽望之隆，恩寵茲未艾也。某以鄉閭之舊，接武從班，朝直從容，日奉言笑，間闊逾月，奄隔生

死。聞問悲惋〔二〕，實倍常情。殽脩苾芬，陳辭侑祭。英靈不昧，尚克知歆。《永樂大典》卷一四〇五〇。

〔二〕惋：原作「婉」，據文意改。

冬祀禮畢奏謝天尊閣佛閣等處表

親祠陽位，祇見昊天，靈心嘉虔，祥應昭著。實繇庇貺，獲底備成。敢奉薰修，以申報謝。《摘

文堂集》卷一〇。

冬祀禮畢奏謝內中玉虛殿三清諸聖等表

親祀泰壇，祇見上帝，百禮既洽，萬福來寧。實賴聖真，默垂保佑。敢申報謝，冀格顧歆。《摘

文堂集》卷一〇。

冬祀禮畢奏謝內中玉虛殿上九位等表

聿修元祀，祇報昊穹，百禮備成，景貺昭答。仰資庇佑，用格居歆。敢率邦彝，恭陳禮謝。《摘文堂集》卷一〇。

冬祀禮畢奏謝欽先孝思殿帝后表

展儀陽位，克承上帝之休；肆宥端闈，均錫萬邦之慶。茲迄成於盛典，實祇適於大猷。用罄精誠，載嚴報謝，仰虔聰鑑，永佑昌期。《摘文堂集》卷一〇。

冬祀禮畢奏謝萬壽觀景靈宮諸帝后西京嵩山崇福宮等處祖宗表

伏以薦一純於上帝，獲考盛儀；均五福於庶民，既孚大號。實資庇佑，克展靈承，敢率舊章，式陳報禮。《摘文堂集》卷一〇。

遷移帝鼎神象大器告遷祝文

恭營吉壤，初建殊廷。涓選休辰，奉寧真御。敢伸蠲告，冀格休祥。《永樂大典》卷二九五—。

遷移帝鼎神象大器奉安祝文

夙蠲館御，祇奉威神。敢薦熏修之儀，冀格燕寧之佑。仰祈聰鑑，俯察誠心。《永樂大典》卷二九

五一。（以上鄭培珍校點）

全宋文卷二九四二

任 諒

任諒，字子諒，眉山（今四川眉山）人，徙汝陽。少孤力學，年十四，即冠鄉書。紹聖四年進士及第，調河南戶曹。歷懷州教授，徽宗擢爲提舉夔路學事，歷京西、河北、京東，改轉運判官，提點京東刑獄。加徽猷閣待制、江淮發運使。重和元年坐罪勒停，尋復右文殿修撰、陝西都轉運使。宣和中，再復徽猷閣待制，進直學士。加龍圖閣直學士，知京兆府，徙渭州。宣和七年，提舉上清寶籙宮、修國史。以言事出提舉嵩山崇福宮。是冬，起爲京兆尹，未幾卒，年五十八。《宋史》卷三五六有傳。

乞關陝依河朔置籍拘摧所欠之物奏

政和五年十二月

臣頃待罪河朔，申明將一路年計除破放倚閣外，盡令知通置籍拘催，已蒙朝廷行下。臣愚乞令關陝知通依河朔具合催之物置籍勾銷，府則專委通判。其措置有方，許保奏三五處推賞。設或隱漏不實，並按劾以聞。《宋會要輯稿》食貨四九之三十一（第六冊第五六四九頁）。

江淮等六路官吏足辦上供額斛乞旌賞奏

政和七年九月

奉詔，江淮等六路上供額斛，今歲除本色外，泛糴之數多於常年。江湖等路可以上限，淮浙路可以次限，並候至六月終，仰任諒取首先足辦及拖欠數多路分，各具漕司官吏職位名銜聞奏，當議賞罰，以爲勸沮。逐路官吏皆能上體聖意，措畫漕運。六月終，已般入汴計四百六十五萬四千一百二十六石，欲乞優與旌賞。《宋會要輯稿》職官四二之三十八（第四冊第三二五三頁）。

乞按籍根括逃田稅賦事奏

政和八年四月

逃田不耕，除閣稅賦，情弊多端。其間有人戶冒佃而不納稅租者，有雖供稅而冒佃不出租者，亦有逃戶雖已歸業，而尚不供輸者，亦有荒薄無人耕種者。高郵軍計有逃田四百四十六頃，楚州有九百七十四頃，泰州有五百二十七頃，平江府有四百九十七頃。以六路計之，何可勝數？欲諸縣專選官一員按籍根括，限一季許首，並與免罪，收入帳簿，依舊輸納稅租。限滿不首，即許人告，賞錢一百貫，以犯事家財充。其荒薄無人耕佃者，即多方招誘逃戶歸業，及依條召人請蒔。檢量頃畝，立定四至給付。仍取鄰田中等稅數減半爲額，與免一料催科。所貴逃田無不耕種。《宋會要輯稿》食貨六三之一

九四（第七冊第六〇八三頁）。又見同書食貨一之三三（第五冊第四八一八頁），《宋史》卷一七三《食貨志》上一，《宋代蜀文輯存》卷三二。

乞截撥東南諸路上供錢充糴本奏

政和八年四月

蒙給降香藥鈔二百萬貫充糴本。今來已入夏季，乞將上件香藥鈔並令戶部交請椿管，就便召西北客人入中見錢給算香藥，却乞於東南諸路戶部上供錢內截撥二百萬貫。《宋會要輯稿》職官四二之三九（第四冊第三二五四頁）。

貽時相書〔二〕

師直爲壯，曲爲老。師出無名，事故不成。今日之兵，其名安出哉？然既聚四方之兵矣，獨宜大軍壓境，按甲不動，下存亡繼絕之詔，耶律一宗，何不支分而派別之？使之散爲君長，視其强者而立之，分爲五六，在我有存亡繼絕之美名，在彼有瓜分輻裂之弱勢。若捨此不爲，棄可存之北虜，鄰崛起之金國，難易百倍，恐河朔易動難安之民情，陝右前出後空之邊患，不可不慮也。《三朝北盟會編》卷二七。又見《宋史》卷三五六《任諒傳》，《宋代蜀文輯存》卷三二。

〔一〕此書《宋史》所載，文字多異，附錄於次：「今契丹之勢，其亡昭然，取之當以漸，師出不可無名。宜別立耶律氏之宗，使散爲君長，則我有存亡繼絕之義，彼有瓜分輻裂之弱，與鄰崛起之金國，勢相萬也。」

于真庵碑記

于元隱，莫知所從來。遇駝頭道者，授《大洞經》十一章。後有老人導之與遊雞足山，山裂得洞，洞昏黑不可入。忽日光穿隙，見石匣一。探匣得書，乃《玉注大洞三十九章經》。老人口授秘訣。又十餘年，來鳳翔，稍與世接，遠近奔湊。郡守召與語，異之，延於家。元隱求一室，置大斛貯水，扃戶睡三月。守日遣人伺之。又三月，忽坐水斛中。臨邛吳仲道以職事如秦，遇於途，款語移時。至秦，以語守。守駭曰：「安有是？」就視，則尚寐也。大觀元年，詔赴闕。既而屢辭還山，即清平軍上清太平宮構別位以居。補《道藏真玉注》，自爲《迴風混合百神圖》。居常以《大洞真經》五行六字氣轉相傳授，傴僂者起行，羸瘵者充盛，四方言《大洞》者，皆以元隱爲師。又築觀於耀州三原之脩真鄉，詔名崇真觀。未去，前五日歸舊庵，易衣側卧，拳手結印而後逝。雍正《陝西通志》卷六五。（以

上郭齊校點）

朱輅

朱輅，字國器，郴州（治今湖南郴州）人。紹聖四年進士。通判邵州，再補郴州，有政聲，改知邵州。建炎間爲桂陽知監，致仕。見嘉靖《衡州府志》卷一，萬曆《郴州志》卷四，《楚紀》卷四三，《宋詩紀事補遺》卷三〇。

龍隱巖題名

政和元年七月

朱輅國器、韓靖安道、杜綜公實、戴孚中道純、周裕若德、李伯修時敏、政和改元孟秋既晦，游曾公巖，登風洞，浮江下龍隱，達莫而後歸。《桂林石刻》卷上。又見光緒《臨桂縣志》卷九。（郭齊校點）

何誼直

何誼直，大觀初爲朝奉郎、差權提舉江南東路常平等事。見《政和五禮新儀》卷首。

請申明禁令劄子

大觀元年八月二十一日

臣聞上下辨然後民志定，制度立然後民德一。先王盛時，車輿宮室以爲居，衣冠弁冕以爲服，冠婚喪祭以爲禮，凡繫于守分者，一不假人禁督，犯令其嚴。故其服習成俗，無冒上亡等之僭，無窮欲敗度之戾。此三代之治，煥乎百世之上也。仰惟國家累聖儲休，百度興起。陛下繼志揚功，去邪用正，太平之嘉祥，天地之景貺，雜沓薦至。功成治定，制作禮樂，巍乎三代之隆矣！臣竊見豪右兼并之家，雕楹刻桷，異服奇器，極珠璣紈綺之飾，備聲樂妙妾之奉，傷生以送死，破產以嫁子，專利自厚，莫知紀極〔一〕。臣願申明禁令，事爲規制，待以期月，行之必信。臣蓋知防範禮樂〔二〕，以輔太平之功者，有在於是也。取進止。《政和五禮新儀》卷首，影印文淵閣四庫全書本。又見《宋會要輯稿》刑法二之四六（第七冊第六五一八頁）。（郭齊校點）

〔一〕紀：原作「藝」，據《宋會要輯稿》改。

〔二〕「臣」、「知」二字，原無，據右引補。

何 浩

何浩，大觀中爲利州州學教授。見《宋會要輯稿》選舉四之六。

乞令有出身人不得收接士人贄文奏

大觀二年十一月

朝廷一新學校，革去科舉之弊，而復興鄉舉里選之制，法令至具矣。每年一試，類差有出身人以充考試官，而應舉之士未嘗經歷學校，考以素行，徒用一日空言定爲去取。故諸州士人亦意有出身官必差充考試而取其空言也，往往編集平昔所集經義論策之類，猥以投贄文字爲名，交相請託於有出身官之門，以僥倖一得。且今合格之文，有司之公取也，尚不許印賣，使天下之士各深造而自得之，豈可容私自編集，以爲請託之資乎？欲乞諸路州縣應有出身之人將來合差充考試官者，不得收接見任或他州縣士人投贄所業經義論策文字，庶絕前日科舉僥倖之風，而上稱朝廷所以委任考求行實之意。

《宋會要輯稿》選舉四之六（第五冊第四二九三頁）。（郭齊校點）

任漢崇

任漢崇，下夷州（治今貴州石阡縣一帶）首領，大觀中獻地歸宋。見《宋會要輯稿》蕃夷五之三·五。

乞歸順狀〔二〕 大觀二年

伏聞皇帝恩臨萬姓，九夷八蠻皆歸慕大化，各願將管界東西四程、南北五程見佃地，即請稅承納，餘盡獻入官。《宋會要輯稿》蕃夷五之三·五（第八冊第七七八四頁）。（郭齊校點）

〔二〕此狀爲大觀二年九月一日荆湖北路提點刑獄張爲奏章引錄。

焦 稹

焦稹，晉陽（今山西太原）人。政和間曾任京兆府高陵縣主簿。見所作《西山治平莊帳記》、雍正《陝西通志》卷五四。

西山治平寺莊帳記

大觀二年五月

物之廢興，雖係乎數，而事之理亂，實由乎人。西北距太原城二十里，有詔以「治平」名其寺者，即古并之雲谿也。道人隕公嘗居焉，有能詩□，頗爲縉紳先生所推重。陳文惠之鎮并也，□□□□，□賁山谷，由是檀施交至，就座之徒晨暮參請，惟恐其後。逮隕公沒，數十年間鼓板鐘魚寂寥不嗣，我有田疇，他人是保，頽垣壞屋，僅有存者。中有義永，落髮未幾，爲衆所推，遂主其事。義永雖文藻□逮隕公，而業履精進過之，孟衲之外無餘資，所謂拾枯松、煮瀑布者也。復故起廢，殿宇屹然可觀。嗚呼！余之所謂事之理亂必由乎人者，豈不信哉！然執券誅負之家未盡去門，而其徒已有誣告者矣。邑大夫張公神明其政，乃曰：「義永之幹局，豪戶之兼并，吾與聞之矣。」遂首正其罪，仍以狀聞帥庭，盡根括舊產以付義永，又命刻石以誌之。余既嘉義永之能嗣家風，又喜吾邑大夫之政，雖深山窮谷之中，幽微必燭，因援筆記之而無辭。大觀二年五月望日，晉陽焦楨序并書。

《山右石刻叢編》卷一六。（郭齊校點）

薛嗣昌

薛嗣昌，字亢宗，河中萬泉（今山西萬榮）人，薛向子。崇寧中歷熙河轉運判官，梓州、陝西轉運副使，直龍圖閣、集賢殿修撰。入爲左司郎中，擢徽猷閣待制、陝西都轉運使。大觀間知渭州，改慶州。責安化軍節度副使，起知相州、太原府。政和中進延康、宣和殿學士，拜禮部、刑部尚書，坐啓擬反覆罷，提舉嵩山崇福宮。久之，遷延康殿學士、知延安府。後獲罪降爲待制。《宋史》卷三二八《薛向傳》有附傳。

乞强盜罪人免降配平定軍遼州奏

大觀七年六月四日

據知平定軍郭價申，契勘本軍係河東山嶮最幽僻去處，緣此盜賊、逃軍隱藏。昔日李免一卒動，河東、北兩路將兵不能收捉，必至於厚賞招出。即非李免有智謀强勇，止是藏泊於山林幽隱去處所致也。欲乞申明朝廷，乞今後免降配强盜、罪人至本軍，實爲利便。兼臣契勘遼州與平定軍事體一般，乞下諸路州軍及開封府，今後將强盜、罪人并免降配平定軍、遼州。《宋會要輯稿》刑法四之三六（第七

題智永禪師千字文

大觀三年二月十一日

智永禪師，王逸少之七代孫。妙傳家法，爲隋、唐間學書者宗匠，寫真草《千文》八百本散於世，江東諸寺各施一本。住吳興永欣寺，積年臨書，所退筆頭置之大竹簍，受一石餘，而五簍皆滿。求書者如市，所居戶限爲之穿穴，乃用鐵葉裹之，人謂之「鐵門限」。後取筆頭瘞之，號「退筆冢」。長安崔氏所藏真跡最爲殊絕，命工刊石，置之漕司南廳，庶傳永久。大觀己丑二月十一日，樂安薛嗣昌記。《千字文帖》，影印本。（以上楊世文校點）

葉 莘

葉莘，大觀中爲宗子博士。見《宋會要輯稿》職官九之四。

乞酌定宗子博士叙位事奏

大觀二年七月七日

伏睹見行條令，大理評事叙位雜壓，在國子博士之下，遇大禮並許封贈。今朝廷置立國子博士與宗子博士，叙位雜壓，即未有明文。如宗子合在國子之上，伏望詳酌，特許比類，遇大禮封贈。《宋

《會要輯稿》職官九之四（第三冊第二五九三頁）。（楊世文校點）

曹 邁

曹邁，字聖延，袁州宜春（今江西宜春）人。崇寧二年進士。政和間官桂州，宣和末爲廣南西路轉運判官，官終中奉大夫。見《桂勝》卷一、二，雍正《江西通志》卷四九。

伏波巖題名

政和七年

曹聖邁〔一〕、黃彥闕、劉秉文、李端臣〔二〕，躡蹠青驄，綰綠楊，擷芳蒨，挹滄瀾，與春工相忘無何鄉。政和丁酉絕煙節。《桂勝》卷一。（曾棗莊校點）

〔一〕曹聖邁：據《桂勝》卷二政和七年曹邁聖延與李彥弼端臣《玄風洞留題》，應爲「曹聖延」之誤。

蘇 棫

蘇棫，字公美，莆田（今福建莆田）人。蔡京門人。擢進士第，調漳州教授，除太學博士，講《周

禮》。大觀二年提舉淮南西路學事，召還，除考功員外郎，提點京畿刑獄，終國子司業。見《宋會要輯稿》刑法二之四八、禮一九之一六，道光《福建通志》卷一八〇。

乞諸子之學頒行賣買悉取聖裁奏

大觀二年七月十五日

諸子百家之學，非無所長，但以不純先王之道，故禁止之。今之學者程文短晷之下，未容無忤，而鬻書之人，急於錐刀之利，高立標目，鏤板誇新，傳之四方。往往晚進小生，以爲時之所尚，爭售編誦，以備文場剽竊之用，不復深究義理之歸。忌本尚華，去道逾遠，欲乞今後一取聖裁，儻有可傳爲學者式，願降旨付國子監并諸路學事司，鏤板頒行，餘悉斷絕禁棄，不得擅自賣買收藏。《宋會要輯稿》刑法二之四八（第七冊第六五一九頁）。（尹波校點）

胡 伸

胡伸，字彥時，婺源（今江西婺源）人。年十四隨兄偉、汲游學杭州，在太學與汪藻齊名。登紹聖四年進士第。試學官，授潁州教授。以列薦，於崇寧初召爲太學正，進博士，遷秘書丞、著作佐郎，除右正言，以親嫌改符寶郎。遷國子司業，後二歲責監杭州樓店務。繼知無爲軍。見羅願《胡司業伸傳》（《新安

文獻志》卷八一）、弘治《徽州府志》卷六、七。

唐越國汪公行狀

公姓汪氏，諱華，新安人。其先汪芒氏之後，或曰魯成公支子，食采於汪，因氏焉。哀公時童跖，其孫也。漢建安中龍驤將軍文和爲會稽令，避地，始家新安。公曾祖泰，祖勳，父僧瑩，皆仕於陳。母歛西鄭氏，夢黃衣年少長丈餘，擁五雲自天而下，因與之遇，覺而有娠。至德四年正月十七日夜半乃生，香霧覆室，三日始散。公幼穎慧，所居上常有奇氣。蚤孤，家貧，母挈歸外氏。母亦尋卒，九歲爲舅牧牛。每出常踞坐磐石，指使羣兒如將帥指揮狀。有張士損者，常以失期不至，公擊踣之。羣兒各駭散，張氏欲執之，公曰：「此易爾，吾能使之死，獨不能使之生乎？」因撫視之，良久復蘇。嘗令羣兒曰：「處山澤間卒遇風雨，無所庇，盍相與刈苦簷屋？」既又令曰：「室成，吾且椎牛以犒若等。」卒取舅牛分食之，牛尾插地。既歸，舅問牛所在，對已入地矣。舅視牛尾入地中，不可拔，既素異之，不深詰。及長，身長九尺，廣頤方頤，龐眉隆準，美髭髯，不事田業，獨喜晝卧。舅母苦之，伺間抽去其簪，公復寢如初。怪而視之，有青龍蹲負。由是鄉里驚嘆，舅家改容。公因落魄放縱。聞睦州有演公者習武事，往從之游，時年十八矣。還以勇俠聞。屬婺源寇起，州遣押衙董平討之，戰不利。郡將張公募土豪有膽氣者禦之，公走應募。即日部兵上道，直擣賊營。遠望山林草木

皆爲甲兵，寇驚相謂曰：「郡兵盛如此，天亡我也。」稍稍引退，公進擊滅之。張公郊勞，賜補有差。隋大業間王政不綱，豪傑並起，各建號郡邑。公慨然曰：「世變如此，吾死兵革無憾，如百姓何？」時杜伏威起江淮，張公欲與相應，心獨忌公，乃遣如箬嶺鑿山開道，欲因事誅之。公與裨將汪天寶領兵開拓，不日而畢。比還，不加禮，更劾以差役不均，稍侵之。公怒，將士突入圍府，欲兵之。張公懼，遁去。人人譟請於公曰：「張公貪而酷，賞罰不公。方時擾攘，何特一守？今幸已逐，而境內無所統壹，天子南幸江都，盜賊擁隔，詔令不至，欲求攝刺史以鎮一方，非公不可，公宜從衆。賊平，請命於朝未晚也。」公不得已從焉。宣州守聞之，將遣兵來問。公分部諸屯，自以精兵八百人先。既稍入宣境，至溪方半渡，馬躍鞭墜，遣卒取之，不時得。公怒，拔劍斬之，尸立水中不仆，土人因異之，目爲東靈神。進至塵嶺，駐軍其上。時大暑，士馬渴甚，公仰天祝曰：「事若濟，地當湧水。」乃以戈鑄鑱石，得泉脉，因加鑿治，至今行旅便之。未至宣城三十里，城中遣將陳羅明來戰，羅明敗走，公疾擊斬之。宣守面縛請降，公釋不問。因撫定其民，選其精銳以歸。既而杭、睦、婺、饒等四州相繼皆下，公奄有六州，帶甲十萬，威令益隆。諸將謂公曰：「今中原分亂，大衆已集，若但以刺史統軍之號臨之，復恐瓦解。天與不取，古人所戒。公宜建王號。」公辭再三，乃齋戒擇日建吳國，稱王。以天寶爲右相，鐵佛爲左相，皆公族也。其他鄉佐並有常員，擇賢且才者處之。然稟隋正朔不廢，爲政嚴肅，賞罰明信，遠近莫不愛慕。雖四方大擾，部內賴以平安者十餘年。唐高祖起太原，已受隋禪，而秦王出師江左。公謂羣下曰：「日月出矣，燭火不息，可乎？頃吾夜見天象，熒惑正侵太

白，太白西方於音爲商，吾姓商音也，災異既形，吾計決矣。」武德四年九月甲子，乃籍土地兵民遣宣城長史鐵佛奉表于唐。高祖嘉之，是月二十二日詔曰：「具官某往因離亂，保據州鄉，鎮靜一隅，以待寧晏。識機慕化，遠送款誠。宜從褒寵，授以方牧。可使持節總管歙、宣、杭、睦、婺、饒等六州諸軍事，歙州刺史，封越國公，食邑三千戶。」時杜伏威據丹陽，自稱行臺。十一月，命王雄誕以饒、洪兵萬餘人來侵，公遣天寶等擊之。天寶作鐵盾重百二十斤，左執之以衝敵，伏威大敗，死者過半。天寶與八十人追之，賊還軍合戰，天寶勢蹙，因奮勢越巨石，所踐成跡，賊軍驚異，乃退，郡境以寧。及伏威入朝，其長史輔公祐奪王雄誕兵以叛，僞建位號。公引兵討之，旗幟蔽江而下。公祐懼，退保武康，丹陽遂平。公振旅還，令兵民各復其業。明年遂朝于京師。貞觀二年授左衛白渠府統軍，十七年改忠武將軍、右衛，積福府折衝都尉。太宗伐遼東，詔爲九成宮留守。公夙夜盡瘁，事無所乏。駕還，尤稱其勤。二十三年三月三日薨于長安，享年六十有四。公初疾，上常勞問賜醫藥。及薨，賜雜綵十牀、黃金百兩、東園秘器，恩禮如功臣。永徽二年，諸子以公喪還。四年十月二十六日，葬歙縣北七里雲郎山。公娶錢氏，右衛大將軍、巢國公九隴之女。男八人：建，朗州都督府法曹，娶黃氏。璨，費州涪川令，娶朱氏。達，以征賀魯、龜茲、高昌功襲上柱國、越國公，娶葛氏。廣，娶陸氏；遜，娶金氏；皆左衛府飛騎尉。逵，薛王府戶曹，娶王氏。爽，岐王府法曹，娶閔氏。俊，鄭王府參軍，娶羅氏。諸孫皆仕于朝，率以忠勤世其家。先是，公名世華，後避太宗諱，去上字。公初起兵，未獲立城之所，乃引弓遠射，矢所墜，適當形勝，遂城之，今績溪登源是也。後人因

以立廟，廣塹營壘存焉。故宅距廟纔一水，鄉人不忍執鋤其處，子孫環居之，因曰汪村。而郡人自公入朝，即生爲立祠，沒益嚴奉，水旱必禱，今烏聊山廟是也。自唐刺史薛邕、范傳正、吳圓、陶雅之屬，皆有增葺。及章聖東封，始載國朝祀典。其後褒爵益崇，事具有司。獨取公所起始末，傳後世。謹狀。《新安文獻志》卷六一。

汪紹先生行狀

才氣剛毅，言行端恪，其志弗獲施，故深造自得。真儒林之豪傑，後學之楷範也。弘治《徽州府志》卷九。

汪居士夫人朱氏墓誌銘

夫人朱氏，歙之婺源人。其父曰郢，大父曰維甫，曾大父曰昭元，皆以積善稱於鄉閭。夫人未生前一月，芝產于其母寢室。及生，遂以命之。年二十三，歸同邑鱣溪汪居士紹子傳。有子二人，長曰存公澤，次曰仔公攷。夫人年六十七而終，後六年始卜葬吳村嶺。其終也，以大觀二年八月二十七日，其葬則政和癸巳九月十九日也。夫人爲女，對父母不敢嚏咳唾嚏，父母衣服中裙廁膾皆自漱浣。

取羊若豚刳剝菹醢而進之，父母食之未嘗不既也。夫人爲婦，事舅姑彌孝。箴管之餘，時其寒燠；甘脆滫瀡，以待食之嘗否。居士有弟七人，有襁褓髻鬣者，夫人即助其姑抱哺。冬裳夏葛，費取其奩，勞出其手。春秋享祀，取大鑊小鼎，刀匕樽俎，必宿滌濯，夜半輒興，肅肅跼蹐，身作享具。汪氏中表，時節嫁娶，祭葬往復，厚薄悉如姑意。居士喜儒客，有過居士者，夫人必議酒食，或鬻質家具，而居士固莫知也。夫人爲母，日夜勉其子以學，歸必問，所與游者賢，所閱書多即喜，或少懈輒怒，爲不食。於是存游學四方，貢禮部，入太學，《周禮》、《毛詩》、《尚書》皆通其義，因《詩》鳥獸草木，遂推尋中國動植各物，以至四夷海外環形詭狀、飛走榮枯之由。因《尚書》日星山川，遂究風雨電雷、霞虹霹靂、怪雲變氣、名山大澤、瀛海天河消息往來之理。自清濁剖判之後，推之至於天地未分之前，太虛天地之外，存既盡得其說，乃欣然曰：「先王制禮，一形一器，精粗表裏，存知其端矣。」又因孟子放闢邪說，則悉購百家所著之書。楊齊生死，何愛一毛；墨守清廟，何以非樂；龍困之劍黃，何以堅白，何以利；箠取何以不竭；影飛何以不動；釣何以有須；海何以有裨；譬如發兵捕賊，先探其穴，故必一一索其言之所從起。又自五季、唐、隋考之，至於炎黃，以長歷甲子聚年月，並世盛衰，品人賢愚，迹其治亂興亡所以然。有不喻則思，思不得則問，數從予質問所疑。仔少存十三歲，見其兄精通，益奮勵，陳書篋六經在前，子史在後，讀之聲琅琅然。夫人教其子如彼，而二子皆能力學如此。夫人之疾也，自度不能起，呼子孫環立與訣，神色不昏。將斂，發笥無綺繡靡麗之衣。女兩人，適里中王服之、俞美成。存舊與長姪偕學相友善。孫男四人曰全、企、弁、令。全習

《周易》。孫女五人。予年十四與公澤鼓篋鄱陽，今餘二十年矣，愈益知其爲人。公澤者，孝友修潔人也。託其友及上舍弟楚衛彥忠狀來，爲其母請銘於予，冀以傳其後世。予爲之銘曰：

女孝如何？怡聲降氣。婦順伊何？日用甘旨。妻順其夫，母誨其子。無曰未貴，有禮有義。無曰逾貧，有子有孫。即高大之，于公之門。《新安文獻志》卷九八。（以上劉文剛校點）

陳仲明

陳仲明，大觀二年以朝奉大夫行開封府刑曹參軍事。見《政和五禮新儀》卷首。

請制禮典以申飭禁約劄子

大觀二年四月

臣竊惟神宗皇帝稽古立政，垂裕後昆；陛下繼志述事，增光前列。文物憲章，於茲大備。頌聞洋溢，和樂以興。視成周全盛之時，宜出其右。然禮禁之設，人或未講，明訓迪正在今日。蓋以承平既久，財豐物阜，民庶之家，織文組繡，被于墻屋，泥金理玉，施於器用。流競成俗，恬不爲怪。臣願深詔禮官，申飭禁約事，爲之制典，爲之防嚴，分守而辨等差，以崇起敦厚之俗，則制禮作樂，明昭帝王之功，於是焉至。管見妄議，惟陛下裁幸，取進止。《政和五禮新儀》卷首。（羅國威校點）

全宋文卷二九四三

張 爲

張爲，紹聖、元符間爲絳州錄事參軍。大觀二年遷荆湖北路提點刑獄，四年三月由知蔡州落職知廣德軍。政和三年知開德府，與充、鄆耆壽道釋等表請東封。見其所作《新亭雙菡萏碑》，《宋會要輯稿》蕃夷五之三、職官六八之二〇，《宋史》卷一〇四《禮志》七。

新亭雙菡萏碑

元符元年六月

紹聖三年四月，朝請郎、淄川周侯自尚書刑部郎中出守于絳，期年政成，境土雖遠爲一家，民心雖殊爲一人，上下無間言，內外無異志。和氣之所被，物無疵癘，而年穀登。元符改元之月，侯所燕處新亭之池，有芙蕖生焉，一茄而雙菡萏。吏民相與觀之，咸以爲侯政成之應，朝廷其以我侯歸矣。侯視之，獨以爲不然，顧而言曰：「今仁聖天子在上，盛德之施，昭天漏泉，祥光瑞氣充塞宇宙，其有非人力而致者。受命之神寶應時而出，此萬世之一時也。絕域殊俗，重譯萬里，山川鬼神罔不克

寧，泊鳥獸草木咸若，則是芙蕖之祥，豈太守之應哉？其歸諸天子。況承上之流，宣上之化，實太守之事邪。」吏民由是知侯之志不以政成自多，而得古人歸美之義焉。夫萬物在天地之間，離合奇偶，均於自爾，造物者未嘗私其巧也。而情同者以情相與，氣同者以氣相求，亦各惟其類焉。彼草木有生而無知，非有所感觸也；而人之所以動之，或見於至誠。然則侯之爲政，所以鼓舞動化者，其出於至誠歟！爲以不才，獲預勝賞，承侯之命，俾記其事。進不敢佞，退不敢誣，謹述侯之政與侯之志，以示來者。元符元年六月二十六日，錄事參軍張爲記。《山右石刻叢編》卷一六。（祝尚書校點）

孫琦

孫琦，大觀二年爲陝西轉運副使。見《宋會要輯稿》食貨六三之五〇。

乞西寧湟廊三州量立租課奏

大觀二年

西寧、湟、廊三州，良田沃野并給族部，略無賦稅。今進築之初，宜召諸首領與族長開諭，令量立租課，責期限并委族長，使之催輸。《文獻通考》卷七。又見《宋會要輯稿》食貨六三之五〇（第七冊第六〇一一頁）。（祝尚書校點）

尹 修

尹修，紹聖時免解進士。

岷州長道縣壽聖院六級寶塔記

紹聖三年六月

粵若龍官勝事，愛藉□□，□刹良因，實資衆力，非大檀越其能成乎。故我石像菩薩現靈□□，示塵勞，運神通，以破聾瞶。聞者見者，皆起信心；或智或愚，悉依正覺。是以宸極賜名，寶構俄峙，岌岌華址，巍巍巨基，不有斯人，孰興盛蹟？此王君所以深奉其教，而能成就寶塔者也。然圓明實□，非相之可觀，故清淨法身，非形之所諭。即心返照，法譚昭然；認境迷聲，去之遠矣。蓋念修□證之果，積習者佛之因。慧燈之明，萬惡自破；法雨纔布，羣疑已亡。如登高山，起於□步，跬步不已，其高可至。如爲植佳，起於毫毛，毫毛不已，其大□□。菩提之果，並復如是，積而不倦，何所不到邪！而謂無修無證，無果無因，放之自然，亦非通論□□既已學吾聖人之道，而又能仰遵釋迦之法，佛之與儒，其名□□□而其道未始有□；迹則異，而其歸未始不同。苟造理以深□□明仁義者終身之原，□身是爲戒行；盡性者□□□之要，悟□是爲禪定。□本不二，人皆自迷，儻得諸心，

何有諸方□邪！紹聖三年六月十日誌。《隴右金石錄》卷三。（祝尚書校點）

孫 璘

孫璘，大觀中爲開封府學博士。以訓導有方，大觀四年十月除太學博士。政和間，爲提舉廣東學事。見《宋會要輯稿》崇儒二之一六、職官七七之六〇。

乞命致仕官居鄉者赴貢士宴奏

政和六年七月九日

乞命諸州應致仕居鄉者〔二〕，并許赴貢士宴，擇其年彌高者而惇事之，使長幼有序，獻酬跪伏有理，人知里選之法，孝悌之義。《宋會要輯稿》職官七七之六〇（第五冊第四一六二頁）。又見《宋史》卷一七〇《職官志》一〇。（祝尚書校點）

〔二〕原脫「者」字，據《宋史》補。

孫 仲

孫仲，字蘇父，大觀時虔州虔化（今江西寧都）人。

題唐人臨本蘭亭帖 大觀元年二月

夷曠家藏三本，皆唐人所臨，今世所未有。然自有優劣，此本當爲第一。大觀元年二月初九日，同錢遜叔觀於晁進道廳事。虔化孫仲蘇父題。《蘭亭考》卷五。（祝尚書校點）

張邦光

張邦光，大觀中爲議禮局檢討官，大觀四年十二月以編修《大觀新編禮書》了畢展兩官。政和初以倉部員外郎仍充議禮局檢討官。見《宋會要輯稿》職官五之二二、《政和五禮新儀》卷首。

乞修新儀文避重複劄子

政和元年四月

臣竊觀唐《開元禮》，文多重出，如祀五方帝其儀皆同，唯時日玉帛小異。祇應用一儀，但注其異，則粲然畢見；而各備載其事，若此之類，不可悉數。統例不立，倫類不通，甚昧作者之體。至國朝開寶定儀，姑循唐舊，未暇改作。且《舜典》祀四岳，其事同者但云「如岱禮」；《周官》祀神祇，其禮類者皆曰「亦如之」。辭約而意備，舉此而彼見，未嘗重出也。方今修一代儀，爲萬世法，臣愚欲乞仿《舜典》、《周官》，取儀之同者類而爲一，其有小異，隨事入注，庶幾不至重複，取進止。《政和五禮新儀》卷首。又見《通鑑長編紀事本末》卷一三三。（祝尚書校點）

張 翬

張翬，大觀間爲河北轉運判官，政和初遷朝請郎、直龍圖閣、權發遣都大提舉成都府、利州、陝西等路買馬監牧公事。仕至中奉大夫、右文殿修撰。見《宋會要輯稿》食貨七〇之二〇、職官四三之九四、儀制一一之一三。

乞贍學田產依舊交納二稅奏

大觀四年三月二十七日

節次準朝旨，將係官折納、抵當戶絕等田產，召人添租爭佃，充助學費，免納二稅，致虧贍軍財用。乞應贍學田產內，有元合輸本司二稅額數，依舊入本司。《宋會要輯稿》食貨七〇之二〇（第七冊第六三八〇頁）。

乞許榷茶司舉辟洋州西鄉知縣奏

政和二年六月二十五日

契勘洋州茶場歲買茶貨浩瀚，其品搭催督般發茶貨，盡繫西鄉知縣。欲乞依名山知縣例，許本司舉辟，比監官減半酬獎。《宋會要輯稿》職官四三之九三（第四冊第三三二〇頁）。

相度支賣名山茶博馬剩數利害劄子

政和三年八月十三日

準御前劄子，臣僚上言同何漸劄子，今相度措置可否利害，保明聞奏。今檢具前後手詔敕令，及依應相度措置到下項：一、準元豐四年七月十八日中書劄子，奉詔雅州名山茶專用博馬，候年額馬數

足，方許雜賣。一、準馬司格，應熙、秦、岷、階州、通遠軍，各依逐等所定馱數，以新茶支折，謂如有見在元祐三年四月新茶，即支四年分茶之數。如蕃部願要銀細絹、洋州茶、大竹茶之類，并許各依見賣實直價例算請，更不限定分數。一、準崇寧四年十二月十二日奉聖旨，諸川茶非博馬，輒陳請乞他用者，以違制論。一、準崇寧五年六月二十四日聖旨，應係茶並專充博馬支用，餘依崇寧四年十二月十一日朝旨施行。一、準大觀元年三月二十五日敕，中書省、尚書省送到龐寅孫劄子，奉聖旨依所申，他司不得侵用。一、準大觀四年正月七日樞密院劄子，三省、樞密院同奉聖旨，熙河、秦鳳等路茶馬事，應今日以前泛拋買馬添茶、給引博馬等指揮並罷，一切遵依元豐舊法，仍令提舉茶事司措置施行。一、準大觀榷茶司令節文，諸名山茶依舊椿留博馬外，如買馬司關博馬數多，闕支用，委提舉司即時應副。有剩，從本司相度，貼賣與中馬人。又準敕，諸名山茶博馬外，剩數非中馬人輒支賣者，杖一百。一、準政和元年十月二日敕，中書省、尚書省送到戶部狀，準都省劄子，奉聖旨，提舉陝西等路買馬監牧公事李稷奏，奉聖旨依一（二）。臣契勘名山茶自熙寧榷茶之初，本以博馬，至元豐四年計其馬足，積羨聽以出賣，實爲通法。繼復有并用大竹、洋州茶博馬之議，建中靖國年，始有許將名山茶餘數止對賣與蕃商之論。大觀中，又有權住賣四色綱茶，令對賣門戶、蕃商之請。然臣攷利害之實，元豐之制最爲要準，而後人之請，或趨一時之利，不可爲典要。或川、秦首尾相戾，不達利害之實，姑以職事陳請而已。蓋除馬司博馬外，茶司自有歲額，必待售茶而辦，其四色綱茶，實爲茶額根本。秦、熙兩路漢民所售食茶不多，而淺蕃熟戶並煎四色綱茶，遠蕃多嗜名山茶，間有姦商詭用綱茶粗硬

食茶罔之者，亦能區別。若將名山四色綱茶一切禁之不賣，必致茶額不敷，出茶無藝，顯難屬饜，而害馬政。惟斟酌非實馬足茶羨則貨之者，是通法也。其對賣尤非利害，徒益門戶、蕃人，乃熟戶蕃族之爲駟僮者，與官場吏卒乘便爲慝，贏取官息，其利不及生蕃，於馬未始加益。若將名山茶、四色綱茶依元豐舊制，從本司參量合用博馬茶外，剩數轉易回本入川，惟不得害馬政、妨茶額。元豐時雖曰兩司，而提舉官一，以任貴，苟其才下，亦能約量，不致乖戾，自取譴責。今相度欲乞應名山茶、四色綱茶專用博馬，餘數聽本司量度轉易回本入川，不許輒將他用。臣契勘昭化、順政、長舉庫積茶，以今年五月中旬狀攷之，僅有五萬九千四百馱。蓋昨緣大觀四年前利州路凶歉，至今居民事力未能如舊，故其昔日甲頭脚戶流莩之餘，存者逋負夥甚，雇召不行。臣比欲草具建明，乞將興元府至永興軍一帶減下舊額茶鋪兵士七百餘人，並聽本司於洋州至興元府添立鋪，其餘添隸長舉至秦州諸鋪運茶，則永遠不致積壓。其廩給自係本司錢內支給，一切不預別司調度。又應川界轉般茶諸邑，今辟舉有經三年，礙吏部格，雖辟書數上，終無一人得注授者。攝承之吏，玩習歲月，寢以隳弛。又臣嘗建議，乞應本司辟官，乞破格差注一次，已蒙朝廷聽行。而吏部終以合注承務郎以上者，不許降用選人。今五年，竟未有差注。臣又嘗建議，乞將發茶場庫監官、縣令，如成都府排岸司、興州長舉縣裝卸庫、興元府西縣轉般庫監官，綿州巴西，利州昭化、三泉，興州順政、長舉，興元府南鄭、西縣知縣，計十處，每撥發茶及四萬馱無闕失，與減二年磨勘。以其諸縣如長舉、昭化之類，多是僻小去處，既難得人肯就，及專任茶司事務，而有責無賞，誠非勸沮之道。至今未奉指揮，積是三年，茶或滯留。滯

而通之，可久無弊。臣今相度，欲乞應興元府至永興軍一帶減下舊額茶鋪兵士七百人，並令榷茶司措置，於洋州至興元府西縣添置茶鋪，各請兵級人數外，將其餘數分添入長舉縣、乾渠鋪至秦州赤谷鋪，並依茶司自來例施行。應熙、秦州路榷茶司所辟官〔三〕，承務郎以上、選人、大小使臣，並許互換通舉。謂如承務郎以上知縣處，亦許奏舉〔三〕；選人知縣處，亦許奏舉承務郎以上，不以有無拘礙，並行注差。應撥川茶路地分，成都府排岸司、興州長舉縣裝卸庫、興元府西縣轉般庫監官，綿州巴西縣，利州昭化、三泉，興州順政、長舉〔四〕，興元府南鄭、西縣知令每撥茶及四萬駄無違闕，與減二年磨勘。

〔貼黃〕契勘臣僚上言，僭積茶五萬餘駄，約計每駄二百七十三貫文省，係鐵錢舊價。緣自今年奉行夾錫錢寶後來，每駄一百貫文省，以見茶數，約計錢五百九十餘貫文。又稱：契勘吏部及八路差官法，無本等人亦聽破格差注。檢會下項：一、政和三年七月三日敕，榷茶司狀，朝旨令買馬司每年添買二萬匹，合用茶，令計置茶本，從朝廷應副。取到狀，自減茶博馬後，每年約僭剩茶一萬四千餘駄，內利州昭化庫見在名山茶四萬二千一百六十五駄。興州長舉庫見在名山茶八千六百一駄。其餘場庫，未在其數。奉聖旨，據今來合添買牧馬二萬匹，所用茶於僭剩名山茶內支撥，應副博馬。仍令榷茶司，今後每年寬剩計置茶一萬駄，盡數充添買牧馬之用，其合用茶價，仰具數申尚書省。所有歲額博馬茶，如有剩數，亦仰衮同應副，添買牧馬之用。一、政和三年七月二十八日敕，何漸劄子，乞將名山茶依條專用博馬，如有剩數，許中馬人依見買四色茶體例，

用市價支賣，却將四色茶依舊出賣收息。契勘四色綱茶貼賣與中馬、蕃部等，昨降指揮，俟三二年買馬通快，依舊。今來將及二年，奉聖旨每年將四色綱茶並專充博羅漢蕃斛斗封椿，不得別將支用，仍逐旋具糴到斛斗數目申尚書省。一、政和三年六月七日敕，戶部狀，榷茶司申乞立定成都府排岸司，興州長舉縣裝卸庫，鳳州轉般庫，綿州巴西縣，利州昭化、三泉，興州順政、長舉縣，興元府南鄭、西縣，任滿收發過茶，無失陷欺弊，提舉司保明，每四萬駄與減磨勘二年。如不獲抄附，失陷一萬駄，展磨勘二年。其承直郎已下賞罰，并各比類施行，二分以上依差替人例。本部看詳，本司申乞，即係累賞，竊恐太重。今勘當欲依巡轄般茶鋪使臣，任滿去減磨勘一年，先次指射家便差遣，餘並依本司所申事理施行。《宋會要輯稿》職官四三之九四（第四冊第三三二〇頁）。（以上祝尚書校點）

〔一〕此句下疑有脫文。

〔二〕「榷司」兩字間原空一格，據文意當缺「茶」字，因補。

〔三〕「奏舉」下疑脫「選人」二字。

〔四〕興州：「州」原作「川」，據上文改。

釋子堅

子堅，大觀時温州顯教院沙門。

佛說觀無量壽佛經跋

大觀元年十月

此觀經科，因諷習次，同人問曰：「欲知起盡，可得聞乎？」予曰：「天台有疏，足可鏡之。」曰：「疏文幽隱，願爲示之。」予於是輒依疏文，略出科目，仍憑《妙宗往生鈔記》校定。其間取用，不無回玄；疏有略處，準例開之；科下細注，依鈔分之。聊備未學者粗識起盡，知疏知鈔，分節不濫。其或精究義理，請看疏記。時大觀元年十月望日，永嘉顯教院沙門子堅題。温州市北宋白象塔出紙本，《文物》一九八七年第五期。

佛說觀無量壽佛經題記 大觀三年三月

比丘子堅印造此經，安置寶塔，□爲衆生莊嚴無□□道，願早獲成就。時大觀三年三月十八日

□□□。溫州市北宋白象塔出紙本，《文物》一九八七年第五期。（以上祝尚書校點）

張克公

張克公，字介仲，潁昌陽翟（今河南禹縣）人。起進士，大觀中爲監察御史，遷殿中侍御史。蔡京再相，與中丞石公弼論其罪；京罷，徙起居舍人，進中書舍人，改右諫議大夫。京猶留京師，大觀四年五月，會星文變，復論之。張商英爲相，由兵部侍郎拜御史中丞，疏其十罪。蔡京復召，銜之弗置，徽宗爲徙吏部尚書。居吏部六年而卒。《宋史》卷三四八有傳。

乞汰冗官減奉祿奏 大觀三年

官冗者汰，奉厚者減。今官較之元祐已多十倍，國用安得不乏？乞將節度使下至遙郡刺史，除軍

功轉授者，各減奉半，然後閑慢局務、工伎末作，亦宜減省。自貴及賤，自近及遠，行之公當，人自無詞。《宋史》卷一七九《食貨志》下一。

乞正蔡京罪以消災沴疏

大觀四年五月

臣先嘗論奏前宰相蔡京罪惡顯著，宜加嚴責，上答天戒，下慰人心，未蒙睿旨施行。苟依阿不言，非特負陛下之責，天下之人皆有以責之矣。義當竭力，不敢但依。京頃居相位，擅作威福，權傾中外。濫錫予以蠹國用，輕爵祿以市私恩。謂財利爲有餘，皆出誕慢；務誇大以興事，肆爲騷擾。援引小人以爲朋黨，假借姻婭布滿要途。以至交通豪民，廣興產業。役天子將作營葺居第，用縣官人船般運花石。曾無尊主庇民之心，惟事豐己營私之計。若是之類，其事非一，累有臣僚論列，臣更不敢具陳。若乃名爲祝聖壽，而修塔以壯臨平之山勢；托言灌民田，而決水以符興化之讖語〔一〕。致姪倂之告變，而繆爲心疾；受孟翊之訛言，而與之官爵。趙真欲輔之以妖術，張大成竊議其姦意，駭動遠邇，聞者寒心。此皆足以鼓惑天下。而爲害之大者，稽之古人，有一於此，必加嚴刑，而京兼有之，乃獨泰然，忽視朝廷，無復畏憚。人臣強盛，莫甚於茲。去歲東南諸路皆罹旱暵之災者，乃其應也。聖恩寬貸，爲之保全。人心不平，而忿嫉之氣充塞海內，星文變異，豈無意耶？蓋京之罪戾積稔滋久，上賴聖德昭格，皇天眷祐，爲宗社之盛福，幸天下之生靈，於是星文再昭示其意。既嘗罷京相，

消弭於前；則正京罪，誠有待於今日也。雖天之垂象不當其事，應而常無所不戒，然京之罪未正，乃事之最可戒者也。始者京再罷相，士民稱慶，以謂京去朝廷必矣。既寵以宮祠，又許其致仕，賜以蘇州南園，尚無去意。然以哲廟實錄未畢，猶可爲說；今書已成，而去計杳然，是終不可去也。非天有以警悟陛下，則人力何能爲哉！臣聞之《書》曰：「天視自我民視，天聽自我民聽。」又曰：「天討有罪，五刑五用哉。」蓋天之視聽因民而已，君之用刑視天而已。臣願陛下順民心以奉天，體天道以除暴，正京罪以釋天下之疑，以爲人臣之戒，則和氣集而災沴消矣。干冒天威，罪當萬死。伏望聖慈深察愚衷，特賜聽納，早降睿旨。《三朝北盟會編》卷五〇。又見《宋史紀事本末》卷四九，《續資治通鑑》卷九〇。

〔一〕「京頃居相位」一段，《宋史紀事本末》所引文句頗異，今附錄以資參考：「蔡京輔政八年，權震海內。輕賜予以蠹國用，託爵祿以市私恩，役將作以葺居第，用漕船以運花石，名爲祝聖而修塔以壯臨平之山，託言灌田而決水以符興化之讖。法名退送，門號朝京。方田擾安業之民，園土聚徙郡之惡。」

論張商英罪狀奏

政和元年四月

商英嘗毀訾先烈。比中宮建立，陰懷異意。又引黨人陳瓘、龔夬、鄒浩之徒，使上書，且以己意令其客唐庚諷臺諫擊善良，縱中書吏漏泄命令。納結近臣，務使更革，以鼓動天下。《九朝編年備要》

乞收還相印明正張商英典刑奏

政和元年八月

謹按宰臣張商英資性愼復，操行傾邪，積念日深，老不知悔。昨陛下起於罪廢之中，付以輔弼之任，庶革心從正，協濟事功，而乃陰懷忿怨，長惡不悛。近論列給事中劉嗣明繳駁事，御史臺定奪得係商英理曲，乃妄有奏陳，不以本臺所定爲是。臺臣論奏，乞賜與決照張商英放罪。如此，商英有罪矣。以有罪之人，居宰輔之任，臣雖至愚，未知其可也。臣遠考前代，近稽本朝，宰相稍不稱職，往往引咎自責，必求去位，未有罪狀顯白，而包羞忍耻、貪榮冒寵如商英者也。《通鑑長編紀事本末》卷一三一。又見《續資治通鑑長編拾補》卷三〇。

乞限定保舉沿邊重難任使員數奏

政和二年八月二十九日

竊見吏部選格，惟才武爲上。檢會元豐材武格內一項，保舉沿邊重難任使，從來未曾立定所舉員數。應內外臣僚薦舉大小使臣，往往作沿邊重難任使，而應材武者不可勝計，遂與曾立戰功、捕獲強惡及武舉出身等人同爲一格，顯屬太濫。乞斷自聖裁，限以員數，謂如合舉大小使臣陟幾員，內幾

員許舉沿邊重難任使，庶幾增重材武之格，紹隆神考獎勵人材之意。《宋會要輯稿》選舉二九之二（第五冊第四六九五頁）。

封贈敕節文未載封贈所生母奏

政和三年二月二十五日

準敕節文，今來命婦爲隨其夫之爵秩，所有特封之人，其夫無官，或非通直郎以上者，則著姓名封贈。奉聖旨依。今勘會官員父并嫡、繼母亡，合封贈所生母，自來以子官封贈。子至中散大夫、團練使以上郡君，銀青光祿大夫、節度使郡夫人。今降指揮，命婦隨夫之爵秩，封贈所生母，封號未有該載。《宋會要輯稿》儀制一〇之二九（第二冊第二〇一八頁）。

乞三路沿邊許注授宗室女夫奏

政和七年二月十二日

伏睹修立到《吏部四選通用令》，諸路沿邊不得注授宗室女夫。竊詳立法之意，蓋爲不欲宗女遠涉煙瘴之地，而其夫或怯懦，有誤任使，遂行禁止。然其間實有武略、練習兵機、曾立戰功及累經邊任之人，因娶宗女，遂屈之内地，誠爲可惜。欲乞宗室女夫曾立戰功及曾沿邊兩任無遺闕，除二廣、四川外，應三路沿邊並許注授，使實有材武之人得以自效。《宋會要輯稿》選舉二四之三（第五冊第四六二

○頁）。（以上祝尚書校點）

鄧 桓

鄧桓，徽宗時人，嘗守康州。

重刻孝通行宮舊記記〔二〕

晉康郡悅城之龍母，聞於天下舊矣。自秦迄今，蓋千數百年，其神靈如在。凡仕宦之南北、商旅之往來者，靡不乞靈於祠下。頃者過焉，因究修殿事，西廡下石碑歲久剝裂，無可讀者，徒歎恨而去。今蒙恩守土，求之民間，得廟記二。觀夫人之事，發跡於程溪，以聖母有鞠育之仁恩，而五龍有劬勞之孝報。□今遷墓之地，左右山川氣象雄偉，殆非人之所能事而有是也。以旱歲能敷雨，假澤一方，故能享聖朝封號之典。今其族類蕃衍，出入變化於四方萬里之外，動關禍福，故能據形勝以建其廟，則血食之奉益廣而無窮者。自建廟始，古今之記遠，不可以無傳。舊記文繁，因稍芟去，命工并刻之行宮。張君維所記，并鑱於石，以垂悠久，使來者有考焉。光緒《德慶州志》卷五。又見道光《肇慶府志》卷七。（祝尚書校點）

〔一〕原志稱元豐元年贈龍媪曰永濟夫人，大觀二年賜額孝通，下即引此記，則是文當作於大觀二年稍後。

翟栖筠

翟栖筠，重和時提舉成都府路學事。見《宋會要輯稿》崇儒四之一一。

乞修新定五經字樣奏

重和元年十一月二十八日

王安石參酌古今篆隸而爲之說，此造道之指南，而窮經之要術也。然字形書畫纖悉委曲，咸有不易之體。世之學者知究其義，而至於形畫，則或略而不講，從俗就簡，轉易偏旁，傳習既殊，漸失本真。如期、朔之類從月，股肱之類從肉，勝、服之類從舟，丹、青之類從丹，靡不有辨，而今書者乃一之，若此者不可勝舉。故幼學之士終年誦書，徒識字之近似，而不知字之正形，甚可歎也。臣竊見國子監有唐人張參、唐元度所撰《五經文字》及《九經字樣》，所以辨證書名，頗有依據。然其法本取蔡邕石經、許氏《說文》，而蔡、許之學顧有未盡，如「是」從日而從曰，「昏」從氏而從民，謬戾者甚衆。願詔儒臣重加修定，去其訛謬，存其至當，一以王安石《字說》爲正，分次部類，爲《新定

五經字樣》，頒之庠序。《羣書考索》後集卷三〇。又見《宋會要輯稿》崇儒四之一一（第三冊第二二三五頁），《通鑑長編紀事本末》卷一三〇，《續資治通鑑》卷九三，《宋代蜀文輯存》卷三九。（祝尚書校點）

全宋文卷二九四四

李 誠

李誠（？——一一一〇），字明仲，鄭州管城（今河南鄭州）人，南公次子。元豐八年恩補郊社齋郎，調曹州濟陰縣尉，遷承務郎。元祐七年，以承奉郎爲將作監主簿。紹聖三年，遷承事郎、將作監丞。元符中建王邸成，遷宣議郎，被旨著《營造法式》二十四卷（存），詔頒之於天下。崇寧初以宣德郎爲將作少監。二年冬，請外以便養，以通直郎爲西京轉運判官，不數月復召入爲將作少監，遷將作監。積官至中散大夫、知虢州。大觀四年以疾卒。工書善畫，得古人筆法。喜著書，有《續山海經》十卷、《續同姓名錄》二卷、《琵琶錄》三卷、《馬經》三卷、《古篆說文》十卷等。見程俱《李公墓誌銘》（《北山小集》卷三三）。

進新修營造法式序

臣聞上棟下宇，《易》爲《大壯》之時，正位辨方，禮實太平之典。共工命於殛日，大匠始於漢朝，各有司存，按爲功緒。況神畿之千里，加禁闕之九重。內財宮寢之宜，外定廟朝之次。蟬聯庶

府，碁列百司。櫺櫺杆柱之相枝，規矩準繩之先治。五材並用，百堵皆興。惟時鳩僝之工，遂考輦飛之室。而斲輪之手，巧或失真；董役之官，才非兼技。不知以材而定分，乃或倍斗而取長。弊積因循，法疏檢察。非有治三宮之精識，豈能新一代之成規？溫詔下頒，成書入奏。空靡歲月，無補涓塵。恭惟皇帝陛下仁儉生知，睿明天縱。淵靜而百姓定，綱舉而衆目張，官得其人，事爲之制。丹楹刻桷，淫巧既除；菲食卑宮，淳風斯復。乃詔百工之事，更資千慮之愚。臣攷閱舊章，稽參衆智。功分三等，第爲精粗之箸；役辨四時，用度長短之晷。以至木議剛柔而理無不順，土評遠邇而力易以供。類例相從，條章具在。研精覃思，顧述者之非工；按牒披圖，或將來之有補。通直郎、管修蓋皇弟外第、專一提舉修蓋班直諸軍營房等、編修臣李誠謹昧死上。《營造法式》卷首，影印文淵閣四庫全書本。又見《愛日精廬藏書志》卷一九，《皕宋樓續志》卷三。（向以鮮校點）

李邁

李邁，政和間爲國子監博士。見《翟忠惠集》卷三所載除官制，及《羣書考索》後集卷二七。又李邁，字志遠，侯官（今福建福州）人，崇寧五年進士。歷考功員外郎，知蔡、虔、封、潮四州，終朝議大夫。見《淳熙三山志》卷二七。疑即一人。

乞推廣三舍法奏

政和四年十一月

伏睹三舍造士，肇自神考，成於陛下。邇者小學生樂就，長育人材之本，實始於此。臣竊謂教化之行，自內及外，則此法不獨可施於首善之地，固宜推而廣之，使州郡小學遵倣新令，分爲三舍，庶幾內外均一。《羣書考索》後集卷二七。（向以鮮校點）

李南仲

李南仲，英州真陽（今廣東英德）人。十歲舉神童，中童子科，授從事郎。大觀初知康州，以制行聞。見雍正《廣東通志》卷四四。

羅浮賦

羅浮二山，東西相聯。通句曲之洞，號朱明之天。連延大江之外，崛起滄溟之壖。乃百粵羣山之祖，與南嶽而齊肩。鐵橋鎖乎絕頂，石樓峙乎半巔。登覽遐極，眇睇芊綿。爾其週迴五百七十二里，

森列四百三十二峰。迴谿峻谷，巖嶠崢嶸。藻石璀璨，瀑水玲瓏。山出玳瑁，竹茂龍葱。羣雀五色，靈藥千叢。寂寞兮丹砂遺竈，岌岌兮瑤臺隱空。懸崖斗折，徑路難通。祥雲瑞霧，晝夕朦朧。時有岸幘羽服，野人山翁，忽去倏來，不知其蹤。謂長生而久視，亦往往寓乎其中。時有萬舶乘風，不知西東，瞻我峻極，烟光蒙茸。洞谷昏黑，開乾闥坤。怒風叫號，轟騰四門。恍然之內，隱隱若萬兵之屯。呼吸號召，鬼神湊奔。徐而萬籟息，朝霞暎，日月晃耀，氣象始溫。又或五夜蕭森，樂池奏音，彷彿仙籟，彈絲擊金。疑有雲和之瑟，空桑之琴，青谷闕邃，列仙下臨。聚會靈族，朋來盍簪，列席環坐，開廓沖襟。疏楹廣庭，寶除翠林。海桃霞漿，左右酬斟。樂真言之恬淡，憫世網之浮沉。倏然往來，不繼以淫，瞬息萬里，馭飈駸駸。變化倏忽，孰能究尋。其上則有惟金三品，梗枏杞梓。翡翠羽毛，虎豹犀兕。竹箭丹砂，絺繡絲枲。珍角櫟桶，元龜象齒。石蜜山蕉，黃精白芷。蛾眉龍骨，桂花桐子。先供賞以充庭，何九州之敢擬。真足以燦上國之文章，增皇家之盛美。矧夫當祝融之宅位，贊真主之乘離。雲行雨施，產英孕奇。其在國家，有大禱祈，驛使奔走，帝誠肅祇。投金龍與玉版，指道路以交馳。將事之夕，明靈鑑斯，乃至翔鸞舞鶴，繞殿紫芝。仙壇祭訖，宣室受釐。萬有景福，允王保之。帝子王孫，慶流本支。獻南山之壽，歌《天保》之詩。與夫他山莫壁，徒當乎四達之達；聖飾別館，止可事乎遊嬉。於功業兮何補，於造化兮何裨？豈止增高福地，薦美天基，鞏固四極，鎮安外夷。巍巍隆隆，無騫無虧。宸毫秘軸，文采葳蕤。瑞牒顯著，又奚論乎真區之遠，而名嶽之危？

《羅浮山志全編》卷一四，康熙刻本。又見《歷代賦彙》卷二〇，乾隆《博羅縣志》卷一三，光緒《惠州府志》卷二

三，《羅浮志》卷九，《廣東文徵》卷七四。（向以鮮校點）

李孝稱

李孝稱，字彥聞，濮州（治今山東濮縣）人，及之子。以蔭登朝。崇寧中提舉湖北、京西常平，提點京西南路刑獄。上蔡京之姻宋喬年功，得工部員外郎，不閱月遷大理少卿，連奏獄空，進爲卿。大觀至政和初，擢戶部、工部二侍郎，爲開封尹。脅陳瓘證其子上書告蔡京不利社稷之罪，京愈德之，進刑部尚書。避親嫌，徙工部，卒。見《宋會要輯稿》食貨四一之三十一、五三之一五，《宋史》卷三二〇《李迪傳》有附傳。

乞令諸路提舉常平司加倍收糴秋糧奏

大觀二年八月十四日

諸路州軍秋稼十分豐稔，所可慮者粒米狼戾，復致傷農。已蒙朝旨，將人戶輸納並積欠增價折納，仍以本司見在錢數於沿流州軍收糴，尚慮無拋降錢數，所糴未廣。檢會崇寧四年指揮，取今年已前五年中一年，通一路所糴最多之數，加一倍收糴。欲乞下諸路提舉常平司，今秋並依前項已得指揮，加倍收糴，糴本闕處，時許借支諸色係官並封樁錢應副，所貴便於公私。《宋會要輯稿》食貨五三之

乞先將量權衡之式頒天下奏

政和二年八月十九日

契勘度量權衡出於一體，舊條以積累爲數，修立成文。今來大晟樂尺係以帝指爲數，昨已奉聖旨頒行天下。其量權衡雖據大晟府稱皆出於度，緣至今未曾頒用。本所欲擬舊條修立，即度量權衡不出於一；欲依樂尺修立，又緣既未頒行，未敢立法。欲乞詳酌，先將量權衡之式頒之天下，仍降付本所以憑遵依，修立成條。《宋會要輯稿》食貨四一之三十一（第六冊第五五五二頁）。又見同書食貨六九之六（第七冊第六三三二頁）。

乞依用大晟新尺紐定尺寸奏

政和二年九月十三日

看詳度量權衡出於一體，內度雖已得旨，頒大晟新尺行用，緣依政和元年四月十二日敕，應于長短廣狹之數，並無增損。其諸條內尺寸，止合依上條用大晟新尺紐定，謂如帛長四十二尺、闊二尺五分为足；以新尺計，長四十二尺七寸五分、闊二尺一寸三分五厘之五為足。即是一尺四分一厘三分厘之二為一尺。只如天武等杖五尺八分，以新尺計，一尺四分一厘三分厘之二之類。如得允當，欲作申明，隨敕行下，即不銷逐條

展計外，有度量權衡，今候頒到新式，續具修定。《宋會要輯稿》食貨四一之三十一（第六冊第五五五二頁）。

（以上向以鮮校點）

李 桓

李桓，大觀間爲新秦臺理曹掾，宣和中爲邢臺邑宰。

肖蓬瀛亭記

大觀三年九月

乘鸞跨鶴，神仙之勝遊；瀛海蓬萊，神仙之絕景。世之人喜道神仙中事，然不過傳記所載聞而知之者耳。好事者慕其名，而恨不獲見，往往構葺池館，以擬其萬一，或未足髣髴所聞，況可得而肖諸？顏神山水之富，冠絕淄境。幽谷有泉，穿雲透石，潺潺焉瀉出於兩山之間，是爲東谿。由山之陰，枝派分別，不假疏導，灌溉蔬圃五六十區，是爲平流。平流之側，張君道源別業在焉。南際谷口，東接水涯，鑿池匯泉，植蓮養魚，洲渚其中，甃以巨石，構亭其上。橋梁固而鯨背高，畫舫迴而漣渚碧。極目周視，煙嵐四圍；凭檻俯觀，花木叢萃。隨所矚寓，皆足以滌塵襟而爽心目，故能使人暫到忘歸，每來終日。勝槩若斯，其數見於人間世哉，雖傳記所載，未必能過，克肖蓬瀛，信非虛

語。其始鑿池，予嘗爲賦詩；今亭既成，復丐予爲記，可無言以紀邪？夫惟處塵市而有林泉之志，厭囂俗而思物外之遊，自非性識明達，宇量夷曠，孰能與此？道源其庶乎！大觀己丑季秋五日，新秦臺理曹掾李桓記「一」。嘉靖《青州府志》卷七，天一閣藏明代地方志選刊本。又見雍正《山東通志》卷三五，咸豐《青州府志》卷二四上，民國《續修博山縣志》卷一三。

「一」「新秦」句，原缺，據民國《續修博山縣志》補。

重建三明寺記

宣和三年六月

宣和二年秋，證悟大師□兩來謁於予曰：三明寺舊有行香大殿，近以水壞，棟宇圯沒，今願再建焉。太守錢公既可其請，乃即舊址經營，將底於成，屬予以記其事。按圖經：鉅鹿縣本《禹貢》大陸之地，更漢、晉、後魏置縣不同。隋於南縣故城改置鉅鹿，開皇十年置三明寺。旋以盜賊、民庶僭居，寺遂廢。唐貞觀元年，以縣屬邢州。十四年建寺於舊地。後因水患，人不奠居，寺亦隨廢。垂拱元年，徙舊縣於東南十有一里之新城，乃今邑地。有釋智良與其徒行湛、智達、希寂、善林、大辯乞地創立，逮天寶十有二年，寺始就緒。粵有大殿，正居寺地之中，南向有塔，旁有廊廡，而以衆院環列於外，雖其瓦木之類移自舊城，而此殿之建，自此地始。國家重熙累洽，以迄今日，聖天子在御，

百度具舉，庶政維新，四海肅清，人物繁阜。天下之民無有遠近，沐浴加惠，莫不謳歌鼓舞，願祝天子萬年之壽。由是郡邑梵宇，務加修崇。於時天寧，邑之官屬與其士庶，啓建道場，仰祝聖壽，獨就此殿，遂名曰行香大殿。大觀二年秋河決舊堤，流行邑中，寺之所存，塔與羅漢閣爾。水既東下，退淤之地，高餘二丈。政和五年，既浚邑，證悟來自邢臺，以上主院舊嘗受業，刻意完葺。凡六年，殿有堂有庖有室，率其法眷居之。嘗語於衆：朝廷廣闢淨土，崇飾精藍，所以使人遷善遠罪，期有補於世也。我輩皈依法門，務廣真教，上報天子之恩德。大殿之役，尤不可緩，惟工用浩大，建立爲難。乃携錫持鉢，之磁、之洛、之北都、之慶源，隨其多寡，乞諸民間，巨細之材，不累月而足。因其近便之地，鳩工聚材，置場於邢臺沙河南和平鄉，采石於堯山。方冬盛寒，水涸路夷，牛牽人挽，車相屬者數百兩。材石既集，土工繼興，遠近翕然，樂爲就工。越今年二月丁卯建木，而落成於六月之丁未。殿崇六十有五尺，其修七十有二尺，廣八十有四尺。規模宏壯，氣象高爽。有輪奐之美而不溢於華，有敦厚之勢而不入於陋。揭其名曰「妙嚴」，蓋以至妙之理而致事佛之嚴也。塑迦藍、釋迦、彌勒佛於殿中，文殊、普賢、日光、月耀菩薩於左右，列圖天宮內院六事，因行西方淨土九品化生於東西壁，以至三千化佛、十萬菩薩、十六羅漢，各以其類，炳然見於繪色之圖。有先有後，若相界付；有因有果，不妄分別。有先御衛護之儀，有演說聽受之意。自無有法相形之於有相，究無所從來名之於如來，其理至妙，其法至嚴。觀其棟宇張大，象貌巖巖，君子廉之，必以自存，知善之不可不爲；小人過之，必以自悔，知惡之不可不去。於以尊君報上，而致華封之祝。則名殿之意，不其躋與？予

被命爲邑，始至之日，以民居未復，城廓未完；田野雖闢，疆界未盡明；桑柘雖茂，林木未可用。遽興此役，當歎其難。而證悟以戒行素服於人，四方檀越，欣然附之。其立意甚堅，其成功甚敏。遂采前世興廢之蹟，與其置殿立名之意書之。宣和三年六月十五日。同治《畿輔通志》卷一八二，民國二十三年刊本。（以上向以鮮校點）

徐閎中

徐閎中，歷陽（今安徽和縣）人。政和中歷淮南路轉運副使、京畿路轉運使，落職。宣和中起爲朝請大夫、淮西路提點刑獄，累官直秘閣、淮南東路提點刑獄。見《宋會要輯稿》職官六八之三六、職官六九之一六、選舉三三之三五、食貨一七之二九。其女入《宋史》卷四六〇《列女傳》。

乞令提刑提舉常平司同保奏戶口奏

政和三年八月九日

《九域志》：在元豐間，主客戶共一千六百餘萬。大觀初已二千九百一萬。乞詔諸路應奏戶口，歲終再令提刑、提舉常平司參考同保奏。《宋會要輯稿》食貨六九之七九（第七冊第六三六九頁）。又見同書食貨

一二之四（第六冊第五〇〇九頁）。

乞許轉運司舉辟真州江口竹木務監官窠闕奏

政和三年八月十六日

乞將真州江口抽稅竹木務正監官窠闕，許轉運司於文臣內奏舉知縣令或職官資庫人一次，候至成任比較，如委有增羨，即乞永遠充本司舉辟窠闕。其俸錢依品官外，供給驛券人從，並依元監官所得指揮施行。《宋會要輯稿》食貨一七之二九（第六冊第五〇九八頁）。又見《文獻通考》卷一一。

真源萬壽宮碑記

臣嘗聞《禮經》曰：「有天下者祭百神。」凡名山大川，能出雲爲風雨，皆謂之神，祀典記之，厥有常享。況天地鍾靈氣而爲真聖之所居，社稷蒙休，斯民仰庇，則崇祀之禮，可不度越常典而致其重哉？龍舒直州治之北，萬山環列，綿亘二百餘里，以屬於霍。巍峰疊嶂，巘峭束立，凌厲霄漢之上，是爲天柱。一峰巍然，隱於天柱之前，其泉溫厚，其地鬱茂，幽巖邃谷，窮之益深，如高人節士，蓄德純粹，韜光晦跡而優游於山林之下，此潛山所以爲潛者也。臣嘗以前史考之，西漢武帝巡南郡，登禮灋之天柱山，號曰南嶽。至宣帝修武帝故事，嶽瀆之祀，皆有常禮。而祠南嶽灋山於灋，蓋天柱爲灋之別峰，而灋爲吳楚之望，故羣峰異名，總謂之灋焉。道經云：「司命洞府在灋山。」唐陽

璿曰：「司命，天官也，總真仙之儔，載生靈修短，五嶽六曹，悉皆取則，猶地官之職天下之版圖。」唐明皇帝嘗夢與之接，於是發內庫繒帛，遣使入山，創立廟貌。求就其址，弗協於卜，禱之累旬，乃有白鹿見于高岡，即其地建焉。我朝自藝祖受命，聖君繼祚。太宗皇帝以神功霽烈囊括宇內，天心眷顧，有開必先，乃發德音，煥新祠宇，命以仙觀名之。真宗皇帝妙道配天，洪靈來格，瞻粹容於密邇，宣皇緒之綿延。於是正其徽稱，追嚴祖道，親揮奎畫，昭賁宸居。逮我神考，克遵常憲，易新冠冕，寅奉有格，真誠精稷。靈貺灑符，蓋未可以概舉也。主上躬神明之資，乘熙洽之運，儲思穆清，怡神昭曠，索琳赤水，訪道崆峒。蓋將踵羲皇之高躅，參喬松之逸駕，返淳風於邃古，闡元化於方來。且念蒙景祚者，不可以無報；奉真游者，不可以不嚴。粵政和七載，肆放明詔，以「真源萬壽」名其宮，以「慶基」名其殿，揆日庀徒，載加營飾。於是工以心兢，民以悅來，役不踰時，而琳宮一新矣。其經費皆出於官，爲錢三千萬。合新舊屋，三千六百餘間。廣殿鼎峙，修廟翼張，飛樓複閣，延袤無際。儼應門之八襲，陋璇臺之五層。真聖中居，列仙環侍，珠貝犀象，陳供交錯。祥煙凝飈馭之至，虛籟發鈞天之奏。靈山挺秀，嘉木冬榮，信乎真仙之宅也。雖然，臣竊以謂人見祠宇之壯麗，而未見嚴奉之因，未知聖神之慮。夫太上之道，微妙圓通，而繕性於俗者，去道爲愈遠。故以發明其道，以示天下，使一世而得淡漠焉；故嚴其禮，所以崇其道，所以化天下。此天王之用心也。先是，太平興國中，靈仙觀既成，翰林學士賈黃中爲之記。今尊崇之禮，視昔有加，而易以新號，未有記焉。臣于是宮，嘗被詔總其事，且以爲請丐御書，與三朝所賜共藏于閣，以鎮福地。既賜可，併勅臣

文而書之。臣愚昧寡聞，學不知道，位卑跡外，承命震恐，遜避靡遑，乃述所聞爲之記。故前叙夫嚴奉之因，而終叙夫睿王立教明道以化天下之意，俾後世考焉。謹拜手稽首而爲之頌曰：

天地奠位，品物流形。融結山河，嶽爲之尊。惟茲五嶽，作鎮中土。灋居其南，爲嶽之附。勢凌穹旻，根絕坤維。爰開洞府，有神居之。曰神維何，玉清分職。實爲我皇，祖緒所出。慶流有衍，神聖受命。億兆皈仁，方隅大定。清都敷佑，感應潛通。龍駕帝服，來臨法宮。申錫無疆，景命有僕。既答洪釐，以介景福。爰正徽號，載飾真祠。宸翰昭賁，冕服是宜。世道交興，真人嗣曆。垂衣巖廓，化行絕域。皇道炳煥，帝載緝熙。嗇神恬澹，觀妙希夷。乃眷琳宮，肇基維舊。我其新之，式崇丕構。庀徒處事，百職駿奔。虞衡飭材，般梓揮斤。役不掩時，大功克就。巖壑生輝，樓觀延袤。瑤池煥悉，化成匪遙。蓬壺方丈，崛起靈鼇。煌煌列仙，垂紳委佩。中拱上靈，肅雍環侍。累聖同道，舊物維新。百神受職，以莫不寧。真源其長，慶基其固。於萬斯年，受天之祐。維茲賁飾，匪曰彌文。崇禮明道，啓迪羣心。譬彼宵人，冥行罔適。迷其東西，示之斗極。淳風大煽，元化旁流。俗同太古，端拱優游。維天高明，維地博厚。聖德作配，同其長久。康熙《安慶府志》卷二六，康熙六十年刻本。又見民國《灋山縣志》卷三〇，《天柱山志》第三三

三頁。（以上吳洪澤校點）

全宋文卷二九四五

謝 邁

謝邁（？——一一一四），字幼槃，號竹友，臨川（今屬江西撫州）人，逸弟，工詩文，時稱「二謝」，亦爲江西詩派詩人之一。嘗爲漕司首薦，省閱報罷。終身勵行，不爲世俗所污。以琴棋詩酒自娛。政和四年卒。有文集十卷。其事迹略見《謝幼槃文集》序跋、《江西詩派宗社圖錄》、《宋史翼》卷二六。

其集名《謝幼槃文集》，又稱《竹友集》，紹興間即刊行，明謝肇淛從內府鈔出，傳本較多。今以小萬卷樓叢書本作底本，校以徐時棟校跋本（簡稱徐校本）及影印文淵閣四庫全書本（簡稱四庫本），收文二十五篇，合爲一卷。

懷故園賦

余故園之幽寂兮，拓荒榛而經始。面銅山之嵒峩兮，挹蕭晨之爽氣。擢夭矯之蒼松兮，參虬龍之遊戲。峙便娟之修竹兮，儼萬夫而環侍。築屋其閒兮，將以隱居而求志。盤旋不出兮，殆不知老之將

至。夫何漂泊異縣兮，莽流萍之無蒂！山岑岑兮植壁，泉涓涓兮鳴佩。玩山水之清佳，亦足以樂饑而忘味。雖信美非吾土兮，昔之人所以登樓而橫涕。嗟三畝之寬閑兮，豈一錐之莫置。畦西滋乎秋菊兮，墻東繁乎春薺。晚食可以當肉兮，徐行可以當騎。冬裘夏葛苟不完兮，寧紉荷而製芰。效鹿門之俱隱兮，逝優游而卒歲。辟鱸猶可以易粟兮，吾豈從墦間之祭。繫古人之不食兮，獨貿貿然而蒙袂。事有感於予心兮，聊抽毫以寫志。《謝幼槃文集》卷八。

竹夫人賦

淇園之下，渭水之濱，有物森然，其色青青，刻畫以檀欒嬋娟之狀，俎豆以碧鮮玉潤之名。有匠若睨而歎曰：「是物也，非松非桂，非梗非梓，孤潔似介，一何高士，溫潤似德，一何君子，是必良材者也。」於是伐以斯棘之斧，運以斲泥之斤，製而爲器，強名曰夫人。竹友居士得之而喜曰，夫藻扃璇室，朱宮玉闕，延羅幌之清風，掃象牀之秋月。神女詫其雲雨，姑射逞其冰雪。有談夫人之高致，誦夫人之貞節。雖欲奉弊帚以享金，無乃獻璞玉而遭刖。則吾方遊息於瀛洲方丈之上，結廬於銅陵碧澗之下。以蛾眉曼綠爲伐性，以錦衾角枕爲階禍。或偃息於風櫺，或裴回於涼榭。炎曦鑠石之晨，璧月澄空之夜。與夫人其同夢，感莊周之物化。俄而商氣聿興，涼飆四起。葉翻翻而墮地，蟲啾啾其入耳。挂蒲葵於墻壁，委纖絺於篋笥。童子造予而請曰：「今茲秋矣，歲其將換。御冬須狐白之

溫，曝背幸朝陽之暖。唯斯之無所取材，願以給厨人之爨。」居士曰：「噫，子獨不聞夫伐蓍而哭亡簪者耶？子亦不見夫采葑而遺下體者耶？物或故則不忘，材有用則不廢。豈眷顧乎姬姜，乃棄捐乎憔悴。自古亦莫不然，吾又何增乎歔歔。雖然，吾方念此，欲以憩膝而休臂。」童子出，居士乃據竹而歌曰：鵲姑南北兮雨蕭蕭，匡牀之上兮吾與汝其逍遙。《謝幼槃文集》卷八。

送邵尉序

大凡有心於得而得者，其心勞，而所得也不完；唯無心於得而得，然後其心泰然，而所得者亦多。莊周、列禦寇之徒，其言荒怪渺莽，而其要一歸于無心。故嘗謂海濱之人機心一萌，則鷗鳥不下，而索珠赤水之北者，唯象罔能得之。金谿尉邵公，弱冠登進士第，仕宦偃蹇不達，垂二十年猶尉巖邑，平居無事，種學自娛，未嘗飾一詞以求知於要人之門，其於窮達得失之際泊如也。爲尉之明年，盜嘯於境，探丸爲彈者衆，吏胥以聞，公徐應曰：「除盜，吾職也，其可以稽吾行耶？」於是衣戎服，帕首袴鞬，鞭馬而出，不淹日掩群盜梟之，四境肅清，枹鼓不鳴。部使者錄其功上之朝。未幾授宣義郎，而使者又論其餘功，其賞猶未已也。邑之有識之士相與言曰：「往時尉吾邑有心於賞者，往往交通舞文吏以陷人於死，賞未及行而惕惕然，意其卧不安席也。今公無心於賞，而刑者自不冤，雖一日九遷其官，可無憾。」公，丹陽人也，家世以儒術顯，其爲人號稱寬厚長者，而貌偉然，古所

謂燕額虎頭飛而食肉者。異時勒銘燕然，立功樓闌，鞬弓橐矢，雍容廊廟之上，其可量也哉？邑之士望公者如是，將因辭以達意，故於其行也，屬予爲序以贈其行云。《謝幼槃文集》卷八。

讀仁宗政要

仁宗皇帝在位四十二年，深仁厚澤，海涵天覆，百姓鼓舞而不知。及夫鼎成龍駕，望白雲而號者徧乎天下，父老至今能言之，往往咨嗟歎息，至有泣下者。蓋感人之深，人亦不自知其然也。孔子曰：「大哉，堯之爲君也！惟天爲大，惟堯則之。蕩蕩乎，民無能名焉。」《書》載堯之事備矣，至所謂大而民無能名者，《書》亦不能名也。余讀《仁宗政要》，求其所以感人之深，殆不見其迹，然從其所任用者觀之，庶幾可概見矣。盛哉，慶曆之中，二三大臣同在廟堂，洋洋乎忠厚之風。藉使生逢其時，雖掃舍人之門，所欣慕焉。《謝幼槃文集》卷九。

書元稹遺事

予觀司馬遷遭李陵之禍，蓋出於無辜，竊怪在廷之臣無有爭之者。而遷亦自歎恨，以爲交遊莫救，左右親近不爲一言，故作《史記》之書，大抵欲寓其憂憤之懷。爲《晏平仲列傳》，書其解左驂

以贖越石父之罪，而卒稱之曰：「假令晏子而在，雖爲之執鞭，所欣慕焉。」予讀其書至此，三復其辭而悲之。使漢廷臣有一晏平仲，豈忍坐視遷之無辜以受刑而不一引手而救之耶！及觀《韓愈傳》，見王廷湊之圍牛元翼也，朝廷命愈使而人莫不危之。是時廷湊擁強兵，恣睢跋扈，天子遣一介之臣，投餌虎狼之口，若萬一無生還理，得不謂朝廷失一賢士耶？得不貽天下後世笑耶？然當時公卿大臣無爲愈言者，獨元稹言韓愈可惜，穆宗亦稍稍悔之。嗚呼，誰謂元稹而能如是哉！世之君子少而小人常多，小人不特偷安於朝，又沮毀以害君子，與君子一有受其害從而擠之者皆是也。而稹乃能知愈之賢，不忍視其身之危，將無援以死，且重爲朝廷惜之，是亦可謂難能也已。觀稹之於愈如此，使其在漢廷，必能出一言以救司馬遷之禍。使後世復有司馬遷，亦必特書其事，且願爲之執鞭焉。彼作史者乃不載之本傳，而特見於愈事之末，是可歎也。稹與白居易同時，俱以詩名天下，然多纖艷無實之語，其不足論明矣。觀其立朝大槩，交結魏弘簡，沮抑裴度之言，以浮躁險薄於時。至于知賢救難，奮激敢言，凜凜有古直臣之風。夫以元稹而猶能如是，又況不爲元稹者乎？《謝幼槃文集》卷九。

書賈誼傳後

賈誼說文帝以諸侯強大，天下之勢如病瘡，失今不治，必爲痼疾。文帝入，絳、灌、東陽、馮敬之言，未盡施行，而誼亦不幸死矣。晁錯得幸景帝，乃請諸侯之罪過，削其支郡，於是七國連兵西

鄉，以誅錯爲名。吳王謀反已兆於高帝之言，豈爲錯發哉？袁盎一說，錯遂滅其宗族，悲夫！使誼不死，景帝之時，絳、灌舊臣無在者，誼必得志，得志必盡行其策，則晁錯之禍，誼其當之耶？誼之不幸而死，乃誼之所以爲幸也。禍福倚伏無形，其不易知如此。班固稱誼天年早終，雖不至公卿，未爲不遇也，固亦有見於斯耶。《謝幼槃文集》卷九。

書鄭當時傳後

司馬遷稱鄭當時每朝，候上閒，說未嘗不言天下長者，其推轂士及官屬丞史，誠有味其言之也。當此時，諸公翕然稱鄭莊，而後世言推賢好善者亦必曰鄭莊云。然觀武帝時，莊所進言見任用者，東郭咸陽、孔僅其人也。武帝內興宮闕，外事邊陲，言利之臣析秋毫，而天下蕭然不聊生，咸陽、僅擢於鬻鹽大冶，其言利殆與桑宏羊等，此其爲害於天下豈少哉！謂莊好言長者，而長者固若是耶？抑所言多長者，而武帝不用也？方魏其武安東朝，廷辯灌夫，汲黯與莊同是魏其，而莊獨不能堅其說，武帝詆以爲轅下駒，司馬遷亦言其趨和承意，不敢甚引當否。蓋莊天性樂善，至上不能用則亦順旨而從諛。嗚呼，誰謂鄭莊推轂士爲足尚耶？觀其所進者二人，卒爲天下蠹，然則衛將軍之於士大夫無稱焉，賢於莊遠矣。《謝幼槃文集》卷九。

過隋論

隋高祖藉椒房之親，假黃鉞之制，秉國政以輔少主，知周祚之將亡，有革命拯民之意，舜禹禪讓之心。當是之時，中外側目，權貴忌之。於是詔五王劍履上殿，以慰安其心，親造趙王之第，陰欲觀其行事而陽示不疑。手持太阿之柄，雖陰謀竊發，曾莫摧其鋒矣。高祖既有天下，明政刑、修守戰之具，欲以混一區宇，西斬吐谷渾，北破突厥，靺鞨重譯而納貢，高麗稽顙而入朝。命爪牙之將，驅熊虎之師，旌旗樓船，千里相望，大軍南渡，日陰未徙而亡陳。天下已定，銷兵偃武，有臨朝願治之心。躬覽萬機，日昃不暇，衣服器用，崇尚朴素，遣使者以問疾苦，引乘輿以避老幼。罷魚龍之戲，痛《雅》、《頌》之聲不作，則當時之士有牛弘、許善心、姚察、虞世基之屬承其詔。欲舉先王之墜典，修明五禮，則蘇威、薛道衡、王邵之徒當其任。如使高祖得行其志，則堂堂平隋，不可與周、陳同年而語矣。惜乎高祖有爲天下之志，而無爲天下之量。操持大器，恐天下之並起而軋已，譬如閭巷寡民，一旦有十金之藏，意其有擔囊而趨者，惴惴恐惕，夜不能寐，彼獨不知富家父亦自有體耶？當此時，藏緯候圖讖造兵器者有禁，客舍無公驗者坐及守令，朝廷之上，言未卒口而鈇鑕隨之。廢太子勇，立煬帝，其危亡之兆已萌而高祖不悟也，此其過在於無爲天下之量者，何也？忠厚不崇，刻薄而善疑也。古之帝王刻薄而善疑，莫如秦始皇，其疑之愈深，隄防之愈密，而患

輒隨之而生。始皇收天下之兵，聚之咸陽，銷鋒鏑鑄爲金人十二，蓋疑天下之人有持兵而反者。然不知陳涉之起，斬木爲兵，揭竿爲旗，奮臂一呼而金城不守也。秦法，群臣侍殿上，不得持尺寸之兵，諸郎中執兵陳殿下，非有詔召不得上，蓋疑左右之人有包藏禍心者。然不知荆軻之匕首乃發於燕督亢之地圖，而無目之高漸離猶能舉筑以扑也。事有曠千百年而合若符契者，秦隋是已。秦世皇刻薄而善疑，傳之二世而亡；隋高祖刻薄而善疑，傳之煬帝而亡。借使此兩君崇忠厚之德，修寬裕之政，以懷來天下，後雖有淫荒之子孫，宗廟尚可以延。漢高帝不過泗上亭長，唐高祖亦北面而稱臣耳，其能取天下而有之耶？故曰。亡秦隋者非漢與唐也，秦隋自亡也。《詩》云：「殷監不遠，在夏后之世。」是以聖人爲天下，稽之往哲，考之前事，察治亂之由，循寬猛之宜，仁風德澤，搖蕩浸灌，人心歸之如父母，措天下於磐石之安，誰得而侮之耶！《謝幼槃文集》卷八。

孝 辯

或問孝曰：頃步不忘親，終食之間不忘親，孝子哉？曰：有食於稠人之坐，饋之羊，舍而弗食，言於衆曰，羊甚美，吾有念母之心焉，請以遺之。或謂是詐而已矣，是取名而已矣，子以爲何如？曰：是孝也，食之甘者念其親，此人之情也，非孝之難也。潁考叔食而舍肉，鄭莊公母子如初，桑下餓人食而餘其半，趙盾遺之簞食與肉。潁考叔非誠欲以遺母，而桑下餓人又未必其誠孝也，莊公因而

有感，宣子不以爲疑，此人之情故也。或謂是詐而已矣，是取名而已矣，亦豈無人之情哉？斯人之說勝，吾不忍孝子之忘親也。今人知愛其子，必朝暮求其所好以悅之，豈愛親不若其子歟？噫，人皆知易其愛子之心以愛其親，天下豈有不孝子刑哉「二」！或人瞿然曰，有是哉，子之言是也。然則孝子之心，其亦可知也已。《謝幼槃文集》卷八。

「二」四庫本「不」下闕一字，徐校本同。

狄守祠堂記

撫於江西爲富州，其田多上腴，有陂池川澤之利，民飽稻魚，樂業而易治。歲比不登，道殣者衆，破貲鬻田宅者十室而七八，持妻子取庸直者十室而三四。其輕俠少年無不椎埋掘冢，白晝劫人於市，寢以不治聞。太守狄公下車之初，行其獄，桁楊者相推；案租賦，逋負山積；登進其民，皆疲瘵餓羸之餘。公喟然歎曰：「民弊如此，其可苛急治耶！」於是繫獄者薄其刑，負租賦者緩其期。其爲政寬而不弛，其出教條簡而易遵，一年而服，二年而變，三年而有成。州父老相與謀曰，完我身於囹圄鞭笞之中，佚我黎老於凋瘵之後，蓋公之德也。公歲滿且代去，盍立生祠以慰我民之思乎？皆應曰，然。它日又相與謀曰，祠易爲也，將請於公，立於州之便坐，則出入有禁，不得朝夕拜祠下，欲

便其出入且奉嚴潔，宜莫如僧舍。州之僧舍數十，其屋宇靜深莫如景德禪院，院之主僧又有才智，能辦其事。於是富者出財，技巧者出力，不日而告成。既落之，咸來請於余，願有記。夫没而有犧尊太牢，不如生而卮酒一肉也；没而廟食百世，不如生而一朝奉嘗也。公之旌麾未去，民已圖其像而祠之，可以爲公榮。然此邦之人思公亡窮，公去而羽儀於天朝，豈能忘情於此邦哉！幸公之異日持節再來，其德意之厚，政事之美，雖不敏尚能爲邦人頌之。公，江陵人，唐宰相梁公之苗裔，家以儒術吏事顯，公能世其家者也。《謝幼槃文集》卷八。

適正堂記

昔之儒者，正君臣、父子、夫婦、長幼之倫，談仁義、禮樂、教化、刑政之具，自以爲至矣。學老子者從而非之，以爲博而寡要，勞而無功，吾師之所傳不如是，要以無爲清淨爲務，亦自以爲至矣。學釋氏者又從而非之，以爲久生近乎貪，養形近乎愚，吾師之所傳不如是，以寂滅爲宗，以無生爲樂。夫三者之相非，豈有既乎！然今之世，學釋老者競非吾儒，其言汪洋浩渺，足以駭世俗，而儒者反取釋老之言以明六藝之學。嗚呼，安得孟軻、揚雄、韓愈之徒出而排之，使吾聖人之道廓如也！吾友吳迪吉作樓於其居第之西，其下闢以爲堂，圖孔子、荀卿、揚雄之像於其間，又取韓愈《原道》之書寫於其壁，而名其堂曰「適正」，蓋取揚雄《法言》所謂適堯舜文王爲正道者也。迪吉屬予爲記，

且使道其名堂之意。余謂迪吉子坐於中堂，瞻數子之容而思其學，觀《原道》之書而詳其義，則堯舜文王之道參乎其前矣。雖然，理固有待物而明者。嘗試登君之樓，以望長江之流，浩浩乎其必歸於海矣，乘舟而往，順流而不止，雖欲至海可也，航斷港絕潢者能若乎？迪吉曰：「我知之矣，泛長江而歸乎海，是適聖人之正道者也；航斷港絕潢，是適諸子百家之他道者也。我知之矣，子其爲我書之。」余曰：「唯唯」。《謝幼槃文集》卷八。

溪堂先生畫像贊

并引

有好事者畫溪堂先生，深衣幅巾，蔭喬木，坐磐石，目飛鴻，脫屣石上，濯足於懸瀑之下。或者見而疑之，竹友居士從而贊之曰：

以君爲在山林耶，炯然之容如珠玉，儼然之衣有表襮。以君爲在市朝耶，泠然之泉如濯足，翩然之鴻與寓目。蓋用之而行則服鑾輅，被羈絡，而爲奉輿之駟；舍之而藏則脫斤鋸，老谿壑，而爲蔽牛之木。疑君者滔滔皆是，而知君者唯我獨也。《謝幼槃文集》卷九。

雙柏頌 并引

子謝子有讀書之館，有雙柏峙于庭下，枝葉苑然。予顧而譽之，且曰世之君子遭時斥逐，守道不變，蓋有似乎茲柏。昔屈原作《橘頌》以自況，橘固美材，然冬夏青青，唯松柏獨，則橘斯爲下矣，頌雙柏以寄吾意云。

后皇植物柏嘉樹兮，亭亭雙峙季孟序兮。繁枝脩幹芘庭廡兮，寧固根本傲寒暑兮。四時更運不改度兮，葱蒨茂蔚紛其可譽兮。蒲柳弱質秋殞女兮，挺立不衰獨何懼兮。維聖有作誕胥宇兮，翳爾異材中梁柱兮。不震不傾亘千古兮，明告庶士莫予侮兮。《謝幼槃文集》卷九。

竹友軒銘 并序

謝子闢軒於書館，鋤荒剔穢，植竹數十本，游居寢卧其下。竹貫四時而不改柯易葉，君子似之，故命其名曰竹友，而爲之銘。

層冰峨峨，萬木被雪，我觀茲竹，勁氣貞節。桃李其華，煜煜中林，我觀茲竹，淨綠寒陰。惟竹有材，可管可籟。斤斧勿侵，以保天年。我挂我冠，與竹燕休。養成嘉實，鳴鳳來游。《謝幼槃文集》

何之忱抱甕園銘

彼愚而夸，飛宇綺疏。雕鏤朱丹，遺巧則亡。此哲而窮，蓬戶桑樞。是豈固然，今古一途。我觀何子，孝友愉愉。不爲於陵，離母以居。總角寄巢，迄於霜鬚。其勤其艱，以有屋廬。環堵蕭然，風雨僅除。爰開小園，荆棘自鋤。前有瓜田，後有芋區。早韭晚菘，可鬻可殖。斑衣兒啼，將奉板輿。萊婦華顛〔二〕，以翼以扶。殺雞無贏，客至飯蔬。畦丁晨告，雨物不濡。跼蹐行汲，色頓力劬。胸中純白，豈曰朱愚。海客有心，鷗鳥凌虛。機舂原簸，智則有餘。是皆機械，有道所誅。君寧搢搢用力，抑將謂桔槔之不如乎！《謝幼槃文集》卷九。

〔二〕萊：四庫本、徐校本作「菜」。

陳無惑晏室銘〔二〕

子陳子晏坐靜室，牀敷居中，文史在前，蠻觸干戈日鑒於外，而吾心澄寂若止水之淵。朝於是，

夕於是，出於物構而須臾之間復此乎盤旋。其視鼻端，寂然如閉息之龜；其遺形骸，枵然如委蛻之蟬。能如是坐者，雖維摩詰見之其敢曰不然。若夫身居一室而心遊四海，是猶圈虎豹而檻猿狙也，其誰以爲晏耶！《謝幼槃文集》卷九。

〔二〕晏：四庫本作「宴」。下同。

棋局銘

世傳神仙，弈棋山阿，樵者觀旁，斧爛其柯。謂堯教子，此理則那，不有博奕，猶賢乎己。爲之不止，牧猪奴戲，不以自警，曷告子弟！《謝幼槃文集》卷九。

尺 銘

童子適市，老僧不欺，較短量長，惟爾其無私。《謝幼槃文集》卷九。

董彥孚墓誌銘

君字彥孚，諱革，姓董氏，家撫之金谿。贈承事，諱某，隱居田里，孜孜樂善不倦，於君爲曾祖王父。隱君生承議郎通守虔州，諱某，清修刻苦，居官守正不撓，工詩博學，至老未嘗一日廢書。虔州生信州玉山主簿，諱某；越州司戶參軍，諱某。同年登進士第，以經術文章擅場，一時稱江西兩董。越州早亡，玉山性剛狷，不肯俯首事大吏，以是宦不達。玉山生君三歲，姆抱觀壁間書。一日弄筆寫十餘字，乃壁間所嘗見者，玉山驚異之。四五歲誦書如建瓴水，賦五字詩有文采可觀。稍長，下筆奮迅如風霆聲，觀者辟易。虔州拊其背曰：「異時以文學大吾後，必此兒也。」後數從進士試，其爲文汗漫，喜出怪奇語，卒不合有司繩尺。益放情爲歌詩，其悲歡譏罵，一於歌詩見之。年四十一以卒，時政和二年六月甲子也，以其年十一月甲子，葬於奧源山之側。王母壽昌君曾氏，春秋高，君左右事之常得其歡欣，於是壽昌君哭之不成聲曰：「天乎！吾老而見嫡孫之亡也。」室王氏。二男：回、騫，皆童稚。四女，長許嫁，幼在襁褓。二季需曇才士也，集君歌詩五百篇藏於家，撫其孤且教之，君其必有後乎？余娶君之姑，知君最詳。爲銘曰：

挾才以爲鏃，援經以爲弧。惜榮名之不立，撫輶服而號呼。季也懷之，羽翼其雛。尚克奮飛，釋憤幽墟。《謝幼槃文集》卷一〇。

吳伯俞墓誌銘

余昔讀書龍泉之陽，見其地肥衍，有稻粱魚果蔬之饒，意其必有素封之民居於其間。面山而帶溪，氣象清曠，又意其必有俊秀之士出焉。既而識吳君伯俞，君語余曰：「吳氏自高安徙臨川，卜築於龍泉溪上，不知其幾年矣。吾祖吾父皆力穡，爲善不倦，逮吾治生而貲益奇贏，吾是以構屋買書，延四方之才士，使吾兒從之游。」已而見其子果皆好學而文也。君以政和四年二月癸卯卒，壽六十有八，以其年十月辛酉葬于穎秀鄉之仙游原。其子克明錄其實，衰經走百里，乞銘於余，辭之不可，遂序而銘之。君諱仕舜，伯俞其字也。曾祖諱道玠，祖諱文侃，考諱仁遂。君喜觀書，尤長於陰陽五行之說，善飲酒縱謔，客至無不罄歡。歲饑，低穀價以惠貧民，疾病不能謁醫者爲發藥治之，賴而活者頗衆。有負子錢數百萬者，焚其券弗問，有娶其兄之子貧不能自給者，分田以養之，其恤於鄉里、厚於宗黨類如此。三男子，曰克開、曰克明、曰克從。孟前君七年卒，仲初授衡州耒陽尉，季嘗貢于辟雍。先室饒氏，繼室周氏。一女子，嫁進士饒擴，早卒。孫男四人，曰邵、曰邠、曰郁、曰郊。孫女三人，孟既嫁而卒，餘未笄。銘曰：

富好行其德，知其志之無驕也；德必饗其樂，知其家之有後也。嗚呼，百歲之後，近其墓者

勿樵也。《謝幼槃文集》卷一〇。

朱夫人墓誌銘

夫人朱氏，撫州金谿人，贈宣德郎、諱彥國之孫，處士諱獻可之女，同邑人陳筴君謨之妻。爲職方員外郎、出守濠州、諱獻明者，夫人之叔父也。夫人以大觀四年七月戊申卒，享年三十有七，以政和元年十二月丙午葬于歸政鄉交龍原。男三人，曰德厚、曰處厚、曰躬厚。女四人，長嫁進士周均，餘皆幼。夫人喪父母蚤，王母崇德君憐之，不許嫁凡兒。濠州承崇德之命，擇所宜適以歸君謨。夫人爲兒時，柔順稱於宗族，及爲婦爲妻，益以孝敬聞，其姑曰：「吾爲陳氏繼室，嫠時尚少，左右就養，俾吾安其室，不惟予子之孝，亦予婦之力也。」君謨曰：「吾治家有法，爲士無過行，吾妻每有助焉。」夫人之卒也，其姑哭之哀甚，君謨日拊棺哭不絕聲，出與賓客語，泫然不知涕之交頤也。或謂君謨賦悼亡之詩，足以寫其悲懷；不然，出遺服櫛佩圖佛以授浮屠，亦足以塞悲。二者君謨皆不暇爲，乃日夜悲傷憂懣，至於病猶未已。雖伉儷之重，君謨所難忘，亦夫人之賢實使之。君謨病且愈，叩余門泣涕言曰：「吾妻葬得日，願有銘。」余既夙聞夫人有賢行，於是撰次其事，又嘉君謨能篤於夫婦之恩也，乃序其情作哀詞以弔之，使鑱諸石內之壙中以當銘，其詞曰：

朝之容蹙蹙兮，于豆于觴；夕之容翼翼兮，我襪我裳。一日棄余而往兮，莽不知其何鄉。姑當饋而霑涕兮，兒啾啾而在傍。我夢平生兮，婉若覲其清揚；既覺而非兮，徒有汨其浪浪。身如

朝露兮，何者爲強？餘生纔幾兮，憂又克傷。凋蘭瘞玉兮，何日而忘？《謝幼槃文集》卷一〇。

〔二〕「不」原作「之」，據四庫本改。

朱夫人墓誌銘

金谿陳大聲將葬其妣，以其父命來謁銘，且曰：「大聲從君伯氏溪堂先生游，又辱知於君，溪堂工文詞，銘貞士烈女節行不誣，吾母葬得日而先生適謝世，微君誰宜銘者？不得銘，其何以掩諸幽？」余不得辭，乃諏其家世行實序而銘之。夫人朱氏，撫州金谿人。朱氏大家，有宦於朝爲顯人，而仕於州縣者相望也。夫人祖諱宿，考諱宗良，皆隱德不仕。夫人年十八，歸爲陳師堯聖徒之配。於是姑老矣，夫人於倫次爲冢婦，事姑孝謹，至于疾痛疴養無不察，而家事無大細皆親之。其從夫以敬，其訓子以嚴，其友娣婦以和，其御童僕以恩，其言其動無纖毫不本於誠者，故陳宗無疏戚，莫不敬愛之。姑捐館舍，既終喪，夫人以家事委諸婦，而聖徒亦放曠樂酒，不躬事生業。歲時諸女來覲，孫子侍側，希鞬鞠脰，舉觴交獻。逮其暇豫，含飴弄孫，蓋將以佚樂壽考終焉。而夫人不幸止此，其可哀也夫！卒以政和二年二月甲子，享年五十二，以其年十月己酉葬于歸政鄉之柳原。男三人，大聲、大球、大信。女三人，嫁彭通一、黃馭、許獻可。子與婿皆從進士舉。孫男女九人，皆幼。銘

曰：

婦德幽幽，孰傳其譽？子行表表，乃知其母。壽不稱德，子孫其昌。宰木百圍，無或壞傷。

《謝幼槃文集》卷一〇。

祭無逸兄文

嗚呼，群從兄弟，孰如兄賢？豈特群從，此邦則然。猗與幾希，豈惟此邦。世之偉人，其心則降。兄與信民，猶璧一雙。庚寅之秋，汪子云亡。自楚訃聞，衆爲盡傷。豈知此來，兄又奄窆。僅閱三稔，乃瘞連璧。凡今知聞，孰不霑臆？某也晚生，少兄七歲。讀書相從，兄冠我釋。凡視我爲，不曰兒戲。教之誨之，以俟其成。及我既冠，待以友朋。歡然之恩，不唯弟兄。我壯益窮，祿欠升斗〔二〕。客于下邑，計以餬口。兄書日來，問我安否。去年從兄，走於京師。風雪脩途，閒以凍饑。逮其旋返，病不能支。我侍兄行，逆旅謁醫。操藥饋漿，鮮克以時。從者息肩，哭聲在幃。嗚呼，我不忍思，尚忍言之？兄之詩文，爲世所珍。廣微之書，以遺後人。欲銘其藏，必得名世。我未往求，書石以識。載我以尊，酌以祖行。肺肝塌然，有淚如澠。《謝幼槃文集》卷一〇。

〔二〕欠：四庫本作「無」。

祭董彥孚文

嗚呼，彥孚學足以入官議事，而無祿以代其耕，智足以發姦摘伏，而無地以施其巧。顧世之暗聾，或施施而得志，而君之智術，乃皇皇於一飽。衆雖欲殺而莫憐，子亦從嗔而須齧。頃駕言而寓居，嗟識面之不早。我每倡而君和，子或可而予否。初疑鑿枘之難合，卒若酸鹹之適口。共娛嬉於文字，亦殷勤於杯酒。方子之疾，我獨執其手；方子之斂，我獨撫其柩。始也哭子以詩，自謂足以寫哀；既而銘子之藏，人或意其不朽。適涓辰而啓殯，復撫事而垂洟。夜漫漫而莫旦，魂杳杳而何之！酌一觴而告決，庶髣髴其來思。《謝幼槃文集》卷一〇。

潘邠老哀詞

予離群而處獨兮，望古人而求友；君被褐而懷才兮，卧柯邱之林藪。賦幽懷於秋夜兮，雖愛君而不見；託筆墨以寫心兮，蓋定交其已久。歲乙酉之將盡兮，始識君于大梁。面蒼蒼而髮星星兮，何茲時之不偶！君曰無傷兮，繫吾道則然。相從于漏屋之下兮，日賦詩而飲酒。越仲春之未望兮，我乘舟而東去。君踟躕而不忍別兮，步河隄而携手。今會合之難常兮，嗟形影之乖離。既黯然而分道兮，嘗

睠焉而回首。謂別君其幾何時兮，曾書問之不通。驚凶訃之奄至今，爲投箸而噎嘔。予固知自古皆有死兮，誰能免夫牖下。夫何奔走於道路兮，竟死于奴隸之手。矧比年之凋喪兮，巍然皆國之楨。雖學而未仕兮，天又敝而莫之壽。意君死而無憾兮，從諸公於九泉；奈生者之惻愴兮，謂天意之莫究。維君之文兮，予謂不朽；于今之世兮，祇以覆瓿。不顯於今兮，固傳于後。嗚呼，君身槁壤兮，君名星斗。《謝幼槃文集》卷一〇。（以上黃錦君校點）